

лиши, такоже и сотворю, по истинѣ не отступлю тебе три си дни. Иакоже увѣди блаженная, такоже хочеть къ Господу отъйти, призва отца своего и рече ему: елѣма Богъ о мнѣ еже устроилъ есть, такоже ты изволи, и сконча ми желаніе о души, хощу, да к'тому бес печали будещи отъ нынѣшняго дни дщере твоеа Ефросини: азъ бо есмь убогая чадо твое, и се видѣ ни извѣсти си в' жизни моей о мнѣ; но никтоже да не увѣсть, ни даждь иному расп'ятати тѣла моего, но ты самъ сп'ятай. І елѣма же обѣщах'ся игумену, тако имамъ имѣніе много, да аще оуставлю zde и жити начну с' вами, то принесу в'се то сѣмо в' монастырь; вѣси бо, отче, тако добродетельнѣ ся строятъ и о Бозѣ

647. а. таже zde в' семъ монастыри. Моли же ся за мя убогую Господа ради. И се рек'ши, предасть Господеви душу. Иако се слыша Пафнотій, отъ великіа ужаста весь разслабѣ и паде на земли. Притекъ же Агапитъ, и водою обліа ему лице, встави и, рекій: что ті есть, брате? Он же рече: небрези мене с'де умерети, тако дивно чудо днесь видѣхъ. Воставъ убо и припадъ ко святымъ мощемъ ся, и слезами а мочаше, въпіаше: о горе мнѣ, чадо мое сладкое! почто ми прежде года не повѣда сего, да быхъ и азъ с тобою умерлъ и потрудил'ся? О велие чудо! како гон'зе чадо мое вражіа пронырьства! како мину начатки властей, о чадо, и вниде в' вѣчную жизнь! И се слышавъ Агапитъ и въ ужаста бывъ, плакашеся, текъ ко игумену, повѣда ему чудо то. И пришедъ игумень с пот'щаніемъ многымъ и припадъ на святое лице, и той въспи, глаголя: невѣсто Христова Господа нашего и дщци святыхъ! не забуди дружины своеа, ни пречистыа сеа ограды; но молися за ны къ Богу, да ны дасть разумъ дойти добрѣ и честнѣ сходящимъ дойти в' жизненное пристанище и с тобою пріати вѣчныхъ благынъ! Повелѣ же

647. б. игумень ударити в' било, да съберутъ братіа и со мною честію да предложать честныя мощі еа. І тако придоша и увѣдѣша о томъ все, богазнію содер'жимы славляху сотвор'шаго предивнаа. Единъ же отъ братіа единѣмъ окомъ слѣпъ быаше; и влѣзъ припаде на лице ей святое, целова тѣй, и ту

абіе прозрѣ. Видѣша же вси, славляху Бога, творящаго преславная чюдеса и дающаго образъ спасенію, хотя имъ вѣмъ сердцемъ припадати ко щедротамъ его; и вси поспѣшеніе о души пріимше, положиша ю во единомъ гробѣ отецъ тѣхъ. Отецъ же ся все имѣніе и богатство церквамъ, монастыремъ, маломощемъ и шюждекор'мницамъ раздававъ, и челядь всю свободивъ, в'дася самъ в' тѣй монастырь, обѣщав'ся пребывать в'ся дни живота своего; и наивящес имѣніа своего в' той монастырь в'давъ, в'лѣзе в' хизину дщере своа, и ту молчаше и без молвы пребываше, и на той же розинѣ лежаше, на нейже блажен'ная дщц его, вельми ся утѣшая. Поживъ же лѣтъ 10 в' томъ монастыри, къ Богу преступи, и погребенъ бысть близъ дщере своеа, на славу Отцу и Сыну и Святому Духу, и нынѣ и 647. в. присно и въ вѣки вѣкомъ. Аминь.

В' ТОЙ ЖЕ ДЕНЬ память преподобнаго и Богоноснаго отца нашего Сергіа.

Стихъ: Аще и преставися отъ насъ, пастьрю добрый, но Богови живъ предстоиши. Въ 25 Сергіе отъ житіа отходитъ.

Сей преподобный и Богоносный отецъ нашъ святей Сергіе рожденеіе имѣя и въспитаніе отчества граду Ростову, отца благочестива, Кюрила именемъ; мати же бѣ Маріа, иже благословеніа плодъ зачен'ши, родиста сего священ'наго отрока. Глаголетъ же ся, тако преже рожденеіа сятаго отрока в'зыде мати его помолитися въ церковь въ в'ремя божественныхъ лтургіа, абіе отрокъ прогласи въ чревѣ матерни трижды; и отъ сего разумно бысть в'сѣмъ, тако велий свѣтил'никъ хочеть явитися и Троици служитель; еже и бысть. Таже присіг'вши в' времени роженію, и родиста сынъ, и нарекоста имя ему Вар'фоломей. Отнелѣ же родися, в' среду и в' пятокъ отъ сосѣдо не с'саше, ни отъ млека идяше. Спѣаше же отроча единорожден'ныхъ, глаголю же съверс'тникъ воздрастомъ и мудростію прев'сходя; по сихъ же в'даша его на ученіе грамотѣ, иже божественнымъ ||откровеніемъ 647. г. стар'ца нѣкогого или наче ангела Божіа по-

слан'на въ образѣ стар'ца, и тако даровав'ша ему безъ труда разумѣти писанія. Родителя же его видяще сіа бываемая, зѣло радовалася; таже преселившеся отъ преди речен'наго града Ростова в' мѣсто нарицаемое Радонѣжъ, не іако мѣсто слав'но или парочито, но іако да на томъ мѣстѣ Богу изволившы прославити угод'ника своего. Пожив'ши же, рече, родители его на томъ мѣстѣ, и тако отъ житія отходятъ. Отрокъ же по преставленіихъ своихъ родителей в'ся имѣнія разда нищимъ, ничтоже себѣ остави на нужную потребу: уповаше бо на Господа, дающаго пищу алчущимъ; таже власи главы своса отлагаетъ и долу влекущая мудрования, и наречено бысть имя его иноческое Сергіе. Пріятъ же начало житія своего первіе смиренія путь изрядный, к симъ же бдѣніе, суходоженіе, молитвы слезами напаяемыи; многаа же и неизречен'ная пріятъ отъ бѣсовъ досаженія, ихже невѣзможно глаголати подробну. Симъ же тако бывающимъ, паче славѣ о немъ происходящи по-

648. а. в'сюду, стѣхася || отъ окрестныхъ странъ и градъ пол'зы ради, и мнози же моляху его, еже съжителствовати с нимъ. Он же негѣнно пріемля приходящая к нему, и созда же и монастырь себѣ зѣло честенъ, еже есть и донынѣ благодатію Христовою; и събра инокъ множества, и общежитіе изрядно состави, поучевая выну ученики своя, глаголя: блюдите, чада, иже великая оставльше стяжанія же и славу, да не како паки малыми запятѣ бывше и супостату подручници будемъ. И тако утверждааше христомени-тос стадо; и тако вси послушаху, с вѣрою въз'могающе и ревнующе тому, кыйждо противу силѣ своей, не іако предстателя имѣюще, но паче іако ангела Божія в'зирающе его и въ всемъ повинующеся; и мнози отъ ученикъ его іако свѣтила просіаша, подобни бывше настав'нику своему. Къ симъ же и даромъ пророчества отъ Вседер'жителя Господа почтенъ бывъ, іако прорицати многа време и мѣста растоящася, предвѣзвѣщающи великодер'жавному, скѣптры Рускіа земля съдер'жащю, великому князю Димитрію на поганя вав'вары по-

648. б. бѣду, || еже и бысть отъ коней до конца

вселен'ныя достохвал'ному в' похвалу и сѣмени его до вѣка; і еже Михаила архимандрита на архіерейство неполученіе, і ина многа святаго прорицанія. Толика же дарованія неисчетен'на чудеса его, іако и мертвыя възск'решати. Нѣкій бо человекъ, смуже единочадо сынъ болѣзнію одер'жимъ, и вѣрою и надеждою влекомъ, понесе и къ святому, иже на пути изнемог'ши скончася; и сего блаженный молитвою възскреси. Иногда же оскудѣнію пищи бысть в' монастыри; святыи же помолися, и тако всѣхъ благихъ изобильствовася. Приношаху же к нему иже отъ духовъ нечистыхъ одер'жимыхъ, і абіе не убо еще дошедше святаго, нечистиі духи изгоними отбѣгаху; прокаженіи очищени быша; слѣпымъ прозрѣніе даровася молитвами святаго, и хромымъ теченіе; и просто рещи: всякъ, иже вѣрою приходя, различными недугы содер'жими, не ток'мо здравіе, но и пол'зу пріемше, отхождаху в' дома своя. Бяше же святыи всякими добродѣтелями украшенъ, и слово его духовное солю растворено, и всѣмъ любимъ || бяше и 648. в. великъ познавашеся. Бяше же, не сущи водѣ близъ обители его и братству умножшюся, святыи же помолив'ся воду произведе, иже есть и донынѣ на в'сяку потребу чрыпелема изобилительствующи, и отъ неся многа исцѣленія бывають піющимъ и мажущим'ся. Сподоби же ся и благословеннаго видѣнія Богоматере, пречистыя Владычица напсая, со двема апостолами Петромъ же і Иоанномъ, обѣщаніе дающа еже неотступна быти святаго обители, паче же и по его къ Господу отхожденіи братію посѣщати. И ссзави Богомати угодику своему множество братства в' нощ'номъ видѣніи зрѣти, ученикъ своихъ п'тицами красными неизреченныхъ красотъ отъ добродѣтел'на ихъ житія. Но и се есть див'но, іако всегда, егда служаше святыи Божественую литиргію, и ангелъ Господень служаше с нимъ; такоже и свѣдѣтельствоваше извѣстно видѣвый, иже в' добродѣтеляхъ совер'шенный Исаіе, ученикъ его. Другому же ученику его, Симону еклісарху, такоже и тому сподобив'шюся видѣти служаща святаго, и божественному огню ходящу по жер'товнику и осѣня ющи 648. г.

олтарь и святаго окружив'шу отъ главы и до земля, мнѣти его въ огни стоаща; и тако свится божественный огонь, ꙗко пѣкая плащаница, и вниде въ святыи потири, и тѣмъ чюдный отецъ причастися. Живъ же святыи лѣта довол'на в' добромъ воздер'жаніи и трудѣ, и многы монастыри составивъ, и ученикомъ своимъ пасты в'ручивъ, и наказавъ богоугоднѣ жити, и въ глубоцѣ старости сый, увѣдѣвъ своего отхожденіа къ Господу, и прежде шестихъ мѣсяцъ престав'леніа своего призываетъ братію и вручасть старѣйшинство своему присному ученику сущю, в' добродѣтели совер'шену и въ зѣл'номъ послушаніи отъ святаго възлюблен'ному, Никону именемъ; сему повелѣ пасты стадо христойменитое в'нимател'нѣ же и правѣ, ꙗко слово въздати хотяще. Оттолѣ безмольствовати начатъ; и мѣсяца Сеп'теврія в' недугъ телесный в'паде; и разумѣ конечное свое ко Господу отхожденіе, и призвавъ братію, поучивъ ихъ о пол'зѣ, глаголя: в'нимайте, братіе, имѣти чистоту душевную и телесную, любовь нелицемѣр-
 649. а. ную, отъ злыхъ же и ск'верныхъ | похотей отлучатися, пицію же и питіе имѣти немятеж'но, наипаче смиреніемъ украшатися, сопротивословіа удалитися, и ничтоже в'мѣняти житіа сего честь же и славу, но в'мѣсто сихъ еже отъ Бога богатую мзду ожидать и вѣчныхъ благъ наслажденіа. Сіа же іна многа изрекъ ꙗже о пол'зѣ, и в'самый часть исхода своего животворящихъ таинъ причастися, и братію благословивъ, святую свою и священную душу Господеву предастъ. Положено же бысть пречестное его и трудолюбное тѣло на одрѣ честно, лики инокъ обстоимо, псалмы и пѣснми надгробными того проводив'ше. Блaше же лице его свѣтло, не ꙗко обычай есть мертвымъ, но ꙗко спящю, показуя душевную свою чистоту і еже отъ Бога мздовъздааніе трудомъ его. Положени же быша мощи его въ обители, в'ней же подвизася, многа исцеленіа дарующи приходящимъ с' вѣрою. Минув'ши же тридцатемъ лѣтомъ, егда Богъ восхотѣ прославити угодника своего и болшую обитель въздвигнути во славу свою, явився блажен'ный пѣ-
 649. б. коему мужю благоговѣйшу, ꙗже многу лю-

бовъ ко святому стяжав'шу, да възвѣститъ настоятелю, глаголя: почто толико лѣтъ остависте мя подъ землею и отъ воды утѣс-
 649. в. няему? И тако стекошася дер'жавнии князи и священнии собори, иноци же и простіи; и раскопав'ше землю и открыв'ше гробъ, бесчисленныхъ араматы благоуханіа испольнишася, и видѣвши чюдное зрѣніе, прославиша Бога, ꙗко не токмо честное его тѣло цѣло и нетлѣн'но съблюдеся, но и одежда его, в'нейже погребенъ бысть, цела бѣше вся и непричастна тлѣн'ю, и вода отъ обою страну гроба стоаще, ни ризамъ святаго никакоже прикоснуса. И сотвор'ше раку честну, и ту положиша его, идеже суть и донинѣ честныя его и многоцѣлебныя мощи лежать всѣми видими, исцеленіе неоскудно подавають вѣрою приходящимъ. Совер'шаетъ же сѣ соборъ его в' велицѣй обители его мѣсяца Сеп'теврія въ двадесять пятый.

В' ТОЙ ЖЕ ДЕНЬ житіе и жизнь преподобнаго отца нашего и Богоноснаго Сергіа, в' немъ же имать и отъ божественныхъ чюдесъ его.

Приидѣте честное и святое постникъ сословіе; приидѣте отци и братіа; 649. в. приидѣте празднолюбци; приидете овчата духовная; прииди стадо Христойменитое, всяка бремена мирьскихъ вещей отверг'гыше и чисти непорочному да явимся: се бо с'выше наше званіе прииде; се духовная трапеза пред'лжитъ; се хлѣби неистощаемыя пища и масло милованіа; се целомудренная п'шеница и вино, душу и тѣло вселяюще; се труба, человекѣ обнов'ляющи и бѣсомъ неисцел'пу изву дающая; божественный огонь, иже терніе грѣховное поपालающе; се убо Рускыа земля, паче же вселенныя похвала. Тѣмъ же приидѣте, ꙗко да насладимъ добраго нынѣшняго тор'жества, преподобнии ꙗко подражателю, ученици ꙗко учителю достойную честь въздающе; чада ꙗко отцю составльше праздникъ и тор'жество свѣтло в' нарочитѣмъ праздники добраго пастыря и учителя: зѣло бѣ честнѣйше злата и каменіа многоцѣн'наго, все же честное земныхъ вещей недостойно есть сему празднеству. Р'ци убо явленнѣйше, ꙗко да

навыкнемъ испѣйши: что званіе? кто тра-
 649. г. пезу предложивый? Аще хочещи, || рече,
 слыши разумно и увѣси истин'ну: не бо отъ
 человѣкъ званіе наше, но самая святаа и
 животворящая Троица ликовати насъ воз-
 движе, и ангелы с нами праздновати ус-
 трои, и всѣмъ обще веселіе содѣя в' па-
 мять своего угодника, иже миръ своимъ жи-
 тіемъ просвѣтившаго и бѣси отъ Христова
 стада отгнавшаго, иже равноангельнымъ
 житіемъ своимъ землю же и самый воздухъ
 радости исполнившаго и Духомъ Святымъ
 ввѣренное ему иноческое стадо на пажити
 животныа наставившаго. На подлежащее
 же да възвратимся, іако да навыкнемъ из-
 вѣстно: откуда сій таковой свѣтил'никъ
 възсія, егда отъ Іерусалима или отъ Си-
 ная? ни, рече; но Руская великая земля, иже
 прежде многа лѣта живши безъ просвѣще-
 ніа, послѣди же и святаго просвѣщеніа спо-
 добльшися, іако тѣмъ превъзйти иже испер'ва
 сподобльшихся просвѣщеніа, глаголю же,
 очистившися отъ идольскаго поклоненіа,
 в'мѣсто же сихъ процвѣтъши православ'-
 ную вѣру и монастыря честныа, в нихъ же
 мнози свѣтильници възсіяша, іакоже бо
 рещи вселен'ную просвѣщающа, в нихъ же
 650. а. бысть || и сей святой великій Сергіе, о
 немъ же намъ слово предлежитъ.

Бысть бо нѣкто мужъ отечества граду
 Ростову, Күрилъ именемъ, благовѣренъ
 сый, боася Бога и всякими добродѣтел'ми
 украшенъ сый, тако и съ супружницею
 своею, Марією именемъ, поучающеса в'
 заповѣдехъ Господнихъ день и ноць, и
 единъ ко единому душу преклонши, моля-
 хуся. Родиста же себѣ пер'венца и наре-
 коша имя ему Стефанъ, в'торого же Вар'-
 ооломея, о немъ же нынѣ повѣсть прихо-
 дитъ. Но убо что речемъ к нимъ? О чест-
 ная корене святая отрасль! о прехвал'ная
 вер'сто! о добрая супруго! о блажен'ное со-
 четаніе и святое порожденіе! Блаженіе есте
 во истин'ну и преблажени, сподобльшесе
 такому отроку родителіе быти. Бысть же
 убо таково чудо прежде рожденіа его: слу-
 чи || же ся іако Іоаннѣ Предтечи, познавша
 Владыку и въ чревѣ матерни възыграв'-
 шася, іакоже и zde случися. Пришедши

бо, рече, матери его по обычаю своему въ
 церковь на литургію, и въ время трисвя-
 таго гласъ младенца изъ чрева матерня
 всѣмъ слышащеса. Іакоже егда начаша
 пѣти херувимскую пѣснь і егда възгла- 650. б.
 шаху: святаа святымъ, паки тѣмъ же обра-
 зомъ гласъ слышащеса. Мати же его стра-
 хомъ и трепетомъ обята бывши, и в себѣ
 помышляше: что будетъ се? и вси слыша-
 щии дивляхуся зѣло. Дивлю же ся умомъ
 в'нимая чудеси и азъ: еще бо младенцю во
 утробѣ прогласити странно есть чудо; но
 слава единому иже сіа творящему Богу!
 По сихъ же, егда испол'нишася дніе рожде-
 нію, родиста сынъ и нарекоша имя ему
 Вар'фоломѣй. Родителіе же честнаго одного
 отрока възвѣстиша священнику о прогла-
 щеніи святаго отрока; священ'никъ же раз'-
 сужденіе имѣя отъ божественнаго открове-
 ніа, рече родителема его: о семъ убо ра-
 достію радуйтеса и веселисмъ веселитеса,
 понеже чадо ваше сосудъ избранъ Богу
 хочеть быти и Троици служитель; еже и
 бысть. Родителіе же сіа умомъ внимающе,
 зѣло радовахуся.

Паки же о младенци чудодѣйствоваше-
 ся: отнелѣже родися убо, в' среду и в' пя-
 токъ отъ сес'цу не с'саше, ни отъ млека
 паше, іакоже и прочіи младенци. Егда бо,
 речемъ, книгамъ учися или отъ нѣкогого 650. в.
 учителя навыкну тако младенець отъ сосцо
 питася чудно въздержася, но убо Духъ
 Святой дѣйствоваше, показуя на послѣдокъ
 хотящаго свѣтил'ника възсіати и будущаго
 въздержаніа образъ; еже и бысть.

Внегда же достиже седьмаго лѣта възра-
 стомъ, в'даша его родителіе на ученіе гра-
 мотѣ Стефану убо брату святаго спѣш-
 пѣйше нѣкако изучившуся, сему же косо
 и нескоро учашуся, учитель же со многимъ
 прилежаніемъ уча и ничтоже спѣаше; се
 же бѣ по строенію Божію, іако да отъ Бо-
 га книжный разумъ дасться ему, а не отъ
 человѣкъ. Въ единъ же убо отъ дній изыде
 освященный отрокъ Варфоломѣй проходи-
 тся, іакоже бѣ ему обычай, и в' малѣ мла-
 денства възраста любя безмолвіе; и тако
 проходящу ему нѣкіа дубравы, и обрѣте, по
 Божію строенію, старца видѣніемъ в' ду-

бравѣ стояща и молитву творяща. Отрокъ же приближивъся, ста близъ его, ожидая конецъ молитвъ; и сотвори поклоненіе старцю. Он же благословивъ его, рече: что требуеши, чадо? Отвѣщавъ же отрокъ, рече:

650. г. ꙗко || в'данъ быхъ, господи, родительскими моими на ученіе грамотѣ и ничтоже могу разумѣти, о нихъ же ми скажутъ; и сего ради зѣло в' недоумѣніи и скор'би, не свѣдѣй что с'творити; но молю честную ти святую, да помоли Бога, ꙗко да вразумитъ мя святыми ти молитвами о немъ же в'данъ быхъ: извѣстно бо знаю, ꙗко пріятны Богомъ суть твоя молитвы. Зримый же старецъ зряше в'нутренними очима отроку душевную его чистоту, и глаголи его въ сласть пріимаше, и разумѣ хотящей благодати извѣстися на немъ, и сотвори старецъ молитву и благослови отрока, рекъ ему: се отнынѣ, чадо, даруетъ ти Богъ разумѣти ихъ же требуеши, паче еже мощи и иныхъ пол'зовати. И мало поучивъ его о пол'зѣ; се же, ꙗко земля благоплодовита, доброплодная с'мена пріемши въ сердци своемъ, бѣ радуется душею и сердцемъ, ꙗко сподобися такова старца видѣти и молитвами его благодать пріяти, и моляше его, глаголя: гряди, о честный старче, в' домъ нашъ, ꙗко да и родители мои сподобятся святаго ти благословенія. Старецъ же почюдися, зря отрока юностію и обложена и многолѣтнихъ пре-

651. а вошедша || разумомъ. И ꙗкоже приближашася к' дому, изыдоша родители въ срѣтеніе старца: бяху бо зѣло имѣюще любовь ко инокомъ; и сотвор'ше ему метаніе и получивъше отъ него благословеніе, и нудяху его в'нѣсти в' домъ ихъ и причаститися пищи. Он же отвѣща: чада! подобаетъ прежде духовныя пища причаститися. В'ниде же въ храмъ молитвенный и поймъ с' собою освященнаго отрока, и начатъ пѣти часть третій; повелѣ же отроку псалмопѣніе глаголати. Отрокъ же не умѣя ся, глаголаше: како, господи отче, могу глаголати, не научився? Старецъ же рече: глаголи, о чадо, послушанія Христова; отвер'зи уста своя, да привлечеши духъ; паче еже дарова Богъ во сердци твоємъ, изор'ци усты твоими: уста бо твоя възглаголютъ премудрость и

в' поученіи сердца твоего разумъ; воспой в'нутрь зрящему тя Богу. По словеси же святаго старца, паче же по Божію откровенію, отрокъ начатъ стихословити добрѣ же и стройнѣ, ꙗко дивитися родителемъ отрока. Бысть же ꙗко нѣкогда пророку Исаи отъ Серафима угленное прикосновеніе, тако и сему див'ному отроку: тамо Сера-

651. 6. || фимомъ, з'дѣ же старцемъ, или паче глаголю ангеломъ Божіимъ. Старецъ же благословивъ родителя и отрока, изыде отъ нихъ, сіа рекъ: ꙗко сынъ ваю велій будетъ предъ Богомъ и многыя ради добродѣтели его сосудъ избранъ хочеть быти Богу и служителъ живоначалныя Троица. И сіа рекъ, отъиде в' путь свой. Сіа убо самъ святыи послѣди извѣстоваше. И начаху же родители его помышляти, ꙗко отъ Бога таковому посѣщенію быти; и тако пребывающе благодаряще Бога и дивящеся о прореченіи старца и в'скорѣ дарован'нѣй отроку грамотѣ. Блаженный же отъ чрева матере освященный пребываше во всемъ повинувася родителемъ своимъ и тщашеся ни в'чемъ же преслушати ихъ, по божественному писанію глаголющему: чти отца и мать, да будеши дол'голѣтенъ на земли. Начатъ же воздержатися зѣло, постомъ тѣло свое изнуряя, и во вся дни единою хлѣба причащашеся, и се в' мѣру нѣкако не до сытости, дебелыя же пища весьма ошаашеся; в' нощи же нѣчто мало сна пріимаше, ꙗко дивитися родителемъ его чудному въздержанію: || не бо 651. есть чинъ таковымъ сего зѣл'наго дѣланія. Мати же его любезными глаголы увѣщеваше, глаголющи: възлюблен'ное мое чадо! почто тако сокрушаеши си тѣло? не вѣси ли, ꙗко многа въздержанія назву телеси наводитъ, паче же юну ти сущю и плоти цвѣтущи, и намъ симъ немалу скор'бь исходатайствуеши; тѣмъ же, чадо, не преслушайся насъ, но с нами причащайся в'купѣ пищи и сну, ꙗкоже и мы. Благоразумный же отрокъ отвѣща, глаголя: почто, мати, тако вѣщаеши ми, отлучаа сладкаго ми въздержанія, егоже имущимъ ничтоже полезнѣйше мню быти? ни бо слышахъ родителей чада на зло и бесполезно учащихъ; плоти убо угаждающей удаляются отъ Бо-

га, паче же юному суццю и плоти воюючи: писано бо есть, яко брашно и питіе не поставитъ насъ предъ Богомъ. Но остави убо мене, мати, якоже начяхъ и совершити, тако ми на се Богу помагающе. Мати же дивляшеся премудрому отвѣту, паче же видящи еже по Бозѣ доброе его произволеніе, и рече ему: якоже хочещи, твори, ча-
 651. г. до, твори. Чюдныѣй же отрокъ болѣми к подвигомъ поучашеся и николиже умъ его уклонися, якоже обычай есть младенствующимъ играти или смѣхотворная словеса глаголати; но въ смѣха мѣсто дряхлое и плачевное хождешѣ; и елико попечение имѣи о простотѣ, толико питаше умъ свой премудростію и насыщашеся всегдашнимъ въздержаніемъ, вѣмѣна наслажденіе алкоту и въ время зимно наготу теплоту. Сиче бо своей плоти врагъ немилостивѣй, егда побѣждашеся соннымъ естества томленіемъ, сопротивъ побѣждааше долготерпѣніемъ. Аще кто отъ неимущихъ срѣташе его когдѣ, и еже имѣ одежда никакоже пощаждѣ. Царьски убо плоть покоряя, душу же просвѣщая, тѣмъ и прежде иноческаго житія инокъ познавашеся, и прежде пастырскаго совершенія пастырь являшеся. Елѣма же добродѣтельное его житіе и кротчайшій нравъ, премудрость же его и разумъ честна и любезна творяху всѣмъ. И дивляхуся вси, зрящи его юностію обложена и в велицей премудрости тако ходяща.
 652. а. || По сихъ же Кириль, отецъ его, преселися съ всѣмъ домомъ своимъ отъ предреченаго отечества града Ростова в мѣсто нарицаемо Радонѣжъ, не яко мѣсто славно или нарочито, но яко на томъ мѣсте Богу хотящу прославити угодника своего и чюдна дѣлателя. Смирный же отрокъ соблюдая душевную чистоту, и желаше зѣло иноческое житіе, но убо родители возбранити бываше, увѣщевая, глаголя сиче: чадо! вѣси нашо старость, яко приближися конецъ живота нашего, токмо не вѣмы дне и часа, и не имавъ инога послужити мало старости нашей; но потерпи мало время, дондеже Богъ сотворитъ еже о насъ милость, приведетъ насъ отъ житія сего; егда же должная послуживши, гробу предаси

насъ, тогдѣ никимъ же возбраненъ будещи, якоже хочещи, сотвориши. Благоразумный же отрокъ яко услыша умиленія глаголы родителей своихъ, о семъ зѣло умилися, и тако обѣщася има послужити, дондеже Богъ изволитъ, яко да сподобится тѣхъ благословенія и молитвы. Не по мнози же 652. б. в' времени родителіе его иноческаго житія сподоблшеся, отъ житія отходятъ. Сей же Вар'оломей, сынъ ею, проводивъ ихъ, якоже подобаетъ благолѣпнѣ псалмопѣніемъ надгробнымъ, и погребе честно. И пришедъ в домъ отца своего, помысли в себѣ, глаголя, яко и азъ смертенъ есмь, якоже и родителіе мои, умысли раздати вся имѣнія отца своего требующимъ, и изыде из дому отча, ничтоже имѣи с собою, по божественному апостолу: вся уметы вѣмѣнихъ, да Христа единого приобретаю.

Братъ же его по плоти предпомянутый Стефанъ иноческій образъ возложивъ на ся, добръ подвижася, яко мощи ему и инѣхъ ползовати. Къ нему же прииде сей божественный юноша Вар'оломей и молитъ его, яко да идетъ с нимъ на взысканіе мѣста пустыннаго; исповѣда ему и помысль свой: хочу бо, рече, Богу наставляюще мя, единъ безмолъствовати. Стефанъ же понужденъ сый словесы святаго, шедша оба вкупѣ и обышедша многа мѣста, послѣди же придоша, Богу наставляюще ихъ, достигаю мѣста пустынна и възлюбиста е; и 652. в. сотворше молитву, начаста дѣло: пер'вѣе сотворше себѣ хизину малу, в нейже нѣчто мало покой приимаху отъ труда; по семъ сотвориста церковь малу. Молиша же иже тогда архіереа Феогнаста о освященіи церковнемъ; и того повелѣніемъ церковь освящается во имя живоначальныхъ Троица. Стефанъ же убо възвратися въ свой ему монастырь, добродѣтелемъ же дѣлатель оста ту единъ безмолъствовати.

О постриженіи святаго.

Малу же времени мимошедшу прилучися приити къ нему старцю освѣщену; святыи же видѣвъ его, радостенъ бысть зѣло, и приатъ его яко отъ Бога посланна, и моли его пребыти с нимъ. Старецъ же ви-

дѣвъ усердіе его, и взирая душевное незлобіе и премногую чистоту, пребысть же с нимъ желателѣ. Освященный же юноша Вар'фоломѣй зря старца в' добродѣтеляхъ сіающа, велию пользу приимаше отъ него и помышляше в' себѣ, како отъ Бога посѣщеніе пришествіе его к' нему. Также молитъ его еже възложить на нь ангельскій об-
 652. г. разъ. Видѣвъ же || старецъ совер'шенное желаніе его и доброе произволеніе и смиреніе мно́го, облачить его во святыи иноческій образъ, и нарече имя ему Сергіе. Пребысть же с нимъ мало днѣй, и посемь рече к' нему: азъ, чадо, отхожду в' путь свой, тебе же предаю в' рудѣ Божіи: тѣй да будетъ тебѣ прибѣжище и сила на врагы и на противленіе кознемъ и лаанію его. Прорекъ же ему, глаголя, како на мѣстѣ семь рас'пространить Богъ обитель велику и преславну, в' нейже прославлятися имени его во в'ся страны. И тако молитву сотворивъ, отъиде в' путь свой. Бѣ же святыи възрастомъ тогда 23 лѣта, егда пріять иноческій образъ. Отсюду же великъ нѣкако мняшеся и отъ всѣхъ хвалимъ и славу имаше отъ челоуѣкъ мно́гу; но онъ еже славится како студъ и грѣхъ в'мѣняше, попеченіе же имаше много еже бежати славы и работати Богу. Въздержаніе же бяше его выше челоуѣческіа силы: ал'котою без'мѣрною и наготою в' зимное время, яко и самой земли раз'сѣдаться отъ зѣл'наго мраза; онъ же
 653. а. въ единой ризѣ како || бесплотенъ подви-
 зався: аще бо и люту зиму видяше, но сладко о сихъ воздааніе ожидаше и студенію тщахся грядущаго огня избѣжати. Видѣвъ же бѣси себе утѣсняемы и помалѣ богачеся изгнанія отъ мѣста оного, и преображдахуся убо овогда въ звѣря, овогда въ змія, покушающеся устрашити свя-
 таго; и бѣ видѣти чудно бореніе мужа: ови свискаіемъ и звѣрьскимъ сверѣбствомъ устремляющеся, сей же молитвою отражаа, какоже паучину присно раздираему створяше; и тако благодатию Христовою пребы-
 ваше отъ нихъ невредимъ. Въ едину же отъ ноцій въсхотѣйти въ церковь на обычное правило, и зрѣть явлен'но множество плѣкъ бѣсовскихыхъ, какоже нѣкое великое

воинство, ярость на святаго показующе и зубы ск'режыюще, како мнѣти пламени велику исходити изъ устъ ихъ, и яростнѣ глаголаху ко святому: изыди отъ мѣста нашего, изыди, како да не злѣ умреша здѣ. Святыи же на молитву въоружаашеся, никакоже бояся, ниже устрашаася тѣхъ козней и сверѣпаго || лаанія, видяше бо не- 653. б. крѣпкую ихъ силу: молитвами бо святаго изъ устъ како пламень изшедши, абіе тѣхъ попали и невидимы сотвори. Сиче убо святыи подвизася, мысленна побѣждаше врагы. Хвал'но нѣкако всячески обношашеся усты: овому убо пост'ническое мужа и трудолюбное повѣдующа, иному же простое и незлобивое, овому жестокое в' пощеніихъ воздержаніе, инымъ же еже на бѣсы власть возвѣщающимъ, иному же б'дѣніе и сухопаденіе святаго хвалищимъ, овѣмъ же чистоту душевную и на земли леганіе имѣти глаголющихъ, инымъ же смиреніе нелицемѣрное и раз'суженіе доблоразсудное благодарящимъ; нищии же како благоподатнаго того похваляюще. И понеже таковой славѣ о немъ происходящи, и мно́гы имаше иже тамо приходящихъ пол'зы ради, иніи же еже сожителствовати ему моляхуся; онъ же овѣхъ пол'зы сподобляа не нѣкими ищещи-
 рен'ными и высокими глаголы, но Духу Святому вѣтійствующу усты его. Хотящии же жити с нимъ утѣшаше ихъ, глаголя: чада! да не устра||шить васъ помысль, како 653. в. мѣста пустын'ная и нужная: вѣсте бо, како мно́гими скор'бми подобаетъ намъ в'нити въ царство небесное. Сіа святому к нимъ глаголющу, бяху вси повинующеся ему и ревнующе тому противу силъ своей; и бяху по единому ихъ в' келіи без'мол'ствующе. И тако братіи числомъ множащеся и пребываше благодатию Христовою.

О поставленіи святаго на священ'ничество.

Священ'нику же не сущу зѣло тяжко имяху си братіа и моляху святаго воспріати священ'ничества санъ. Оному же отрицающуся и глаголющу, како выше моя мѣры есть дѣло сіе, оному же аще и не хотящу, но моленіемъ Афанасіа епископа преклонися волі ихъ, и отъ сего руку възло-

женіємъ священству сподобляється. Поучивъ же его и о пол'зѣ, глаголя: чадо! воспріаль еси ради смирен'наго нашего послушанія священ'ничества санъ; тѣмъ же подобаетъ ти, по великому апостолу, немощи немощныхъ носити и не себѣ угажати, но искрен'нимъ, ꙗкоже и Христосъ не себѣ угоди, и прочаа. Многаа же иная изрекъ
653. г. ему о пол'зѣ и о Христѣ целованіе || давъ, отпусти его въ свой монастырь.

В'ремени малу минув'шю паки в'стаетъ диаволъ, не тер'пя себе отъ святаго прогонима, и претворися въ змій, и бяше келія его полна змій, ꙗко и той самой земли не видѣтися отъ множества змій. Святый же ток'мо молитву сотвори, и абіе без'вѣсти быша. И отъ того времени дарова ему Богъ в'ласть на духи нечистыа, ꙗко никакоже смѣти приблизитися ему. Слухъ же о немъ слышанъ бысть повсюду, и многы отъ окрестныхъ градъ и странъ стицахуся. Прииде же нѣкто отъ Смолнеска архимандритъ, Симонъ именемъ, и многа имѣнія принесе, в'дасть в' руцѣ святому, въ еже бол'шю церковь воздвигнути, еже и бысть; самъ же пребываше в' послушаніи святаго. Елма же раз'суднѣйшій пастырь и премудрый в добродѣтеляхъ мужъ монастырь бол'шій распространивъ, келіи убо четверообразно устроити повелѣ, посредѣ же церковь бол'шю въздвиже, отвсюду видима ꙗко зер'цало, трапезу же и ина слика в' потребу братіамъ. Бѣ же обычай имаше святый: во глубокий вечеръ исхождааше
654. а. по келіамъ, || хотя увидѣти коегождо труды; и егоже слышаше б'дѣща или смолчаніемъ дѣлающа рукодѣліе, молчаніемъ отхождааше; а егоже обрѣташе со инѣмъ бесѣдующа или празднословяща, о семъ убо негодоваше и назнаменоваше тѣмъ свое пришествіе, с молитвою отхождааше.

О умноженіи брашенъ молитвами святаго.

Случи же ся нѣкогда оскудѣнію быти п'шеници и иныхъ потребныхъ в' монастыри, и бѣху братія во скор'би пребывающа бесъ пища три дни. Таковъ бо бѣ уставъ отъ духовнаго настоителя: никакоже исходити из монастыря во еже просити у ми-

рянъ, но на Бога надежду возлагати и отъ того просити ихъ же требуемъ с вѣрою, питающаго всяко дыханіе; не убо бѣ еще общее житіе. Начаху же братія роп'тати на святаго, гладомъ утѣснѣми, глаголюще: доколѣ въз'браняеши намъ итти в' миръ и просити у мирянъ потребныхъ? но убо претерпимъ сию ношъ, завтра же изыдемъ отъ мѣста сего гладомъ тающа, ꙗко да не злѣ умремъ. Видѣвъ же святый братію изнемог'шихъ, ꙗко премудрый || врачъ, начатъ
654. б. тѣшити ихъ; глаголаше же к' нимъ, сказая святыхъ отецъ житія, како пострадаша Господа ради, гладъ же и жажду, наготу же и прочаа; мы же малаго ради сего лишенія, рече, в'малѣ не љдше малодушствуемъ; възрите же, по Христову слову, на п'тица небесныа, ꙗко ни сѣють, ни ж'нутъ, ни в' житницю собирають, но Отець небесный кор'митъ ихъ; нась ли не можетъ препитати? се нынѣ терпѣнію потреба, мы же нетерпѣливи љвихом'ся; в'малѣ времени приключившесѣ на искушеніе наше, и аще съ благодареніемъ пріали быхомъ, в' велику ползу в'мѣнилось бы намъ: безъ искушенія бо злато не совер'шается; намъ аще нынѣ на оскудѣніе на мало в'ремя бысть, завтра же всѣхъ благыхъ изобил'но будетъ. По прореченію бо стар'ца тако бысть: въ утрій бо день принесено бысть в' монастырь множество хлѣбъ новопеченыхъ и рыбъ различныа и ина различная брашна потребная новоутворенна; и принесшіи же глаголаху именемъ онъсица: присла нѣкій христолюбець незнаемъ на имя Сергіево и въ еже живущимъ с нимъ || братіамъ. Моляху же ся
654. в. принес'шимъ, да причастятся пищи; они же не в'схотѣша, но повѣдаху скоро възвратитися, и тако отъидоша скоро в' путь свой отъ очію ихъ. Братіамъ же дивящим'ся, зряще хлѣбы и прочаа брашна новоучинена, и разумѣша Божіе посѣщеніе се быти; и тако на многы дни обил'но пребысть всѣмъ братіамъ нескудно, благодатію Христовою, молитвами святаго старца. Блажен'ный же Сергіе видѣвъ, прослави Бога и рече братіамъ: видѣте, братіе, и чюдитесь, како воподаетъ Богъ воздааніе терпѣнію, ꙗко не забудеть Богъ нищихъ своихъ до кон'ца,

ниже презрѣти имать святаго мѣста сего николиже и живущихъ в' немъ рабъ своихъ, молящихся ему день и ночь и находящая терпящимъ с' вѣрою. И тако вси утвердишася вѣрою прочее, аще и многажды вся находящая крѣпцѣ терпяще съ благодареніемъ.

О произведеніи источника.

Хощу же вашей люб'ви бесѣду прострѣти отъ преславныхъ чудесъ, ꙗже сотвори Господь Богъ угодникомъ своимъ. ꙗкоже преди въспоманухомъ сего великаго па-
654. г. ||стыря и доблоразсудную главу еже в' пустыню пришествіе, ꙗко единому хотящу без'мольствовати на томъ мѣстѣ, и водѣ близу не сущю, на приложение трудолюбія ради; посемъ же, Богу благоволящю, братству умнож'шуся, имѣаху нужду велію отдалеча воду приносяще, и сея ради вины нѣщїи пороу'таша на святаго: воскую, глаголюще, не разсуждаа сѣль еси на семь мѣстѣ обители быти, водѣ близъ не сущи? и сіа многажды и съ досадами глаголаху. К' нимъ же святой отвѣщеваше: азъ убо, братіе, единъ на семь мѣсте хотѣхъ безмольствовати, Богу же извол'шу толику обитель воздвигнути въ славу свою; прочее же дер'зайте во молитвѣ своей и не преогаете: аще бо и непокоривымъ людемъ еврейскимъ отъ камене воду источи, вастъ же работающихъ ему никакоже презрѣти. И тако утѣшаше ихъ немощь. Во время же благополучно поимъ с' собою нѣкого брата отай и снѣи в' дебрь ꙗже подъ монастыремъ, ꙗже не бѣ ту николиже текущая вода, и древній человекъ ꙗсно извѣстиша. Обрѣтъ же святой въ единомъ рову мало
655. а. воды || отъ наводненія дождев'наго, и преклонъ колѣни, начатъ молитися, глаголя:

Молитва.

Боже, Отче Господа нашего Іисуса Христа, сотворивый небо и землю и вся видимая и невидимаа, создавый человекъ отъ небытіа и не хотя смерти грѣшникомъ, но живымъ быти! тѣмъ молимъся мы грѣшніи и недостойніи раби твои: услыши насъ в' часъ сей и ꙗви славу свою, ꙗкоже в' пу-

стыни чудодѣйствоваше Моисеомъ крѣпкаа ти десница, отъ камени твоимъ повелѣніемъ воду источи: такоже и zde ꙗви силу твою, ты бо еси творецъ небу и земли; даруй намъ воду на мѣсти семъ, и да разумѣютъ вси, ꙗко слушаеши богащихъся тебе і имени твоему славу въздающихъ, Отцю и Сыну и Святому Духу, и нынѣ и присно и в' вѣкы вѣкомъ. Аминь.

И се рек'шу святому и мѣсто назнаменов'шю, в'незапу источникъ велій ꙗвился, ꙗже и до нынѣ всѣми видимъ есть, отъ негоже почерпають на всяку потребу монастырьскую, благодаряще Бога и его угодника Сергія. Многа же исцеленія бывають отъ воды тоя приходящимъ с' вѣрою, и различными недуги одер'жимы исцеленіе при- 655. б. емлють, и в' дал'няя страны повсюду в' домы своя относяще, болящихъ покрояще и напаяюще, исцеленіе получаютъ неизмѣнно множество неисчетенно даждь и до днесь. И отъ того времени прозвася источникъ Сергіевъ и до 15 лѣтъ. Разсуднаа же она глава ꙗко не любяше славы, ꙗкоже услыша именемъ его зовущимъ, заповѣдав'шмъ, глаголя: да никогдаже услышу отъ вастъ источникъ онъ именемъ симъ зовуще: кто бо есмь азъ? но Господь дарова намъ недостойнымъ. И тако день отъ дне, по заповѣди старца, престаша тѣмъ именемъ звати источника онаго. Посемъ долъжно намъ есть отъ чудесъ святаго і иная повѣдати, слышаная отъ памяти ученикъ его.

О въскрешеніи отрочати.

Бѣ нѣкій христоробецъ, живый въ прдѣлехъ обители его, имѣа вѣру велію ко святому Сергію. Сынъ же человекъ онаго мало суще отроча, едино суще ему и болѣзнію содер'жимо; отецъ же отрока видѣ мужа добродѣтель, и несе и в' монастырь ко святому, глаголаше бо: аще токмо жива къ человекъ Божію принесу, всяко исцелѣть отроча мѡс. И молиъ сго, ꙗко да помо||лится о немъ къ Богу. Ещѣ же чело- 655. в. вѣку оному простирающеся на молбу к нему, отроча же отъ зѣл'ныя болѣзни изнемог'ши издыше. Видѣвъ же отецъ отрочате смерть сына своего, в'сю надежду отло-

живъ, абіе на плачь обратися, увы, и глаголя: о человекѣ Божій! азъ вѣрою в'леко-
мъ со слезами в' печали моей к' тебѣ при-
текохъ, надѣахся утѣшеніе пріати; нынѣ
же в'мѣсто утѣхи множайшая печаль найде
на мя; унес ми было, іако да в' моемъ дому
отроча мое скончалося, да не бы оскудѣлъ
вѣрою, еже имѣхъ к' тебѣ, рабе Божій.
Увы мнѣ! что сотворю и кого къ рыданію
призову? что сего лютейши? И тако ему
много с рыданіемъ плачущу, и посемъ поиде
уготовити гробъ, в' немъ же положити умер-
шаго сына; сего же остави в' келіи свя-
таго. Преподобный же умился о плачи и
рыданіи человекѣа оного и в'дасть себе на
молитву о умершемъ, и внезапно отроча
оживе, и начатъ подвизатися и рудѣ про-
стирати. Прииде же отецъ нося погребал-
ная; святыи же рече к' нему: воскую, чело-
вѣче, подвизася, недобрѣ рассмотривъ,
655. г. отроча бо твое не умре, но живо есть. Он
же не имаше вѣры: вѣдаяше бо извѣсто,
іако умереть; и приступивъ, обрѣте его жива,
и припадъ к' ногама святаго, благодареніе
въздааше ему. Святыи же глаголаше: прел-
стился еси, человекѣ, и не вѣси, что гла-
голеши: отроча бо твое на пути отъ сту-
дени изнеможе, мнѣв'шу ти, іако умереть;
нынѣ же в' теплѣй келіи согрѣася, мнѣт'
ти ся, оживе, не умер'шу бо ему, пржеде
бо общаго въскресенія ожити не моцно
есть никомуже. Отецъ же отроцате крѣп-
ляшеся тако быти, глаголя: іако твоими мо-
литвами, господи, оживе мое отроча. Свя-
тыи же запрети ему, рекъ: аще пронесеша,
человекѣ, сіе, всяко отщетишися отрока
своего. Он же общася никомуже възвѣ-
стити, молчати же не можаше; пріемъ от-
роча здраво, отъиде в' домъ свой, хвалу
въздавъ Богу, творящему дивная чудеса
своимъ угодникомъ. Увѣдено же бысть
чудо сіе отъ иже тогда служащаго ученика
святаго.

О бѣснующемся вел'можи.

Бѣ нѣкій вел'можа, в'дале отъ лавры
преподобнаго отца нашего житіе имѣа на
рѣцѣ Волзѣ глаголемѣй. Сему же отъ бѣса
656. а. зѣло люте || мучиму непрестанно въ дне и

в'нощи, іако и желѣзныя путы сокрушаті
ему, и ничимъ же могущемъ его дръжати,
іако десять или множае мужъ крѣпкихъ:
овѣхъ бо руками біаше, иныхъ же зубы ха-
пая из рукъ ихъ истерзася, и бѣгая в'
пустая мѣста, люте мучимъ тамо пребы-
ваше, дондеже паки обрѣтаху его и свя-
зав'ше крѣпко ведяху свой ему домъ. Сер-
доболи же его слышав'ше іаже о святѣмъ
Сергіи, елико творить Богъ чудеса его
ради, и совѣщав'шеся, ведоша болящаго в'
манастирь къ человекѣу Божію. Быв'шимъ
же имъ на пути с' нимъ, многы же труды
подыаша его ради водящии его; той же
бѣснующийся веліимъ гласомъ вопіаше: оле
нужда сіа! камо ведете мя, мнѣ не хотящю
слышати, колыми же видѣти Сергіа отнудъ;
възвратите мя паки в' домъ мой. Они же
нуждею влечаху его; і егда придоша близъ
манастиря, бѣснующийся отъ юзъ разрѣшися
и на всѣхъ устремляшеся, глаголя: не хоцю
тамо ити, но хоцю възвращюся, отнюдуже
изыдохъ. Гласъ же таковъ испущаше золь,
іако мнѣти || рас'сѣстися ему, и сему воплю 656. б.
и кричанію и в' манастири святаго слыша-
тися. И възвѣщено бысть блаженному Сер-
гію; старецъ же повелѣ в' било ударити; и
братіи сошедшимъ ся, и начаша пѣти моле-
бенъ о болящемъ; он же отъ сего часа на-
чатъ кротѣти. Приведену же быв'шу ему
в' манастирь, и тако преподобный изъ цер-
кви изыде, нося крестъ в' рудѣ, и начатъ
знаменати бѣснующагося. Мучимый же
рыкнувъ зѣло, отскочи отъ святаго и въвер'-
жеся в' воду, глаголя: оле нужда пламени
сего страшнаго! бѣ бо ту близъ вода,
събрав'шися отъ наводненія дож'девнаго; и
такое исцели благодатію Христовою и мо-
литвами святаго, разумъ его паки възврат-
тися и начатъ глаголати смыслено. І въпро-
сиша же его: что ради рыкнувъ и въвер'-
жеся в' воду отъ знаменія крестнаго, егда
знамена его святыи? Он же исповѣда, гла-
голя: егда приведосте мя къ преподобному
и начатъ знаменати мя честнымъ крестомъ,
тогда видѣхъ пламень велій отъ креста,
іаже в' рудѣ святаго, исходящъ страшенъ,
іако мнѣхъ с'горѣти ми отъ него в'сему, и
того ради въвергохся в' воду. И тако пре-

656. в бысть много днй в ма^ннастырѣ святого кротокъ и смысленъ; и посемь отъиде в домъ свой радуся и славя Бога и его угодника святого Сергіа. Сіа же до zde. Отсюду убо великъ бѣше общій строитель отъ вышняго промысла всѣмъ предлага- шеся; уже бо много множество стичахуся отъ различныхъ странъ и градовъ, паче же и весь пост'нический ликъ своя жительства оставляюще, к нему приходяху, любяще-полезнѣйше сожителствовати с' нимъ и отъ него наставитися к' добродѣтелямъ; и не ток'мо ликъ пост'нический отъ величества сана, но и до простыхъ таже на селѣ живущихъ: вси бо имѣаху старца в' величѣ свя- тости іако единого отъ пророкъ.

О земедѣльцѣ.

Прииде же земедѣлецъ нѣкій к нему отъ далечныхъ странъ, слышавъ таже о святѣмъ, и хотяше видѣти его, іако во славѣ величе надѣяся. Случи же ся тогда святому въ оградѣ копати землю. Впрошаетъ же по- селянинъ отъ ученикъ его, глаголя: гдѣ есть святой Сергіе, егоже из далечныхъ мѣстъ придохъ видѣти? Ученикомъ же свя- таго глаголющимъ, іако въ оградѣ есть на 656. г. дѣле своемъ, показавъше и мѣ^сто: да аще хочещи, рече, потерпи мало, дондеже приидеть. Поселянинъ же желаніемъ влечомъ шедъ по сказанію, и видитъ святого копающа землю в' худѣ ризѣ и раздраннѣ зѣло и многошвени, и нецѣваше того быти, но мняше, іако поругашася простотѣ его иже повѣдавшеи ему, и паки пришедъ, извѣстно пыташе увѣдiti отъ ученикъ его. Они же глаголаху, іако тѣ есть, егоже ви- дѣлъ еси. Посемь же святому изшедшу изъ града, и видѣвъ его поселянинъ, отврати лице свое, не хотя ни възрѣти на святого, и поношаше в' себѣ, глаголя: о дивство! koliko поруганъ бысть, koliko труды поды- нахъ, и всеу бысть трудъ мой! азъ придохъ пророка видѣти; іакоже слышахъ, тако на- дѣяхъ видѣти мужа честна, въ славѣ же и величествѣ, нынѣ же вижду сего іако единого отъ нищихъ. И тако в себѣ по- мышляя, святого стар'ца укаряше. Святый же разумѣвъ помыслъ его, зѣло благода-

ряше поселянина: іакоже бо гордый хва- ламъ и честемъ радуется, тако же и сми- реномудрый о бесчестіи своемъ и уничиже- нии; и поемъ его к' себѣ, трапезу постави ему и любовнѣ учредивъ его зѣло, и по- семъ рече к' нему: да не скор'биши, чело- 657. а. вѣче, егоже желаеши видѣти, сего помалѣ узриши. Еше же святому глаголющу, възвѣ- стиша ему приходъ князя нѣкоего в' мана- стырѣ отъ великихъ, честнѣ полку предъ- яздящу и отрокомъ предтекущимъ, егоже срѣтс святой. Князь же онъ скоро потече къ старцю и предваривъ ему поклоненіемъ до земля; старецъ же благословивъ его и о Христѣ цѣлованіе давъ, и тако сѣд'ше оба вкупѣ стар'цю со княземъ, прочимъ предъ- стоающимъ, поселянина же онога далече нѣ- когда отринуша, и егоже прежде гнуша- шеся, того желаше како приникнувъ ви- дѣти его, и не можаше. Въпроси же нѣ- коего отъ предстоящихъ тайно, глаголя: кто есть, господи, онъ старецъ, сѣд'яй со княземъ? и сказаша ему, іако святой Сер- гіе. И начать поношаа укаряти себе, гла- голя: въскую ослѣпохъ и не вѣровахъ пока- зающимъ ми святого стар'ца и не въздахъ достойну честь ему; въ правду имя наше поселянинъ и невѣжди. Како явлюся лицу 657. б. святого срамотою побѣжденъ? Отпешю же князю отъ обители с' великою честію, поселянинъ же в' величѣ скор'би и срамотѣ || припадаетъ на нозѣ святому Сергію, про- 657. 6. щеніе проаше отъ него еже в' невѣжес- твіи своемъ согрѣши отъ неразуміа. Свя- тый же призвавъ любовію утѣшаше его, глаголя: ни, чадо, не скор'би, понеже ты единъ истинствова о мнѣ, прочіи же вси соблазиншася. И тако всяческы утѣшивъ его, іакоже чюднѣ ув'рачевати подобаетъ святому и обычнѣ, еже творяше ко всѣмъ, и отпусти его въ свою ему страну. Поселя- нинъ же отъиде, радуся и славя Бога и его угодника святого Сергіа, отъ негоже ползу многу получи, всѣмъ проповѣдуа. И отъ сея убо вещи разумѣти есть, котораго бѣше смѣреніа глава она, іако гнушающа- гося земедѣльца множас паче възлюби: при- носимая досада искушаетъ коегождо внутренъ сокровен'ное произволеніе.

О видѣніи святаго ученикъ своихъ.

Нѣкогда же блаженному въ обычнемъ своемъ правилѣ бдящю и о ученицехъ своихъ молящюся, яко да Господь поснѣшитъ имъ въ обхожденіихъ дневныхъ преспѣваніихъ, и тако ему молящюся вечеру сущю глубокоу, слыща гласъ глаголющъ: Сергіе! 657. в. онъ же удивился о необычному в'нощи званію и сотворивъ молитву, и открь оконце келіи, хотя увидѣти гласъ бывшій, іако абіе зрѣть видѣніе чюдно: свѣтъ бо велій явился съ небеси, яко всенощній тмѣ отгнанъ быти, и толицемъ свѣтомъ нощь она просвѣщенна бѣ, яко и дневный свѣтъ превосходити свѣтлостію. Възгласи же второе, глаголя: Сергіе! молишися о своихъ чадѣхъ, и Господь моленіе твое пріять; смотри же опасно и виждь множество инокъ, во имя святыя Троица сошедшихся въ твою паству, тобою наставляеми. Святыи же възрѣвъ, и видѣтъ множество п'тиць зѣло красныхъ, сѣдящихъ не токмо въ обители святаго, но и округъ обители, и въспѣвающимъ несласанно ангельскыя пѣсни. Иабіе гласъ слышашесея, глаголющъ: имже образомъ зриши птицы сіа, тако умножится стадо ученикъ твоихъ и по тебѣ не оскудѣють, и тако чюдно и различно украшени будутъ по добродѣтелямъ ихъ, аще послѣдуютъ стопамъ ученій твоихъ. Святыи же зря, дивляшесея оному неизреченному видѣнію; сообщеника же и свѣдѣтеля хотя устроить сему видѣнію, възгласивъ призываетъ пред- 657. г. ѣрченнаго Симона, яко близъ суща. Симонъ же удивился необычному старца званію, скоро притече, но убо всего видѣніа не сподобися, но часть нѣкую свѣта оного, и зѣло удивися. Исповѣда же ему святыи вся, яже видѣ и яже слыша; и бяху убо радующесея в'купѣ и душею трепещуще отъ неизреченнаго видѣніа.

О составленіи общаго житія.

По сихъ же во единъ отъ дній пріидоша Греки отъ Кон'янтина града, отъ патриарха послани къ святому, поклонившася ему, глаголюще: вселенскій патриархъ Кон'янтина града кувъ Филоеѣй благо-

словляетъ тя. Также отъ патриарха помин'ки в'даша ему: крестъ и парамантъ и схиму; посемь и писаніа посланая в'даша ему. Святыи же рече к нимъ: блюдете, егда ко иному послани будете; кто бо есмь азъ грѣшныи, недостойный таковыхъ даровъ сподобитися отъ святѣйшаго патриарха? Они же рѣша: мы, отче, никакоже соблазнихомъся о тебѣ, святыи Сергіе; к тебѣ послани есмы. Старецъ же поклонися до земли; также представъ предъ ними трапезу и добрѣ учредивъ ихъ, и повелѣ упокоити во обители. Самъ же поиде к'митрополиту Алексію, но- 658. а. ся принесенное посланіе отъ патриарха, и вдасть ему, и пришедшихъ повѣда; митрополиту же посланіе повелѣвшю прочести, бѣ же написаніе сїце имуще:

Милостію Божіею, архиепископъ Кон'янтина града, вселенскій патриархъ кувъ Филоеѣй, о Святѣмъ Дусѣ сыну и сослужебнику нашего смиренія Сергію. Благодаръ и миръ и наше благословеніе да будетъ с'вами. Слышахомъ еже по Бозѣ житіе твое добродѣтел'но, зѣло похвалихомъ и прославихомъ Бога. Но едина главизна еще недостаточествуеъ, яко не общежитіе стяжасте; понеже вѣси, преподобне, и самый Богоотецъ пророкъ Давидъ, иже вся обьязавый разумомъ, ничтоже ино тако възможе похвалити, тѣчю: се нынѣ что добро или что красно, но еже жити братіи в'купѣ. По тому же и азъ совѣтъ благъ даю вамъ, яко да съставите общее житіе. И милость Божіа и наше благословеніе да естъ с'вами!

Старецъ же въпрашасть митрополита, глаголя: ты, святыи владыко, како повелѣваеши? Митрополитъ же отвѣщавъ старцю, рече: понеже, преподобне, колика блага сподобилъся еси, Богу прославляющу 658. б. славящихъ его, и до коихъ странъ достиже имя жительства твоего, и тако ти великому и вселенскому патриарху совѣщающу велику пользу зѣло; мы же множасъ совѣтуемъ ти и зѣло благодаримъ. И отъ того в'ремени убо составляется во обители святаго общежитіе; и устратаетъ блаженный и премудрый пастырь братію по службамъ: ового келаря, и прочихъ в'поварни и въ еже хлѣбы печи, ового еще немощнымъ

служити со в'сякимъ прилежаніємъ; въ церкви же: первѣ епископа, еже по томъ параклисиарси, пономар'хѣ и прочаа вся убо сіа чюдная она глава добрѣ устрои; повелѣ же твердо блюсти, по заповѣди святыхъ отецъ; ничтоже особѣ что стяжавати кому, ни своимъ что з'вати, но вся обща имѣти, и прочая чины в'ся в'лѣпоту чюднѣ украси благоразсудный отецъ. Дѣла бо сказаніе се есть, а не житіа повѣсть во множество простерти изрядно; но сіе з'де да съкратимъ, на предречен'наа же да възвратим'ся. Іакоже вся сіа чюдный отецъ добрѣ устави.

658. в. ви, число ученикъ множашеся; и елико ихъ множае, толико сокровище благыхъ подаваше потребная; и елика въ обители приносима умножахуся, тол'ми паче стран'нолюбная возрастаху, и никтоже бо отъ немущихъ во обитель приходя, т'щамъ рукама отхожааше, николиже блажен'ный оставляше благотворенія и служащимъ въ обители заповѣда нищихъ и стран'ныхъ довол'но упокоевати и подавати требующимъ, глаголя: аще сию мою заповѣдь сохраните безъ роутанія, мзду отъ Господа приимите, и по отхожденіи моемъ отъ житія сего обитель моя сіа з'бѣло рас'пространит'ся и во многы лѣты неразрушима постоитъ благодатию Христовою. И тако бѣ рука его простер'та къ требующимъ, іако р'чка многоводна и тиха струями. И аще кому приключашеся въ зимная времена она, мразу зел'ному належачю или паки снѣгъ съ з'б'л'нымъ вѣтромъ дышающю, иже не могущей внѣ келія изыти, елико в'ремя пребывающимъ ту таковыя ради нужда в'ся потребная отъ обители приимаху; стран'нии же и

658. г. нищии || и отъ нихъ в' болѣзни сущии на многы дни препочивааху в' довол'номъ упокоеніи и пищи, елиже кто требоваху, неоскудно, по заповѣди святаго стар'ца, и до нынѣ симъ тако бывающимъ: понеже пути отъ многихъ странъ належачю, и того ради княземъ и воеводамъ и войнству бесчисленому, вси приимаху подобающую довол'ную честную потребу, іако отъ источникъ неисчерпаемыхъ, и в' путь грядуще потребная пища и питіе довол'но приимаху; и сіа служащии во обители святаго с' радостию

всѣмъ подающе изъобил'но. И тако познающе явлен'нѣ, идѣже потребная пребываетъ во храмѣхъ, брашна и питія, іако идеже хлѣбы и варенія, сіа вся преумножахуся благодатию Христовою и чюдного его угодника святаго Сергіа. Мы же на предлежащее възвратим'ся; настоащее же да глаголется.

О Исакии мол'чал'ниці.

Бѣ же нѣкто отъ ученикъ святаго имени Ісаакіе; сей бо многжды молить святаго да повелѣтъ ему в' чину мол'чаныхъ пребывати, к нему же премудрый пастырь отвѣща: аще молчанію желаша, о чадо, въ грядущій день сподобишися. Заутра же 659. святому божественную службу совершающю, предречен'ный Ісаакіе приходитъ ко в'ратомъ с'бвершымъ, и тако знаменастъ его святыи рукою, глаголя: Господь да исполнитъ желаніе твое. И бысть егда благословяше его, и видѣвъ пламень ишедъ отъ руку святаго и всего Ісаакія окружи, и отъ того дни пребысть безъ страсти: аще бо нѣкогда и хотяше что рещи, по молитвами святаго възбранимъ бывааше. Сіа же до з'де.

О началѣ монастыря на Кир'ячи.

Слава же о святѣмъ во много происхождаше, и мнози к' нему, іакоже рѣхомъ, отъ славныхъ приходяху пол'зы ради. Он же ненавидя славы, велику т'щету в'мѣняше себѣ, іакоже безмол'віе пресѣдающю; тѣмъ и помысли удалитися славы, изыти отъ обители, едино обрѣсти мѣсто безмол'вно, еже и сотвори: ишедъ бо тайно отъ обители своя, никому же вѣдущю, и устремися путемъ в' мѣсто пустынно, іако 40 поприщъ отъ обители его, Богу тамо наставльшу его; обрѣтъ же мѣсто полезно ему, под'нимь же и р'чка Кер'ячь зовома, и ту единъ без'мол'ствовати начатъ. || В'ремени 659. же нѣколику минув'шю, увѣдѣвъ бысть отъ братіи; и пришедше моляху его еже възвратитися ему паки въ свою обитель; іако не послуша ихъ, онѣмъ же не хотящимъ разлучитися отца, и моляху его, да не отлучить ихъ и повелитъ жити с' нимъ; он же іако чадолубивый отецъ не презри моленія ихъ, повелѣ пребыти у себе. Но граду не мо-

гушу укрѣтити вер'ху горы стоя, и начаша приходити к нему овогда же два, иногда же три и до многа; и тако умножившимся братіамъ, начаша молити святаго, да въздвигнетъ церковь. Преподобный же любовію побѣждашеся, преклоняется моленію ихъ, и въздвиже церковь во имя пречистыя Владычица нашея Богородица, честнаго ея Благовѣщенія. И такоже слышано бысть строеніе монастыря отъ святаго, и се мнози отъсюду приходяще, не токмо иноци, но и простыя, и тако благодатию Христовою воскорѣ строену бывшую монастырю в'ся по чину, и тако общесе житіе состав'ляеть, еже есть и до нынѣ. Братія же великія лавры не терп'яще надол'зѣ духовнаго учителя разлученіе, тако || т'щету велику в'мѣняше, и много приходяху ко святому, моляху его, тако да помилуетъ чадъ своихъ оставленныхъ сирыхъ и възвратится паки во свою великую лавру. Онъ же не хотя послушаті ихъ. И тако видѣша непреклонна его к симъ, моляхуть убо архіепископа Алексія еже послати ко святому, егда како умоленъ бывъ отъ святителя, послушавъ возвратится. Митрополитъ же посылаетъ два нѣкая отъ архимандритъ ко святому, моля его, тако да послушаетъ и утѣшитъ братью свою, да не како стуживъ си разидутся. Блаженный же не могый преслушати архиерея, абіе възвращается в' большую свою лавру, тамо же остави единого отъ ученикъ своихъ, Романа именемъ, мужа в' добродѣтеляхъ совершена, сему вручивъ паству оногo монастыря, еже на Кер'жачи. Прежде бо моливъ предреченнаго Исаакія молчалника еже въспріати онъ монастырь устроити, но той никакоже повиносился на се, но пребываше молча, по реченному: быхъ тако человекъ не слыша и тако нѣмъ не отверзая устъ своихъ; и тако

659. г. пребы||вая в' великомъ въздержаніи, подвизался чюднѣ и до послѣдняго издыханія своего, егоже отъ юности възделѣвъ. Предлежащее же да глаголется.

О възвращеніи святаго с Кер'жача.

Слышано же бысть въ обители святаго приходъ, і изыдоша в'ся братія въ срѣтеніе

его, и видѣвшіе его, зѣло възрадовашася, такоже бы второе солнце возсіявше мнѣти имъ святаго; и бѣ отъ всѣхъ слышати: слава тебѣ, Боже, всѣхъ промыслителю и не оставляющу рабъ своихъ всегда, такоже и насъ и нынѣ сирыхъ сподоблшу видѣти отца нашего и учителя, пастыря, пришедшу в'зыскати чадъ своихъ заблуждыхихъ! И бѣ видѣти чюдно зрѣніе и умиленія достойно: ученици ко святому в радости зел'нѣ припадающе на нозѣ его целоваху, и руце лобзающе, и ризамъ его касающиеся, очи и лице знаменающе; иніи же предтекуще отъ желанія, толико хотяще зрѣти на нь; вси убо купно радовахуся отца пришествію, и славляху Бога о възвращеніи святаго к нимъ. Что убо отецъ? духовнѣ и тѣмъ радовашеся, обლობязя чада своя, зря паки собранна о Христѣ; и тако радостна || и си- 660. а. цево прихождение святаго в лавру свою; и утѣшишася немало, славяще Бога. Сіа же до здѣ преупокоити слово.

О епископѣ Стефанѣ.

Ельма же нужда еще другихъ устроеній чюдесъ и дара прозорливаго въспоманути, и въ чюдесное повѣданіе слово обратимъ; настоящее же да глаголется еже о епископѣ Стефанѣ, еже бысть мужъ добродѣтеленъ, иже житіемъ благоговѣишъ, иже з дѣтства сердечною чистотою свѣтляшеся. Сей убо многы в' добродѣтеляхъ возсіавый, Стефанъ да глаголется, имѣа любовь о Христѣ духомъ премногу къ блаженному отцу нашему святому Сергію; нѣкогда же случися ему шествіе пути отъ своа епископіа, Пер'ми глаголемыя, къ господствующему граду Моск'вѣ; путь же онъ, иже идаше епискупъ, отстояти отъ монастыря святаго Сергіа тако поприщъ 5 или внищше; и помышляющую ему, скоро в' путь грядущю, тогда не быти у святаго во обители; но егда възвратится въ своя, тогда пріити въ обитель преподобному. Бывшую же чюдному епископу Стефану противу обители святаго, и ставъ сотвори: Достойно есть и обыч'ную 660. 6. молитву, и поклонися святому Сергію, на ону страну, идеже житіе имаше, рекъ сице: миръ тебѣ, духовный брате! Случи же ся

тогда блаженному на трапези съ братіями гаси. Разумѣвъ же духомъ и тѣмъ в той часть, еже сотвори епископъ Стефанъ, и тако на трапезѣ святой воставъ, мало же постоивъ и молитву сотвори и поклонивъся, рекъ: радуйся и ты, пастуше Христова стада, и миръ Божій да пребываетъ с тобою! Братія же удивившася о необычномъ востаніи святаго прже уставленаго времени; разумѣша же нѣціи отъ нихъ, іако не туне вѣста, но нѣчто видѣніе вѣмѣниша. По скончаніи же трапезы пачаша ученици вопрошати его о бывшемъ. Он же вся исповѣдаше имъ, глаголя, іако в сей часть епископу Стефану грядущю путемъ ко граду Москвѣ, и противу монастыря нашего поклонися святѣй Троици и пашъ смиренныхъ благослови. Назнамена же и мѣсто, в немъ же сіа быша. Нѣціи же отъ ученикъ его извѣстно увѣдаша истинну бывшую, реченную святымъ. И тако дивящися о прозорливѣмъ дару, егоже сподобися святой, 660. в. и хвалу въздаша || Богу, іаже творить святымъ своимъ угодникомъ.

Начало Ан'дроникова монастыря.

Потреба же есть и се сказати о составленіи монастырей отъ ученикъ блаженнаго; въ предводящее слово скажетъ. Прже начнемъ о ученици его преподобнѣмъ Ан'дроникѣ именемъ. Сей бо бяше граду и отечества святаго Сергіа, и убо юнъ сый възрастомъ, приде къ блаженному отцю въ монастырь, иноческаго житія сподобляется отъ него, и многа лѣта пребывъ у него во совершеномъ послушаніи, всякими добродѣтелями украшенъ сый, и тѣмъ и святой зѣло любяше его ради добраго его произволенія и цвѣтущихъ въ немъ добродѣтелей, и моляше Бога о немъ отецъ, еже совершити ему доброе теченіе. И по многихъ лѣтахъ сей убо чюдный мужъ Андроникъ, желаніемъ побѣждаемъ, еже обитель сотворити и общежитіе в ней составить, и сіа помышляя въ умѣ своемъ, и на Бога възлагаше, глаголя: аще будетъ угодно се, можетъ и на дѣло произвести и сіа убо тако. Приде же нѣкогда къ преподобному Сергію Алексіи митрополитъ въ обитель

посѣщенія ради: || имяше бо всегда любовь 660. г къ святому премногу и союзъ духовный, и о всѣмъ совѣтъ творяше с нимъ; и тако бесѣдующима има къ себѣ, и приде до сего митрополитъ, рече къ святому: възлюбленне, едино хощу просити у тебе благодѣтельство, іако да даруетъ ми духовнаа ти любовь. Старецъ же ко архиерею отвѣща: святой владыко! в руку твою вся есмы и ничтоже възбранено святыни ти. Архиепископъ же рече: да ми даси единого отъ ученикъ своихъ; хощу бо, аще ми Богъ поможетъ, пачати и устроити монастырь: случи бо ся нѣкогда плывущимъ намъ отъ Кон'стантина града къ Рускимъ странамъ къ своей митрополіи, вѣтру же велію бывшую въ мори, іако и кораблю сокрушатися отъ зѣл'наго волненія и всѣмъ смертію яростнѣ претящи, в'си иже в корабли пачаша молити Бога; с ними же и азъ въ нужди зѣлнѣ такоже начяхъ всесилнаго Бога молити, іако да избавитъ ны належаща скорби; и обѣтъ свой дахъ Богу, в онъ же день доправитъ Господь во пристанище котораго святаго, въ то имя создати церковь; и отъ того часа преста море отъ волненія своего и въ тишину велику преложися, и достигохомъ въ пристанище мѣ- 661. а. сяца Августа 16; и хощу исполнити обѣтъ свой, церковь поставити во имя Нерукотвореннаго Образа Господа нашего Иисуса Христа, и устроити хощу монастырь и составить благодатію Христовою общежитіе, и прошю отъ твоея любви да даси ми възлюбленнаго ти ученика и мнѣ желаннаго Ан'дроника. Святой же прошенія святителя не преслуша, вѣдасть ему Ан'дроника. Митрополитъ же вѣдавъ милостыню доволну в монастырь, и отъиде поимъ Ан'дроника съ собою, и обрѣте мѣсто благоудно ко строенію монастырскому на рѣцѣ Иузѣ. Первіе создана бысть церкви в лѣпоту во имя великаго Господа Спаса нашего Иисуса Христа, честнаго его Образа Нерукотвореннаго; и ту чюднѣ украси и честную икону образа Христова, юже самъ принесе отъ Кон'стантина града чюдну и златомъ украшену въ церкви постави, еже и до нынѣ стоитъ благодатію Христовою;

вручи же старѣйшинство предреченному Андронику, и вся елика на потребу монастырскаго строенія дарова ему, и тако
 661. 6. общежитіе составляется. По маѣ же в' времени прииде святой Сергіе видѣти строеніе ученика своего на оно мѣсто; и видѣвъ, похвали и благослови, глаголя: Господи! призри с' небесе и виждь и посѣти мѣсто сіе, егоже благоизволи создатися во славу святаго тѣ имени; и поучивъ о пол'зѣ, и паки возвратися во свою лавру; и тако повсюду исхождааше слава велія о чудномъ Андроникѣ строеніи, іако многымъ к' нему стигатися. Он же вся добрѣ управляя, і елико стадо множашеся, толико подвигомъ бол'шимъ онъ приимашеся, въздержанію зѣлному прилежа и всенощному бдѣнію, посту же и молитвѣ. И кто исповѣсть, елика добрый онъ мужъ собою исправи: коегождо бо іако отецъ наказуя и обще соглашеніе творя, запрещаше же и моля, воставля на невидимыи врагы, и тяготы всѣхъ нося; бяше бо образомъ кротокъ, такова бо учителя кротка благоразумный ученикъ. Братству же умножающюся премногу, и бысть монастырь вѣлики и славенъ благодатію Божією и строеніемъ добродѣтел'на мужа Андроника. И тако благоугоднѣ поживъ
 661. в. лѣта довол'на и вручен'нос Богомъ || стадо ему добрѣ унасъ, разумѣвъ еже къ Господу свое исхожденіе, и вручаетъ паству своему ученику, Савѣ именемъ, в' добродѣтеляхъ зѣло сіающу, и наказавъ о пользѣ, ко Господу отъиде, егоже възлюбилъ отъ младенства, мѣсяца Іюля въ 13. Также и сей преподобный отецъ нашъ великій в' добродѣтеляхъ Сава содер'жаше предаую ему паству во благочестии и чистотѣ и въ святости мнозѣ, и отъ великодер'жавныхъ князей и въ вся страны всѣми почитаемъ бысть ради великихъ его добродѣтелей и чуднаго і изряднаго его житія; и наипаче умножися стадо его добродѣтел'ныхъ мужей великихъ, честныхъ, отъ нихъ же мнози произведени быша во честныя мѣста на игуменьства, ови же и на епископства. И тако многолѣтнѣ и богоугоднѣ благочестнѣ поживъ, къ Господу отходитъ, еже и по смерти и чудеса показавъ, отъ сихъ едино-

явленно скажемъ: нѣкій бо отъ ученикъ его, егоже мнози свѣдѣть в' наше лѣта, священ'ноинокъ, Ефрѣмъ именемъ, отъ бѣса блуднаго страстію боримъ бѣ, и вѣроу влкомъ притече къ гробу преподобнаго Савы, и призываетъ отца, да поможетъ ему || стражюцу; и скоро той часъ получи исцеления. По в' времени же въ оной обители быв'шу игумену Александру, ученику предпоянутаго игумена Савы, мужю добродѣтел'ну, мудру і изрядну зѣло, и также другому стар'цю его, именемъ Андрѣю, иконописцю предизрядну, всѣхъ превъсходящю въ мудрости зѣлнѣ, и сѣдины честны имѣя, и прочіи мнози, сима добрѣ строацима обитель благодатію Христовою, и сотворше совѣтъ благъ со братією, и Богу помагающу, создаста въ обители своей церковъ камену зѣло красну, и подписаніемъ чуднымъ своимъ руками украсиша в' память отецъ своихъ, еже и до нынѣ зрится всѣми въ славу Христу Богу. И сіа тако симъ чуднымъ приснопоминаемымъ мужемъ устроив'шимъ и богоугодно пожив'ше, къ Господу отъидоша, къ обителямъ отецъ своихъ, и с' ними да сподобить ихъ общ'никомъ быти памяти ихъ и небеснаго царствія. Сіа же дозде.

Начало Симановскаго монастыря.

Прежде убо бесѣдовахомъ вамъ еже о Стефанѣ, по плоти брату святаго, иже приведе сына своего Феодора, лѣтомъ суща 12, и вдасть его в' руцѣ святому Сергію; 662. а. он же и сподоби его иноческому образу. И тако пребывающу ему у святаго въ совер'шенномъ послушаніи, житіе добродѣтел'но проходя, тѣло свое изнуряя зѣлнымъ воздержаніемъ, іако и дивитися мнозѣмъ о немъ; чудно же бѣ и о семъ, іако никогда же свой помысль отъ преподобнаго утаити ему, аще в' нощи, аще во дни. Быв'шу же ему в' чину совер'шену и священству сподобльшуся, прихожаше ему помысль, еже бы изобрѣсти мѣсто и составить монастырь общежитіе; и пришедъ, исповѣда преподобному помысль свой, и се не единою, но и многожды. Святой же іако видѣ належашъ на сіе помысль его, помышляше

нѣчто Божіе быти. И по в'ремени же мнози^а благоразумный пастырь благословляетъ Феодора и отпущаетъ, і сличѣ с нимъ восхотѣша отъ братіа, да идеже възлюбитъ обрѣтъ мѣсто, Богу помагающе, устроить егоже хощетъ. И тако шедъ, обрѣте мѣсто зѣло красно на строеніе монастырю, близъ рѣкы Моск'вы, именемъ Симаново. Сіа слышавъ святыи, прииде видѣти мѣста; и видѣ угодну^а быти^а мѣсту къ устройенію оному, повелѣваетъ ему. Феодоръ же благословеніе отъ архиерея получивъ, и созда церковь на томъ мѣстѣ во имя пречистыя Владычица наша Богородица честнаго ея Рождества. И тако составляетъ монастырь, вся по чину стройниѣ зѣло изрядно, и общежитіе учини, іакоже подобаетъ по преданію святыхъ отецъ во славу Божію; и бысть въскорѣ благодатию Божіею монастырь чуденъ, и множество братіа отъ различныхъ странъ собирахуся, понеже слава премнога во вси страны о Феодорѣ простирается, іако мнози приходяще велику ползу приемлюще отъ него наставляеми. И бѣ видѣти Феодора изрядна в' добродѣтеляхъ сіающе, и в' телесномъ возрастѣ и благолѣпіи мнози, и въ премудрости и разумѣ много разсудител'на; и тако многихъ его ради добродѣтелей отъ всѣхъ почитаемъ бѣ, и день отъ дни пресвещаеши слава о немъ, іако нѣкогда и старцу святому Сергію болѣзновати о чести и славѣ много о немъ, и молитвы непрестанно къ Богу възсылающе, въ еже совершити ему теченіе бес прет'ковеніа. Мнози же ученицы Феодоровѣ в' добродѣ-
 662. в. телехъ зѣло просіа^аша изряднѣ, іако произведеннымъ быти во игуменства честныа, по и на епископства в' великодръжавныи славныа грады. В' нѣкое же время прилучися сему чудному мужю Феодору въ Цариградѣ быти; и тамо отъ патриарха курт' Нила вселенскаго вел'ми почтенъ бысть, и по архимандритехъ во всѣхъ Рускихъ старѣйшинству сподобляется, въ еже Симановскый честнѣйшии монастырь в' Руси Феодоровъ строится, въ патриарше имя. И во время строеніа на другомъ мѣстѣ основан'на бысть церковь камена архимандритомъ Феодоромъ чудна зѣло во имя Пре-

чистыа Богородица честнаго ея Успеніа; и тако сему бывающе, на томъ мѣсте благодатию Христоваго устроены бысть монастырь славенъ, въ еже и до нынѣ отъ всѣхъ зрится и почитается. Мы же на подлежащее возвратимся, о немъ же памъ слово. По времени же Феодоръ, честный архимандритъ, възведенъ бысть на архиерейство града Ростова, и тако пребысть лѣта довол'на честнѣ зѣло, іакоже свѣтилищу на свѣщницѣ сіающе; и тако унасъ добрѣ врученую ему паству, къ Господу отъиде в' лѣто 6703 мѣсяца Ноембрия въ 28. Сіа 662. г. же до зде сократимъ о Симановской обители; подобающее же да приложится зде.

О видѣніи ангела, служаща со блаженнымъ Сергіемъ.

Иног'да же еще пребывающе Феодору освящен'ному въ обители у святаго Сергіа, служаща святому Сергію божественую литургію съ предреченнымъ Стефаномъ, братомъ своимъ по плоти, и сему Феодору, сроднику его с нимъ, предречен'ному же Исакию молчалинику стоащу въ церкви, іакоже прежде помянухомъ, мужю добродѣтел'ну ему сущю зѣло, и сего ради откровенно бысть ему: зрѣтъ во олтари четвертаго служаща с нимъ, мужа чудна зѣло, і смуже видѣніе странно и несказанно во свѣтлости велицѣ и образомъ сіающе и ризами блистающа; и бывшу пер'вому входу, и той аггелообразный и чудный мужъ изыде во слѣдъ святаго, емуже сияюще, іако солнце, лице его, не можаше зрѣти на нь; ризы же его не обычны, чудны, блистающа, в' нихъ же мечтаніе златостройно зрится. И се вопрошаетъ Исаакіе близъ стоаща отца Макарія: что зрѣніе се чудное, отче; кто есть зримый чудный^а сей мужъ? Макаріе же сподобленъ 663. а. бысть сего зрѣніа, мужъ в' величѣй свѣтлости дѣланій, рече: ужасно видѣніе, неисповѣдимо; и нынѣ нѣсть потреба глаголати. И іакоже по скончаніи святаго литургіа получивше подобно время, наединѣ приступивше ко святому Сергію они ученицы его, иже бывше достойни чуднаго зрѣніа, вопрошаютъ его о семъ. Онъ утаити хотя,

глаголя: что видѣсте чудно, чада, служив-
шую божественую литургію Стефану, брату
моему, и сыну его Феодору, и мнѣ недостой-
ному с ними, иному же никому служащему
священнику с нами? Ученици же крѣпиль-
хуся моляще святаго, да извѣстятъ имъ,
глаголя: Господа ради, не скрый отъ насъ,
честный отче, мы бо извѣстно видѣхомъ
непрестанно чтвертаго ангела Божіа с
тобою служаща. И разсудивъ старецъ в
себѣ, тако и они сподоблени отъ Бога зрѣ-
нію ангела, и възвѣстѣ имъ всю истинну,
глаголя: о чада любимаа! аще Господь Богъ
вамъ открь, азъ ли се могу утаити? его-
же видѣсте ангелъ Господень есть; и не
токмо днесь, но и все посѣщеніе Божіе,
служащу ми недостойному с нимъ; вы же
663. б. еже видѣсте никому же повѣдайте, донде-
же сэмъ в жизни сей. И тако удивившася
зѣло. Сіа же сказанія преднимъ послѣ-
дуютъ о составленіи монастырей отъ уч-
никъ святаго, еже на Дубенкѣ; сему же
монастырю начало сказанію сіе.

О побѣдѣ, еже на Мамай.

Бысть убо, Богу попускающу за грѣхы
паша, слышано бысть, яко Ордыньскій
князь Мамай въздвиже силу велику всю
орду безбожныхъ Татаръ, идетъ на Рускую
землю, и бяху вси людие во страхѣ величѣ
утѣсненіи. Князь же великодержавный,
иже тогда скипетры Рускихъ странъ об-
державъ, достохвалный и побѣдоносный ве-
ликий Дмитріе да глаголется: сей убо приде
ко святому Сергію, иакоже велію вѣру
имѣя ко старцю, вопросити его, аще пове-
лѣтъ ему противу безбожныхъ изыти, вѣ-
дѣаше бо мужа, добродѣтель имуща и даръ
пророчества. Святый же яко услыша сіа
отъ великого князя, благословивъ его и мо-
литвою вооруживъ, и рекъ: подобаеъ ти,
господи, пецися о врученномъ отъ Бога
Христоименитому ти стаду, поиди противу
безбожныхъ, и Богу помогающе ти побѣ-
663. в. ||диши и здравъ во свое отечество с велики-
ми похвалами възвратишися. Великий же
князь рече: аще ми Богъ поможетъ, отче,
поставлю монастырь во имя Пречистыя Бо-
гоматере. И сіа рекъ, воспримъ благосло-

веніе, отъиде, поиде скоро; и тако собравъ
воя вся своя, приспѣ противу безбожныхъ
Татаръ; и увидѣвъ силу ихъ зѣло множе-
ство, сташа сомнящися; страхомъ мнози
отъ нихъ обвати бывше помышляюще, что
сотворити, и се виезаашу в той часъ при-
спѣ борзоходець с посланіемъ отъ свята-
го, глаголюще: безо всякого сомнѣнія, го-
споди, со дерзновеніемъ поиди противу свє-
рѣпства ихъ, никакоже укасайтесь; всяко
поможетъ ти Богъ. И абіе князь великій
Дмитріе и все войнство его отъ сего ве-
лику дерзость воспримше, изыдоша про-
тиву поганыхъ, сіе слово рекъ: Боже ве-
ликий, сотворивый небо и землю! помощ-
никъ ми буди на противники святому ти
имени. И тако сразившеся и многа телеса
падаху; и Богу помогшу великому побѣдо-
носному Дмитрію, и побѣждени быша по-
ганіи Татарове и конечный пагубѣ предани
быша: видѣша бо оканіи на себѣ бого- 663. г.
пустный гнѣвъ и Божіе погубованіе, вси
на убѣжаніе устремишася; крестопосна же
хоругвь довольно гнавъ во слѣдъ сопро-
тивныхъ, множество же бесчислено убива-
ше, ови же извєни отбѣгоша, иныхъ же
живыхъ руками іама. И бяше чудно зрѣніе
и дивна побѣда: иже прежде блистающая
оружія, тогѣда же вся окровавлена кровми
иноплемєнныхъ, и вси образы побѣды по-
шааху; и zde сбысться пророческое слово:
единъ женяше тысяцю, а два тму. Святый
же тогда по предиреченному, тако прозор-
ливый имѣя даръ, вѣдѣаше, яко близъ вся
бываемая зряще, и далече бяше растоаніа
мѣстомъ и многы дни хожденіемъ, на молит-
вѣ со братією Богу предстоя о бывшей по-
бѣдѣ на поганыхъ. Мало же часу мимошед-
шу, яко до конца побѣждени быша безбож-
ни, вся предсказоваше братіямъ бывшаа
святый: побѣду и храбрость великого кня-
зя Дмитрія на поганыхъ, а иже отъ во-
инства христіаньскаго преславно побѣду
показавши на поганыхъ и отъ нихъ избе-
ныхъ, сихъ по имени сказа, и приноше- 664. а.
ніе о нихъ всемилостивому Богу принесе.
Достохвалный же и побѣдоносный великий
князь Дмитріе славу побѣду вѣземъ на
сопротивныя варвары, возвращается свѣтло

в радости мнози во свое отечество, и неза-
медленно прииде ко старцу святому Сергію,
благодать воздая ему о добромъ совѣщаніи,
и всесильнаго Бога славяще, и о молитвахъ
благодаряще старца и братію, во веселіи
сердца бывшая вся исповѣдаше, како
възвеличи Господь милость свою на немъ,
и милостыню многу въ монастыри вѣдъ,
и тако въспоминаетъ жслателно великодер-
жавный старцу, о немъ же обѣщася хочеть
скоро на дѣло извести, Пречистѣй Богома-
тере монастырь во имя ся устроить, гдѣ
обрѣтается мѣсто угодно къ устроенію.
Старець же Сергіе шедъ, поискавъ, обрѣте
мѣсто угодно на рецѣ, зовомой Дубенкѣ, и
възлюбленіемъ великого князя на томъ мѣ-
стѣ святой Сергіе церковь постави во имя
Пречистой Богоматере, Успеніе Владычи-
ца наша; и в малѣ времени помаганіемъ
потребнымъ великодержавнаго бысть мона-
664. 6. стыр чюдень, всѣмъ исполненъ; вручи же
святой игуменство отъ ученикъ своихъ
Роману именемъ, мужю зѣло добродѣтелну,
и состави общежитіе в лѣпоту зѣло, тако-
же подобаетъ во славу Божию, и множеству
собравшюся, потребная доволно милостию
Пречистой и до нынѣ имуща. Сіа же до зде.
Въ ино же время великодержавный, о
немъ же намъ слово, князь великій Дими-
тріе умоли святого старца Сергія, да на
Коломнѣ, во отечествѣ его, на мѣстѣ, име-
немъ Голутвинѣ, шедъ благословитъ мѣсто
поставити монастырь во имя святого Бого-
тавленія, и самъ мѣсто благословитъ и цер-
ковь воздвигнетъ. Преподобный же яко
имѣя всегда обычай, нѣшь хождаяше, и по-
слуша великаго князя вѣры его ради и
любве, иде на Коломну и благословляетъ
мѣсто, сего же великодержавный возлюбилъ, и
церковь воздвиге во имя святого Богоявле-
нія. Умоленъ же бывъ отъ него, да дастъ
отъ ученикъ своихъ единого на строеніе
монастыря, і вѣдъ ему единого отъ учени-
къ своихъ Григорія священноинокъ, му-
жа богоговѣйна, въ многихъ добродѣ-
теляхъ исполнена; и тако воскорѣ множество
664. в. братства собравшеся, и составлено бысть
общежитіе Божіею благодатію, монастырь
честенъ зѣло отъ всѣхъ и великому князю

възлюбленъ, и до нынѣ исполненъ всякого
блага; и по времени церковь создана бысть
камена, еже есть и до нынѣ. О семъ же
такъ бывшю, ниже сіе подобаетъ умолчати
о Высокомъ монастыри, еже предводящее
слово скажетъ. Во ино время предреченно-
му великоименитому князю Владимиру умо-
лившю святого Сергія, да симъ же образомъ
приидетъ въ отечество его градъ Серпо-
ховъ, и благословитъ мѣсто на рецѣ Нарѣ, и
въздвигнетъ церковь во имя Зачатіе Пречи-
стыя Богородица, еже и послуша преподоб-
ный: вси бо великодержавнии к нему
велию вѣру отъ всея душа стяжавше, по-
неже велику пользу и утѣшеніе духовно
отъ него приемлюще; і исполняютъ желаемо-
му желаніе его святой: пришедъ на речен-
ное мѣсто, благословляетъ, и церковь
въздвиге; и тако же молить боголюбивый
князь, да дастъ ему единого отъ ученикъ
своихъ, именемъ Афанасія; святой же аще
и нужно ему бысть дарованіе, но лю-
бовію преклонися на прошеніе: бѣ бо
Афанасіе въ добродѣтеляхъ мужъ чю-
денъ и въ божественыхъ писаніи зѣ- 664. г.
ло разуменъ и добросписанія много руки
его и до нынѣ свѣдѣтельствуютъ, и сего
ради любимъ зѣло старцу, и сего остав-
ляетъ святой строити монастырь и общее
житіе составить, еже и бысть: молитвами
святого устроено монастырь чюдень и зѣло
красенъ, зовомый на Высокомъ; и собра-
шася множество братства въ паству по-
лезну благочестна мужа и добродѣтелмъ
украшена сего изряднаго Афанасія. Той же
монастырь благодатію Божіею и до нынѣ
стоитъ, зримъ есть всѣмъ. Сіа же до зде
не во многоповѣданіе простремъ множествъ
ради. И что много хотимъ писати о насаж-
деніи плодъ духовныхъ святого? не невѣ-
домо есть всѣмъ, колико самъ Божій чело-
вѣкъ, разсудный великій пастырь мона-
стырь состави, и сынове его и сынове сы-
новъ его такоже свѣтила зрятся отсюду и
сіають во вся страны свѣтлымъ и чюднымъ
житіемъ всѣмъ на ползу. Но мы сіа пре-
минуше, на подлежащее возыдемъ, въ
грядущее житіа святого поидемъ; настоа-
щее да глаголется.

О преставленіи Алексія митрополита.

665. а. Блаженный же митрополитъ || Алексіе во время старости видѣвъ себе изнемогающа и к' концу приближающа, призываетъ святаго Сергія; и сему пришед'шю и бесѣдующима има, и повелѣ митрополитъ изнести крестъ с параман'домъ, златомъ и каменіемъ многоцѣн'нымъ украшенъ, и даруетъ святому. Онъ же смиреніемъ поклон'ся, глаголя: прости мя, владыко, яко отъ уности не быхъ златоносець, въ старости же наипаче хочу в' нищетѣ пребывать. Архиерей же к' нему рече: вѣмъ, возлюблен'не, яко сіа исправилъ еси; но сотвори послушаніе, приими отъ насъ дан'ное ти благословеніе. И тако възложивъ своимъ руками на святаго, яко цѣкое обрученіе, и по сихъ хотящихся ему глаголати, рече ко святому: вѣдый буди, преподобный, на что призвахъ ты и что хочу ѿже о тебѣ сотворити. Святый же отвѣща: и како могу, господи, вѣдати? Онъ же рече к' нему: се азъ содер'жахъ, Богу вручив'шю ми, Рускую митрополію, елико Богу хотящу; нынѣ же вижу себе к' концу приближающа, токмо не вѣмъ дне скончанія моего; желаю же при животѣ моемъ обрести мужа, могу-

665. б. ца по мнѣ пасти стадо || Христово, но отъ всѣхъ недоумѣвся, тебе единого изб'рахъ, яко достойна супца исправити слово истин'ны: вѣмъ бо извѣстно, яко отъ великодер'жавныхъ господій и до послѣднихъ вси тебе требуютъ; и преже убо епископства саномъ почтенъ будещи, по моемъ же отхожденіи мой престолъ воспріимеши. Святый же яко услыша сіа, зѣло оскорб'ися, яко велику тѣщету в'мени себе сіе быти, и ко архиерею отвѣща: прости мя, владыко, яко выше мѣры моя еже глаголеши, и сіа во мнѣ не обрящещи никогдаже; кто бо есмь азъ грѣшный и худѣйши паче всѣхъ человѣкъ? Архиерей же многа изрекъ старцю словеса отъ божественныхъ писаній, сими хотя его ко своей воли привести; смиренію же дѣлатель никакоже преклонися, но рече: владыко святыи! аще не хочещи отгнати мою нищету и отъ слышанія святыни твоеа, не предложи прочее о семъ глаголати к' моей

худости и ні иномуже никомуже попусти, понеже ник'то же сіа во мнѣ можетъ обрести. И такоже видѣ архиерей святаго на сіе неприклон'на, и ничтоже приложи ему о семъ глаголати, убоився, да не како стуживъ си отъидеть в' нутреннюю || пустыню, и 665. в. такова свѣтил'ника лишится; и утѣшивъ его словесы духов'ными, и отпусти его въ свой ему монастырь. Не по мнози же в'ремени Алексій митрополитъ отъ житія отходитъ, въ лѣто 6885. И паки начинаютъ господіе великодер'жавнии князи молити святаго, еже воспріати архіерейства санъ; но той такоже твердый адамантъ никакоже на се уклонися. Взыде же на престолъ архіерейскій цѣкто архимандритъ, Михайлъ именемъ, и дерзнувъ облещися въ одежду святительскую и възложи на ся бѣлый клобукъ, начатъ же и на святаго въоружатися, мнѣвъ, яко пресѣцаетъ дръзновеніе его преподобный, хотя архіерейскій престолъ воспріати. Слышавъ же блажен'ный хвалящася Михаила на нь, рече къ ученикомъ своимъ, яко Михайлъ, хваляйся на святую обитель сію, не имать получить желаемаго, понеже гордостію побѣжденъ бысть, ни Царьскаго града не имать видѣти; еже и бысть по пророчеству святаго: по внигда бо пловаше къ Царскому граду, в' телесный недугъ впаде и скончася; вси бо имѣаху святаго Сергія яко || единого отъ пророкъ. 665. г.

О посѣщеніи Богоматере ко святому.

Нѣког'да убо блажен'ному отцю молящуся въ обычномъ своемъ правилѣ предъ образомъ Матере Господа нашего Иисуса Христа, и часто взирая на икону, глаголаше: Пречистая Мати моего Христа, ходатаице и заступнице, крѣпкаа помощ'нице роду человѣческому! буди и намъ недостойнымъ ходатаице, присно молящися Сыну своему и Богу нашему, яко да призритъ на святое мѣсто сіе, еже възложен'но есть в' похвалу и честь святому его имени въ вѣкы: тебе бо, Мати сладкаго ми Христа, ходатаицю предлагаемъ, яко много дръзновеніе к' нему стяжав'шю раби твои, тако всѣмъ спасенному упокоенію и пристанищу. И тако ему молящуся и поющу благодар'ный ка-

нонь Пречистѣй, еже есть акафисто, совершившю же ему правило и съдшю мало почити, рече ученику своему, емуже имя Михея: чадо! трезвься и бодрствуй, понеже посѣщеніе чюдное хочетъ намъ быти и ужасно в сій часть. И се ему глаголющо, и абіе гласъ слышашеся: се Пречистая грядетъ! Святый же слышавъ, скоро изыде из келіа въ прустъ, еже есть сѣни; и се свѣтъ велій осѣни святаго зѣло паче солнца сіающъ, и абіе зрѣть Пречистую со двѣма апостолами, Петромъ же Іоанномъ, в неизреченнѣй свѣтлости блистающася. И яко види святый, паде ницъ, не могый терпѣти нестерпимую ону зарю. Пречистаа же своими руками прикоснуса святаго, глаголя: не ужасайся, избранниче мой, придохъ бо посѣтити тебе; се услышана бысть молитва твоа о ученицехъ своихъ, о нихъ же молишися, и о обители твоей да не скорбиши прочее: ибо отпынѣ всѣмъ изобильствуетъ, и не токмо дондеже во житіи семъ еси, но по твоёмъ еже къ Господу отхожденіи не отступна буду отъ обители твоеа, потребная подавающи нескудно и снабдящи и покрывающи. И сіа рекши, невидима бысть. Святый же во иступленіи ума страхомъ и трепетомъ велимъ одержимъ бѣаше; и по малѣ в себѣ пришедъ, обрѣте ученика своего лежаща отъ страха, яко мертва, и въздвиже его. Он же начатъ пометати себе на нозѣ старцю, глаголя: извѣсти ми, отче, Господа ради, что бысть чюдное се видѣніе, понеже духъ мой в малѣ не разлучися отъ плотскаго ми союза ради блистающагося видѣніа. Святый же бѣ радуяся душою, яко образу его цвѣту-
 666 а. щю отъ радости онаа, и ничтоже можаше отвѣщати, токмо се: потерпи, чадо, понеже во мигъ духъ мой тренещетъ отъ чюднаго видѣніа. Стояща же дивящася в себѣ; по малѣ же рече ученику своему: чадо, призови ми Исака и Симона. И пришедшимъ имъ исповѣда в ся по ряду, како видѣ Пречистую со апостолы и что изрече святому чюднаа обѣщанія. Сіа же яко услышаша, радости неизреченныя исполнишася; и тако вси вкупѣ отпѣвъше молебень Богоматере, и прославиша Бога. Пребысть же святый

всю ночь без сна, внимая умомъ о неизреченномъ видѣніи.

О пришедшемъ епископѣ видѣти святаго.

Времени же нѣкоему минувшю, прииде нѣкій епископъ отъ Константина града въ господствующій градъ Москву, и слышавъ многаа же о святѣмъ: слуху бо велику о немъ пространившуся повсюду даждь и до самого Цариграда. Тоже епископъ невѣріемъ одержимъ о святѣмъ, и глаголаше: како можетъ в сихъ странахъ таковъ свѣтилникъ явитися, паче же в послѣдняя 666. в. сіа времена? и помысли поити въ обитель и видѣти блаженнаго. И бывшу ему близъ обители, начатъ страхомъ смущатися; и вшедшу въ обитель, яко узрѣ святаго, нападе на нь слѣпота. Преподобный же емъ его за руку, и введе в келію свою. Тѣмъ же епископъ начатъ со слезами молити святаго, исповѣда ему и неволю свое невѣріе, вкупѣ же и прозрѣніе прося, окаянна себе глаголя, праваго пути погрѣшивша. Незлобивый же смиренія дѣлатель прикоснуса ослѣпленнымъ его зѣницамъ, и отпадоша яко чешуя отъ очію его, и абіе прозрѣ. Преподобный же къ епископу рече: ваше наказаніе, о премудрый учителю, како подобасть творити, не высокоумдрити, ни възноситися надъ смиренными; к намъ же не наученымъ и невѣждамъ что принесетъ ползу, токмо искусити неразуміе наше прииде, понеже праведный судія вся зрѣть. Епископъ же еже прежде невѣріемъ одержимъ, правовѣрною вѣрою и велимъ гласомъ всѣмъ проповѣдаше святаго истинна Божіа чловѣка быти: глаголаше бо, яко сподоби мя Богъ видѣти днесь небеснаго чловѣка и земнаго ангела. И тако отъиде 666. г. в путь свой, въспріемъ полезная отъ преподобнаго и учреженіе велие подобающее, и славяше Бога и его угодника святаго Сергіа.

О исцѣлѣвшимъ мужи молитвами святаго.

Чловѣкъ нѣкій, живой въ окрестныхъ мѣстехъ близъ обители святаго; случися ему болѣзнь тяжка зѣло, яко въ 20-тихъ днехъ трудно боляше, ниже пици, ниже

снѹ причастися. Братія жѣ по плоти скор'бію о немъ одержимы недоумѣахуся, что сотворити, на дол'зѣ времени тако стражуща. Прииде же благый помыслъ въ сердце ихъ: колика, глаголюще, Богъ творить чудеса угодникомъ своимъ святымъ Сергіемъ; егда како и о насъ умилосердится. И тако совѣщав'шеся, несоша болящаго ко святому, и положивше предъ ногама его и моляху еже молитися о немъ. Святый же в'земъ священ'ную воду и молитву сотвори, покропи болящаго; и абіе в той часъ разумѣ бол'ный, тако облек'чися болѣзнь его; и по малѣ часѣ в' сонѣ сведенъ бысть многъ, во еже в' болѣзни без'соніе исполнити; и тако здравъ бысть, нищи от' того часа причащав'шася, и радуяся отъиде в' домъ свой, мно-

667. а. га благодаренія || воздавая Богу, творящему дивная и преславная чудеса своимъ угодникомъ.

О провидѣніи еже посланныхъ брашенъ причастив'шуся.

И се да назаб'вено будетъ. Нѣкогда бо предпояннутый благовѣрный князь Владимиръ, такоже имѣа велию вѣру и любовь къ преподобному, бѣ бо обитель святаго въ отечествѣ его, и часто прихожаше посѣщенія ради; иногда же иже на потребу посылалъ ему. По сему же образу посылаетъ нѣкогого отъ служащихъ ему къ преподобному с различными брашны и питіи в' потѣшеніи стар'цу со братіями. Градующимъ же посланнымъ ко обители святаго, и по дѣйству сатанину прел'щенъ бысть человекъ онъ: в'земъ отъ брашенъ посланныхъ, и ясть; тако же отъ питія, и пить. И тако пришедъ къ преподобному, возвѣщааетъ посланная ему отъ благовѣрнаго князя люб'ве. Прозорливый же, в' чудесехъ великій онъ мужъ позна прегрѣшенія одного человека и не хотяше прияти, но случившася поношаніе, глаголя: почто, брате, врага послуша и прельстися в'кушеніемъ брашенъ, иже ти недостойтъ преждѣ благословенія исти,

667. б. отъ нихъ же, галъ еси? || Тогда онъ обличенъ бывъ отъ святаго, согрѣшеніе свое позна и не хотя исповѣда, надъ на позѣ святаго плакати начатъ, прощенія прося о содѣлан-

ныхъ. Святый же наказавъ ему ктому таковая не дер'зати, и тако прощенію сподобивъ и отпустивъ его, приѣмъ посланнаа, и молитву надъ брашны и питіи сотворивъ, и христіюбцю князю молитву и благословеніе повѣдати повелѣ. Сіа же до зде, преднимъ же и сіа послѣдуютъ.

О лихоимъцѣ.

Нѣкій человекъ живяше близъ обители святаго, имѣя н'равъ лихоимства, тако естъ и до нынѣ обычай сил'нымъ убогихъ обидѣти. Сей насильство сиротѣ сотвори отъ съсѣдствующихъ ему сицево: отыять вепръ, питомый на пицію себѣ, и цѣну не в'дастъ ему, и тако заклати повелѣ его; обидѣнный же притече и припаде ко святому, скор'бя и плача, моля его, помощи прося. Милостиваа же она душа, имѣа утѣшеніе въ скор'бѣхъ, заступаая нищихъ, помогая убогимъ, призываетъ одного насильствующаго и потяжавъ запреті ему, глаголя: чадо, аще вѣруеши, естъ Богъ судія праведнымъ и грѣшнымъ, отецъ же сирымъ и вдови-

667. в. цамъ, готовъ на отмщеніе, и страшно естъ в'пасти в'руцѣ его; и како не трепещемъ, грабимъ и насильствуемъ, и тмами злая творимъ, и недовольны есмы дарован'ными отъ его благодати, на чюждаа же желасмъ непрестан'но, и презираемъ долготерпѣліе его? и не предо очима ли нашими зримъ, таковая творящени обнищаваютъ, и дома ихъ опустѣютъ, и мнози силніи беспамятни будутъ, и въ ономъ вѣдѣ сихъ мученіе бесконечное ждеть? И много наказавъ его, и повелѣ цену сиротѣ в'дати, глаголя: прочее не насилуй сиротамъ. Он же со страхомъ общася исправитися н'равомъ на благое житіе и обидимому отдати цѣну; и тако прииде в'домъ свой. И по малу раз'слабился помыслъ о наказаніи святаго стар'ца, во еже не в'дати цѣны сиротѣ; и тако ему помышляюще, и вниде по обычаю въ клѣть свою, и зрѣти вепря одного растесана телеса, черв'ми всего кишяща, бѣ бо тогда зимно время; и тако страхъ велій нападе на нь, и трепеташе зѣло о преслушаніи святаго старца, како извитися лицу его, иже ничтоже || можетъ его утаитися; и в той часъ 667. г.

в'дасть цѣну ему же не въсхотѣ; телеса же оного вопре извер'жени быша п'сомъ и птицамъ на снѣдь, ни тѣмъ же прикоснувшимъ на обличеніе лихоймцемъ, да накажутся не обидѣти. Он же не можаше срама ради явитися предъ лицемъ святаго; а сего же прежде излиха възжелѣ, сего невѣлю зрѣти гнушашеся.

О видѣніи божественнаго огня.

По сих же нѣкогда служащи блаженному божественную литургію, быше бо тогда ученикъ преподобнаго Симонъ еклисиархъ, егоже выше помянухомъ, во мнозѣхъ добродѣтели совер'шенъ, сего же и самъ святой старецъ свѣдѣтельствоваше имуща совер'шенное житіе; сіе убо Симонъ зрѣть чудное видѣніе: служащу бо, рече, святому, видитъ огонь, ходящъ по жер'товнику, осѣняющъ олтарь и окрестъ святыхъ трапезы окружаа; и егда святой хотя причастится, тогда божественный огонь свится яко нѣкая плащаница, в'ниде во святой потиръ; и тако преподобный причастися. Симонъ же сіа зря, ужаса и тренета исполнь быше и в себѣ

668. а. дивися. Святой же изышедъ отъ жер'товника, разумѣ Симона видѣнію чудному сподобльшася, призвавъ его, рече: чадо, почто устрашися духъ твой? И рече: господи! видѣхъ чудное видѣніе: благодать Святаго Духа дѣйствующа с тобою. Святой же запрети ему, рекъ: да никому же възвѣстиши, таже видѣ, доидеже Господь сотворить таже о мнѣ отхожденіа отъ житія сего. И тако общю хвалу въздаша Господеви. О сихъ же до зде.

О преставленіи святаго.

Живъ же святой лѣта довол'на в' добромъ воздержаніи и трудѣ, и неисповѣдима и несказанна чюдеса отъ дѣлъ показа, и въ старость глубоко пришедъ, ни мала отъ божественныхъ пѣній или служеній оставляа; и елико состарѣшася въ возрастомъ, толико паче крѣплишася и растяше усердіемъ и божественныхъ подвиговъ мужественѣ и теплѣ касашеся, никакоже старостию побѣждаемъ, но позѣ столпіе бяху день отъ дне, якоже степенемъ приближающася къ Богу; и ра-

зумѣ же и прежде шестихъ мѣсящъ свое преставленіе, призвавъ убо братію, и вручасть старѣйшинство своему присному ученику, сущю в' добродѣтели совер'шену и въ всемъ 668 в' ревности послѣдующу своему учителю, тѣломъ убо млада, умомъ же зѣло сѣдишами цвѣтуща, иже послѣди явлена его в' чудесехъ показавъ, предводящее слово скажетъ, Никону именемъ; сему повелѣ пасти стадо Христоименитое в'нимательнѣ же и правѣ, яко слово въздати хотяща не о себѣ, но о многыхъ. Сей убо великій подвиж'никъ, вѣрою благочестивѣйши, неусыпаемое хранило, непресыхаемѣй источникъ, желанное имя, без'молъствовати начатъ, и мѣсяца Септевр'я в' недугъ убо в' телесный в'падъ, и видѣ убо конечнѣ свое къ Богу отхожденіе естества отдати долѣ, духъ же ко желанному Иисусу предати, призываетъ священное исполненіе и новоизбранное стадо, и бесѣду простеръ подобающую к' пользѣ, поучивъ непрет'кнове'но во православіи пребывати рече, и единомысліе другъ другу хранити завѣща, имѣти же чистоту душевну и телесну и любовь нелицемѣрну, от злыхъ же и ск'верныхъ похотей отлучатися, пицію же и питіе имѣти немятеж'но, наипаче смиреніемъ украша'тися, стран'нолюбіа 66 не забывати, сопротивьсловіа удалитися, и ничтоже в'мѣняти житія сего честь же и славу, но в'мѣсто сихъ еже отъ Бога мздовозданіа ожидать, небесныхъ вѣчныхъ благъ наслаженіе; и прочее много наказавъ, рече: азъ, Богу зовущю мя, отхожу отъ васъ; предаю же васъ всемогущему Господу и того пречистѣй Богоматере, да будетъ вамъ прибѣжище и стѣна отъ сѣтей вражнихъ и лааніихъ; и в' самый убо исходъ, в' онъ же хотяше телеснаго союза отрѣшитися, Владычнаго тѣла и крови причастися, ученикъ руками того немощ'наго уды подкрѣпляеми, възд'виже на небо руцѣ, и молитву сотворивъ, чистую свою и священную душу съ молитвою Господеви предасть, в' лѣто 6905, мѣсяца Септевр'я 25; живъ же преподобный лѣтъ 70 и 8. Изліа же ся тог'да благоуханіе веліе и неизреченно отъ телесе святаго. Братіи же всѣмъ собран'номъ, плачемъ и рыданіемъ сокрушашася, и на одрѣ чест-

ное и трудолюбное тѣло положише честно, псалмопѣніемъ и надгробными того провожаху; ученикъ слезъ источниці проливахуся, 668. г. || кор'мчіа отщетив'шеся и учителя отъѣзти быв'ше и отча разлученіа не тер'пяще, плакаху, аще бы имъ мощно и съумрети имъ тогда с нимъ. Лице же святаго свѣтлѣшеся яко свѣтъ, а не яко обычай есть мертвымъ, но яко живу или ангелу Божию, показуя душевную его чистоту и еже отъ Бога мздовъздаанія трудомъ его. Положиша же честное его тѣло въ обители, иже отъ него създан'нѣй. Кая убо іаже во преставленіи и по кончинѣ сего чюднаа быв'ша и бывають, разслабленыхъ удовъ стягнутіа и отъ лукавыхъ духъ человекъ свободженіа, слѣнымъ прозрѣніа, слукымъ исправленіа, ток'мо раки его приближеніемъ. Аще и не хотяше святой, іакоже в' животѣ, и по смерти славы, но крѣпкаа сила Божіа сего прослави, емуже предидяху ангели въ преставленіи къ небеси, двери предотвер'зающе райскіа и в'желаемое блаженство в'водяще, в' покой праведный, въ свѣтъ ангелъ, въ іаже присно желаше зря, и всесвятѣя Троица озареніе пріемля, іакоже подобаше пост'нику, инокомъ украшеніе. Сицеваа отча теченіа, сицева дарованіа, сицева чюдесъ пріа-

669. а. тіа, || іаже не ток'мо в' животѣ, но и по смерти, иже не мощно есть писанію предати; елма убо тако, іаже о немъ, и доселѣ зрится. Принесе ми убо иже древле просіавшихъ срав'нимъ сему еже отъ добродѣтелей житіа и мудрости, и видимъ, аще въ истин'ну ничимъ же отъ тѣхъ скуденъ бѣ иже прежде закона онѣмъ божественнымъ мужемъ: по великому Моисею і иже по немъ Іисусу, соборовидецъ бысть и пастырь людемъ многимъ, і ако въ истин'ну незлобіе Іаковле стяжа и Авраамово стран'полюбіе; законоположитель новыи, и наслѣдникъ небеснаго царствіа, і истин'ный правитель насомымъ отъ него: не пустыню ли испол'ни благопопеченій многихъ? аще и разсудителенъ быше великій Сава, общему житію правитель, сей же не стяжа ли по оному доброе разсужденіе и многы монастыря обще житіе проходящимъ въздвиже? не иняше ли сей чюдесъ дарованіа, іакоже и

преже того прославленіи, и кол'ми Богъ сего прослави и сотвори именита по всей земли? Мы же убо не похваляемъ того іако похвалы требующа, но іако онъ о насъ молится, въ всемъ бо страсто'положителя Хри- 669. б. ста подражавъ; не во много же простремъ слово; кто бо въз'можетъ по достоанію святаго ублажити? О сихъ же до зде.

О проявленіи мощемъ святаго.

Приложено же се да будетъ къ пред'реченнымъ, еже обрѣтеніи мощій святаго: когда и в' коє время, егда възхотѣ Господь Богъ бол'ми прославити угодника своего и обитель свою пространити, честиѣйшу възд'вигнути. Минув'шимъ тридесатымъ лѣтомъ по преставленіи святаго, приходящу пѣкому мужю благочестиву, велію вѣру имѣющю ко святому, близъ обители его живущю и часто молящуся у гроба святаго, и зря отъ гроба чюдеса бываемая многа, в'нощъ же пѣкую молящуся ему, абіе в'сонѣ тонокъ сведенъ бысть; явися ему блажен'ный Сергіе, глаголя: да възвѣстиши игумену обители сеа: воскую ми остависте толико время во гробѣ землею покровена, водѣ утѣсняющіи тѣло мое? Възб'нувъ же дивный онъ мужъ отъ видѣніа, страхомъ и радостію содер'жимъ, скоро повѣда ученику святаго Никону игумену. И сіа слышавъ игумень, възвѣсти всему братству; и тако вси в'купѣ възрадо'вашася радостію великою зѣло. И услы- 669. в. шано бысть сіе во многи страны, тѣмъ же и стекошася дер'жавніи князи и священніи собори; иже великодер'жавный бѣ и хвалямъ достойно и просвѣщеніа сподобленый отъ святаго, христолюбивое чадо его, князь Георгіе, сей убо велію вѣру имѣя къ преподобному отцю своему и въ премного попеченіе къ обители его, іако въ истину чюднаго отца совер'шенное в'добродѣтеляхъ чадо, достойную честь въздавая отцю и прилѣжно отъ усердіа служа. И тако священный соборъ отк'рывше чюдотворный гробъ, в'купѣ благоуханія и араматъ духовныхъ испол'нишася, и видѣша чюдное зрѣніе и умиленіа достойно, іако не ток'мо честное святаго тѣло цѣло и свѣтло съблюдеся, но и одежда его, в'нейже погребенъ бѣ, цѣла

бѣше всяко и тлѣнію никакоже сопричастна, и вода отъ обою страну мов'чѣга стояше видима, телеси же святаго, ни ризь его никакоже прикасаема. И видѣв'ше вси прославиша Бога, иже толикими лѣты суца въ гробѣ тѣлу святаго соблюдену быти; сотвориша же праздникъ радостенъ, мѣсяца 669. г. || Иуліа въ 5, и в раку честно положиша со псалмы и пѣснями, идѣже суть и донынѣ честныя его и многоцѣлбныя мощи всѣми видимы, исцѣленія неоскудно подавають вѣрою приходящимъ. И тако настояй и весь священный соборъ, ученици блажен'наго, с великодержавными князи совѣщаши совѣтъ благъ, обложиша церковь камєну надъ гробомъ святаго. И тако помаганіємъ христіюлюбивыхъ князей, вѣрою и любовію ко святому прилежащу присный ученикъ святаго Никонъ горяше духомъ, и подвигу зѣл'ному касаешся со братією, желаніе имый отъ дуца, еже бы при животѣ его совер'шитися, еже начатъ, святому храму единосущныя Троица, в похвалу своему отцю, еже и бысть молитвами святаго отца восторѣ, по прошенію его: церковь бо, іакоже рѣхомъ, красну възд'вигъ и подписаніємъ чюднымъ и всяческими добротами украсивъ; очадалюбиваго же предпомянутаго чада приснаго рука простерта ко строснію наче всѣхъ бѣше. Нуж'но бо и се намъ есть поминути и чюдно, іако испол'нися желаніе преподобнаго отца настоятеля Никона: умо- 670. а. лени быша отъ него чюдніи || добродѣтели старци живописци, Даниль и Андрѣа предпомянутый, присно духовно братство и любовь к себѣ велику стяжав'ше; и іако украсиша церковь сію подписаніємъ в'конєць своего богоугоднаго житія блажен'наго, и тако къ Господу отидоша възрѣни и другъ со другомъ въ духовнѣмъ союзѣ, іакоже и здѣ пожиєта, и сие писаніе конечное в' память свою оставиша, іакоже всѣми зрѣтси.

О преставленіи преподобнаго Никона игумена.

Посемъ в' тоже время ученикъ святаго преподобный Никонъ, іакоже испол'нися прошенія его, бѣ бо въ глубочѣ старости ему суццо, унаєъ же добрѣ врученую ему

паству по отечьской заповѣди, и всяческия образы, іаже видѣ отъ богоноснаго отца, вся сіа собою исправль и прочимъ предасть, и тако телеснымъ недугомъ обьятъ бывъ и видѣвъ свое еже къ Богу отшествіе, присываєтъ убо братію и поучивъ ихъ к пол'зѣ, во еже отечьская преданія со всякимъ усердіємъ непреложно дер'жати, и любовь ко всѣмъ имѣти нелицемѣрну, и стра'нолюбіа всячески не забывать, сіа же іако многа іаже о пол'зѣ изрекъ, и честнаго тѣ- 670. 6. ла и кровѣ Господа нашего Іисуса Христа причастися; показанно же ему бысть уготованное со блаженнымъ отцемъ покоище, тѣмъ и глаголаше братіамъ: отнесѣте мя прочее въ свѣтлую мою храмину, иже уготоваша молитвы святаго ми отца, здѣ бо прочее не тер'плю быти. И тако на многъ часъ глаголи и братіи миръ давъ, душу свою Господєви предасть, мѣсяца Ноеврія въ 17. Братіамъ же честно проводившимъ его псалмонѣніємъ и надгробными почтив'ше отца подобно, и близъ раки блаженнаго положиша, іакоже подобаєтъ.

О видѣніи Сергіа съ братією на пѣніи.

Добро еєть вѣспоминути отъ многихъ малая исповѣданія, и чюдесной абіє причаститися трапєзѣ, и єдину пер'вѣе сотворив'ше повѣсть, имиже Богъ прослави и по смерти угодника своего, неотступно съблюдалше пєкійся о своей обители. Инокъ бо пѣкый отъ братства его стада, именемъ Игнатіє, извѣстно видѣ святаго Сергіа, іако достоинъ сподобися чюднаго зрѣніа, свѣдѣтельство имѣя отъ добродѣтел'наго жительства, || зрѣть святаго на всенощномъ стоя- 670. в. нніи, стояща на мѣстє своемъ и поюща съ братіями, и тако исповѣда братіамъ; и слышав'ше вси радостію великою радующєся.

О видѣніи митрополита Алексіа и святаго Сергіа с нимъ.

По семъ же времени братству велику уможив'шуся въ обители святаго, тѣмже и начаша рас'пространити обитель. Инокъ же, ученикъ настоателя Никона, и сему брату, сѣкущую древо на зданіє келіи; ненавист'никъ же роду нашему врагъ, дѣлу спону

хотя сотворити сему нѣкако, ꙗкоже той злобѣ хитрець вѣсть, сѣкиру в рудѣ его обративъ и остріемъ в лице уранити ся сотвори; крови же зѣлнѣй текущи, изнемогши ему отъ теченія крове, вечеру сущи глубоку, сѣдѣящу ему в' келіи, ꙗко въ иступленіи быв'шу, прииде нѣкто окон'цю келіа, молитву сотворяя и повѣдуа, ꙗко игумень есть; игумена же не бѣ тогда въ обители. Немощ'ный же братъ еще и хотѣ отврѣсти келію, но не можаше вѣстати, и убо сами двери отвер'зошася; и абіе видитъ 670. г. братъ онъ нѣкогого старца свѣтоносна вшедша, и въ слѣдъ его ꙗко мнѣти архіерея, и абіе съ приходомъ онихъ свѣтъ велий вѣсія, оному немощ'ному в' мысли своей благословив'шюся отъ нихъ. Свѣтоносный же онъ мужъ с нимъ пришед'шему святителю келіи основанія показоваше, он же вся мѣста благословляше; тако обхожаста и невидима быша. Възб'нувъ же братъ отъ видѣнія, болѣзни на лицѣ своемъ никакоже оцѣтити; осязавъ же рукою, и разумѣ, ꙗко вся болѣзнь его отгнана бысть; видѣнныхъ же по образу позна: свѣтоноснаго быти святаго Сергіа, въ одеждѣ же архіерейскѣй предпомянутый митрополитъ Алексіе, по предречен'ному, еже бысть ему духовный любовный совѣтникъ; вина же ꙗвленія одного бысть, ꙗко да обители строенія благословяетъ, брата же болѣзнующаго исцелять. Зри же ми, ихже з'дѣ телеса перазлучна, кол'ми по смерти духомъ совокуплени суть святіи, ꙗвленна есть.

О Игнатіи архимандритѣ.

Полезно есть и сіе повѣдати слышавшимъ в наказаніи. Нѣкогда прилучися мужу честну, ꙗко отъ многихъ знаему в наша времена нынѣ, быв'шу Игнатію архимандриту Денисіевы пещеры, ко своему монастырю грядущю, вечеру суцю приспѣвъ обители святаго; в' ту же ночь пребыв'шу ему, и вѣсхотѣ уранити и ускорити в' путь свой, святаго же гробу презрѣвъ поклонитися. Исходящю же ему изъ вратъ монастырскихъ, абіе вси уди тѣла его расслабишася, ꙗко не мощи отъ мѣста одного никакоже двинути. И абіе разумѣ вишу бо-

лѣзни своея, ꙗко за еже презрѣ святому поклонитися сице пострада. И тако прине́сше его, положиша у раки святаго, и начатъ со слезами молитися о согрѣшеніи своемъ, и абіе в той часъ здравіе пріать, ꙗко ничтоже пострадавъ, и отъиде в' путь свой, хваля Бога и благодать велию воздая святому. Иже бо не вѣсхотѣ волею своимъ ногама пріити, и абіе неволею приносимъ бываеъ. Тако Богъ прослави угольника своего, поклоняющимся вѣрою мощемъ его милостивно прошеніе исполняеъ и небрегущихъ наказуетъ прочее боятися. Сіа бо отъ свѣдѣтеля | устъ написахомъ предъ нимъ быв'ша. 671. 6.

О Димитріи исцелѣв'шемъ.

Нѣкій мужъ отъ великодер'жавнаго полаты великаго вел'можи сынъ, именемъ Димитріе, сему убо нозѣ болѣзнию зѣло содер'жими бяху и вѣстати на нихъ с нуж'дею; сего убо родители вѣрою влекоми, привезоша и въ обитель святаго. Быв'шу же пѣнію, бол'ный сѣдѣше при гробѣ святаго, въ умѣ своемъ моляшеся ему, еже избавитися отъ належащія болѣзни. По пѣніи же ведоша его на источникъ, сгоже святый молитвою изведе, и ту обѣ нозѣ до колѣна погрузи; и тако молитвами святаго отъ того часа исцелѣвъ, и бысть ꙗко ничтоже пострадавъ, и отъиде в' домъ свой, радуся и благодареніе вѣздавая Богу и его угодику, великому в' чудесѣхъ.

О Захаріи Бороздинѣ.

Ниже сіе умолчю, еже отъ чудесъ святаго. Бысть убо нѣкій вел'можа, Захаріа именемъ, старѣй вельможа граду Т'верѣ, жилище имый ꙗко двѣстѣ поприщъ отъ обители святаго или помнѣе; но аще далече быше растоанія мѣстомъ, но близъ вѣрою. Сему убо | случися в'нутрь уду чрева его 671. в. болѣзнь множашеся и день отъ дне утроба его растяше, смертію претящи. Сей же ꙗко имѣ вѣру къ святому, пріимаше отъ хлѣба трапезы обители его и на трапезѣ своей преже с вѣрою того в'кушаше; и тако молитвою святаго облегчеваше болѣзнь его, и по малѣ в'ремени здравъ бысть: не оста ничтоже болѣзни его в' немъ; и обѣ-

щася пойти въ обитель святаго и поклонитися и благодареніе въздати святому о исцеленіи своемъ; и тако день отъ дне помышляющу ему и в' заб'веніе прииде, іако въ мнозѣхъ чловѣцѣхъ случается: егда в' нужди есмы, тогда къ Богу прибѣгаемъ; и получивше избавленіе, благодар'ни бываемъ, тако по сему образу сие бысть во множествѣ мирскихъ попеченій.

Чюдо 2. 0 томъ же.

В'рмени же минув'шю довол'ну, не попусти Богъ мужю добродѣтел'ну в' конецъ в' забытіе пріити, и паки наказуетъ его: случи бо ся ему в' болѣзнь в' тяжку зубную в'пасти, и толико болѣзнь его множа-
671. г. шеся, іако мѣлѣти и челюстемъ его сокрушатися; тѣмъ же и сну и пици на многи дни никакоже ся причастити. И тако много в'ремя стражующу ему, имяше же подружіе его в' дому своемъ скуфию блаженнаго, благословенія ради дер'жаше; пріем'ше же благый помысль, възложи сію на главу мужю своему, вечеру суццю, и малу отраду пріимъ, в' сонъ сведенъ бысть. В' поци же, іако самъ глаголаше, свѣтил'нику горяццу, подружію же его и той тогда спяццю, он же шесвер'шенѣ спяше, ниже б'дѣти можаше, но отяг'ченъ лежаше; душа же его б'дѣше и въ умѣ моляшеся, іако да получитъ молитвами святаго исцѣленіе; и внезапно зрѣть блажен'наго отца представ'ша ему. Немоц'ный же аще и хотяше в'стати, или проглаголати что к' нему, но не можаше. Святый же рече: Захаріе, болиши? Он же отвѣща: ей, господи, зѣло стражду. Святый же рече: хочещи ли пойти в' монастырь мой и тамо исцеленіе получить? Он же рече: господи, аще хощю, но не могу. Святый же рече: азъ отнесу тя. И зрѣть немоц'ный в'зита себе и отнесена къ обители святаго и положена у раки свя-
672. а. таго; и видѣвъ раку, облобызаше с' плачемъ и радостію припадая, и позна въ себѣ в' той часъ, іако исцеленіе получив'ша, и паки въ свой домъ отнесен'на. И тако възб'нувъ, и ничтоже болѣзни оцѣти въ себѣ; и пригласивъ свое подружіе, в' радо-

сти исповѣда к' ней вся по ряду дивная и преславная, како исцеленіе получи въ единѣмъ часѣ възхищеніемъ святаго, и принесена въ обитель к' рацѣ его, и прикосновениемъ исцелѣв'ша, и паки в' дому своемъ обрѣт'шася зд'рава. И тако хвалу въздаша Господеву и святому Сергію, іако его ради исцеленіе получи; и в'ставъ здоровъ, готовъ бысть с' радостію обѣтъ свой исполнити, иже прежде исцеленія ради обѣщася, и не исправленъ бысть; тогда же пот'шав'ся скоро пойде, бояся, да не тажде постраждетъ. В'земъ убо брашна различная на потребу братіамъ, и пришедъ въ обитель святаго, пѣніе благодарственно Господеву въздавъ и раку святаго честно со слезами облобызавъ, содѣанная чюднымъ Сергіемъ священному собору еже на немъ сбывшася вся исповѣда; и братію добрѣ учредивъ и милостыню многу в'давъ, ѱ отъиде в' домъ 672. 6. свой радуся и славя Бога.

0 Семеонѣ Антоновѣ.

Ипъ нѣкій мужъ отъ великихъ купецъ и славныхъ господствующему граду Моск'вѣ, Семеонъ именемъ, по прореченію святаго Сергіа родився; сему случися в' болѣзнь велию впасти, іако на многи дни пици ни сна причаститися, ниже на одрѣ двинутися можаше, но подружіемъ и ближними обращаемъ бываеъ и носимъ; и сему быв'шю на много время, во едину же отъ ноцѣй помянувъ немоц'ный онъ Симеонъ блажен'наго святаго стар'ца Сергіа, колика исцѣленія творить Богъ его ради, и начать молитися и глаголати: святый Сергіе! помози ми, избави мя отъ болѣзни сіа; помяни, преподобне, егда бѣ в' жизни сей, колику любовь и благотѣтельство имѣ к' родителемъ моимъ, отъ нихъ же родихся по пророчеству твоему; и тако окорм'ляемъ есмь и до нынѣ твоими молитвами: тако же и нынѣ не забуди мене грѣшнаго раба своего, страждуща зѣло в' болѣзни сей. Сіа же и ина множайшая въ часъ онъ молящуся ему, уже вечеру глубоку, и явился | ему блаженный Сергіе, 672. в. с' нимъ же и ученикъ его пріиде приснопоминаемый Никонъ, свѣтил'нику горяццу, всѣмъ же в' дому его спящимъ. Немоц'ному же

видѣвъню святаго приходъ во свѣтлости величїѣ, и не вѣдяше, кто естъ; но отъ послѣдующаго ему ученика Никона разумѣ, яко святий Сергіе естъ, сего бо Никона извѣстно знааше; хотяше вѣстати, но не можаше и ничтоже проглаголати. Святий же ста близь его и знамена и крестомъ, его же пошаше в' рудѣ своей. Посемъ же повелѣваетъ ученику своему Никону знаменати его иконою, еже близь одра стоаше, юже самъ Никонъ нѣкогда в'дасть болящему. И тако, по повелѣнію святаго, Никонъ знамена его иконою; таже емше за власы главы его, и содрапа с немощнаго, сему зрящю, всю кожу его отъ главы и до ногу; и тако невидимы быша. Симеону же в' той часъ оцютив'ню облегчаніе болѣзни своей, и скоро вѣста, и сѣде на одрѣ своемъ никимъже подкрѣпляемъ, иже прежде двигнутися не могый; и в радости мнозѣ възбудивъ подружіе свое, и начать исповѣдати

672. г. радостнымъ || гласомъ и свѣтлымъ образомъ чудное посѣщеніе святаго Сергія и въ явленіе пришедшаго възлюбленнаго ученика Никона, явленна сотвори zde знаемымъ всѣмъ, яко сопричастенъ в' чудесехъ своему учителю; имѣя же свѣдителя пребывшесъ ему здравіе, яко не кожу содрапа, но болѣзнь отыаша; еже прежде не могый двигнутися в' той часъ отъ одра вѣставъ, и сотвори 15 металій до земля, яко николиже болѣвъ, в' похвалу святому Сергію и благодареніе и его присному ученику, преподобному отцю Никону, со слезами обლობыза честныхъ иконъ образы. И тако бысть здравъ, исповѣдуя всѣмъ.

О воинѣ, избавленомъ отъ поганыхъ.

Нижє сіє мълчаніємъ святаго чудо да покритєся, еже бысть в' наша лѣта. Іако же и прежде Богу попускающю грѣхъ ради нашихъ, овогда убо гладомъ казня насъ, иногда же смертоносіємъ, овогда же нахоженіємъ иноплемєнныхъ, іакоже хощемъ вашей люб'ви чудну повѣсть нынѣ прострети, паче же умилєніа достойну. Случися убо, іакоже прежде рекохомъ, нахожденіє

673. а. безбож'ныхъ Татаръ, и самому || царю Ордьнѣскому, именемъ Магметю, прійти. Ис-

шедшимъ же противу княземъ и восводамъ и множества воинства христїанскаго, и бысть сраженіє веліє, и побѣждєни быша без'бож'ніи, и мнози от нихъ избїєни падоша. Царю же с воинствомъ своимъ пристрашну бив'ню и зѣло смиряющимся имъ, еже толико живыхъ оставити ихъ, нѣція же отъ христїанскаго воинства смиритися с ними не вѣсхотѣша, рек'ше восхитити множество богатства, и сего ради и падоша в' торымъ сраженіємъ непокорьства нашего, все воинство христїанское погаными побѣждєно бысть смиренїа ради ихъ, Богу наказуя насъ тѣми туждими милости его, прочее да познаемъ, коль сил'но естъ смиреніє, и невѣрныя немощны суще о немъ укрѣпишася. На предлежащее же вѣзвратим'ся. Понєже гоняще поганїи христїанское вѣинство, попущеніємъ Божиимъ, многы ихъ избиваху, и овѣхъ рукама яша, в нихъ же и нѣкогого воина, о немъже намъ слово, отъ полаты великодер'жавнаго и любима от него, Іоанна именемъ, сего отлучина гоняща; и достиг'шемъ прѣтящимъ 673. 6. напрасно убити его. Сему же юнну сущю и цвѣтущаго живота своего отчалв'шуся, и дасть ему Богъ благїи помысль, во еже призвати скорого на помощь святаго Сергіа ко избавленію его; и толико в' мысли своей помяну святаго, и абіє конь его скоро на бѣжаніє прострєся, іако крилѣ в'дасться ему, еже и невидиму быти ему отъ поганныхъ; и тако достигє восводы своего, в' радости мнозѣ исповѣдуя всѣмъ великаа чудеса, како избави его Господь отъ смерти гор'кіа молитвами святаго Сергіа. И тако грядущю ему в' путь свой с воинствующими ему, весєляся и обѣщавася прїити въ обитель святаго и поклонитися мощемъ его, благодареніє въздати и братію учредити. И по малѣ времени помысль его премєнися, еже самъ потомъ повѣда, глаголя: что сотворю? мало имѣніа содер'жую; апє учредити ми толика множества братства и милостыню подамъ, іакоже обѣщах'ся, боюся убожєства: полъ имѣніа не остаетъ ми на потребу. И сіа ему помышляющю, и висзаапу пот'чеся конь | его под' нимъ, и 673. в. паде напрасно, іако изъ устъ его и броз-

дамъ истрѣгнути, и тако и самому сконя спаднути; и нападе на нь страхъ велій, ꙗко вси оставиша его страха ради сверепыхъ Татаръ. Сему же трепещущю и конь свой управляющю отъ великаго страха, в' томъ часѣ обрѣтошася поганіи невидимо откуду, и ꙗша сего воина, и совлекоша еже на немъ блистающая оружія, на убійство его устремишася. Тѣмъ же, увы! всячески и живота своего отчаявся, ничтоже надежно имѣя ко избавлению, укарише себе о раскаяніи обѣта, еже ко святому, и срамляшеся прочее призвати святаго Сергіа на помощь, сие глаголя: в' правду окаанный азъ умираю, не сохранивъ обѣта, еже к тебѣ, святой Сергіе; аще не прогнѣвашися, святе, в' конецъ и умилосердишися на мое недостойнство, сугубо и преславно покажеша своя чудеса, уже бо паки не могу солгати: се бо безоотвѣтенъ есмь и стыда исполнихся, и своя добродѣтели юности разлучаюся злѣ. Тако ему горько срыданіемъ плачущюся, и се они звѣровид-

673. г.

ніи въ овчю кротость преложишася, ꙗко изумлени, оставиша его, ничтоже отъ ранъ возложиша на нь, ни ризъ совлекуше многоценныхъ суца. Сей же воинъ видѣвъ себе сохранена помощію Божіею и молитвами святаго, абіе на бѣжаніе себе в'дасть; и аще кто онихъ поганныхъ срѣташе его, но молитвами святаго покрываемъ бѣ и ко своему доправленъ здравъ. И тако скоро притече въ обитель святаго, бояся, да не како паки тягчайши нѣчто постражетъ. И исповѣда всеѣмъ великая Божія чудеса и скорое заступленіе и милость славнаго в' чудесехъ святаго Сергіа, бывшее на немъ милосердіе, ꙗкоже чадолюбива отца; и в радости мнози братію учредивъ и милостыню в'давъ, обლობязая раку святаго, и отъиде в домъ свой, славя Бога и угодника его святаго великаго в' чудесехъ Сергіа.

Чудо о слѣпомъ.

Члѣвѣкъ нѣкій страненъ слѣпотою одержимъ, водимъ милостыня прося, отъ седми лѣтъ ничтоже видя, слышавъ, ꙗже отъ святаго бывающаа чудеса у гроба его, и приведенъ бысть въ обитель, празнику

приспѣвшу Святаго Духа сошествію, и множе||ству народа бывшю, оному нищему 674. а. стоащу внѣ церкви и водящему и отпещшю нѣкия ради потребы; он же слышавъ пѣнія в' церкви, плакаше лишеніа водящаго, еже в'нйти въ церковь и поклонитися гробу святаго. Скорый же в' помощехъ и готовый к послушанію блаженный Сергіе явился ему тогда страннымъ образомъ и за руку емъ к рацѣ приведе. Слепый же, осязавъ, токмо прикоснуся раки святаго, и абіе прозрѣ, и видѣвъ всехъ знаемыхъ, по образу познавъ, и тако велимъ гласомъ благодареніе въздаше святому о прозрѣніи своемъ. И видѣвъше вси множества народа, възрадовашася о бывшемъ чудеси, и прославиша Бога и во вся страны проповѣдающе святаго Сергіа чудеса. Исцелимый же неотступно пребысть во обители святаго, работая братіамъ.

О слѣпой отроковици.

Отроковица нѣкая мала сунци, в таѣже времена приведена бысть слѣпа, ничтоже ни мала зрящи, токмо приближеніемъ раки святаго прозрѣ, и пребысть многи дни, приходя к рацѣ святаго и благодареніе въздавая ему, очи здравы имуща, ꙗко ничтоже постра||да.

674. б.

О бѣснующимся юноши.

Юноша нѣкій злѣ мучимъ отъ духа нечистаго и пребываше съ служащими во обители святаго; и на много время стражующи злѣ, вяжемъ бываше крѣпко, и растерзая бѣгаше скытался в' пустыняхъ и по стремнинамъ убивашеся, и паки обрѣтаемъ бываше, и многими привлечимъ, и желѣзы обложше и ко гробу святаго привлагаху его, крѣпко держимъ бѣ, злѣ мучимъ, ꙗко отъ кричанія гласа его и свистанія бесчиннаго всеѣмъ ужасатися и не могущимъ терпѣти; и падающе ему въ церкви и убивающюся о каменіе, и тѣлу его всему черну отъ ранъ являтися отъ злѣнаго мученія находящаго бѣса. И тако на много время сему тако бывающе, собору же священному всегда зрящимъ, съ умиленіемъ молящимся о немъ ко пренедобному, да помилусть

злѣ страждущаго; и тако не презрѣна бысть молитва, отгнану быв'шу нечистому духу, молитвами святаго Сергія, исцѣлѣвшю уноши и смыслену быв'шу, тако николиже болѣвъ. И тако пребысть неотступно, рабо-

674. в. тая братіамъ || во обители святаго: бѣ бо художество имѣа, одежда угодны дѣлаше на братію. И не ток'мо окрестъ обители живущей кацѣми недугы содер'жими исцеленіе получаютъ и отъ земедѣлецъ получив'ше мнози работаютъ на монастырь потребная; но и от дал'нихъ странъ приходящей различными недугы содер'жими и получив'ше исцеленіе, въ своя не въз'вращахуся, работающе, не стужающе си; и аще кто таковыхъ, обѣщався, и отлучится отъ обители святаго, и паки гоними бываху каждо своимъ недугомъ ко обители святаго, и наказуеми паки работающе, Бога благодаряще въ небур'номъ пристанищи святаго Сергіа.

О уноши сухорукомъ.

Ниже се да покрыется молчаніемъ чудо святаго, еже предо очима нашими сотвори святыи. Приде нѣкій отрокъ, Леонтий именемъ, жилище имѣа въ Вышегородѣ, еже есть на рѣцѣ Поротѣвѣ, сыиъ отъ старѣйшинъ благородныхъ града того, имѣа лѣвую руку суху, за восемь лѣтъ прикор'чена къ ребромъ его, и того ради странствую по многымъ странамъ, Христа ради тру-

674. г. жаяся тѣломъ своимъ. || Пришедшу же ему прежде въ весь нѣкую Сергіева монастыря, и тамо явился ему славный въ чудесехъ преподобный Сергіе, глаголя: чадо! аще хоцши исцеленіе получитьи, иди въ обитель, еже слышалъ еси Сергіеву и видѣлъ, и желасмое получиши; и дай же славу Богу. Отрокъ же радостенъ бысть зѣло, приде въ обитель святаго въ память святаго Луки евангелиста, въ время святыя литургіа; и вышедъ въ церковь, ста у раки чуднаго отца, метаніе творя на едину руку, мол'бу простирая ко святому. И всѣмъ братіамъ предстоящимъ и мнѣ недостойному Пахомію, писав'шему въ то время житіе святаго и ужасно видѣвшу чудо, і ако третіе метаніе принаде ко гробу отрокъ, възопи веліимъ гласомъ, гла-

голя: се, здрава сухая моя рука! и се рекъ, воздвиже ю горѣ, глаголя: се, зрю святаго Сергіа, стояща у гроба своего и повелѣвающа маніемъ прострети руку мою сухую. Благодарение ти въздаю, великому въ чудесехъ, такоже явился ми убогому въ веси, такоже рѣхъ, и обѣща ми грѣшному исцеленіе у раки своя подати, се нынѣ испол'ни; и отпыиъ || готовъ быхъ прославляти 675. а.

во вся страны твоя великая чудеса. Видѣвъ же предстоящій великій священный соборъ преславное чудо, ужасни зѣло стоаще, дивящися чудному зрѣнію, еже сотвори святыи всѣмъ явѣствовано, и видѣнъ бысть исцѣлѣвшимъ; еже мно и азъ недостойный побѣждень быхъ маловѣріемъ, и се святыи мою худость увѣряа, такоже и прежде речен'ному случися епископу, пришедшу отъ Цариграда; и ужаснымъ всѣмъ намъ быв'шимъ: вси бо знающе оного отрока прежде суху руку имуща; и въздаша хвалу Богу і его угоднику святому Сергію. И тако пребысть отрокъ дни довол'ны въ обители святаго, здраву руку имѣа, такоже и другую; и посемъ поиде во вся страны, прославляа святаго Сергіа дивная чудеса и еже на немъ сбысться. Сіа же азъ смиренный таха ермонахъ Пахоміе, пришедшу ми въ обитель святаго, и видѣхъ чудеса бывающа отъ раки богопоснаго отца, паче же увидѣвъ отъ самого ученика блаженнаго, иже многа лѣта, паче же отъ самого возраста юннаго жив'ша со святымъ, глаголю же Елифанія, вѣдый же || блажен'наго извѣсто, иже по 675. б.

ряду сказаши, и мало что написа здѣ о рожденіи, о возрастѣ его и чудотвореніи, и о житіи же и о преставленіи, свѣдѣтельствующимъ же і инымъ многымъ братіамъ, паче же самѣмъ чудесемъ, бывающимъ отъ раки святаго. Азъ же сіа слышавъ і ина иже своимъ очима видѣвъ бывающа чудеса, зѣло удивихся, помози убо Божіа прося и на молитвы святаго отца надѣся, дерз'нухъ написати, слико слышахъ или видѣхъ, отъ великихъ малая и елико моццю бысть мнѣ смирен'ному; многая же і ина повѣсти достойна святаго преминухъ множества ради: земли убо широта и морю глубина и святыихъ чудеса неисчетна суть. Сіа же

написахъ, ꙗко да не забвѣнію предана будуть и сіа чюдеса святаго отъ перадѣнія нашего в' послѣдняя сіа времена: уже бо предреченная достигоша и сбышася, и исякнуша любви многымъ, зѣдѣ бо бѣды и страхъ и нужда. Но, о пастырю добрый и истинный строителю и наставниче и наказателю иноческаго жительства, отцемъ славо, преемникомъ подобнымъ || единокровне и праведнымъ инокомъ наставниче, общему житію совершителю и събесѣдниче бесплотноымъ, страннымъ питателю, нищимъ богато сокровище, недугующимъ врачъ, плѣненнымъ свободитель, путникомъ съпутникъ, на мори сущимъ правителю, слѣплымъ вождь, старости жезлъ, заблуждышимъ наставникъ, ума скудостію наказатель, сокровеннымъ возвѣститель, въ скорбѣхъ утѣшитель, царемъ православнымъ миротворецъ, поборникъ на спротивныи имъ, крѣпость на поганьѣ! Троицы предстоя, и нас не отступай; поминай стадо, еже собра мудрѣ, и соблюди Богомъ дарованную ти паству, ꙗко чадолюбивый отецъ; и не презри иже чтущихъ вѣрою и любовію пречестную и многорадостную память твою, защищая и насъ и соблюдая отъ паходящихъ врагъ: да твоими молитвами соблюдами, царствія небеснаго сподобимся, о Христѣ Іисусѣ Господѣ нашемъ, Емуже слава и держава с безначальнымъ его Отцемъ и пресвятымъ и благымъ и животворящимъ Духомъ, нынѣ и присно и в вѣки вѣкомъ. Аминь.

1112. а.

ЖИТІЕ И ПОДВИЗИ

ПРЕПОДОБНАГО И БОГОПОСНАГО ОЦА НАШЕГО

ИГУМЕНА СЕРГІА ЧЮДОТВОРЦА,

И МАЛО ИСПОВѢДАНІЕ ОТЪ ВОЖЕ-
СТВЕННЫХЪ ЧЮДЕСЪ ЕГО.

Списано ученикомъ его, священноинокомъ Епифанемъ *). Благослови, отче!

Въ лѣто 6900 мѣсяца Септября 25 преставися преподобный Сергіе чюдотворецъ.

Слава Богу о всемъ и всяческихъ ради, о нихъже всегда прославляется великое и трисвятое имя,

еже и присно прославляемо есть! Слава Богъ вышнемъ, иже въ Троицы славимому, иже есть упованіе наше, свѣтъ и животъ нашъ, в негоже вѣруемъ, в негоже крестихомъся, о немъже живемъ и движемся Дѣян. 17. и есмы! Слава показавшему намъ житіе мужа свята и старца духовна! вѣсть бо Господь славить славящааго и благословити благословящааго, еже и присно прославляетъ своя угодники, славящаа его житіемъ чистымъ и богоугоднымъ и добродѣтельнымъ. Благодаримъ Бога за премногую его благодать, бывшую на насъ, ꙗкоже рече апостолъ: благодать Богъ о неизреченомъ Его дарѣ. Паче же нынѣ должни есмы 2 Кор. 9. благодарити Бога о всемъ, еже дарова намъ такова старца свята, глаголю же господина прееподобнаго Сергіа в земли нашей Русей, въ странѣ нашей полнощней, во дни наша, в послѣдняя же времена и лѣта; гробъ его у насъ и предъ нами есть, к немуже вѣрою повсегда притекающе, велико утѣшеніе душамъ нашимъ прислѣмъ и отъ сего зело ползуемся; да по истинѣ велико то есть намъ отъ Бога даровася дарованіе. Дивлю же ся о семъ, како толико лѣтъ минуло, а житіе его не писано; о семъ сжалихъ си зело, како убо таковой святой старецъ, пречюдный и прееподобный отъ нелиже преставися 26 лѣтъ преиде, никтоже не дръзныише писати о немъ, ни даліи ни ближнии, ни болшии ни меншии: болшии убо ꙗко не изволяхъ, а меншии ꙗко не смѣаху. По лѣте убо единомъ ли по двою преставленіи старцеве азъ окаяный вседрзый дръзыхъ на сіе, воздохнувъ къ Богъ и старца на молитвѣхъ призвахъ, начатъ подробнѣе мало пѣчто писати отъ житія прееподобнаго, и к себѣ втайне глаголю: азъ не хватаю ни предъ кимъже, по себѣ пицъ запаса ради, и памяти ради, и ползы ради; имѣхъ же у себя за 20 лѣтъ приготованы таковаго списанія свитки, в нихъже бѣаху || написаны пѣкіа главизны еже о 1112. а. житіи прееподобнаго памяти ради: ова убо въ свиткахъ, ова же в тетратехъ, еще же и не по порядъ, по предняя назадъ, а задъ

*) Это «Житіе» находится только въ Успенскомъ спискѣ, гдѣ оно помѣщено, въ видѣ прибавленія, въ концѣ. Въ Царскомъ и Софійскомъ спискахъ этого «Житія» нѣтъ.

няя наперед. И сице ожидающѣхъ ми в' тако-
вая времена и лѣта, и жедающѣхъ ми того,
дабы кто паче и разумше мене описалъ,
іако да и азъ шедъ поклонюся смѣ, да и
мене научитъ и вразѣмитъ; но разпытавъ
и услышавъ и увѣдѣвъ извѣстно, іако ни-
ктоже нигдѣже, іакоже речеся, не писаше
о немъ, и сіе убо егда воспомяну ли услы-
шѣхъ, и размыслихъ, како тихое и чюдное и
добродѣтельное житіе его пребысть безъ
писанія на многа времена, пребыхъ убо нѣ-
колько лѣтъ аки бездѣленъ в размышленіи
и недоумѣніемъ погружася и печалію
оскорбляся и умомъ удивляся и жела-
ніемъ побѣждася, и найде ми желаніе пе-
сытнос, еже како и коимъ образомъ писа-
нію предати, аки отъ многа мало, еже о
житіи преподобнаго старца; и обрѣтохъ
нѣкіа отъ старецъ премудры во отвѣтахъ
и разсудны в разѣмѣ, и въпросихъ га о
семъ, іако да препоконятъ мое желаніе, и

1112. г. рѣхъ || има, аще достоить писатися. Они же
отвѣщавше, рекоша: іакоже целѣна и не
подобаетъ житія нечестивыхъ пытати и пи-
санію предати, сице же не подобаетъ житія
святыхъ оставлять и неписанію предати,
в' молчаніе и в забытіе положить: аще бо
мужа свята житіе списано будетъ, то отъ
того пол'за велика есть и утѣшеніе въкупѣ
же писателемъ, сказателемъ и послушате-
лемъ; аще ли мужа свята житіе не писано
будетъ, а самовидцы и памятнахъ его аще
бѣдуть преставилися, то каа потреба толи-
кую и такову пол'зѣ в забытіе положить,
аки глубинѣ молчанію предати; аще не
писано будетъ житіе его, то почему вѣдати
не знавшимъ его: каковъ былъ, ли откуда
бѣ, како родися и како възрасте, како по-
стрижеся и како въздржася, како поживе
и каковъ имѣа конецъ житію; аще ли будетъ
писано, и сіе нѣкто слышавъ поревнуеть въ
слѣдъ житія его ходити и отъ сего при-
мѣсть пол'зѣ. Пишетъ же и великій Василіе:
бѣди ревнитель право живущимъ, и сихъ

1113. а. житіе и дѣяніе пиши на || сердцы своемъ.
Виждѣ, іако велитъ житія святыхъ писати
не токмо на хар'тиахъ, но и на своемъ
сердцы пол'зы ради, а не скривати, ни таи-
ти: тайна бо царева лѣпо есть хранити, а

дѣла Божія проповѣдати добро есть и полез-
но. И оттоле нужда ми бысть распытовати
и вопрошати древнихъ старецъ, прилѣжно
свѣдущихъ въ истинѣхъ извѣстно о житіи его,
іакоже святое глаголетъ писаніе: вопросы Второз. 32, 7.
отца твоего, и възвѣститъ тебѣ, и старца
твоя, рекуть тебѣ; елика слышахъ и разу-
мѣхъ, отцы мои повѣдаше ми, елика отъ
старецъ слышахъ, и елика своимъ видѣхъ,
и елика отъ самого устъ слышахъ, и елика
увѣдахъ отъ иже въ слѣдъ его ходившаго
время не мало и возливавшаго воду на руцѣ
его, и елика другаа нѣкая слышахомъ отъ
его брата старѣйшаго Стефана, бывшаго
по плоти отца Θεодору, архіепископу Ро-
стовскому; оваже отъ инѣхъ старцевъ
древнихъ достовѣрныхъ, бывшихъ само-
видцевъ рождествъ его и въспитанію и
книгъ выченію, возрасту же его и юности
даже и до постриженія его; друзи же отъ
старецъ самовидцы суще и свидѣтеліе не- 1113. 6.
ложныи постризанію его и начатку пѣ-
стын'ножителства его и поставленію его
еже на иг'меньство, и по реду прочимъ
прочии възвѣстителіи же и сказатели бываху,
ипокъ множествѣхъ трудовъ старческихъ и
к великимъ исправленіемъ его възираа, аки
безгласенъ и бездѣленъ в недоуменіи отъ
ужасти бываа и не обрѣтая словесъ по-
требныхъ подобне к дѣланію его, како могъ
азъ, бѣднѣйшій, в нынѣшняа время Сер-
гіево все по ряду житіе исписати, и многаа
исправленія его и неизчетныа труды его
сказати? откуда ли начинѣ іаже по достоин-
ствѣхъ дѣланію того и подвиги послѣдате-
лемъ слышаны вся сотворити? или что по-
добаетъ прѣвѣе воспомянути? ли котораа
бесѣда довѣеть к' похваленію его? откуда
ли приобрящѣхъ мудрость, да возмож'но бу-
детъ к таковому сказанію? како убо тако-
вую и толикую и неудобъ исповѣдимую по-
вѣмъ повѣсть, не вѣдѣ, елма же чрезъ
есть нашѣхъ силу творимо? Іакоже немошно
есть мале лодии велико бремя налагасмо
нести, си || де же и превосходитъ нашу не- 1113. в.
мощь и умъ подлежащаа бесѣда. Аще бо
и побеждаетъ нашѣхъ худость, но обаче мо-
лимъ ся всемилостивому и всемогущему Богъ
и пречистой его Матери, іако да вразѣ-

мѣть и помилуетъ меня грубаго и неразжмѣ-
Ефес. 6, 19. наго, ꙗко да подасть ми слово отвѣреніе
устъ моихъ, не моего ради, глаголюще, не-
достоинства, но молитвъ ради святыхъ
старцевъ, и самого того святаго Сергіа
призываю на помощь и соосѣняющую его
благодать духовную, ꙗко да поспѣшникъ
будетъ ми и словесъ споспѣшникъ, еще же его
стадо богозваніе, Богомъ собранъный
соборъ честныхъ старцевъ, к нимъ же съ сми-
реніемъ припадаю и самѣхъ тѣхъ подножію
касаюся и на моленіе призываю и прину-
ждаю, зело *) бо тѣхъ молитвъ повсѣгда тре-
бую, паче же нынѣ, внигда сие начинающъ
ми начинаніе и ко ейже устремися сказанію
повѣсти. И да никтоже ми зазиратель на
сѣе дръзающъ будетъ: ни бо азъ самъ
възможъ не имамъ, ли доволенъ к таковому
начинанію, аще не любовь и молитва пре-
1413. г. подобнаго того старца привла||читъ и то-
мѣть мой помыслъ и принужаетъ еже гла-
голати и писанію предати. Достойтъ же и
яснѣе рещи, ꙗко аще бы мощно было по-
могъ недостойнствѣ, то подобаше ми
отъишждъ со страхомъ удобъ молчать и на
устѣхъ своихъ перстъ положить, свѣдущъ
свою немощь, а не износити отъ устъ гла-
голь, ꙗже не по подобію, ниже продръзати
на сиевое начинаніе, ꙗже чрезъ свое до-
стоиніе. Но обаче печаль пріятъ мя и жа-
лость поятъ мя, толика и такова велика и
свѣта старца преславна и многословуща
житіе его повсюду обносимо, по дальнимъ же
странамъ и по градомъ мужа явленъ на и
именита всѣмъ того исповѣдающимъ, а за
только лѣтъ житіе его оставлено и не опи-
сано бѣше, испѣсцевалъ сѣе молчанію пре-
дати, ꙗко въ глубинѣ забвенія погрузити.
Аще бо и не писано будетъ старцево жи-
тіе, по оставлено купно безъ воспоминанія,
то се убо никакоже повредитъ святаго того
старца еже не получить емъ отъ насъ вос-
Лук. 10, 20. поминаніе же и писаніе: ихъ же бо имена на
1414. а. || небесѣхъ Богъ написа, симъ никояже по-
треба еже отъ чловѣкъ требовати писанія
же и воспоминанія; но мы сами отъ сего не
ползжемся, оставляюще толикую и таковую

ползу. И того ради сѣе вся собравъше, на-
чинаемъ писати, ꙗко да и прочіи мниси,
љже не суть видѣли старца, да и тѣ проч-
тѣхъ и поревнуютъ старцеве добродѣтели
и его житію вѣруютъ: блажени бо, рече, Лук. 20, 29
не видѣвши вѣрваше. Паки же другицы
другаа печаль приемлетъ мя и сѣтованія об-
держитъ мя: аще бо азъ не пишу, а инъ
никтоже не пишетъ, боюся осуженія притѣ-
ча онога раба лениваго, скрывшаго та-
лантъ и обленившагося. Онъ бо добрый
старецъ и чюдный страсотерпецъ без лѣ-
ности повсѣгда подвигомъ добрымъ подви-
зашеся и николиже обленися; мы же не
токмо сами подвижася, но и того гото-
выхъ чюжихъ трудовъ, еже в житіи его,
ленимся возвестити писаніемъ, послушате-
лемъ слышати сѣе сотворити. Нынѣ же,
аще Богъ подасть, хотѣлъ убо быхъ пи-
сати отъ самого рожества его и младен-
ства, ꙗже || во юности даже и во иночѣ 1414. 6.
ствѣ, паче же и во игъменьствѣ и до са-
мого преставленія его, да не забвѣна бу-
дутъ толикаа исправленія его, да не пре-
зрѣно будетъ житіе его чистое, чюдное и
тихое и Богоугодное; но боюся и усумняюся
прикоснутися повѣсти, не смѣю и недоумѣ-
юся, како бы сотворити пръвѣе начало под-
писанію, ꙗко выше моя силы дѣло бысть,
ꙗко немощенъ есмь и грубъ и неразуми-
ченъ. Но обаче надѣюся на милосердаго
Бога и на угодника его преподобнаго стар-
ца молитвы, и отъ Господа Бога прошу ми-
лости и благодати и дара слову и разжма
памяти; и аще Богъ подасть ми и вразу-
мѣть и наставитъ мя, своего си раба неклю-
чимаго, не отчаю бо сѣе милости его благія
и благодати его сладкіа; творитъ бо сѣе
хощетъ и можетъ могій даровати слѣпымъ
прозрѣніе, хромымъ хожденіе, глухимъ слы-
шаніе, нѣмымъ проглаголаніе: сѣе бо мо-
жетъ и моя омраченія просвѣтити, и мое
неразуміе вразжмити, и моему неумѣнію
умѣніе подати, да убо о имени Господа на-
шего Іисуса Христа, рекшаго: || без Мене 1414. в.
не можете творити ничтоже; ищите и обря- Іоан. 15, 5
щете, просите пріимете. Сего бо Господа Матѣ. 7, 7.

*) Въ подл. ошиб. «селом».

Бога Спаса помощника на помощь призываю: той бо есть Богъ нашъ великодатель и благихъ податель и богатыхъ даровъ даро- давецъ, премудрости наставникъ и смысл- давецъ несмысленнымъ, казатель учай чело- вѣка разуму, дала умѣніе неумѣющимъ, даа молитву молящемуся, даай просящимъ му- драсть и разжмъ, даай всяко даяніе благо,

Притч. 1, 4. даай даръ на пол'зъ просящимъ, даай не- злобивымъ коварство и отроку юну чювь- ство, смыслъ же и сказаніе словесъ его; просвѣщаеъ и разумъ даеъ младен'цемъ. До здѣ же убо окончав'ше предсловіе, и тако Господа Бога помянувшіе и того на помощь призвавшіе: добро бо есть о Бозе начати и о Бозѣ кончати, и къ Божіимъ рабомъ бесѣдовати, и о Божіихъ угодни- цехъ повѣсти чинити; паче же начнемъ основаніе и слова имемъ о бесѣде, еже по- ложити начало повести; и тако прочее жи- тіе преподобнаго стар'ца о Бозѣ начинаемъ

1114. г. писанію пре- дати сиче.

ЖИТИЕ И ПОДВИЗИ

ПРЕПОДОБНАГО И ВОГОНОСНАГО ОТЦА НАШЕГО ИГУМЕНА СЕРГІА ЧУДО- ТВОР'ЦА.

Сей преподобный отецъ нашъ Сергійъ родился отъ родителю благороднъ, благо- вѣрну же и благочестивъ, отъ отца нари- цаемаго Кирила и отъ матери именемъ Ма- ріа, иже бяста Божіи угодницы, правдивіи предъ Богомъ и предъ чловѣкы, и всяче- скими добродѣтельми исполнены же и укра- шения, ѿкоже Богъ любить: не поплжети бо Богъ иже таковому дѣтищъ восіати и ро- дитися отъ родителю неправедну, но пре- жде проуготова Богъ и устрои таковаа пра- ведна родителя его и потомъ отъ нею про- изведъ своего си угодника. О прехвал'наа вер'ста! о предобраа супруга, иже таковому дѣтищу родителіе быста! Прежде же подо- баше почестъ и похвалу принести родите- лемъ его, да отъ сего ѿко нѣкое приложе- ніа похвалы и почести ему будетъ: понеже лѣно бляше ему отъ Бога дароватися мно- гимъ людемъ на успѣхъ, на спасеніа же и на пол'зъ; и того ради не бѣ лѣно таковому

1115. а. дѣтищу отъ неправедныхъ || родитися ро-

дителій, ниже инымъ, сирѣчь неправеднымъ, родителемъ такового не бѣ лѣно родити дѣ- тища, но токмо тѣмъ единѣмъ отъ Бога даровася, еже и прилучися, паче же снисдеся добро къ добру и лучшаа к' лучшимъ. И бысть же чюдо пѣкое прежде рожденіа его; прилучися нѣчто сичево, егже недостойтъ молчашію предати: еще бо ему во утробе матерни носиму, во единъ отъ дисей, диеви сущи недѣли, матери его вшде въ церковь, по обычаю, во время, егда святую поють лит'ургію; и стоѿщу ей с прочими женами в притворе, и вьнегда хотяху чести святое евангеліе, людемъ молчашимъ, тогда абіе вьнезапж младенецъ начать вопити во утро- бе матерней, ѿкоже и многимъ отъ тако- ваго проглашеніа ужаснутися о преслав- немъ чюдеси, бывающемъ о младенци семъ. Паки же, егда прежде начинаніа, еж спѣти херувимъскую пѣснь, рекше Иже херувимъ, тогда вьнезапж младенецъ гласомъ вел'ми провозгласи во утробе вторичею паче || же 1115. 6. прьваго, ѿкоже и во всю церковь изыде гласъ его, ѿко и самой матери его ужас- шися стояти; сущимъ же женамъ, стоѿ- щимъ тж и недоумѣющимъ в себѣ и гла- голюще: что убо будетъ о младен'ци семъ? Вьнегда же іерей возгласи: Вои'мемъ, святаа свитымъ! тогда паки младенецъ третицею вельми нақы възгласи; матери же его мало не паде на землю отъ страха многа и тре- петомъ великимъ одръжима бѣ, и ужаснися нача в' себѣ плакати; прочаа же вѣрныа оны жены пристжльше к ней, начаша во- прашати ю, глаголюще: имаша ли в пазусѣ младенецъ в пеленахъ, егже гласъ младен- ческій слышахомъ во всей церкви провоз- глашающъ? Она же в недоумѣніи отъ многа плача не можаше к нимъ глаголати, но вмале отвѣща к нимъ, рече: пытайте ин'де, азъ бо не имамъ. Они же вопрошаше пы- тающе, промежу собою поискав'ше и не обрѣтоша; и паки обратшася к ней, гла- голюще: мы во всей церкви поискав'ше, не обрѣтохомъ младенца, да кій той сестъ || мла- 1115. а. денецъ, иже гласомъ превозгласивый. Мати же его не могжше утайти бываемаго испы- таніа, отвѣща к нимъ: азъ младен'ца в па- зусѣ не имамъ, ѿкоже вы мните, паче имѣю

во утробѣ, еще же до времени не роженъ, сей прогласилъ есть. Жены же рѣша к ней: да како дасться гласъ прежде рожденіа младенцу, во утробе сущу? Она же рече: азъ о семъ удивляюся и сама и вся есмь въ страѣ, трепещу и свѣдущи бываемаго. Жены же въздохнувши и бѣюще в' перси своя, возвращахуся кажда на своя мѣста, токмо к себѣ глаголюще: что убо будетъ о отрочати семъ? иже о немъ воля Господня да будетъ. Мужіе же въ церкви сіа вся слышав'ше и видѣв'ше, стояху с' безмолвиемъ ужасніи, дондеже іерѣй соверши святую литургію, и совлечеса ризъ своихъ, и распжсти люди. И разыдошася кждо во свояси; и бысть страхъ на всѣхъ слышавшихъ сіа. Маріа же мати его отъ дне того, отнележе бысть знаменіе таковое и прояв-

1415. г. ление, || оттоле бо пребываше до времени рожденіа его, младенеца во утробе носящи тако нѣкое сокровище многоцѣнное, и тако драгій камыкъ, и тако чюдный бисеръ, и тако сосудъ избранъ. И егда в себѣ сего носяше и симъ непразднне сущи ей, тогда сама соблюдалася отъ всякіа скверны и отъ всякіа нечистоты, постомъ ограждаася и всякіа пища толъстѣи отпшася и отъ мясъ, млека же и рыбъ не ѣдѣше, хлѣбомъ точію и зеліемъ и водою питалася, и отъ пыльства отнюдъ возрѣжалася, но вмѣсто питія всякого водѣ едину точію и то по осудѣ испиваше, начастѣ же в' тайне наединѣ со въздыханіемъ и со слезами моляшеся Богъ, глаголя: Господи! спаси и соблюди мя убогую си рабу, и сего младенца носямаго во утробе моей спаси и сохрани: ты бо еси храній младенца Господь; и воля твоя да будетъ, Господи, и буди имя Господне благословенно в' вѣки, аминь. И си творя, пребываше даже и до самого роженіа его; велми же прилежалася паче всего 1416. а. посту || и молитве, тако и самое то зачатіе и рождество полнѣю бѣ поста и молитве: бяше бо добродѣтельна сущи зело и богашеся Бога, иже и преже роженіа его увидѣвши и уразумѣвши иже о немъ таковое знаменіе. Совѣщаніе же сужемъ сво-

им', глаголя: яко аще будетъ ражаемое мужескѣ полѣ, обѣщавеса припести въ церковь и дати его благодателю всѣхъ Богъ; иже и бысть. Оле вѣры добрыя! о теплоты благія! Иже и преже рождества его обѣщастася привести его и в' дати благихъ подателю Богъ, иже и древле Ан'на Цар пророчица, мати Самуила пророка. Егда же исполнися дніе родити ей, и роди младенца своего; и зело не печально рождество приемше, родители же его призваста' ужики своя к себѣ и други своя и сосѣди, и возвеселишася, славяще и благодаряще Бога, давшего има таковъ дѣтищъ. По роженіи же его, внигда пеленами бысть повито отроча, нужда всяка бяше еже и к' сосѣду принести; да внигда аще случалася матери его пищу нѣкую || вкусити еже отъ 1416. мясъ и той насыщенной быти, тогда никакоже младенецъ сосѣду касалася; и сіе случалася не единою бывати, но овогда день, овогда два младенцу не напитатися. Се же отнюдъ о семъ ужасъ, въкупе же и скорбь одрѣжалася рождшую и сродники ея; и едва уразумѣша, яко не хощетъ младенецъ еже отъ мясъ питася питателницы его быти и тѣмъ млекоу питатися ему, но точію отъ поста ей не разрѣшатися; и уже оттоле пища матеря въздрѣжаніе и постъ бяше, и оттоле младенецъ повсегда по обычаю питася бываше. И исполнися дніе обѣщанія матери его: яко бысть по днѣхъ 40 дней по рождествѣ его, родители же его принесоста младенца въ церковь Божию, воздающе, иже и приѣста*), еже обѣщастася, воздати его Богъ, давшому его, купно же іереови и повелѣвающу, яко да и крещеніемъ божественнымъ просвѣтитъ и; іерѣй же огласивъ его и довольно молитвовавъ надъ нимъ, с радостію духовною со 1416. б. тѣнцемъ крестивъ его во имя Отца и Сына и Святаго Духа, Валѣфраломѣй во святомъ крещеніи нарекъ того ими; возведъ же его абіе отъ купѣльныя воды крещеніа, благодать приемше богато Святаго Духа, и провидѣвъ духомъ Божественнымъ, и уразумѣ, яко сосуду избрану быти младенцу.

*) Въ подл. ошиб. «приѣста».

Отець же его и мати разумѣ имущъ свя-
таго писанія не худѣ, и та повѣдаста іерѣ-
ви, како носимъ сый во утробѣ матерней
въ церквѣ трикраты провозгласи; что убо
будеть сіе, мы не вѣдѣмъ. Иерѣй же, именемъ
Михаилъ, разсуденъ сый книгамъ, повѣ-
даше има отъ божественныхъ писаній, отъ
обою закону, ветхаго же и новаго, сказа и
глаголю: Давиду во псалтыри рекшу, іако

Псал. 138, 16. содѣлаиша моя видѣста очи твои; и самъ

Господь святыми своими усты ученикомъ
Іоан. 15, 27. си рече: вы же іако искони со мною есте.

Тамо, в ветхомъ законѣ, Иеремѣя пророкъ
Іерем. 4, 5. во чревѣ матерне освятися; здѣ же, в по-
Гал. 4, 16. вемъ, Павелъ апостоль вѣдѣше: Богъ Отець

1116. г. Господа нашего || Іисуса Христа, воззавый
мя изъ чрева матери моея извити Сына сво-
его во мнѣ, да благовѣствую въ странахъ;
и ина множайшаа отъ святыхъ повѣда има
писаній. О младенцы же рече к родителемъ:
не скорбите о семъ, но паче радуйтеся и
веселитесь, іако будетъ сосудъ избранъ
Богъ и служитель святыхъ Троицы, еже и
бысть; и тако благословивъ отроча и роди-
теля его, отпусти в домъ ея. Таже по вре-
мени малымъ минушемъ днемъ, о младен-
цы накі чудодѣйствовашеся и другое нѣчто
знаменіе, странно нѣкое и незнаемо: в сре-
дѣ убо и въ пятокъ не приимаше ни отъ
сосѣду, ни отъ млека кравія, но отпудъ от-
шестатися смѣ и не сѣсти, и не идущу пре-
бывати ему весь день; кромѣ же среды и
пятка в прочая дни по обычаю питашеся;
аще ли бѣаше среда и пятокъ, то алычѣтъ
младенецъ пребываше. Сіе же не единою,
ни дважды прилучашеся, еже есть во вся
среды и пятки бываше; отъ сего нѣкимъ

1117. а. мняшеся, іако болю бѣ дѣтище; о семъ же
убо и мати его скорбищи сѣтоваше, со
другими женами, с прочими кормилицами
рассмотряюще, мняще, іако отъ нѣкіа бо-
лѣзни младенцу приключашеся сіа бывати;
но обаче обзираху его повсюду, іако нѣсть
болѣно отроча, іако не обрѣташеся на немъ
никояже болѣзни, явлена ли не явлена, ни
плакаше, ни стояше, ни дряхловаше, но
лице и сердце и очи весели, и всячески мла-
денцу радостну сушу, іако и ручицами
играти. Тогда вси видящеи уразумѣша, іако

не болѣзни ради в пятокъ и в среду мла-
денецъ млека не приимаше, но проявленіе
нѣкое прознаменовашеся и іако же благо-
дать Божіа бѣ на немъ, и еже проявляше
будущаго воздрѣжанія образъ, іако нѣкогда
во грядущаа времена и лѣта в постномъ
житіи просіати ему; еже и бысть. Другои-
цы же мати его привождаше к нему жену
нѣкую доилицу имуще млеко, дабы его пи-
тала; младе[нецъ] же не рачи приати ника- 1117. 6.
коже отъ чуждия матери питатися, но то-
чию отъ своея си родителнища; и сіе ви-
дѣвше, прихождаху к нему и другія жены,
таціи же доилицы, тѣмъ подобна такоже
творити, іакоже и прѣвше; и тако пребысть
своею токмо питаемъ матерію, дондеже
отдоспѣ бысть. Се же сматрѣють нѣдѣи,
іако и сіе знаменіе бысть, іакоже бы до-
браго корене добраа лѣторасль несквер-
нымъ млекоу воспитанъ бысть. Намъ же
мнитися сицево быти: іако сей младенецъ
изъ млада бысть Господеву рачитель, иже
в самой утробѣ и отъ утробы матерня къ
богоразумію прилепился, иже отъ самыхъ
пеленъ Бога позналъ и въ правду уразу-
мѣлъ, иже в пеленахъ сый в самой колы-
бѣли пощенію навѣкъ, иже отъ матери
млекоу питаемъ сый вкупе съ плотнымъ
млекоу воздрѣжанію учаеся, иже по
естествѣ младенецъ сый, но выше есте-
ства постъ начинаше, иже во младенцехъ
чистотный бысть воскормленникъ,] иже 1117. в.
благочестіемъ паче нежели млекоу воспи-
танъ бысть, иже прѣже роженія его изъ-
бранъ Богомъ и пронареченъ, егда во утро-
бѣ матерни носимъ трикраты въ церквѣ
провозгласи, иже и слышашаа удивляеть.
Дивити же ся паче сему подобаетъ, како
младенецъ во утробѣ не возгласивъ кромѣ
церкве, без народа, ли инѣде, втайне, на-
единѣ, но токмо при народѣ, іако да мнози
будутъ слышатели и свѣдѣтели сему ис-
тиньствѣ; и накі, како не помалу провоз-
гласі, но во всю церковь, іако да во всю
землю изыдетъ слово о немъ; но егда суще
родилицы его ли на пиру іли в нощи спя-
щи, но во церкви, паче же и на молитвѣ,
да молитвеникъ крѣпокъ будетъ къ Богъ;
и како не провозгласи в нѣкоемъ хлѣвнѣ

ли въ нечисте мѣсте нѣкоемъ и непарочитѣмъ, по паче въ церкви стоѣще на молитве, на мѣсте чисте, на мѣсте святе, идѣже подобаетъ святыню Господню совершати, яко да обратится совершенна святѣица. 1117. г. тыни Господня въ страсѣ Божіи. || И паки о семъ достойтъ чюдитися, что ради не возгласи единицею или дважды, но паче трижды, яко да явится ученикъ святѣица Троица, понеже убо тричисленное число паче шѣхъ прочихъ числъ болши есть зело чтомо, вездѣ бо троечисленное число всему добру начало и вина возвыщенію, такоже се глаголютъ.

1 Цар. гл. 3. голю: трижды Господь Самуила пророка возва; трею каменію пращю Давидъ Галиада порази; трикратно повелѣ возліати воду Иліа на полѣну, рекъ: утройте, утройте; трижды тойже Иліа дуну на отрочища Іов. 2, 1. и воскреси его; три дни и три поны Іона пророкъ в ките тридневънова; трие отрочища в Вавилоне пещь огненую угасиша; тричисленное же слышаніе Ісаію пророкъ Серафимовидцу, егда на небеси слышася ему гласъ ангельскаа трисвятосъ вопиющейхъ: святъ, святъ, святъ Господь Саваотъ! трею же лѣтъ введена бысть въ церковь святѣица святыхъ пречистѣица Дѣва Маріа; тридесяте лѣтъ Христосъ крестися отъ Іоанна во Іердані; три же ученики Христосъ постави на Фаворе и пресоборася предъ ними; тридневно же Христосъ из мертвыхъ воскресе; трикратно же Христосъ по воскресеніи рече: Петре, любиши ли мя? Что же извѣщаю про три числа, и паки что ради не помяну болшаго и страшнаго, еже есть тричисленнаго Божества трими святынями и трими образы, трими собствы, въ три лица едино Божество трисвятѣица Троица, Отца и Сына и Святаго Духа, трипостатнаго Божества, едина сила, едина власть, едино господство. Лѣпо же бѣше и сему младенцу трижды провозгласити, во утробе матерней сущъ, прежде рожденія, и прознаменуя отъ сего, яко будетъ нѣкогда Троицы слажителъ, еже и бысть, и многіа привелетъ в разумъ увѣденія Божія, уча словеснама овца вѣровати во святую Троицу единосущную во единомъ Божествѣ. Оле, не указаніе ли се буде яже, еже о томъ

последіи будущаа дивна и странна! оле, не знаменіе ли се есть истовое, да явится еже о немъ, да сбудется делесы чюдесными еже на послѣдокъ! || подобаетъ бо видѣвшимъ и слышавшимъ прѣва и вѣровати послѣднимъ; такоже и прежде рожденія его Богъ прознаменалъ есть его: не просто бо ни бездобъ таковое знаменіе бывшее преднеи, но предпутіе есть будущимъ на послѣдокъ. Сіе же поспѣдимъ рещи, слѣма же чюдна мужа чюдно и житіе исповѣдустся. Лѣпо же бо здѣ помянути древнихъ святыхъ, еже в вѣтхомъ и новомъ законѣ восіавшихъ: многихъ бо святыхъ зачатіе и рождество откровеніемъ божественнымъ нѣкако откровенно бысть; мы бо не отъ себя износимъ слово, но отъ святыхъ писаній вѣземающе словеса, и къ подлежащей повѣсти повѣсть приуподобляюще воспоминаніе: понеже Іеремію пророка Богъ во чреве Іерем. 1, 5. матери освяти и прежде рожденія его повѣдый, яко провидецъ Богъ, яко быти ему приятилицу Святому Духу, и наполняетъ сего абіе благодати отъ юности возраста. Ісаіа же пророкъ рече: глаголетъ Господь, воззавый мя изъ утробы и изъ Ис. 49, 1. чрева матери моеи избравъ, и пронарече о мнѣ. Святый же и великій Іоаннъ пророкъ и предтеча сѣи во утробе матерни, позна Господа, носимаго в ложе снахъ пречистѣица приснодѣвы Маріа, и възглася младенецъ радощами во чреве матери своего Елисавети, и тои устнами пророчествова и възъни, глаголя: откуда се мнѣ, да приидетъ Мати Господа моего ко мнѣ? Святый же и славный пророкъ Иліа Фезвитянинъ, егда роди его мати его, тогда родителіе его видѣша видѣніе, яко мужіе благоличный и бѣлообразный нарицахуть имя сему, и огненными пеленами повиваху его, и пламы огненныа дадаху ему ясти; отецъ же его шедъ во Іеросалимъ, возвѣсти сіа архіерѣомъ; они же рѣша сему: не бойся, человѣче! будетъ бо дѣтище сего житіе свѣтъ и слова суть, и той судитъ Ізраилю оружіемъ и огнемъ; еже и бысть. Святый же Николасъ чюдотворецъ егда родися и начаша омывати его, в незаану вѣста младенецъ на ногу свою, и стоѣше простъ в почвахъ

полтора часа. Святый же преподобный
 1118. г. || отецъ нашъ Ефрѣмъ Сири^н, егда бѣ ро-
 дился младенецъ, родители же его видѣніе
 видѣста: виноградъ на лѣзѣе его насаж-
 денъ возрасте, исполни всю землю, и при-
 хождяху пѣтица небесная и гадяху отъ плода
 его; виноградъ же проявляше хотящій ра-
 зумъ податися ему. А преподобный Алипій
 столпникъ, прежде рождества мати его видѣ
 сонъ таковой, яко носаше на руку своею
 свѣща, и оттого уразумѣ, яко хочеть ро-
 дитися отроча и будетъ доброуравно; тако-
 же и бысть. Иже во святыхъ отецъ нашъ
 преподобный Семионъ столпникъ, иже на
 Дивыѣй горѣ, чудотворецъ, зачатъ бѣ отъ
 обѣщанія Предотсчева, матери его възвѣ-
 стивъ шж, и рождься, внегда дошу ему быти
 нерачиша лѣвого сосѣца: Богу бо про-
 явивъ шж о семъ, яко десный путь запо-
 вѣди Господня возлюбити ему. Святый же
 Феодоръ Секиотъ и чудотворецъ, егда бѣ
 во утробе матерни младенецъ, мати же его
 1119. а. видѣніа видѣ: звезда съ небесе сшедъ,
 паде на утробѣ ея; се же звезда прояв-
 ляше всяку добродѣтель отрочае. Пишетъ
 въ житіи великаго Еуфимія, яко прежде
 рожденья его, во едину отъ пощей, моля-
 щимася родителема его в нощи единема, и
 нѣкое Божіе явленіе явился има, глаголя:
 тѣшитася и утѣшайтася, се бо дарова вамъ
 Богъ отрока тѣшеніе тѣлоименита, яко в
 родствѣ его утѣшенія дарова Богъ своимъ
 церквамъ. И паки, въ житіи Феодора Еде-
 ского писано есть, яко родители его Се-
 мѣонъ и Марія молитвою просиша себѣ дѣ-
 тища сына; во единъ же отъ дней, въ пер-
 вую суботѣ великаго поста, въ церкви мо-
 лящимася има, сладко нѣкое видѣніе пред-
 ста има, особѣ комждо ихъ явлься: мня-
 ста бо ся видѣти великаго мученика Феодора
 Тирона кжина с' Павломъ апостоломъ
 стоюще и глаголюще: во истину даръ Бо-
 жій будетъ рожаемый отрокъ, иже есть
 Феодоръ; еже и бысть. Пишетъ же въ жи-
 1119. б. тѣи иже во святыхъ отца || нашего Петра
 митрополита, новаго чудотворца, иже в Ру-
 си, якоже прилучися нѣчто сицево знаме-

ніе: прежде рожденья его, еще сущъ ему во
 утробе матерни, во едину отъ нощей сви-
 тающе дни не видѣли, видѣ видѣніа таково
 мати его: мняше бо ся ей агнецъ дръжати
 на руку своею; посреди же рогу его древо
 благолиственно израстѣше, многими цвѣты
 же и плоды обложено, и посреди вѣтвей
 его многи свѣща свѣтяще; возбудив же
 ся, недоумѣаше же ся: что сіе, ли что с'бы-
 тіа конецъ таковому видѣнію? обаче она
 еще и не домышляшеся, но конецъ с'бытію
 последи со удивленіемъ яви, еликими дарми
 Богъ угодила своего обогати. И что подо-
 баетъ прочее инаа глаголати и долготу
 слова послушателемъ слѣхши ленивы тво-
 рити? сытость бо и долготы слова ратникъ
 есть слуху, якоже и преумножаа пища те-
 лесемъ; и никтоже да не зазритъ ми грубо-
 сти моей, яко о семъ продолжившу || ми 1119. в.
 слова и еже о прочихъ святыхъ отъ житія
 ихъ воспоминаа, и приводи свѣдѣтельство
 на извѣщеніе, и приподобляа к' подлежа-
 щей новѣсти предчюднаго сего мужа чюд-
 ныхъ и вѣщи сказуются: чудо бы слыша-
 щееся еже во утробе зачало провозглашенія
 его; чудно же во младенцехъ въ пеленахъ
 воспитанія его, не худѣ бо знаменіе сіе
 мняшеся быти; тако бо подобаше с' чуде-
 семъ родитися таковому отроку, яко да
 отъ сего познають прочіи чловѣци, яко
 такова чюдна мужа чудно и зачатіе и ро-
 жество и воспитаніе; таковою благодатию
 Господь удивилъ его паче прочихъ младен-
 цевъ новоражающихъ ся и тацми знаменіи
 проявляше о немъ премудрое Божіе про-
 мышленіе.

Хочу же сказати времена и лѣта, в няже
 преподобный родися: в лѣто благочестиваго
 преславнодръжавнаго царя Андроника, са-
 модръжца Греческаго, иже в Царигра-
 дѣ *) царствовалъ, и при архіепископѣ
 Костянтина града Калисте, патріархѣ все-
 леньскомъ, в земли же Рустей в княженіи 1119. г.
 великое Тверское при великомъ князѣ
 Дмитреи Михайловиче, и при архіепископѣ
 преосвященнѣмъ Петре, митрополитѣ всея
 Руси, егда рать Ахмулова, младенецъ же

*) Въ подл. ошиб. «въ цркви граѣ».

преже речен'ный, о немъ же слова изпачала приходитъ; бѣ убо по святомъ крещеніи преиде время нѣколько, егда одоен'но бысть отроча закономъ естества, и отъ сос'цѣхъ отъсѣлется, и отъ пеленъ разрѣшастся, и отъ колыбѣли свободяется; и тако отроча растяше и крепляншеся духомъ, прочее время по обычаю телеснаго возраста преуспеваа душею и тѣломъ и духомъ, исполняся разума и страха Божіа, и благодать Божіа бѣ на немъ; наки же до седмаго лѣта воз'растомъ внегда родителіе в'даше его грамотѣ учиться. Прежде речен'ный рабъ Божій Кирилъ имѣаше 3 сыны: пер'ваго Стефана, втораго же сего Вальфраламса, третіаго же Петра, ихъ же воспитѣ со всяцемъ наказаніемъ въ благочестіи и чистотѣ. Стефану же и Петру спѣшно изык'шу грамоту, сему же отроку нескоро 1120. а. въ выкуп'шу писанію, по медлену нѣкако и не прилежно; учитель же его со многимъ прилежаніемъ учае его, но отрокъ не внима и не умѣаше, не точенъ бысть дружинѣ своей, учащимся с нимъ; о семъ убо многу оскорб'лиемъ бываше отъ родителю своєю, болѣ же отъ учителя томимъ, а отъ дружины укаремъ; отрокъ же в'тайне часто со слезами Богови моляшеся, глаголя: Господи! ты дай же ми разумъ грамоты сіа; ты научи мя, Господи, просвѣти и врачми.

Яко отъ Бога дасться ему книж'ное разумѣніе, а не отъ чловѣкъ.

О семъ убо не мала печаль бѣше родителема его; не малу же тѣшетъ в'меняше себѣ учитель его; вси же си печал'ни бяху, а не вѣдущи ѿже о немъ вышн'го страсніе Божіа промысла, ѿже хощетъ Богъ сотворити на отрочати семъ, ѿко не оставитъ Господь пренеподобнаго своего. Сіе же бѣше по смотренію Божію быти сему, ѿко да отъ Бога книж'ное ученіе дасться ему, а не отъ чловѣкъ; еже и бысть. Скажемъ 1120. б. же и сіе, ѿко отъ Божіа открове'ніа дасться ему разумъ книж'ный, еже умѣти ему грамотѣ. Во единъ убо отъ днѣхъ и отецъ посла его на взысканіе ключей; сіе же все бысть всемудраго Бога судбами, ѿкоже

прывыа Царскіа кнѣжи извѣщаютъ о Сау- 1 Цар. гл. 9 и 1 лѣ, иже посланъ бѣше отцемъ своимъ Киссомъ на взысканіе ослѣпъ; онъ же шедъ, обрѣте святаго пророка Самуила и отъ негоже помазанъ бысть на царство, и выше дѣла подѣліе приобрѣте: сице же и блаженный отрокъ выше дѣла подѣліе приобрѣте; посланъ бо бысть отцемъ своимъ Кириломъ на взысканіе скота, обрѣте етера чирнориз'ца, стар'ца свята, стран'ца и незнама, саномъ же прозвитаго, свѣтолюбна и ангелавидна, на поли подъ дубомъ стоаща и молитвѣхъ прилѣжно со слезами творяща. Отрокъ же видѣвъ, прежде сотвори смирен'но метаніе ему, таже приблизися и ста близъ его, ожидаа концѣ молитвы; и ѿко преста старецъ, и возрѣвъ на отрока, и прозрѣ в'нутреннихъ очима, ѿко хощетъ быти сосудъ избранъ Святомъ || Духу, и пригласи 1120. в. сивъ и призываетъ к себѣ, благослови его, и о Христе цѣлованіе дасть емъ, и въпросивъ его, глаголя: что ищещи, ли что хощещи, чадо? Отрокъ же рече: възлюби душа моя възжелѣти паче всего умѣти божественное писаніе, еже в'данъ бысть учитися грамотѣ, и нынѣ зело прискорбна есть душа моя, поспеже пол'зуюся и не умѣю; ты же, отче святыи, помолися за мя къ Богъ, ѿко дабы умѣти ми ученіе книжное. Старецъ же воздѣвъ руцѣ купно же и очи на небо, и воздохнувъ къ Богу и сотвори молитвѣхъ прилѣжно, и по молитве рече: аминъ; и иземъ отъ ч'пага своего аки нѣкое сокровище, и оттуду тремъ пер'сты подасть ему нѣчто образомъ кіанафору, видѣніемъ аки малъ кусъ бѣла хлѣба нѣшечна, еже отъ святаго прос'виры, рекъ ему: приими усты своими, чадо, и снѣжь сіе; се тебѣ дается знаменіа благодати Божіа и разумъ святаго писанія; аще бо и мало видится даемо, но велика сладостію в'кушенія его. || Отрокъ же отвер'зъ уста 1120. г. своя, и снѣсть сіе; и бысть сладость во устѣхъ его, аки медъ сладій, и рече: не сей ли есть речен'ное: коль сладка гор'тани Псал. 118, 10: моему словеса твоа, паче меда устомъ моимъ, и душа моя възлюбѣ а зело. И рече ему старецъ: вѣруещи ли, чадо, и бол'ша сихъ узриши; а о грамотѣ, чадо, не скорби:

вѣдѣти буди извѣстно, іако отъ сего дне даруетъ ти Господь книжное уразумѣніе зело добре, паче братія твоа и паче сверстникъ твоихъ умѣніа грамотѣ. И поучивъ его о ползе душевной; отрокъ же сотвори мѣстание старцу, и аки земля плодovitая добродѣтельная сѣмена прїимше въ сердци си, стояше, радуяся душею и сердцемъ, іако сподобися такова свята старца обрѣсти. Старець же тѣшашеся отъйти в пѣть свой; отрокъ же помѣташеся на земли лицемъ предъ ногама старчима и со слезами моляше старца, дабы посетилъ домъ родителей его, глаголя: родители мои зело любя

1121. а. таковыа, іакоже || ты, отче. Старець же подивися вѣре его, потщавъся вниде в домъ родителей его. Они же узрѣвъше, изыдоша въ срѣтеніе смѣ и поклонилися ему. Старець же благослови а; они же готовиху трапезу поставити предъ нимъ. Старець же не преже брашна вкуси, но преже вниде въ храмъ молитвенный, еже есть в часовнищу, поимъ с' собою освещеннаго во утробе отрока, и начатъ часы пѣти, повелѣ же сему отроку псалмы глаголати; отрокъ же рече: азъ не умѣю того, отче. Старець же рече: рѣхъ ти, іако отъ сего дни даруетъ ти Господь умѣніе грамоте; ты же глаголи слово Божіе безъ сомнѣніа. Тогда бысть еще во удивленіи: отрокъ прїимъ благословіе отъ старца, начатъ стихословити зело добре и стройнѣ, и отъ того часа доволенъ бысть книжному писанію; и збысться пророчество премудраго пророка

Іерем. 1, 9. Іереміа, глаголюще: тако глаголетъ Господь: се дахъ словеса моя а во уста твоя.

Родителие же его и братія его сіе видѣвъше

1121. б. и слышавъше, удивилися скопрому его разуму и мудрости, и прославиша Бога, давшему и таковую благодать; и изведша и старца, поставиша предъ нимъ брашно. Старець же вкуси брашна и благослови родителя его, хотяше отъйти; родители же его моляху старца, вопрошающа его и глаголюща: отче господине! пожди еще, да вопрошаемъ тя, да разрѣшиши печаль и утѣшиши нашу нищету: сіе смиренное наше

отроча, егоже благословяеши и хвалословяиши, о немъже многа блага предиглаголеши; но мы о немъ во удивленіи есмы и печаль зело о немъ жасить ны, понеже вещь о немъ створися странна, страшна же и незнаема сицево: еще ему сущу во утробе матерни, за нѣколько время роженіа его трижды бо провозгласивше во утробе матерни, въ церкви сущи ей при народе, во время, егда святую поють литургію; ииже же иижеже сицева вещь ниже слышаномъ, ниже видѣшася, и о семъ страшимъся и педомыслиаемъ: что сіе будетъ, ли ч'то напередѣ || сбытися имать. Старець 1121. в. же святый проразумѣ и позна духомъ бж-дунцаа, рече има: о блаженнаа верста! о предобраа супруга, иже таковому дѣтищу родители быста! воскую страшистася страхомъ, ииже не бѣ страха; но паче радуйтеся и веселитеся, іако сподобистася таковой дѣтищъ родити, егоже Богъ избра преже роженіа его, егоже Богъ прознамена еще сущу во утробе матерни; и уже конечную бесѣду рекъ, таже пренокою слово: се вамъ буди знаменіе моихъ словесъ сбытіе, іако по моемъ отшествіи узрите отрока добре умѣюща всю грамотикѣю и вся прочее разумѣюща божественнаа писаніа; второе же знаменіе вамъ и извѣщеніе, іако отроча сіе будетъ вели предъ Богомъ и человеки житіа ради добродѣтельнаго. И сіа рекъ старецъ, отъиде, назнаменавъ темне глаголь къ нимъ, іако сыиъ ваю имать быти служитель *) свята Троица и мнози приведеть въ слѣдъ себе на разумъ божественныхъ заповѣдей. И си 1121. г. рекъ, изыде отъ нихъ; они же провождааху его предъ врата домовная; онъ же отъ нихъ внезапно невидимъ бысть; они же недоумѣвающея помышляху, іако ангель посланъ бысть даровати отроку разумъ книжный. Отець же его и мати вземше отъ старца благословіе, и словеса его положиша на сердцахъ своихъ, возвратистася в домъ свой. По отшествіи же старца оного обрѣтеся отрокъ внезапно вся книжнаа писаніа оттуду добре умѣюще, и пренеися

*) Въ подл. слово «служитель» пропущено. Ср. выше, стр. 1412.

страшнымъ образомъ, и коуже да разгнетъ книгж, тж абіе добре чтый да разумѣть. Предобрый сей отрокъ достойн бысть даровъ духовныхъ, иже отъ самѣхъ пеленъ Бога позна и Бога възлюби и Богомъ спасенъ бысть. Пребываше же во всемъ повинутая родителемъ своимъ: тщаше бо ся повелѣнія ею совершити и ни в чемъ преслушатися, икоже и святое глаго-

Исх. 20, 12. летъ писаніе: чтѣ отца своего и матере, 1122. а. да будеши долъголѣтенъ на || землі.

Отъ уныа вер'сты.

Еще же иное дѣло скажж вамъ сего блаженнаго отрока, еже во младѣ телеси старъ смыслъ показа. По лѣтехъ же ижеколицехъ жестоко постъ показа и отъ сего воздержанія имѣаше, въ среду же и пятокъ ничтоже не ѣдыше, въ прочая же дни хлѣбомъ питашеся и водою; в нощи же многажды безъ сна пребываше на молитве, и тако вселися в оны благодать Святаго Духа. Мати же его матерними си глаголы увѣщавша его, глаголюще: чадо! не сокращай си плоти отъ многоаго воздержанія, да не въпадешѣ въ ѣзю, наче же младу ти еще сущу, плоти растуше и цвѣтуше; никтоже бо тако младъ сый въ твою си верьсту таковому жестокому посту касается, никтоже отъ братія твоея и отъ свер'стникъ твоихъ сицево стѣжа воздержаніе, икоже ты; суть бо ижецыи, иже и до седмижды днемъ ѣдятъ, иже отъ утра зело рано начинающе и долъго нощи окончѣвающе и піюще бесчислене *); ты же,

1122. б. о | чадо, овогда единою днемъ ѣси, овогда же ни единою, но чрезъ день; престани, чадо, отъ таковыа продолженна алычбы, неси еще дошелъ еси в сіе прясо, не бѣ бо ти еще время, все бо добро есть во свое время. Предобрый же отрокъ отвѣщеваше ей, кунно же и моляше ею, глаголя: не дѣй мене, о мати моя, да не нужи преслушаюся тебе, но остави мя тако пребывати; не были глаголаста ми, ико егда бысть в' пеленахъ, тогда, рече, во всяку среду и пятокъ млека не ѣдушу ми; да то слышахъ азъ,

како могу, елика сила ми есть, не воспрянути къ Богж, да мя избавитъ отъ грѣхъ моихъ? Къ симъ же отвѣща мати его, глаголюще: двоюнадесяте не имаши лѣта, грѣхъ поминаеши; кіа же имаши грѣхи? невидимъ бо на тебѣ знаменій грѣховныхъ, по видѣхомъ на тебѣ знаменія благодати и благочестія, икоже благою часть избралъ еси, иже не отымется отъ тебе. Отрокъ же рече: престани, мати моя, что глаголеши, 1122. в. ико мати ми еси суща, ико чадолюбца, ико мати о чадахъ веселящеся, естествою любовію одръжима; но слыши, госпоже, святое глаголетъ писаніе: никтоже да не похвалится въ человекѣхъ; никтоже чистъ Іов. 14, 4. 5 предъ Богомъ, аще и единъ день живота его бѣдетъ; никтоже есть безъ грѣха, токмо единъ Богъ; иже ли слышала Божественнаго Давида, мню, ико о нашей худости глаголюще: се бо в' беззаконіи зачатъ есмь, и во грѣсѣхъ роди мя мати моя. И то рекъ, паки на пръвое дръжашеся устроеніе доброе, Богу помогающу ему на благое произволеніе. Сей предобрый и вседоблій отрокъ нѣ по колицехъ временѣхъ пребываше в дому родителей своихъ, возрастаа и преуспѣваа во страстѣ Божіи; к' дѣтемъ играющимъ не исхожаше и к нимъ не приставахе; иже в пустошь текущимъ и всуе тружающимъся не внимаше; иже суть сквернословцы и смѣхотворцы, с тѣми отнюдъ не водворяшеся, но развѣ токмо упражняшеся на славословіе || Божіе и в томъ наслаждашеся, къ 1122. г. церкви Божіей прилѣжно предстояще, на заутреню и литургію и на вечерню всегда исхождаше, свята же книги часто почиташе, и во всемъ всегда труждаше тѣло свое и искушаа плоть свою, и чистотж душѣвну въкупе же и телесную бескверны соблюдаше, и часто на мѣсте тайне наединѣ со слезами моляшеся Богж, глаголя: Господи! аще тако есть, ико повѣдаста ми родители мои, ико и прежде роженія моего твоя благодать и твое избраніе и знаменіе бысть на мнѣ убоземъ, воля твоя да будетъ, Господи! буди, Господи, милость Твоя на мнѣ;

*) Бесчислене?

но дай же ми, Господи, из'млада всѣмъ
сердцемъ и всею душею моею, іако отъ
Исак. 21, 10. 11. утробы матери моеа к тебѣ привер'женъ
есмь, из ложеснѣ и отъ сос'цу матери моеа.
Богъ мой еси ты; іако егда сущу ми во
утробе матер'ни, тогда благодать твоя по-
сѣтила естъ, и нынѣ не остави мене, Гос-
поди, іако отецъ мой и мати моя оставляють
мя, ты же пріими мя и присвой мя к' себѣ
1123. а. и причти: || мя ко изб'ран'ному ти стаду: іако
тебѣ оставленъ есмь нищій изъ младен'-
ства; избави мя, Господи, отъ всякіа нечи-
стоты и отъ всякіа скверны плотскія и
душевныа; и творити святыню въ страстѣ
твоемъ сподоби мя, Господи; сердце мое да
възвысится к тебѣ, Господи, и вся сладкаа
міра сего да не усладятъ мене и вся краснаа
житейскаа да не прикоснутся мнѣ; но да
прил'нѣ душа моя въ слѣдъ тебе, мене же
да пріиметь десница твоя; и ничтоже да не
усладитъ ми мирскихъ красотъ на сла-
бость; и не буди ми ни мало порадоватися
радостію міра сего, но исполни ми, Господи,
радости духовныа и неизречен'ныа сла-
дости божественныа, и Духъ твой благій
наставитъ мя на зѣмлю праву. Стар'цы же
и прочіи людіе видѣв'ше таковое пребыва-
ніе упоиши, дивляхуся глаголюще: что убо
будеть уноша сей, иже селику дару сподо-
билъ его Богъ добродѣтели отъ дѣтства?

До здѣ же убо списашеся сіа вся, елико
1123. б. содѣяшася, идѣже бо прежде жилъ Кирилль,
в нѣкоей веси и области онаа, иже бѣ въ
предѣлехъ Ростовскаго княженія, не зело
близъ града Ростова; хочеть же слово
сказать, аки нѣкое преселеніе: пресли бо
ся Кирилль отъ Ростова в Радонежъ. Како
же, ли что ради преслися, аще бо и многа
имамъ глаголати, но обаче нужда ми естъ
о семъ писати.

О преселеніи родитель святаго.

Сей убо прежеречен'ный рабъ Божій
Кирилль преже имѣаше житіе велико в Ро-
стовстей области, бояринъ сый единъ отъ
славныхъ и парочитыхъ бояръ, богат-
ствомъ многымъ изъобилуа, но напоследокъ

на старость обнища. Како же и что ради
обнища, да скажемъ и сіе: іако частыми
хожен'ми еже со княземъ во орду и часты-
ми рат'ми Татарскими еже на Ржсъ и ча-
стыми послы Татарскими *), частыми
тяжкими даньми и выходы еже во орду,
частыми глады хлѣбными, падо всѣми же
сими паче егда бысть великаа рать Татарь-
скаа, глаголема Федорьчукова Тхральнойко-
ва, егда по ней за годъ единъ наста наси-
ло||ваніе, сирѣчь княженіе великое доста- 1123. в.
лося князю великому Ивапу Даниловичю,
кушно же и досталоя княженіе Ростовь-
ское к Москвѣ, увы, увы! тогда граду Ро-
стовъ, паче же и княземъ ихъ, іако отылся
отъ нихъ власть, и княженіе, и имѣніе, и
честь, и слава, и вся прочаа потягну к'
Москве; егда изыдоша по великого князя
вельбію, и посланъ бысть отъ Москвы на
Ростовъ, аки восвода, единъ отъ вельможъ,
именемъ Василій, а прозвище Кочева, и инъ
с нимъ, именемъ Мина; и егда внидоста въ
градъ Ростовъ, тогда възложиста велику
нужу на градъ да и на вся живуща въ немъ;
и гоненію многу быв'шъ, и немало ихъ отъ
Ростовець Москвичемъ имѣніе свое с ну-
жею отдаваху, а сами противъ того раны
на телесѣхъ своихъ со укоризною в'зимаху,
и тѣцма руками отхождаху, иже послед-
няго бѣдѣнства образъ, іако не токмо
имѣніа обпажени бывше, но и раны на пло-
техъ своихъ подыаша, і азвы жалостнѣ на
собѣ || носиша. И что подобаетъ много гла- 1123. г.
голати? толико дръзновеніе надъ Ростовомъ
содѣяшася, іако и самого того епар'ха град-
скаго, старѣйшину, боярина Ростовскаго,
именемъ Аверкіа, стремоглавъ обѣсиша, и
возложиша на ня руцѣ свои, и оставиша
поругана; и бысть страхъ великъ на всѣхъ
слышав'шихъ и видѣв'шихъ сіа не токмо во
граде Ростове, но во всѣхъ предѣлехъ его.
И таковыа ради нужда рабъ Божій Кирилль
воздвижеся из веси онаа предречен'ныа Ро-
стовскія, и собрася со всѣмъ домомъ сво-
имъ и со всѣмъ родомъ своимъ въздвижеся,
и преслися отъ Ростова в Радоняжъ; и при-
шедъ, вселися близъ церк'ви, наречен'ныа

*) Въ подл. слова: «еже на Ржсъ и частыми послы Татарскими» приписаны въ визу страницы.

во имя святаго Христова Рождества, еже и до нынѣ стоитъ церкви та, и ту живяше с родомъ своимъ. Не единъ же сей, но с нимъ и иши мнози преселишася отъ Ростова в Радонежъ, и быша преселѣнцы на земли чуждей, отъ нихъ же есть Георгіе, сынъ протопоповъ, с родомъ си, Иванъ и Феодоръ Тормосовъ родъ, Дюдень, зять его, с родомъ си, 1124. а || Анисимъ, дядя его, иже последи бысть діаконъ. Анисима же глаголють иже с Протасіемъ тысяцкимъ пришедша въ ту же весъ, глаголемую Радонежъ, юже даде князь велики сынови своему князю Андрѣю меньшому; а памѣстника постави в ней Андрѣа Р'тища; и лготѣ людямъ много дарова, и ослабѣ общася такоже великѣ дати, сѣже ради льготы собравшася мнози, такоже и Ростовскіа ради пужа и злобы разбѣгашася мнози. Отрокъ же предобрый, предоблаго родителя сынъ, о немъ же бесѣда воспоминается, иже присно воспоминаемый подвижникъ, иже отъ родителей благовѣрныхъ и благородныхъ произыде, отъ добра бо корени добра и отрасль израсте, добру кореню прѣобразую печать всячески изобразуа, изъ младыхъ бо ногъ теи такоже садъ благородный показася и яко плодъ добровольный процвете, и бысть отроча добродѣльно и благопотребно. По времени же 1124. б. возрастѣ къ лучшимъ паче прѣуслѣвляющу ему, ему же житейскіа красоты ни во что же вменившѣ и всяко суетство мирское яко сметіе поправшѣ, такоже рещи и то самое естество презрѣти, преобидѣти и прѣдолѣти, сже Давидова в себѣ словеса псал. 29, 10. частѣ пошептавшѣ: каа полъза во крови моей, вегда снити ми во истлѣніе? ношю же и дню не престаше моляще Бога, еже подвижнымъ начаткомъ ходатай есть спасеніе. Прочата же добродѣтели его како имамъ повѣдати: тихость, кротость, слово молчаливое, смиреніе, безгнѣвіе, простота без пестроты, любовь равну имѣа ко всѣмъ человекомъ, себе никогдаже къ гнѣсти ни на претѣканіе, ни на обиду, ни на слабость, ни на смѣхъ, но аще и ослабитися хотящу ему, нужа бо и сему быти приключается, но и то с целомудріемъ зело и с воздржаніемъ; повсегда же сѣтуя хождааше, аки

дрыхловати сообразуяся; болѣ же паче плачуще бѣше, пачасте слезы отъ очю 1124. по ланитамъ точащи, плачевное и печальное жителство симъ знаменующе; и псалтырь во устѣхъ его николиже оскудѣваше, воздржаніемъ присно красящеся, друченію телесному выну радовашеся, худость ризную со усердіемъ приѣмлюще; пива же, ли меду никакоже вѣкушающе, ни ко устомъ приносяще ли обюхоающе; постыническое же житіе отъ всего произволяюще; таковыа же вся недовольна сже къ естеству вменяюще. Сынове же Кирилови Стефанъ и Петръ оженистася; третій же сынъ блаженный уноша Вальфроломѣй не восхотѣ женитися, но зело желаше во иноческое житіе; о семъ многожды моляше отца своего, глаголя: пынѣ отпусти мя, владыко, по глаголу твоему и по благословенію твоему, да иду во иночское житіе. Родители же его рекоста ему: чадо! пожди мало и потерпи о наю: се бо въ старости, паче же и въ скудости и въ болѣзни || есмы, и нынѣ 1124. нѣсть кому послужити намъ: се бо братіа твоя оженистася и пекутся како угодили женама; ты же не оженивыйся печешися како угодили Богови, паче же благою часть избра, иже не отымется отъ тебе; токмо послужи намъ мало, да сгда наю, родителя своя, проводиши до гроба, тогда свою мысль сотвориши; сгда насъ гробу предаши и землею погребеши, тогда свое хотѣніе исполниши. Пречюдный же юноша с радостію общася послужити има до живота ею, и отъ того дни тѣшася по вся дни всячески угодили родителема своимъ, яко да наслѣдитъ отъ нихъ молитву и благословеніе; и тако пребысть нѣколько время служа и угождаа родителема своимъ всею душею, чистою совестію, доидеже постригостася во мнишескій чинъ, отыдоша кійждо ею во своя времена в монастыря своя, и мало проживше лѣтъ в чернечествѣ, преставистася отъ житія сего, || отыдоста къ Богъ, а 1125. сына своего блаженнаго уношѣ Вальфроломѣа по вся дни многими благословеніи благословиху и до послѣдняго издыханія ихъ. Блаженный же уноша проводивъ до гроба родителя своя, и пѣвъ надъ ними надгроб-

ныя пѣсни, и съкутавъ телеса ею, и цѣловавъ, со мною честію предавъ гробу и покрывъ землею со слезами, аки нѣкое сокровище многоцѣнное, и почте отца и матери умершаа понахидами же и святыми литургіями, украсивъ память родителю своєю молитвами и милостынями ко убогимъ и нищекормисемъ, и пребысть до 40 дней, сие творя память родителема своимъ, и отъиде в домъ свой, радуяся душею же и сердцемъ, аки нѣкое сокровище приобрѣтъ многоцѣнное, полно богатства духовнаго; самъ же преподобный юноша зело желаше иноческаго житія. Вшедъ в домъ по преставленіи родителю своему и начаша упраж-

1125. б. нятися отъ житейскихъ печалей мира || сего, домъ же и ѿже суть в дому потребныя вещи ни въ чтоже вменивъ си, поминаше же въ сердцы писаніе, глаголющее, яко многа плача и воздыханія и уныніа мира

Ис. 52, 11. сего житіе полно есть. Пророкъ рече: изыдете отъ среды ихъ и отлучитесь, и ничимъ же в мире не прикасайтесь. Паки второй пророкъ рече: отступите отъ земля и взы-

Псал. 62, 9. дете на небо. И Давидъ рече: прилпне душа моя въ слѣдъ тебе, мене же приагъ де-

Псал. 54, 8. сница твоя; и паки: се удалихся бѣгаа и водворихся въ пустыни, чахъ Бога спасающаго мя. И Господь въ іевангеліи рече:

Лук. 14, 33. иже аще кто хоцетъ въ слѣдъ мене ийти, аще не отречется всѣхъ ѿже суть въ мире семъ, не можетъ быти мой ученикъ. Сими утвердивъ си душъ и тѣло, и призва Петра, по плоти брата своего меншаго, оставляетъ ему отчее наслѣдіе, и спроста вся ѿже суть в дому сего житійскимъ на потребу, самъ же не взя себѣ ничтоже, по божестве-

1125. в. ному апостолу, рекшу: уметы вся || вме-

Филпп. 3, 8. нихъ си, да Христа приобретаѣ. Стефану же, по роду братъ его старѣйшомъ, не много лѣтъ поживше съ женою, и жена его умре, родивше два сына: Климентъ да Іоанна, иже той Іванъ послѣди бысть Феодоръ, Симоновскій архимандритъ. Стефанъ же непомнозе оставль миръ, и бысть мнихъ въ монастыри святыа Богородица у Покрова, иже на Хотькеве, къ нему же пришедъ блаженный уноша Валѣфроломей, моляше Стефана, да быхъ былъ с нимъ на взысканіе

мѣста пустыннаго. Стефанъ же повипуся словеси блажнаго, и изшедше обиходиста по лѣсомъ многа мѣста, и последи придо- ста на нѣкое мѣсто пустыни, въ чащахъ лѣса, имуща и воду; обшедъ же мѣсто и возлюбі е, паче же Богъ наставляющу ихъ; и сотворша молитву, и начаста своимъ рукама лѣсъ сѣщи, и на раму своею бревна изношаше на мѣсто. Прже же себѣ сотвориста кущу и хизину, потомъ же кѣлію создаста, таже обложиста церковь маду и устроиша ю. И егда бысть совер-

1125. г. шепъ и кончана церковь и вѣбуду изготована, такоже бысть лѣпо время уже свящати ю, тогда блаженный уноша рече къ Стефану: понеже, господине, братъ ми еси старѣйший по роду и по плоти, паче же и по духу, лѣпо ми есть имѣти тебе во отца мѣсто; и нынѣ нѣсть ми кого выпросити, разве тебя о всемъ; паче же о семъ молотъ и вопрошаю: се уже церкви поставлена и совершена въсѣмъ, и время есть свящати ю; скажи ми, в которое имя будетъ праздникъ церкви сіа, и во имя в котораго святаго свящати ю? Отвѣщавъ же Стефанъ, рече ему: что мя вопрошаеши и воскую мя искушаеши и потязуеши; самъ вѣси мене не хуже, понеже отецъ и мати наша родителіе колькраты возвѣстиша тебѣ предъ нами, глаголюще: блюди, блюди, чадо; не наше еси чадо, но Божіе даганіе; сѣма же Богъ избра тебе еще сущу во утробе матерни носиму и прознамена о тебе преже

1126. а. роженія твоего, егда трикраты провозгласилъ еси во всю церковь во время, егда поютъ святую литургію, такоже и всѣмъ людемъ стоящимъ тѣ и слышавшимъ во удивленіе быти и ужаснымъ почудитися, глаголюще: что убо будетъ младенецъ сей? но священницы же и старцы святіи и мужіе ясно о тебѣ проразсудиша и протолковаше, глаголюще: понеже о младенцы семъ троичное число изобразися, и симъ прознаменуѣ, яко будетъ нѣкогда ученикъ святыа Троица, не токмо самъ единъ вѣровати начнетъ благочестно, но ины многы приведетъ и научитъ вѣровати въ святую Троицу. Да лѣпо естъ тебѣ свѣщати церковь сію паче всѣхъ во имя святыа

Троица; не наше же се замышленіе, но Божіе из'воленіе и прознаменаніе и избра-
 юв. 1, 24. ніе, Богу тако изволяюще. Буди имя Гос-
 подне благословено в' вѣки! И си изглаго-
 лав'шу Стефану, блаженный же юноша воз-
 1126. 6. дохнувъ отъ сердца, и рече: || воистину
 из'глагола, господице мой, се и мнѣ тебе
 есть, и азъ того хотѣхъ и смысляхъ и же-
 лаеть душа моя, еже совершити и свящати
 церковь во имя святыя Троица, но смире-
 нія ради вопрошахъ тя; и се Господь Богъ
 не остави мене, и желаніе сердца моего
 далъ ми есть, и хотѣнія моего не лиши ме-
 не. И сіа рекъ, шедъ, взяше благослове-
 ніе и священіе отъ святителя; и прѣхожа-
 ше изъ града отъ митрополита Феогнаста
 священ'ницы, и приведоша с' собою свяще-
 ніе и ан'тимисъ и мощи святыхъ мученикъ
 и прочее, ѿже на потребу на освященіе
 церкви. И тогда священна бысть церкви
 во имя святыя Троица отъ преосвящен'-
 наго Феогнаста, митрополита Киевскаго и
 всея Руси, и при великомъ князе Семионе
 Ивановиче; мно убо еже рещи в начале
 княженія его. В' правду убо церкви сіа
 наречена бысть во имя святыя Троица:
 понеже поставлена бысть благодатию Бога
 Отца и милостию Сына Божія и поспѣше-
 ніемъ Святаго Духа. Стефану же совер'-
 1126. в. шившъ церковь и свяща||въ ю, и немного
 поживе въ пжстѣни со братомъ си; и видѣ
 трудъ пжстѣн'ный, житіе скор'бно же и
 жестоко, отвсюду тѣснота же и недостат-
 ки, не имущемъ ни откуду ни ѣсти, ни
 питія, ни прочихъ, ѿже на потребж: не бѣ
 бо приходяща ни принося ни откѣду, не бѣ
 бо окрестъ пжстѣни тоа близъ тогда ни
 селъ, ни дворовъ, ни людей живѣщихъ в
 нихъ; не бѣ же пути людскаго ни откуду же,
 и не бѣ бо мимоходящаго ни посѣщающа-
 го, но округъ мѣста того со всѣхъ страны
 все лѣсъ, все пжстѣни. Онъ же видя сіе
 и стѣживъ си, оставляетъ пжстѣню, куп'но
 же и брата своего присного, преподобнаго
 пустын'нолюбца и пжстѣн'ножителя, и от-
 туду преиде на Мос'квж; и пришедъ въ
 градъ, вселися в монастырь у святаго Бо-
 готавленія, и обрѣте себѣ келію, и живяше
 в' ней, зело подвижася на добродѣтель:

бѣше бо и той любя житіе трудолюбное,
 живый в' кѣлиі своей житіе жестоко, по-
 ||стомъ и молитвою ограждался и отъ всего 1126. г.
 воздрѣжася, и пива отнюдъ не в'кѣшала,
 и ризу смирену носяше. Бѣше же в' та вре-
 мена в томъ монастыри Алексѣй митропо-
 литъ живяше, еще не възведенъ на пре-
 столъ святительскій, но иночское житіе
 честно препровождааше; с нимъ же Сте-
 фанъ духовнымъ житіемъ оба купно живя-
 ста, но и въ церкви на клиросе оба по ряду
 стоюще, поѣху; тако же и Геронгіе нѣкто,
 нарочитъ и славенъ старецъ, в' томъ же мо-
 настыри живяше. Увѣдѣвъ же князь велики
 Семіонъ ѿже о Стефане и о добродѣтел'-
 номъ его житіи, и повелѣ Феогнастѣ ми-
 трополитѣ поставити его въ прозвитеры, въ
 священ'ническій санъ, таже потомъ во
 игѣмны тому же монастырю. Князь же
 великій видя добродѣтел'ное его житіе, и
 пріятъ его во отечество себѣ духовное;
 такоже и Василіе тысящникъ и Феодоръ
 братъ его, и прочіи бояре старѣйшии. Все-
 доблій же юноша блаже||ный и вѣр'ный, 1127. а
 иже бѣ присный братъ и единоматерень
 тому Стефанѣ, аще бо отъ единого отца
 родистася, аще и едино чрево изнесе ею,
 но не едино произволеніе ею. Не брата ли
 приснаа оба быста себѣ? не единомысліемъ
 ли согласистася и седоста на мѣсте томъ?
 не оба ли равна купно съвѣщастася сѣсти
 в' пжстѣниці той? како абіе распрягостася
 другъ отъ друга: овъ сичево произволи,
 дрѣгій же инока; овъ убо въ градстемъ
 монастыри подвижати прораз'суди, овъ же
 и пжстѣню ѿко градъ сотвори? Господіе
 мой! не зазрите грубости моей, понеже бо
 и до здѣ писахъ и продолжихъ слово о
 младенствѣ его и о дѣтствѣ, и прочее о
 всемъ мирскомъ житіи его. Елико бо аще
 и в' бел'цехъ пребываше, но душею и же-
 ланіемъ къ Богѣ распаляшеся. Показати же
 хошѣ почитающимъ и послушающимъ жи-
 тіа его: каковъ былъ измлада, из дѣтства
 вѣроу и чистымъ житіемъ и всѣми добры-
 ми дѣлы у||крашенъ, сиче дѣланіе и хоже- 1127. б.
 ніа его еже въ мире. Доброму и преудо-
 брен'ному сему отроку аще и в мирьстемъ
 устроеніи живѣщу ему тогда, но обаче

Богъ съвыше призираше на него, посѣщаа его своею благодатію, соблюдаа его и ограждаа святыми ангелы своими, и во всякомъ мѣсте сохраняа его и во всякомъ пѣти его, аможе колиждо хождаше: Богъ бо есть сердцавиденъ, единъ свѣдый сердечнаа тайнаа, прозря будущаа о немъ, тако имѣа въ сердцы многи добродѣтели и любве раченія, провѣдый, тако будетъ въ немъ сосудъ избранъ по его благому и доброму изволенію, и тако будетъ игъменъ множайшей братіи и отецъ многимъ монастыремъ. Но тогда убо велѣми хотяше облещися во образъ чернечьски и зело желаше иноческаго житія и постнаго и молчальнаго пребыванія.

О постриженіи святаго, еже есть начало чернечества его.

Самъ же преподобный отецъ нашъ тогда еще не бѣ приагъ ангельскаго образа, до-
 1127. в. нележе и звиче вся монастырская дѣла и чернечскій устрой и прочая ключимаа, таже на потребу мнихомъ; и повьсегда въ вся времена с великимъ прележаніемъ, с' желаніемъ и со слезами моляшеся Богъ, дабы сподобитися ангельскому образу и причестися во иноческій ликъ. И приз'вавъ к себѣ в предречен'ную пѣстыню нѣкоего старца духовна, чиномъ священ'ническимъ украшена и прозвигерьскою благодатію почтена, саномъ игъмена суща, именемъ Митрофана, емуже повелѣваетъ, купно же и молить с' смирен'пометаніемъ, и к нему радостнѣ прекланяетъ главу свою, во иночское хотя отъ него облещися; паче же присно глагола ему: отче! сотвори любовь о Господе, постриги мя во мнишескій чинъ, зело бо люблю его отъ юности моеа и отъ многа времени желаю его; но нужда родительская обдрѣжаше мя; нынѣ же, господине отче, отъ всѣхъ сихъ свободихся, и сиче жадаю, ацемъ же образомъ желаетъ
 1127. г. елень на источ'ники вод'ныа, || сиче желаетъ душа моя иноческаго пустын'наго жительства. Игъменъ же немедленно в'ниде въ церковь и пострижаетъ его во ангельскій образъ, мѣсяца Октября в' 7 день, на память святыхъ мученикъ Сергіа и Вак'ха; и наречено бысть имя его въ м'нишскомъ

чинъ. Сергіе: тако бо тогда нарицаху имена не сымени, но в'кійждо день; аще котораго святаго память прилжчится, в то имя нарицахъ постригающемуся имя. Бѣ же святыи тогда возрастомъ 23 лѣта, егда приагъ иночскій образъ. Церковь же, иже поминаю, юже самъ той Сергіе созда и нарече ю во имя святыхъ Троица, в' той церкви предреченный онъ игъменъ с постриженіемъ купно тогда совер'ши божественую лит'ургію; блаженный же Сергіе, новопостриженный чернецъ, тако съвер'шенъ бысть, тогда ком'канію причастникъ святыхъ тайнъ пречистому тѣлу и крови Господа нашего Іисуса Христа, тако достоинъ сподобися таковыхъ святыни. И тако по святомъ причащеніи, ли в самомъ || томъ 1128. а. причащеніи в'ниде в онъ и вселися благодать и даръ Святаго Духа. Откуда же сіе бысть вѣдомо? прилучиша бо ся нѣдци т'ж в то время, тако во истину неложніи свидѣтелиа, тако егда Сергіе причащася святыхъ тайнъ, тогда абіе внезапъ исполнися вся церкви она благоуханія; не ток'мо во церкви, но и окрестъ церкви обоняше воия благовон'наа. И вси видѣв'ше и очютив'ше, прославиша Бога, иже сиче прославляющего своа угодники. И сей бысть пръв'йй чернецъ в той церкви и в той пустыни постриженъ; пръв'йй начинаіемъ, послѣдніи же мудрованіемъ; пръв'йи же чисменемъ, а послѣдніи же труды; паче же р'ку: пръв'йй и послѣдній: мнози бо в той церкви постригошася, но ни единъ же доспѣ достигн'жти въ прясло его; мнози такоже начинаше, но не вси абіе окончаеши; мнози потомъ в томъ мѣсте и при немъ и по немъ иночествоваше, по истинѣ вси добри суть, но не вси || сравнашеся в мѣру его. 1128. б. Сей бысть того мѣста аки пръв'йй инокъ, началообраз'ный трудополож'никъ и всѣмъ прочимъ мнихомъ образъ, иже живжщимъ т'ж: егда бо постризашеся, не ток'мо пострижаетъ власы главы своеа, но вкупе со отыатіемъ нечювствныхъ власовъ и плотскаа сообрѣзуетъ желанія; а егда же ризъ мирскихъ совлачашеся, вкупе отлогаше а, сей есть той же вет'хаго чловѣка совлачашеся и отлогаше, а в новаго облещися; и

преполагаше крѣпко чресла своя, уготовалася в подвиги духовныя мужьски в'нити, оставль миръ и отречеся его и всѣхъ, ꙗже суть в мире, имѣнія же и всѣхъ прочихъ житейскихъ вещей, и единою просто рещи, и вся узы мирьскаго житіа растер'завъ, аки нѣкій орелъ, лег'кама крылома опрятов'ся пакы к воздуху на высотѣхъ возлетѣвъ. И тако сей преподобный оставль миръ и ꙗже суть в мире, отбежа всѣхъ прочихъ житейскихъ вещей, и оставль родъ свой || и вся ближняя ужикы, домъ же и отечество, по древнему патріар'ху Аврааму. Пребысть же блаженный въ церкви 7 днй ничтоже вк'шаа, развѣ точію просвиру ону, иже отъ руку иг'мена взять; отъ всего упражняяся, развѣ точію постъ и молитве прилежа, Давидскую пѣснь всегда присно во устѣхъ имаше, псаломская словеса, ими же самъ тѣшашеся, ими же хваляше Бога, мол'ча поаше и благодараше Бога, глаголя:

Псал. 23, 8. Господи! возлюбихъ благолѣпіе дому твоему.

Псал. 92, 6. его и мѣсто селенія славы твоеа; дому твоему подобаеъ святыня Господня в долготу днй.

Псал. 83. Коль возлюблена села твоя, Господи силъ! желаетъ и с'кон'чивается душа моя во двory Господня; сердце мое и плоть моя возрадовастеся о Бозе живѣ: ибо п'тица обрѣте себѣ храмину и гор'лица гнездо себѣ, идеже положи птенца своа. Блаженіи живущей в' домѣ твоємъ, в' вѣки вѣкомъ восхвалять тя. ꙗко луч'ше есть день единъ во дворехъ твоихъ паче тысящъ, изволихъ привмстатися || в' дому Бога моего паче, нежели жити ми в' селехъ грѣшничихъ. Егда же отп'щаше иг'мена оного, иже постриг'шаго и, со мноземъ смиреномудріемъ, Сергіе рече емъ: се убо, отче, отходиши днесъ еже отъ здѣ, а мене смиреннаго, ꙗко произволихъ, единого оставляеши; но азъ убо многа времеѣ и всею мыслію моею и желаніемъ вожделехъ сего, еже жити ми в' пустыни единому, безъ всякаго челоуѣка; издавна бо сего просихъ у Бога моляся, повсегда слыша и поминаа пророка вопіюща

Псал. 54, 8. и глаголюща: се удалихся бѣгаа, и водворихся в' пустыни; чакахъ Бога, спасающаго мя отъ малодушіа и буря, и сего ради услыша мя Богъ и в'нятъ гласъ молитвы моея

и милости своея отъ мене; и нынѣ о с'мъ благодарю Бога, сподобив'шаго мя, по моему желанію, еще единому в' пустыни ей жителствовати и безмолъствовати. Ты же, отче, обаче нынѣ отходя еже отсюду, благослови мя убо смирен'наго и помолися о || моемъ уединеніи, куп'но же и уразуми мя, 1129. а како жити ми единому в' п'стыни сей и како молитися Господу Богу, како безъ вреда пребыти, како противитися врагъ и гордымъ его мыслемъ, азъ бо есмь новоуки и новопостриженный и новоначал'ный инокъ, ꙗко долъженъ есмь совпрошати с' тобою. Игуменъ же удивлься, аки во ужасѣ, отвѣща: или мя, рече, вопрошаеши, егоже ты не не веси насъ не худъше, о честнаа глава! обыкль бо еси намъ присно симъ образомъ смиреніе показовати; обаче нынѣ азъ р'ку, ꙗкоже лѣпо ми естъ словеса молитвными отвѣщати ти, сице глаголя: Господь Богъ, иже преже избравый тя, сице да ущедритъ тя, да вразумитъ тя и да наставитъ тя, и радости духовныа да исполнитъ тя. Мало же нѣчто о духовныхъ побесѣдова с' нимъ, и уже отъити хотя; преподобный же Сергіи поклонися ему до земли, и рече: отче! помолися о мнѣ къ Господу Богъ, да ми поможетъ трыгѣти плотскіа || брани и бесовскіа находы и звѣриное устремленіе, паче же пустын'ныа труды. Иг'менъ же отвѣщавъ и рече: глаголетъ Павелъ апостолъ: благословенъ Господь иже не дастъ насъ чрезъ силъ искушенимъ быти! И паки рече: все могъ укрепляющему мя Бо- 1129. 6. гж. И абіе отходя, предасть его Богу и оставляетъ его в' пустыни безмолъствовати, единого единьствовати. Сергіе же отп'щаетъ иг'мена, еще паки прошаше отъ него благословенія и молитвы. Игуменъ же преподобному Сергію рече: се азъ отхожу отсюду, а тебе оставляю Богъ, иже не дастъ преподобному своему видѣти истлѣнія, иже не дастъ жезла грѣшнымъ жребіи праведныхъ, иже не дастъ насъ в' ловитву зубомъ ихъ: ꙗко Господь любитъ праведника и не оставитъ преподобныхъ своихъ, но в' вѣки сохранить я; Господь сохранить вхожденія твоя и исхоженія твоя отнынѣ и до века, аминь. И тѣ рекъ иг'менъ, сотвори

1129. в. молитву, || и благослови его, отъиде отъ него, и иде отнюду же и прииде. Должно есть и се увѣдѣти почитающимъ: колицехъ лѣтъ пострижеса преподобный. Болѣ 20-ти убо лѣтъ видимою вер'стою, болѣ же ста лѣтъ разумомъ и остроуміемъ: аще убо и младъ сый возрастомъ телеснымъ, но старъ сый смысломъ, возрастомъ духовнымъ, и совер'шенъ божественною благодатію. По отшествіи же игуменове, преподобный же Сергіе въ п'кстыни упражняшеса, единъ живой, безъ всякого человѣка. И кто можетъ сказать труды его, ли к'то доволенъ из'глаголати подвиги его, како претрыпѣ, единъ живой в пустыни? и нѣсть како мощ'но намъ сказать, с' коликимъ трудомъ духов'нымъ и со многимъ попеченіемъ начинаше начало, еже жити наединѣ, елика доволна времена и лѣта в лѣсе ономъ пустын'немъ мужьски пребываше; твердѣйшаа убо и святѣйшаа она душа несумѣнно пр'трыпѣ безъ приближенія всякого || лица человѣча, исправляя и храняше уставъ правила иноческаго непорочно и неподк'новен'но убо и незазорно. Кій убо умъ, ли который изыскъ желанія и начал'ныя первыя теплоты люб'ве того-таже къ Бог'ж, о тайныхъ добродѣтелехъ его таже исправляя? како да умѣеть, ли можетъ повѣдати, ли писанію явлено предати еже того уединеніе, и дръзновеніе, и стенаніе, и прошеніе, и всегдашняа моленія, еже присно къ Бог'ж припошаше; слезы теплыя и плачь душевный, воздыханіе сердечное, бдѣніе пов'сенощ'ное, пѣнія трезвен'наа, молитвы непрестан'ныя, стояніе несѣдал'ное, чтеніе прилѣжное, колѣнопокланяніе частое, ал'каніе, жаданіе, иже на земли леганіе, нищета духовнаа, всего скудость, всего недостатки: что ни воспомяни, того нѣсть; к сим' же всѣмъ бесовьскія рати, видимыя и невидимыя брани, борьбы, соплетанія, дѣмон'скаа страхованія, діавольскаа мечтанія, п'кстын'ная страшилища, неначаемыхъ бѣдъ ожиданіе, звѣриная натеченія и тѣхъ сверѣпое устремленіе; и еще надо всѣми и по сихъ еще нестрашивъ быти ему душею и не бояз'нивъ сердцемъ, ниже ужасатися умомъ к таковымъ вражнимъ кознемъ и лютымъ

прилогамъ же и начинаніемъ: мнози бо тогда звѣріе часто нахожаху на нь не токмо в нощи, но и во дни; бяхъ убо зверей стадо вольковъ выюще и рвууще, иногда же и медвѣдіе. Преподобный же Сергіе аще и в мале устрашашеса, тако чловѣкъ, но обаче молитв'ж прилѣжно къ Бог'ж простираше, и тою паче вооружающеса, и тако милостію Божіею пребысть отъ нихъ неврежденъ: звѣріе убо отхождаху отъ него и пакости ему ни единыа не сотворишъ. Егда бо начинаше испер'ва страг'гиса мѣсто то, тогда преподобный Сергіе многа озлобленія и скор'би претерпѣ отъ бесовъ и отъ зверей и гадовъ; но ничтоже отъ нихъ || не 1130. 6. прикоснуса, ни вреди его: благодать бо Божія соблюдала его. И никтоже да не дивится о семъ; свѣдый по истинѣ, тако Бог'ж живѣющъ въ чловѣцѣ семъ и Духъ Святому в немъ почивающъ, вся ему покарются, такоже древле Адаму пр'в'оздан'ному прежде преступленія заповѣди Господня, единаче же егда ему живѣущу единому в пустыни.

О прогнаніи бесовъ.

Во единъ убо отъ д'ней преподобный Сергіе в нощи вниде въ церковь, хотя пѣти заутреню; и вниде начен'шу ему пѣти, внезапно стена церковная разступися, и се діаволь очевистъ вниде со множествомъ вой бесовьскихъ, паки не выходяй дверми, тако тать и разбойникъ; яви же ся ему сице: бяху во одсѣжахъ Литовьскихъ островер'хихъ, и устремшася на блажнаго, зубы скрег'чюще, и грозяще ему, и устрашающе, хотяще убить его, и глаголюще ему: бежи, изыди отсюдъ и ктому не живи з'дѣ, на мѣсте семъ: не бо мы найдомъ на тя, но паче ты нашелъ еси на насъ; аще ли || не из'бежиши отсю- 1130. в. ду, то расторгнемъ тя, и умреша в рукахъ нашихъ, и ктому не живъ будеша. Обычай бо есть діаволу и его горьдости: егда начнетъ на кого похвалитися, ли грозитися, тогда хочетъ землю потребити и море иссушити, а не имы власти ни надъ с'виніями. Преподобный же Сергіе вооруживъся молитвою еже къ Бог'ж, и нача глаголати:

Псал. 82, 2. 3. Боже! кто уподобится тебѣ? не премолчи, ни укроти, Боже! ꙗко се врази твои возшумѣша. И паки рече: да воскреснетъ Богъ, и разыдутся врази его, и да бѣжатъ отъ лица Его вси ненавидящии его; ꙗко исчезаетъ дымъ, тако да исчезнутъ; ꙗко таетъ воскъ отъ лица огню, тако да погибнутъ грѣшницы отъ лица Божіа, а праведницы возвеселятся. И тако Сергіе именемъ святѣя Троица, имѣя же заступницу святу Богородицу, и во оружїа мѣсто имѣя честный крестъ Христовъ, и порази діавола, аки Давидъ Голиада; і абіе діаволь 1130. г. с' бесы своими невидимы быша, и вси || изчезоша и безвѣсти быша. Преподобный же веліе благодареніе принесе къ Богъ, избавльшему его отъ таковыа бесовскіа крамолы. Не по мнозехъ же днехъ, егда блаженный в' хижи своей всенощную свою единъ безпрестани творяше молитвъ, внезапно бысть шумъ и клопотъ и мятежъ многъ, смущенїа же и страхъ, не во снѣ, но ꙗве, и се бѣси мнози паки найдоша на блаженнаго, стадо бесчислено, вѣнчающе и с прещеніемъ глаголюще: отииди, отииди отъ мѣста сего; ч'то ища пришелъ еси въ пустыню сію? ли что хощеши обрѣсти на мѣсте семъ? что требуеши, в лѣсе семъ сѣдѣи? жити ли здѣ начинаеши? востыкую здѣ водворяешися; не возлагай надежи здѣ жити: не ктому бо можеши ни часа здѣ закоснѣти, се бо есть, ꙗкоже и самъ зриши, мѣста пуста, мѣста безгодна и непроходимо, отсюду людей далече, и никтоже человекъ не пресѣщаетъ здѣ; не боиши ли 1131. а. ся, егда когда отъ глада умреши, || ли душегубцы и разбойницы обрѣтше, погубятъ тя; се бо и звѣріе мнози плотоядцы обрѣтаются в' пустыни сей, и волыцы тяжцы выющи, стадомъ происходятъ отсюду; но и бѣси мнози пакостятъ зело, и страшилища многа и вся гроз'наа проявляются здѣ, имже нѣсть чїсла; ел'ма же пуста есть отдавна мѣсто сіе, кжлно же и непотребно; ли каа потреба есть тебѣ, аще здѣ звѣріе нашедше сѣдѣтъ тя, или нѣкою иною безгодною и бездѣпотною напрасною умреши смертію; но безъ всякого медленїа вѣставъ, отииди вскоре еже отъ здѣ, никакоже раз-

мышляй, ни сумняйся, ни озирался въспять, сѣмо и овамо, да не ли тебе еже отъ здѣ скорѣе проженемъ, ли умертвимъ. Преподобный же крѣпко вѣрж и любовь и надежу къ Богъ стяжавъ, и прилѣжную со слезами молитву на враги творяше, еже избавитися ему отъ такового бесовскаго пронирьства. Благій же челоуколюбецъ Богъ, скорый на помощь, готовъ на милость, не || остави раба своего надолзе 1131. б. ратоватися и намнозе напастоватися; но елика мною, скорѣе часа посла милость свою, ꙗко да врази убо бѣсове отсюду посрамятся, и отъ сего познають Божїю помощь и свою немощь; преподобный же твердый душею, иже видимо и невидимо присно с' бѣсы боряся и победитель бесомъ да гвѣтсѣ, абіе же вскоре божественаа тогда нѣкаа внезапу того осѣни сила, и лукавыа духи наскорѣ разг'на крѣпко и до конца безвести сотвори ихъ; и преподобный утѣшивъся и божественаго нѣкоего исполнивъ веселїа, и уладися сердце его сладостїю духовною. Онъ же абіе увѣдѣвъ скорю помощь, и милость и благодать Божїю уразумѣвъ, благодарныа хвалы Богъ возсылая, глаголя: благодарю тя, Господи, ꙗко не оставилъ мя еси, но скоро услышавъ, помиловалъ мя еси; сотвори со мною Псал. 85, 17. знаменїа во благо, и да видятъ нанавидящии мя, и постыдятся, ꙗко ты, Господи, поможе ми и утѣшилъ мя еси; десница твоя, Господи, прославися || въ крѣпости; деснаа 1131. в. рука твоя, Господи, сокруши враги наша бѣсы, и дръжавою крѣпости твояе до конца тѣхъ погуби. Се же да съмышляетъ и разсужаетъ всякъ кто умъ имѣа, ꙗко дѣло се быти лжкаваго діавола и начало злонравнаго зломудреца и злоначинателя: хотяше бо діаволь прогнати преподобнаго Сергіа отъ мѣста того, завидя спасенію нашему, купно же и боѣся, да не како пустое то мѣсто воздвигнетъ благодатїю Божїею, и монастырь возградить, возмогъ своимъ трыпнїемъ, и еже отъ себе тщанїемъ же и прилежанїемъ, ꙗко нѣкую весь наполнить, ли ꙗко нѣкую населить селитву, і ꙗко нѣкій возградить градецъ обитель священую, и в селенїе мнихомъ содѣлаеть

во славословіе и непрестанное *) пѣніе Богу, іакоже и бысть благодатию Христовою, и еже видѣмъ днесь: не токмо бо сей великій манастирь, іакоже велію лавру, в Радонежи состави, но и прочаа многіа манастири различныа постави, и многіхъ м'ниховъ множество совокупи, по отечьскому же обычаю и преданію. По временѣхъ || же подобныхъ діаволь ратовавъ сѣ блажен'нымъ в различныхъ привидѣніхъ, всуе тружався купно с' бесы своими, аще и многообразное мечтаніе наведъ, но обаче ни во ужасть може вовреци твердаго онаго душею и храбраго подвижника, паче же потомъ различныхъ мечтаніихъ и грозныхъ привидѣніихъ. Преподобный же Сергіе храбрѣе вооружашеся и ополчаша на бѣсы, дръзаа, уповаа и взираше на Божію помощь; и тако Божією благодатією хранимъ без' вреда пребысть. Овогда убо демоньскаа кознодѣйства и страхованія, иногда же звѣриное устремленіе, мнози бо звѣріе, іакоже речеся, в той пустыни тогда обрѣтахуся, овы стадомъ व्यюще и ревуще проходяаху, а друзии же не во мнозе, ли два, ли тріе, ли единъ по единому мимо течаху; овии же далече, а друзии же близъ блаженаго приближахуся и окружаху его, іако и обнюхающа его. И отъ нихъ же единъ звѣрь, 1131. г. рекомый || аркуда, еже скажется медвѣдь, иже повсегда обычай имать приходити къ преподобному; се же видѣвъ преподобный, іако не злобы ради приходитъ к нему звѣрь, но паче да възметъ отъ брашна мало нѣчто в' пищѣ себѣ, и изношаше ему отъ хижа своеа малъ укрухъ хлѣба, и полагаше ему ли на пень, ли на кладѣ, да пришедъ по обычаю звѣрь, іако готовъ себѣ обрѣтъ пищу, и вземъ усты своими отхождаше; аще ли когда не достав'шъ хлѣбу, пришедъ по обычаю звѣрь не обрѣтъ обыкновеннаго своего укруха, тогда долго время не отхождаше, но стояще зря само і овами, ожидая, аки злый должъжникъ, хотя воспріати долгъ свой; аще ли прилучашеся единому обрѣстися укруху, то пужа бысть преподобному и то пределити на две части,

да единъ убо себѣ оставитъ, а другую звѣри оному предложить: не имѣаше бо тогда в пустыни Сергіе у себя различныхъ брашенъ, раз'ве точію хлѣбъ единъ и воду отъ источника сущаго ту, и тоже по оскуду; 1132. 6. многожды же и хлѣбу дневному не обрѣстися: и егда сему бываему, тогда оба абіе пребываша алычюще, самъ же и звѣрь; иногда же блаженный себѣ не угрожае и самъ алыченъ пребываше, аще и единъ кусъ хлѣба обрѣташеся у него, и то звѣри оному пометаше, и изволи самому в той день не въкушати, но алкати паче, нежели звѣря оного оскор'бити и не гадша отпустити; не единою же, ни дважды звѣрь онъ приходити обыче, но по многа времяна на кийждо день. Паки множа его дуси творяше; блаженный же вся приключившася искусы с радостію трепаше и во всѣхъ благодаряше Бога, а не стужаше си, ни унываше во скорбѣхъ; елма же стегаше разумъ и великую вѣру къ Богу, еуже возможно вся стрѣлы неприязнены раждежныа угасити, еуже возможно низложити всяко возвышеніе высыщася || на разумъ 1132. в. Божій, и іаже отъ дѣмонъ прелогъ прилжающихся да не убоится; писано бо есть: праведный іако левъ уповаа ходитъ, и на Притч. 28, 1. все дръзаетъ вѣры ради, не іако искушаа Бога, на паче надѣяся на нь; надѣющася Псал. 124, 4. на Господа, іако гора Сіонъ, не подвижется в' вѣки. Надѣя же ся истинно іако на Господа тверда, іакоже и сей блаженный, іако нѣкій храборъ воинъ и іако крѣпкій оруженникъ вооруженъ и ополченъ в силу духовную, да іакоже убо всегдашнее имать попеченіе къ Богъ, по толику же и Богъ о немъ речетъ: с нимъ есмь во скорби, Псал. 90, 15. из'му и прославлю и, долготѣ дней исполню, его, і явлю емъ спасеніе мое. Слабый же убо и ленивый в' дѣлахъ своихъ такового упованія не можетъ имѣти; но иже со Богомъ непрестанно пребываа во всѣхъ исправленіихъ своихъ, и приближалася ему добротъ ради дѣлъ своихъ, и протезаа блюденія своего сердца, и благости его нескудно и неукло||нно, іакоже Давидъ про- 1132. г.

*) Въ подл. ошиб. «словословіе и престан'ное».

Псал. 68, 4. рокоу рече: исчезосте очи мои, уповающу ми на Бога моего. Таковое бо упование имѣа преподобный Сергіе и с таковымъ дръзновеніемъ дръзнувъ внити в пѣстыню сію единъ единствовати и безмолъствовати, иже и божественѣа сладости безмолвѣа вкусивъ, и тоа отстѣпнати и оставити не хотѣше, и звѣриныхъ устремлений и бесовскихъ мечтаній не боѣшеся, іакоже

Псал. 90, 5. 6. естъ писано: не убоишися отъ страха нощнаго, отъ стрелы летѣюща во дне, отъ вещи во тмѣ преходѣюща, отъ стрѣла и бѣса полуденнаго и полуночнаго; противу же пустыню страхуванію молитвою вооружашеся, іакоже въ Лѣствице речеся: в нихже, рече, мѣстехъ устрашася, не ленися безъ молитвы преходити, но молитвою вооружися, и руце распротеръ Іисусовымъ именемъ би ратники, аще бо на молитву воскорѣ воскочивъ помолится с нами

1133. а. ми тогда пришедый благій нашъ || ангелъ хранитель. И тако преподобный возверзе на Господа печаль свою, и возложи на Бога упование свое, и Вышняго положивъ прибожище свое, пребысть отъ страха невредимъ и безпакости: Богъ бо благій челоуколюбецъ, иже скорое и твердое утѣшеніе даруя рабомъ своимъ, иже всегда щадѣй и сохраняѣй угодилика своего, іако

Псал. 90, 11. же святое глаголетъ писаніе: іако ангеломъ своимъ заповѣсть сохранити тя; сѣе и здѣ посла Богъ милость свою и благодать свою въ помощь ему, еже сохранити его отъ всякого обстояніа, видимаго же и невидимаго. Преподобный же видѣ, іако покрывасть его Богъ своею благодатию, днѣмъ же и нощію прославляше Бога и благодарѣныа хвалы възсылаше Богу, не оставляющу жезла грѣшныхъ на жребіи праведныхъ, иже не дастъ насъ чрезъ силу искушеннымъ быти. Начастъ же святое прочиташе писаніе, іако да отгуду всяку приплодитъ добродѣтель, сокровенными мыслями

1133. 6. всяко подвижалъ умъ свой на вождѣ || глѣна вѣчныхъ благъ и в наслажденіа обѣщанныхъ благихъ сокровищъ. И еже паки дивнѣе, іако никтоже того жестокое и добродѣтельное житіе тайное увѣдѣша, тѣчю единъ Богъ, иже тайнаа зря и тайныхъ

испытатель и неизвѣстнаа предъ очима имѣа, тѣмъ еже безмолвнаго и безмятежнаго житіа желаніа лишаемъ бываетъ; но оно убо възлюбленно быти мняшеся ему, еже наединѣ единому Богу частыа и прилѣжныа тайныа приносить молитвы и Богу единому собесѣдовати, превышнему, вездѣсущему вождѣленми присвоитися, и к тому единому приблизитися, и еже отъ него благодатию просвѣщатися. И сщевыми тому упражняющеся мыслями, іако да приятенъ будетъ еже о сихъ подвигъ его безъ зазора, и сего ради на кийждо день тепле общеваше и частыа къ Богу молитвы възсылаа повсегда. Богъ же моленіа его николиже презрѣ, іако благосердіе имѣа множество щедротъ, не навѣче бо || презирати моленіа боѣщихъ его и тво- 1133. в. рящихъ волю его. По временѣхъ же нѣколицехъ, сирѣчь, пребывшъ ему въ пустыни единому, единствовавшъ ли двѣ лѣте, ли множае, азъ не ведѣ о семъ, Богъ вѣсть; и по сихъ видѣ Богъ великую вѣру его и многое трыпѣніе его, умилосердися на нь, хотя облегчити труды его пустыньныа, вложи въ сердце нѣкоторымъ отъ братіа мнихомъ богобоязливымъ, нача же приходити к нему. Се же бысть строеніемъ и промышленіемъ всесилнаго, милосердаго Господа Бога, іакоже хочеть не единому Сергію жити в пустыни сей, но множайшей братіи, іакоже рече Павелъ апостолъ: не 1 Кор. ищѣа своеа полъзы единого, но множайшихъ, да спасутся; ли рещи: іакоже хочеть Богъ, подастъ намъ силу и терпѣніе, тому возможно естъ вся. Преподобный же паки воспросивъ я, глаголя: можете ли трыпѣти труды мѣста сего, гладъ и жаждѣ, и всякіа недостатки? Они же рѣша: ей, честный отче, || хоцѣмъ, Богу помагающъ 1133. намъ и молитвамъ твоимъ споспѣшествующу намъ; токмо о семъ молимъ твое преподобство, не отлѣчи насъ отъ лица твоего, и отъ мѣста сего святаго и любезнаго не отжени насъ. Преподобный же Сергіе видѣвъ вѣру ихъ и усердіе, и удивлься, и рече имъ: азъ не отлучаю васъ, понеже Господь Богъ глаголетъ, іако грядущаго Іоан. 1 ко мнѣ не изждену вонъ; и паки рече: идѣ-

Матв. 18, 20. же суть два ли триє совокуплени во имя мое, ту есмь посреди ихъ, рече Господь;

Псал. 132, 1. и Давидъ рече: се коль добро, ли коль красно, еже жити братіи вкупе; азъ бо, господие и братіа, хотѣлъ есмь единъ жити в пѣ-
стыни сей и тако скончатися на мѣсте семъ; аще ли сице извол'шу Богови и аще угодно ему будетъ, еже быти на мѣсте семъ ма-
настырю и множайшей братіи, да будетъ воля Господня! азъ же васъ с радостию приѣмлю, токмо потщитесь создати кѣлію себѣ. Но буди вамъ сіе вѣдомо: аще в пу-
стыню сію жити прийдете, аще ли на мѣсте

1134. а. семъ со || мною съпребывати хотите, вся-
кой добродѣтели страхъ Божій. Онъ же
страхъ Божій в себѣ водрузивъ и тѣмъ
ограждался и закону Господню поучался
день и нощь, іако древо плодовито, насаж-
дено прі исходящихъ водныхъ, иже во свое
время дастъ плодъ свой. Понеже младу ему
сущъ и крѣпку плотію, бѣаше бо силенъ
бѣ тѣломъ, могій за два челоуѣка и мно-
жае. Діаволъ же похотными стрѣлами хотя
уязвити его; преподобный же очютивъ
брань вражію, удръжа си тѣло и поработі
е духу, обузда е постомъ; и тако благо-
датію Божією избавленъ бысть: научи бо
ся на бесовскія брани вооружатися; іако-
же бо бѣсове грѣховною стрѣлою уязви-
ти хотяще, и противу тѣхъ преподобный
чистотными стрѣлами стреляше стреляю-
щихъ во мракъ правыа сердцемъ. Сице бо
живый съ братіями, аще и не поставленъ
бысть в прозвитеры, но велми с ними при-
лежалъ церкви Божіей и по вся дни поаше

1134. 6. съ братіями въ церкви полунощницю и
заутреню, часове же и вечерню и нефи-

Псал. 118, 164. монъ, по речен'ному: сед'мижды днемъ хва-
лихъ тя о судьбахъ правды твоея; и про-
межу сихъ частыа молебны, на то бо
упражняшеся, еже безъпрестани молити
Бога въ церкви же и в кѣліяхъ, по Павлу

1 Сол. 5, 17. глаголющу: непрестающе молитесь Богъ;
а на обѣдню же призываше отъ нѣкіа
иныхъ веси попа, суща саномъ игумена, и
того приѣмаше съ благочестіемъ, и повелѣ-
ваше творити ему святую литургію: самъ
бо Сергіе испер'ва не хотяше поставленія
прозвитерска, ниже паки игуменьства при-

ати, многоаго ради и конечнаго смиренія;
имаше бо в себѣ кротость многу и велико
истинное смиреніе, о всемъ всегда подра-
жаа своего владыку Господа нашего Іисуса
Христа, подав'шего ся на подражаніе хо-
тящимъ подражати его и послѣдовати ему,
рек'шему: приидѣте ко мнѣ вси тружаше- Матв. 11, 28.
щеся и обремененіи, и азъ покою вы; воз-
мете иго мое на ся, и научитесь отъ мене,
іако кротокъ есмь и смиренъ сердцемъ. И 1134. в.
таковаго ради смиренія Сергіе не хотяше
поставленія іерѣйства, ниже паки игумень-
ства взяти: глаголаше бо присно, іако-за-
чало и корень есть санолюбіе, еже хотѣти
игуменьства. Собравшимъ же ся мнихомъ
не зело множайшимъ, но іако числомъ до
двоюнадесяте, отъ нихъ же бѣ единъ ста-
рець, именемъ Василіе, рекомый Сухій,
иже бѣ в' пер'выхъ отъ страны пришедый
отъ верхъ Дуб'ны, инъ же отъ нихъ, име-
немъ Іаковъ: сіи бѣ в' чину образомъ іако
посол'ницы, а егоже николиже отсылаху на
службу, іакоже бо зело на нужную потре-
бу, безъ неаже не моцно быти; ипъ же,
ему же бѣ имя Онисимъ, сей же бѣ саномъ
діаконъ, и діаконъ отецъ, глаголемый
Иелисей. Келіамъ же зиждемьымъ и ограде
быв'ше не зело простран'нѣйшей, но и вра-
таря у сущихъ ту вратъ приставиша. Онъ
же самъ Сергіе четыре келіа своими ру-
кама соз'да, но и прочая вся манастирь-
скаа дѣла, іаже братіамъ на потребу, || слу- 1134. г.
жалъ: ова дрова на раму своєю отъ леса
ношалъ, и іакоже по кѣліамъ раздробляа
и на полѣна разсѣкаа, раз'ношалъ. Но паки
что воспоминаю іаже о дровехъ? дивно бо
по истинѣ бѣ тогда в нихъ бываемо видѣ-
ти: не сущу отъ нихъ далечю лѣсу, іакоже
ныне нами зримо, но идеже кѣліамъ жи-
демьымъ стояти поставленнымъ, ту же надъ
ними дресса іако осяняюще обрѣтахуся,
шумяще стояху; окрестъ же церк'ви мно-
гое кладіе и пеніе повсюду обрѣташеся,
удуже и различ'наа сѣяху сѣмена, іако на
устроение ограднымъ зеліемъ. Но паки
возвратимся на предиречен'ную бесѣду,
іаже о подвизахъ преподобнаго Сергіа,
како безъ лѣности братіамъ, іакоже купле-
ный рабъ, служалъ, и дрова на всѣхъ го-

товяше, и предъ кѣліями полагаше, толкуче жита и в' жер'новахъ мелюще, и хлѣбы печаше, и пищу варяше, и прочее браш'но, ꙗже на потребу братіамъ, устра-
 1135. а. ѿще; обувъ же и пор'ты крошаше и ꙗже самъ шаше; и отъ источника, сущаго ту, воду во двою водоносу почер'паа, на своемъ си рамѣ на гору возношаше, и ко-
 муждо у кѣліа поставляше; в' нощи же на молитве безъ сна пребываше; хлѣбомъ и водою точію питаешся, и того по оскуду при-
 имаше; николиже ни единого часа празденъ пребываше. И сѣе удручи си плоть
 м'ногимъ воздр'жаніемъ и великими тру-
 ды, в' немъ же и телеснаа двизаніа безъ по-
 шествіа сотворяше, и паки бол'шая подвиги на подвиги прилагаше, и печашеся о пре-
 бываніи мѣста того, ꙗко дабы ток'мо благо-
 поприятенъ былъ трудъ его. Елико же ч'то
 страдале, псал'мы во устѣхъ его всегда

Псал. 15, 8. бѣаху, еже рече: предзрѣхъ Господа предо мною выну, ꙗко одесную мене есть, да ся не подвижу *). Сѣе же ему пребывающу въ молитвахъ и во трудѣхъ, плоть исти-
 си и ис'суши, желая быти гор'няго града гражданинъ и вышняго Іерусалима жител-
 инъ. По лѣте же единомъ прежеречен'ный

1135. 6. игж'мень, ꙗже постриже блаженаго Сер-
 гіа, разболѣся, и нѣколько время поболѣвъ, отъ сего житіа преставися и къ Богжъ от-
 иде, егоже возлюбилъ. Преподобный же Сер-
 гіе в' печали бѣаше зело, и моляшеся Богжъ, и молитву прилежно о семъ Богжъ воз'сы-
 лаше, ꙗко дабы Господь Богъ далъ игу-
 мена и мѣстжъ тому наставника, отца же и
 правителя, могуща правити корабль ду-
 шевный всемирныа жиз'ни къ пристанищу
 спасенія отъ вол'нъ потопленія и отъ злыхъ
 духовъ, находящихся на ны. И сѣе ему мо-
 лящуся Богу и просящу игумена, истин'-
 наго строителя мѣстжъ тому, и Богъ услы-
 ша молитвжъ своего угодника и моленія его
 пріятъ, да не Давида лъжуца покажетъ,

Псал. 144, 19. рек'шаго: волю боющихся его с'творитъ, и молитву ихъ услышитъ, и спасетъ ихъ; Господь бо хощетъ дати самого просителя, просившаго игумена, праваго правителя;

да поелику же Сер'гіе возпроси, потолику же и приобрѣте в' правду праваго прави-
 теля, могущаго управити святое мѣсто то; не себе же самого точію проси, но иного
 нѣкогого, егоже || Богъ дастъ. Богъ же, 1135. в. ꙗко провидецъ, провидѣ будущаа и хотя
 воздвигнути и прославити и устроить мѣ-
 сто то, инаго бо луч'ше того не обрѣте,
 но точію того самого просив'шаго даруетъ,
 вѣдый, ꙗкоже можетъ таковое управление
 управити въ славу имени его святаго. Како
 же и кимъ образомъ случися быти начало
 Сер'гіева игуменьства? Вложи Богъ въ
 сердца братіи како бы въздвигн'ти его на
 начал'ное начальство; видѣ же нѣкое раз-
 мышленіе в' братію его, и з'шедшеся преже
 сами между собою, совѣтъ сотвориша тѣмъ,
 тако вѣрою утвѣрдив'шеся, и вси в'купѣ
 придоша къ блаженному Сергію, глаголю-
 ще: отче! не можемъ жити безъ игумена;
 нынѣ же пріидомъ к' тебѣ г'вити мысли
 наша и хотѣнія, зело желаемъ того, да
 быхъ былъ намъ ты игж'мень и настав-
 никъ душамъ и тѣломъ нашимъ, да быхомъ
 ходили к' тебѣ с' покаяніемъ, исповѣдающе
 грѣхи своа, да быхомъ отъ тебе прощеніе
 и благословеніе и молитвою по || вся дни 1135.
 пріимали, и видели тебе ꙗже совер'шающе
 святую литургію, да быхомъ кождо отъ
 честную руку твою причащались пречи-
 стыхъ тайнъ; ей, честный отче, сего же-
 лаемъ отъ тебе, ток'мо не отрицайся. Пре-
 подобный же Сер'гіе воздохнувъ изъ глу-
 бины сердца, и рече им': азъ помышленія
 не имѣхъ еже хотѣти игуменьства, но тако
 желаетъ душа моя скончатиcя во иночествѣ
 на мѣсте семъ; вы же не поудите мене,
 но оставите мя Богу, и той, ꙗкоже хощетъ,
 сотворитъ о мнѣ. Они же рѣша: мы, отче,
 желаемъ того, дабы намъ ты былъ игу-
 менъ, ты же отрицаешиcя; мы же, госпо-
 дине, глаголемъ ти: ли самъ буди игуменъ,
 или шедъ испроси намъ игумена у святи-
 теля; аще ли не тако, то таковыа ради
 нужда разыдемъcя вси отъ мѣста сего. Пре-
 подобный же Сергіе паки постенавъ отъ
 сердца, рече имъ: нынѣ убо разыдемся

*) Слова: «ꙗко . . . не подвижу» приписаны скорописью въ низу страницы.

кійждо въ своа кѣліа и вси помолимся Гос-
подеви Богу прилѣжно о семъ, да ѡтве от-
1136. а. крыетъ намъ, что подобаетъ || творити. Они
же разыдошася кійждо въ своя кѣліа. По
днехъ же нѣколицехъ паки придоша бра-
тіа къ преподобному Сергію, глаголюще:
понеже мы, отче, снідохомъ ся на мѣсто сіе,
слышавъше ѡ тебѣ начатки добраго
подвизанія твоего и церковнаго основанія,
ѡже своими руками самъ совершилъ еси,
имуще благодать святыхъ Троица, к той
прибегохомъ, на нюже надежу и упованіе
наше все возложихомъ твоимъ руковод-
ствомъ, отселе бо ты, господине, буди
намъ отецъ и игъмень, и будеши предстоа
престолу святыхъ Троица, серафимскую тре-
святую шѣснь возсылаа къ Богу, и без-
кровную совершаа службу, и своими ру-
ками да подаши намъ пречистое тѣло и
божественныя крове Господа нашего Иису-
са Христа, и препокоевъ старость нашу, и
гробу предаси ны. Преподобный же Сер-
гіе на мнозе отрицающеся и не хотяще,
моля ихъ и утѣшаа, глаголя: простите мя,
отцы мои и господіе, кто есмь азъ, ѡже на
таковаа смѣхъ дръзнути, ѡже со стра-
1136. б. хомъ и ужастію || ангели не могутъ дости-
гнати? како же недостойный азъ дръзъ
явлюся, ниже преслѣвъ в таковую мѣру?
азъ начатка мнишскаго устава и житія
никакоже достигохъ; како смѣю к' сей свя-
тыни приступити, ли коснутися? а быхъ
могъ своихъ грѣховъ плакаться, вашею
молитвою оного благодати достигнути краа
желанаго, егоже вожделѣхъ отъ юности
моеа. И сіа и множайшаа к симъ извѣща
к нимъ, отъиде в' кѣлію свою. Блаженіи
же они старцы по днѣхъ паки изшедшеся,
начаша бесѣдовати к нему, глаголюще
предреченныя главы *) и множае тѣхъ, и
рѣша: мы, отче духовный, прѣ никоемъ
имамъ с тобою, Богу наставляющу насъ
к тебѣ снідохомъ ся на мѣсто сіе, и твоему
житію и благонравію подобитися вожде-
лѣхомъ, и будущихъ благъ наслаженію спо-
добитися надѣяхомся; аще ли ты не хо-
щеши пещися нашими душами и пастухъ

словеснымъ овцамъ не хоцещи намъ быти,
мы убо отходимъ отъ мѣста сего || и отъ 1136. в.
храма святыхъ Троица, и отъ обѣта нашего
неволюю отпадемъ, и заблудимъ аки овца,
не имуще пастѣха, в горы презорства, и
распутиемъ злымъ мыслемъ предавшеся,
сокрушеніи будемъ мысленнымъ звѣремъ, си-
рѣчь діаволомъ; ты же отвѣтъ воздаси
предъ необновеннымъ судією Вседръжите-
лемъ Богомъ. Се же глаголаше ему бра-
тіа, прещеніемъ претяще и грозами грозя-
ще: много бо преже, по многихъ днѣхъ мо-
лиша его, нудяще ово смиреніемъ, ово же
тихостію и ласканіемъ, иногда же преще-
ніемъ и жестокими словесы претяху, жа-
лующеся. Онъ же крѣпкій душею, твердый
вѣрою, смиренный умомъ, ни ласканію по-
винувшася, ни прещенія боѣшеся, но выше
прещенія мужъ обрѣташеся. Егда много
нудиша его братія на игуменьство, онъ же
смиренномудръ сый, не хотя того приати,
ѡже еже издѣтства совозрастшеся ему
богоподражанное смиреніе оставити, и та-
кое тѣхъ моленіе оттресе, || грѣшна суще 1136. г.
себе глаголя и не достойна, прирекъ же и
се: ѡко мои глаголи не согласуютъ вашимъ
словесемъ; понеже вы убо излише прину-
жаєте мя на игуменьство, азъ же излише
отрицаюся; елѣма же азъ убо самъ хощу
ученія требовати и паче ползоватися, не-
жели иныхъ поучати: азъ бо самъ желаю
отъ ихъ обладать быти паче, нежели
иными обладати и начальствовати; бою же
ся суда Божіа, егда како будетъ сіе Богу
любю, ѡкоже вы повелѣваете ми, и тако
воля Господня да будетъ. Обаче же побѣ-
женъ бывъ отъ своего милованнаго брато-
любія и отъ своего усердіа и тѣщивства,
едва повинуся тѣхъ моленію, и изволи быти
прошенію ихъ, и повинуся воли ихъ быти,
паче же рещи, воля Божіа да будетъ. И
такъ по сихъ всѣхъ преподобный Сергіс
востенавъ из глубины сердца, и всю мысль
и упованіе возложивъ къ Вседръжителю
Богу, рече к нимъ во смиреніи душа: отцы
и братія! азъ с'противъ вама ничтоже не
глаголю, во || ли Господней предавшиися: той 1137. а.

*) Должно быть: «главы».

бо вѣсть сердца и утробы; идемъ во градъ къ епископу. Митрополиту же Алексѣю всея Руси тогда бывшу ему во Цариградѣ, во граде же Переослави повелѣ быти во свое мѣсто епископу Афонасію Вельнскому; к нему же прииде преподобный отецъ нашъ Сергіе, и поимъ с' собою два старца, и вшедъ поклоненіе сотвори предъ епископомъ. Епископъ же Афонасіе видѣвъ и, благослови его, и вопросы о имени его. Онъ же Сергіемъ имя себѣ повѣда. Афонасіе же слыша, радъ бысть, о Христе цѣлованіе дастъ ему: прежде бо бѣше слыша о немъ начатки добраго подвижанія его и церкви вознаграенія и монастыря основаніе и вся благоугодныя дѣтели, ꙗже къ братіамъ любовь с' прележаніемъ и многія добрыя дѣтели, и побесѣдовавъ с нимъ духовне; и егда скончаша бесѣду, і абіе сотвори поклоняніе предъ епископомъ. Блаженный же отецъ нашъ Сергіе начатъ молити святителя, прося игумена, да быхъ далъ наставника душамъ ихъ. Преподоб-

4137. 6. ный же || Афонасіе, исполнь сый Святаго
Псал. 88, 20, 22. Духа, и рече: изведу избраннаго отъ лю-
дій моихъ; и паки: ибо рѣка моя поможетъ
ему, и мышца моя укрѣпитъ и; апостолъ

Евр. 5, 4. же Павелъ рече: никтоже приемлетъ ни
чѣти, ни санъ, токмо възванный отъ Бога;
тебе же, сыну и брате, Богъ, возваый
отъ утробы матере твоеа, ꙗже отъ мно-
гихъ слышахъ о тебѣ, да будещи отселе
ты отецъ и игумень братіи, Богомъ събран-
ней во обители святыа Живоначальныа Трои-
ца. Преподобному же Сергію отрицаю-
щуся и недостойнство на ся излагающу,
исполнь же сый благодати и Святаго Духа
рече Афонасіе к нему: возлюблене! вся стя-
жалъ еси, а послушанія не имаша. Преподоб-
ный же Сергіе поклонься и рече: ꙗко
Господеві годѣ, тако и буди; благословенъ
Господь в' вѣки! и всѣмъ рекше: аминь;
абіе же святей епископъ Афонасіе повелѣ
клирикомъ внити во святей олтарь; самъ
же поемъ блаженнаго Сергіа, потѣшавъся

4137. в. вниде во святую церковь, и облечеся || въ
священныа ризы, и поемъ блаженнаго
Сергіа, повелѣ изглаголати ему изложеніа
образъ святыа вѣры, еже есть: Вѣрую во

единого Бога; и по скончаніи того, Сер-
гію главѣ поклон'шу, святитель же знамена
ю крестообразно, и сотвори молитву са-
новную, и постави его поддіакономъ, таже
и діакономъ, и соверши божественую ли-
тургію, и вкѣпе причастишася божестве-
наго тѣла и крове Господѣ нашего Іисуса
Христа; наутри же соверши его іерѣй-
скимъ саномъ, и паки повелѣ ему сотво-
рити святую литургію и своими руками
принести безкровную жертву. Преподоб-
ный же отецъ нашъ Сергіе вся повелѣнаа
ему со страхомъ и радостію духовною
соверши; и епископъ же Афонасіе особъ
поимъ его, правила апостольскаа і ученія
отеческаа, ꙗже суть на строеніе и исправ-
ленію душевному, и бесѣдова к нему, гла-
голя: длѣжно ти есть, возлюблене, по
апостолѣ, немощи немощныхъ носити, а 4137. г.
не себѣ угождати, но на согражденіе кож- Рим. 15, 1.
до ближнему да угождаетъ. И паки Тимо-
фѣю посылаетъ, глаголя: сіа предаждь 2 Тим. 2, 2
вѣрнымъ человекомъ, иже достойни бу-
дутъ и ихъ научити. Еще же: другъ Гал. 6, 2.
другу тяжести носите, и тако скончаете
законъ Христовъ; сіе исправивъ, самъ спа-
сешися и суцаа с тобою. И сіа рекъ, ду-
ховными дарми учредивъ его, и о Христе
целованіе дастъ ему, и отпусти его въ исти-
ну игумена, пастуха и стража, врача ду-
ховна братіи. Сиде не кромѣ н'рава бого-
любива бысть се, ниже кромѣ Божіа про-
мысла се с'ключися, ꙗко не о себѣ игу-
меньство взя, но отъ Бога поручено бысть
ему начальство; не наскочи на се, ниже
превосхищаа предъ нѣкимъ, ниже мѣзду
отъ сего даа, ꙗкоже творятъ нѣціи сано-
любцы суще, другъ предъ другомъ ска-
чюще, вертящеся и прехватающе, не вѣ-
дѣща писанія, глаголющаго: ни хотящему, Рим. 9, 16.
ни текущему, но милующему Богъ, отъ Іак. 1, 17.
негоже всяко даваніе благо и всякъ даръ 4138. а.
совершенъ с'выше есть, с'ходяй отъ Бога,
отца свѣтомъ, ꙗко до здѣ Божіа полъка
воеводство вручено бысть ему, идѣже убо
толико множество инокъ аки воинства ду-
ховныа храбры общему всѣхъ Владыце
привести хотяще, и понеже чистоты ради
житія его достойнъ бысть таковыа благо-

даті, достоинъ бысть предстательству и пастыремъ пастве, а стаду словесныхъ овецъ и священному монастырю началникъ явися: Богъ бо произведе угодника своего на игуменьство.

О начале игуменства преподобнаго Сергія.

Пришедъ же преподобный отецъ нашъ игуменъ Сергіе во свой ему монастырь и во обитель святыя Троица, братія же устрѣтша его и поклонившася ему до земли, радости исполнишася. Он же вшедъ въ церковь, паде лицомъ на землю, со слезами молитву творяше къ невидимому царю и взираше на икону святыя Троица, на помощь призываа святую Богородицу, слу-

1138. 6. жителя же престола Владычня небесныя силы, Предотечю и премудрыя апостолы, с' сими же началныя святителя: Василиа Великаго и Богослова Григоріа и Златоустаго Іоанна, и вся святыя, ихъ же молитвами просить отъ десницы Вседержителя, дабы далъ несумѣнно смѣніа у престола славы стоати Живоначалныя Троица и коснѣтися рукама агнца Божіа, заколеного Христа, Сына Божіа. И начатъ блаженный сиче къ братіямъ глаголати реченаа Гос-

Матѣ. 7, 13 и 11, 12.

Гал. 5. 2. латомъ глаголетъ: плодъ духовный есть любви, радость, миръ, терпѣніе, благовѣріе, Псал. 33, 12. кротость, воздержаніе. Давидъ рече: приидѣте, чада, послушайте мене, страху Господню научю вы. И благослови братію, и прирекъ: молитесь, братія, о мнѣ: грубости бо и неразуміа исполненъ есмь, талантъ пріемъ вышняго царя, о немъ же ми есть слово отдати еже о пастве пещи словесныхъ овецъ, боязни устрашаютъ мя слово,

1138. в. Господемъ реченное: || иже аще съблз-
Матѣ. 18, 6. нить единого отъ малыхъ сихъ, полезно быти ему, дабы жерновъ осли обязанъ о выи его и вверженъ в' море; колѣми паче иже многи душа погрузити во своемъ неразуміи, ли возмогу дръзновенно глаголати: се азъ и дѣти, еже ми далъ еси, Господи! и услышу ли си божественный гласъ горнимъ и нижнимъ пастыря великаго Госпо-

да, благосерднѣе вѣщающа: благій рабе, Матѣ. 25, 23. вѣрне! вниди в радость Господа своего. И сіа рекъ, помышляше во умѣ житіе великаго свѣтилника, иже во плоти живущей на земли ангельски пожиша, глаголю Антоніа великаго, и великаго Евфиміа, Саву освященнаго, Пахоміа ангелавиднаго, Θεодосіа общажителя и прочихъ; сихъ житію и нравомъ удивлялся блаженный, како плотни суще бесплотныя врагы победиша, ангеломъ съжителѣ явившася, діаволу страшни, имъ же царіе и челоуѣды удивльшеся к нимъ приходяще, болящаа различными недуги исцелевахуся, и в' бедахъ тепліи избавителіе, и отъ смерти || скоріи заступницы, 1138. г. на путехъ и на мори нетрудни шественницы, недостаточествуящимъ обилній предстателіе, нищимъ кормители, вдовамъ и сиротамъ неистощаемое сокровище, по божественному апостолу: аки ничтоже имущее, 2 Кор. 6, 10. а все содръжаще. Сихъ житіе блаженный на сердцы имѣа, моляшеся къ святей Троицы, бы невозратно шествовати должни по стопамъ сихъ преподобныхъ отецъ, божественную литургію всегда служа, утрення же и вечерняя молитвы нетрудно славословяше, и о смиреніи всего мира и о благостояніи святыхъ Божіихъ церквахъ, и о православныхъ царехъ же и князехъ и о всѣхъ православныхъ христіанехъ; таже глагола къ братіи: подвигъ немалъ долженъ ны есть подвизатися на невидимаго врага: сей бо аки левъ рыкаа ходитъ, ища когождо хотя поглотити. Мала же нѣкіими словесы наказая братію, множайша же паче делесы самъ образъ бываше братіи. Кто достигнетъ по истиннѣ исповѣдати до- 1139. а. бродѣтелное житіе его, благодати цветущей въ души его? болѣма вооружашеся на супротивныя силы, силою возмагаемъ святыя Троица. Многажды же діаволъ хотя устрашити его, овогда же звѣрми, овогда же зміями претворяшеся; и очивѣсть или в кѣліи, или егда в лѣсе блаженный дровца събираше на потребу монастырьскую, внезапно врагъ многообразною злою покушашеся поне мысль ему совратити отъ молитвы и отъ добродѣтельныхъ трудовъ его. Богоносный же отецъ нашъ Сергіе вся не-

приазьненаа его меч'таніа и коз'ни, аки дымъ раз'ганяа и аки паучину претр'заше, силою крестною вооружаемъ, евангельское слово на сердце полагаа, Господемъ речен'наа: се дахъ вамъ власть наступати на зміа и на скор'піа и на всю силу вражію. В начало же игуменьства его б'ѣше братіи числомъ 12 темныхъ, кромѣ самого иг-мена третіагонадесяте: се же число двое-
 1139. б. надесятное, обрѣт'шееся в нихъ, сице || живяху тогда и по два лѣта и по три, ниже болѣ сего умножашеся, ниже мен'ше сего умаляхуся; и аще ли когда единъ отъ нихъ или умереть или изыдѣть отъ обители, то паки другій на его мѣсто братъ прибудетъ, да не число истощимо обрящется, но единаче во единомъ числѣ двоюнадесятнемъ бяху пребывающе, іако нѣкоторымъ отъ сего глаголати: что убо будетъ се? или повсегда двеманадесяте мнихомъ быти в мѣсте семъ, по числу 12 апостолъ, іакоже есть писано: призва Господь ученики своя,

Лук. 6, 13. из'бра отъ нихъ 12, іаже і апостолы нарече; или по числу двоюнадесять колѣнъ Израилевъ, или будетъ по числу 12 источ'никъ водъ, или по числу изб'ран'ныхъ каменій драгихъ 12 быв'шихъ на зирахъ ар'хіерейскихъ по чину Аарошу? И сице имъ пребывающемъ, дондеже прииде к нимъ Симонъ, ар'химан'дритъ Смоленскій, и той разрушитъ число двоенадесятное; и оттолс братіа множахуся отъ того дни болѣ и уже
 1139. в. числяхуся || множайшимъ числомъ паче, нежели двоенадесятнимъ. Ел'ма же о реченемъ Симоне вмале помянухомъ, и не леюся паки повѣдати о немъ простран'нѣе, егоже память не утаися, и бесѣда, іаже о немъ, іаже его творить, и добродѣтели его, мало пошедше напредѣ, іавѣствуютъ. Сей убо дивный мужъ Симонъ баше архіман'дритъ старѣйши, славный, нарочитый, паче же рещи добродѣтельный, живой въ градѣ Смоленске; и отгуду слышавъ іаже о житіи преподобнаго отца нашего Сергіа и разжег'ся душою и сердцемъ, оставляетъ архіман'дритію, оставляетъ честь и славу, оставляетъ славный градъ Смоленскъ, вкупѣ же с нимъ оставляетъ отечество и други, ужники, ближники и вся знае-

мыа и сер'доболя, и воспріемлетъ смиреніа образъ, и произволяетъ стран'ничествовати; и отгуду въздвижесе отъ таковыа отъ дал'няа страны земля, || отъ Смоленска, в 1139. г. Московскіа предѣлы, еже есть в Радонежъ, прииде в манастирь къ преподобному отцу нашему игжмену Сергію, и со мноземъ смиреніемъ моляше его, дабы его пріахъ жити у него подъ крѣпкою рукою его в повинованіи и в послушаніи; еше же и имѣніе принесѣ с' собою и предасть то игмену на строеніе манастирю. Преподобный же Сергій пріахъ его с радостию. Симонъ же по м'ного лѣтъ поживѣ в покореніи и в послушаніи, паче же въ стран'ничествѣ и въ смиреніи, и всѣми добродѣтелями исполненъ, и въ старости добре преставися къ Богу. Игуменъ же Сергій проводи его до гроба и со братіями погребѣ его честно; и тако бысть вѣчная ему память.

І о Іванѣ, сыне Стефанове.

Стефанъ же, присный братъ Сергіевъ, прииде отъ града отъ Москвы, ведый с' собою сына своего, именемъ Іоан'на мен'шаго; и в'шедъ в' церковь, имъ за руку десную сына своего, предасть его игмену Сергію, веля || его пострижи во иночскій
 1140. а. образъ. Игуменъ же Сергій постриже его и нарече имя ему во мнишескомъ чину Феодоръ. Стар'цы же видѣв'ше, удившася вѣре Стефановѣ, іако тако не пощадѣ сына своего, отрочати суца, но из младенства предасть его Богу, іакоже древле Авраамъ не пощадѣ сына своего Ісаака. Феодоръ же отъ младъ ноготъ воспитанъ бысть в' постничествѣ и во всемъ благочестіи и в чистотѣ, іакоже научися отъ своего дяди, всѣми доброизволеніи мнишескими исполненъ и украшенъ, дондеже постиже возрастомъ в мѣру мужа совер'шена. Нѣціи же рѣша, іако 10-ти лѣтъ постриженъ бысть, и инии же двоюнадесяти лѣтъ; прочаа же его дѣянія ип'де напишутся, іако убо иного времени подобно требующа слово; намъ же на подлежащее слово возвратитися, да не прекращеніе нынѣшней повѣсти внесемъ. Мнози же убо отъ различныхъ градовъ и

1140. 6. отъ странъ пришедше к нему, || и живяху с нимъ, ихъ же имена въ книгахъ животныхъ. И тако по малу монастырь распро- страняшеся, братіамъ умножающимся, кѣ- ліамъ зиждемымъ. Преподобный же Сер- гій видя братію умножающуюся, умножаше и той труды къ трудомъ, образъ бывае стаду своему, ꙗкоже рече апостолъ Петръ:

1 Петр. 5, 2. пасете стадо, сущее в' васъ, не ну́жею, но волею, не ꙗко обладающе братією, но образъ бывающе стаду. И паки писано есть во книгахъ отеческихъ, рек'ше в Па- терицѣ: с'шедшеся святіи отцы пророче- ствоваху о послѣднемъ роду и рѣша, ꙗко послѣдній родъ будетъ слабъ. Сергіа сего же Богъ укрѣпи себѣ в послѣднемъ роду ꙗко единъ отъ древнихъ святыхъ отецъ; Богъ устрои его трудодѣл'ника, инокъ мно- жеству наставника, множайшей братіи игу- мена и вожа. И паки откуду кто началъ сего, еже бо мѣсто то было прежде лѣсъ, чаща, пустыни, идѣже живяху зайцы, ли-

1140. в. сицы, || волъцы, иногда же и медвѣди по- сѣщаху, другоицы же и бѣси обрѣтахуся, туда же нынѣ церковь поставлена бысть, и монастырь великъ возграженъ бысть, и инокъ множество совокупися, и славословіе и въ церкви и в кѣліяхъ, и молитва непре- стающая къ Богу? Всему же тому начало и вина преподобный отецъ нашъ Сергій;

Псал. 4, 4. и увѣдайте, ꙗко удиви Господь преподоб- наго своего. А отнележе поставленъ бысть въ игуменство, по вся дни святаа литур- гіа бываше, просфiry же самъ печаше: прежде бо пшеницу тольчаше и мелаше, и муку сѣаше, и тѣсто мѣсяше и квасяше; ти тако испек'ши просфiry, служаше Богу отъ своихъ праведныхъ трудовъ, иному не даваше никому, аще и зело хотяху мнози отъ братіа пещи прос'фiry, но преподоб- ный т'щашеся быти учитель и дѣлатель; и кутію самъ варяше, и свѣщи скаше, и ка-

1140. г. ноны творяше. Преподобный же отецъ нашъ игуменъ || Сергій аще и пріалъ игу- менство старѣйшинства, но обаче не из- мени правила своего чернечскаго, на па-

Мар. 9, 35. мяти имѣа рек'шаго: иже кто в' васъ хо- щетъ быти старѣйши, да буди всѣхъ мен- ши и всѣмъ слуга. На то учение Спасово

взираше, смиряше себе, и мен'ши всѣхъ творяшеся, и собою образъ всѣмъ творя, и на дѣло прежде всѣхъ обрѣташеся, и ника- коже на стѣну восклоняся; и оттоле увѣ- таше мѣсто то и множахуся братіа. Обы- чай же в начало игуменства своего сицевъ имѣаше: еже всякому приходящему к нему и хотящему быти мниху и желающему острищися, не отрѣваше убо никогоже, ни стара ни уна, ни богата ни убога, но всѣхъ пріимаше со усердіемъ и с радостію; но не ту абіе постризаше его, но прежде повелѣ- ваше ему облещися въ свитѣ долъгу, еже отъ сукна черна, и в' ней переходити со братіями время довол'но, донѣ||деже извык- 1144. а. няше весь устрой монастырьски; таче по сихъ облачашеть и во мнѣишскую одежду, аки во всѣхъ служ'бахъ искушена; и ос- тригъ, облачить и въ манатію и клобукъ; а егда будяше совер'шенъ чернецъ, жи- тіемъ чистымъ искусенъ сы, и такового сподобляеть святую схиму. Ел'ма же убо по еже в начале игуменства его, внегда преподобному Сергію просіати в мѣсте своемъ, в монастырь зовомемъ иже в Ра- донсже, внегда имени его обносиму быти всюду, по странамъ же и градомъ, вѣсть бо добродѣтель ꙗвлена сѣтворити стяжав'- шаго ю, не мен'ши паче нежели свѣща но- сящаго ю: тогда мнози отъ христіанъ люб'ве ради Божіа издалеча прихожаху к нему, и житіа суету оставляюще, и подѣ- блгій ѿремъ Господень своя выя подла- гаху; понеже повсегда тому ученицы при- лагахуся: призываху бо еже оного благо- дателей источницы добродѣтельныа душа, ꙗко елєня словесныа, желающе воды духовныа. Имѣаше же || обычай блажен'ный сие ис- 1144. б. перва: еже по навечернице поздно и долъго вечера, аки сущу глубоко ноцію, паче же в темныа и долъгіа ноци, сотворивъ мо- литву в кѣліи своей, и по молитве исхо- жаше ис кѣліа своєа, еже обходити ему вся кѣліа мниховы; имѣа попечение о бра- тіи своей, не токмо телесы ихъ промыш- ляше, но и о душахъ ихъ печашеся, увѣ- дати хотя коегождо житіе ихъ или жела- ніемъ Богу; и аще кого услышаше или мо- литву творяща, или поклоны кладуща, или

руководѣіе свое со безъмолвѣіемъ и со молитвою творяща, или святѣя книги почитающа, или о грѣсѣхъ своихъ плачущася и сѣтующа, о сихъ убо радовашеся, и Бога благодараше, и за нихъ Бога моляше, дабы до конца совершили доброе свое предло-

Матѣ. 24, 13. женіе: претерпѣвый бо, рече, до конца, той спасется; егда же ли кого слышаше бесѣдующа, два или тріе спешдеша вкупе, или смѣхи тѣкуща, о семъ убо негодоваше,

1144. в. и зело не терпѣя таковыя вещи, рукою своею удараше въ двери, или во оконце потолкавъ, отхожаше: симъ образомъ назнаменавъ тѣмъ свое к нимъ прихоженіе и посѣщеніе, и несвѣдомымъ накинovenіемъ праздна бесѣды ихъ разоряше; таче паутріа в настоящій день призываше к себѣ, и не тѣжъ абіе скоро запрещаше имъ и не съ гнѣвомъ обличаше я и наказаше я, но тако издалеча с тихостію и кротостію, аки притчами наводя, глаголаше имъ, хотя увѣдати тѣхъ и усердіе ихъ еже къ Богу; и аще будяше братъ покорливъ и смиренъ и теплъ на вѣру и на любовь Божию, то въскоре упознанъ свою вину, с' смиреніемъ падъ поклоняшеся ему, прощенія пріати прося отъ него; аще ли паки будяше братъ непокорливъ, омраченіемъ босовскимъ сердце покровено имѣя, стояше мня, тако не о немъ глаголетъ, самъ чистъ ся творя, дондеже преподобный съ долготерпѣ-

Псал. 140, 5. ніемъ обличаше его, по реченію: пока-

1144. г. жетъ мя || праведникъ милостію своею, обличитъ мя; а непокорливаго брата спити-мію облагаше, аки не познавъша на себѣ своеа вины, еже непѣснѣвати вины о грѣсѣхъ; и сие того еже ко исправленію утвердивъ, отпускаше. И тако всѣхъ учаше еже прилѣжно молитися къ Богу, и не бесѣдовати ни с кимъже по павечерней молитве, и не преходите комуждо отъ своеа келіа без великіа нужныа потребныа вещи по чужимъ келіамъ, но въ своей келіи комуждо втайнѣ молити Бога наединѣ, и свое руководѣіе, такоже рука его можетъ, дѣлати по силе, по вся дни псал'мы Давидовы присно во устѣхъ своихъ повсегда имуще.

О изобиліи потребныхъ.

Понеже убо исперва, егда начинашеся строити мѣсто то, тогда многи недостатки бываху, лишеніе всѣхъ потребныхъ, послѣдняго ради нестяжанія и конечная дѣля пустоты, еже не имѣти имъ ни откудаже всякого утѣшенія, но и прочія всякіа нужныа потребности, откуда бо имѣти хотяху 1142. а. кое любо потребованіе. Ел'ма же пусто бѣше мѣсто то, и не бѣ тогда окрестъ мѣста того ни селъ близъ, ни дворовъ; по многа же времена и пути простран'наго не бѣше к мѣсту тому, но нѣкою узкою и прискорбною тѣсною стезею, аки безпутіемъ, нуждахуся приходити к нимъ; великій же и широкій пѣтъ вселюдскій отда-лече, не приближался мѣста того, ведяшеся; окрестъ же монастыря того все пусто, со вся страны лѣсове, всюду пустыня: пустыни бо врѣсоту нарицашеся; и сие жив'шимъ имъ дондеже испол'нишася дніе лѣтъ, тако мно, множае пятнадесяти. Паки же по днѣхъ, непѣщую тако во днѣхъ княженія князя великаго Ивана, сына Ивана, брата же Симиона, тогда начаша приходити христіане и об'ходитьи сквозъ вся лѣсы оны, и возлюбиша жити ту; и множество людей восхотѣвше, начаша со обы поли мѣста того садитися, и начаша || сѣщи лѣсы 1142. б. оны, тако никомуже возбраняющъ имъ, и сътвориша себѣ различныа многіа починцы, прежде реченную исказиша пустыню, и не пощадѣша, и сътвориша пустыню тако поля чиста многа, такоже и нынѣ нами зрима суть, и составиша селы и дворы многы, и насѣаша села, и сътвориша плодъ житень, и умножишася зело, и начаша посѣщати и учащати в монастырь, приносяще многообразнаа и многоразличнаа потребованія, им'же нѣсть числа. Но мы до здѣ сію рѣчь оставльше, а на предреченную бесѣду обратимъся, еже отъ начатка слова начяхъ повѣдовати о всяцей худости и о недостаткахъ нужныхъ потребъ, без нихъже не мощно обрѣстися. Егда испер'ва начинашеся создаватися мѣсто то, егда не множайшимъ браг'іамъ живущимъ в немъ, егда немнози бяху приходящей и принося-

щси, тогда начастѣ скудости бываху потребныхъ, яко многажды паутріа и хлѣбу не обрѣтися. Да кто можетъ исказати недостаткы, бывшаа преподобному отцу на-

1142. в. || шему Сергію? испер'ва сгда начинашеся строити мѣсто то, овогда убо не достало хлѣба и муки и пшеницы и всякого жита; иногда же не достало масла и соли и всякого ѣстїа брашеннаго; овогда же не достало вина, им'же обѣдня служити, и фиміану, имже кадити; иногда же не достало воску, им'же свѣщи скати, и пояху в пощи заутреннюю не имущи свѣщъ, но токмо лучиною березовою или сосновою свѣтяху себѣ, и тѣмъ пужахуся канонар'хати или по книгамъ чести, и сїце совершаху пощныа службы своа. Преподобный же Сергій всяку пужу ону и тѣснотѣ и всяку скудость и недостаткы трѣпаше съ благодареніемъ, ожидаа отъ Бога богатыа милости. И случися во иное время сїцево иску-

Кор. 10, 13. шеніе, понеже со искушеніемъ бываесть и милость Божїа: нѣкогда не достало бысть хлѣба и соли у игумена, но и во всемъ монастыри бысть оскудѣніе веѣхъ брашенъ. Бѣше же заповѣдь преподобнаго игумена ко всѣмъ братїамъ сїцева: аще когда

1142. г. | склѹчїтся таковое искушеніе, или хлѣба не достанетъ, или будетъ оскудѣніе всякого брашна, то не исходити того ради из монастыря в' весь нѣкую или в село и не просити у мирянъ потребныхъ телесныхъ, но седѣти трыѣлїиве в монастырѣ, и просити и ожидати милости отъ Бога; да якоже братїамъ велѣше и заповѣдаше, сїце паче и самъ сїа же творїше и трыїше, и пребысть три дни или чѣтыре не ѣдущи ничтоже. Минувшимъ же тремъ днемъ, а четвертому наставающъ и свїтающу, вземъ секиру, прїиде къ единому отъ старецъ, живущему в монастыри его, смуже имя Даниль, и рече ему: слышашъ, старче, яко хочеши сѣни создати прѣдъ кѣліею си; и азъ того ради прїидохъ, да руцѣ мои не праздуєта, и созидѹ я тебѣ. Отвѣща Даниль, рече ему: сї, зело хочу и имамъ издавна таковаа приготавлїа, но ожидаю дрѣводѣли отъ села, тебѣ чинити боюся, сгда како велику мѣзду возмєши отъ мене.

Рече же ему Сергій: азъ не зело велика 1143. а. возданїа требую отъ тебе, но имаши ли гнилыа хлѣбы, зело бо хотѣніемъ вѣсхотѣ ми сѣ ѣсти таковыа хлѣбы; иного же болѣ сего ничтоже не требую, ни прошъ отъ тебе мѣздовѣзданїа: у мене бо николиже обрѣтаются таковыи хлѣбы; а не глаголи, стар'че, еже ожидати тебѣ иного древодѣли мимо мене; и кто естъ тебѣ пшѣ сїце древодѣль якоже азъ? Старецъ же Даниль изнесе ему решето хлѣбовъ гнилыхъ скрилевъ, глаголя: аще сїцевыа вѣсхотѣся тебѣ веци той, и се со т'їцаніемъ воздаю ти, болѣ же сего не имамъ. Отвѣща Сергій: досыти ми естъ и се, и довлѣетъ ми сїе препїзлїше; но обаче снабди я до девятаго часа: азъ бо преже даже руце мои не поработасте и преже труда мѣзды не прїємлю. И то рекъ, препоаса чресла свои крѣпко, и нача дѣлати и тесати отъ утра и до вечера, и дѣски вся истеса, такоже и столбы издолбе и поставль, Богу помагающу смъ, сѣни съгради до вечера и совершїа. Поздѣ же сущи, яко в' вечернюю годину, Даниль старецъ накі изнесе ему решето хлѣбовъ уреченныхъ, цена мѣзды его, 1143. б. еже руцѣ его поработаста. Сергій же прїимъ сїа, и предложї е предъ собою, и сотвори молитвѣ, благослови я, и нача ѣсти с водою токмо, а не бѣ варива, ни соли, ни в'лаги; и обоє совокупя, и обѣдъ и вечерю, ѣдїше. И нѣкоторымъ отъ братїа видѣшеся отъ устъ его яко дымъ малъ исходящъ, сгда таковыа ѣдїше хлѣбы; и тогда другъ другъ преклонїшеся, глаголаху: воле, братїе, колико естъ трыѣніе мужа сего и воздержанїе его, яко пребысть чѣтыре дни ничтоже не ѣдѣй, и на четвер'тый сущъ поздѣ гнилымъ хлѣбомъ алькогу свою утѣшаше и уставлїше, и тоже не даромъ хлѣбъ гнилый, но драгою ценою прекупивъ, ѣдїше. Нѣкоторый же отъ мнихъ и пороп'та єдинъ братъ тогда на Сергіа: не ѣдоша бо и по два дни; и оскорбїшася не имуще что вкусити, и прїидоша к нему, и предъ нїмъ поимы и поносы творяху, глаголюще: плѣсневїи хлѣбы, еще ли намъ в миръ не исходити просити хлѣба? се убо на тя смотрихомъ, яко-

1143. в. же || училъ ны еси; и се тебе слушающе, нынѣ уже изъезжаемъ отъ глада; того ради утро рано изыдемъ отъ мѣста сего, камо кождо, потребныхъ ради, да не паки възвратимся сѣмо, уже не могуще ктому трыпѣти бываемыхъ недостатковъ и скудости здѣ. Не вси же пороуѣтаху, но нѣкоторый братъ единъ отъ нихъ, сегоже ради и всю братію созва: видѣ бо я ослабѣвша и оскорбившихся; преподобный Сергій малодушіе ихъ своимъ долготрыпѣніемъ и кроткимъ обычаемъ и тихостію исправить хотя, учаше я отъ святыхъ писаній, отъ ветхаго и новаго завіѣта, глаголя: воскую прискорб'ни есте, братіе; воскую смущаетеся; уповайте на Бога; писано бо естъ:
- Сар. 2, 10. возрите на пер'выя роды, и видите, кто упова на Бога, постыдѣся когда? или кто вѣрова Господеви, и посрамленъ бысть? или кто пребывъ въ страстѣ его, оставленъ бысть? или кто призывавъ его, и не услышанъ и презрѣнъ бысть отъ него? глаголь бо Господь: не азъ ли есмь подательницамъ, и житныя плоды износя, и жит-
1143. г. ни||ца наполняя, и кор'митель всему миру, Псал. 135, 25. и питатель вселен'ныя, даждь пищу всякой
- 144, 15. 16. плоти, даждь пищю имъ во благо время, отверзаа руку свою, насыщаа всяко животно благоволеніа? И въ евангеліи Господь
- Матв. 6, 33. рече: ищите и просите прже царствіа Божіа и правды его, и сіа всея приложатся вамъ; возрите на птица небесныя, іако ни сѣютъ, ни ж'нутъ, ни с'бирають в житницу, но Отецъ небесный кор'митъ я: не паче ли
- ст. 26. Евр. 10, 36. васъ, маловѣрїи, трыпѣти? убо терпѣніа бо
- Лук. 21, 19. потреба естъ: в' терпѣніи вашемъ стяжите
- Матв. 10, 22. душа ваша; претрыпѣвый бо до кон'ца и спасетсѣ. И вы нынѣ глада ради оскорб'стесѣ еже на мало время на искушеніе вамъ заключающесѣ; но аще претерпите с вѣрою и съ благодареніемъ, то на ползу вамъ будетъ искушеніе то и на болшій прибытокъ обрящетсѣ: понеже благодать Божіа всѣмъ бываесть не безъ искушеніа, іакоже в Лѣствице речесѣ: безъ искуса злато не совершается; по скорби же радости начаемсѣ, послѣдуесть бо скорбнымъ
- Псал. 29, 6. радостнаа: вечер' бо, рече, въдворитсѣ
1144. а. плачь, || а завтра радость. И вы убо нынѣ
- оскудѣніе хлѣба имате и недостатокъ всякого брашна днесъ имате, а завтра умноженіе брашенъ всѣхъ потребныхъ и всякого обиліа гасѣя и питіа насладитесѣ; тако бо вѣрую, іако не оставитъ Богъ мѣста сего и живущихъ в немъ. И еще сему глаголющу, и се нѣщїи внезапу потолъкаша во врата; вратарь же скоро приникнувъ скважню, и видѣ, іако принесено бысть множество брашенъ потребныхъ, и отъ радости и вратъ не отверзе, бѣ бо приалъченъ; и обратисѣ съ т'щаніемъ скоро рища, притече къ преподобному Сергію, повѣда ему и глаголя: отче! благослови и принес'шаа хлѣбы, іако молитвами твоими обрѣтесѣ множество брашенъ потребныхъ, и се престоятъ при вратѣхъ. Преподобный же повелѣ, глаголя: скоро отверзите врата, іако да внидутъ внутрь. И сему бывшу, видѣша привезеное в монастырь брашно на колеснице и во вретниці; и прославиша Бога, дав'шаго имъ таковую пищу и вечерю стран'ну готову сущу на земли, іако
- || да накормитъ а, и душа алчущаа насы-
1144. 6. тить препитаніа въ день глада. Преподобный же Сергій повелѣ мнихомъ си призвати на їздъ привезшихъ їздъ, прирекъ имъ сїце: вы сами алчни суще, насытите сытыхъ до сытости, накормите кор'мящихъ васъ, напитайте питающихъ вы, и учредите и почитите: достойни бо суть учреженіа и почитаніа; и самъ не прже въкуси припесенаго ему готоваго брашна, аще и зело алчснъ сый, по прже повелѣ бити в' било, и вниде с братіями въ церковь пѣтъ молебень, и велико благодареніе и благохваленіе всылаше къ Богъ, не оставляющему надолъзе рабъ своихъ, трыпѣщихъ его ради. И изшедъ изъ церкви, сѣде съ братіями на трапезе, предъ нимиже и предложени быша хлѣбы оны новоприпесеніа и новопеченыя. Преподобный же въставъ, сотвори молитву, и благослови, и преломль и разделивъ, дасть чернцемъ своимъ; и їадоша вси, и насытишасѣ, и прославиша Бога, тако напитавшаго я. Бяху же хлѣбы оны теплы суще и мя||г'ци, 1144. в. іако обычай естъ новопеченымъ быти; сладость же вкушеніа ихъ стран'на нѣкако и

незнаема являшеса, и тако медвеною нѣкою сладостію исполнены, уподоблены и преудобрены, и тако с масломъ сѣмяннымъ устроени суще и преухищени, и тако нѣкотораа в нихъ зеліа растворена благоуханна сладость постную тако мѣти и отъ сего имѣти являюще; и такоже древле Израильтяномъ нѣкогда в пустыни манна отъ Бога посылаема бѣше, о нихъ же рече

Псал. 77, 24.
25, 29.

пророкъ Давидъ: и одожди имъ манну и хлѣбъ небесный дасть имъ; хлѣбъ ангельскій гдѣ челоуѣкъ, брашно посла имъ до обилія, и гдоша, и насытишася зело; и тако не дѣланнаа в рѣспоту пища познавашеса засылаема. И се показа Богъ преподобному Сергію плодъ трыпѣнія и воздержанія его, еже претерпѣ по четыре дни, пострада алча и жажда, послѣку со голодомъ борися трыпаше Бога ради, такоже

Псал. 9, 19.

рече пророкъ Давидъ: трыпѣніе убогихъ не погибнетъ до конца; труды плодъ своихъ || снѣси; блаженъ еси, добро тебѣ будетъ. За хлѣбы оны гнилыя таковое сладкое Богъ ему засылаше брашно: въ мѣсто гнилыхъ не гнилыя, но новопеченыя, сладкія, благоуханныя; въ тлѣнныхъ мѣсто нетлѣнныхъ, земныхъ благъ наслаженіе; и то же точію еще в настоящемъ вѣдѣ, а в будущемъ вѣдѣ в земныхъ мѣсто небеснаа, во временныхъ мѣсто вѣчныхъ благъ наслаженіе, такоже рече апостолъ:

1 Кор. 2, 9.

ихже око не видѣ, и ухо не слыша, и на сердцѣ челоуѣку не възиде, иже уготова Богъ любящимъ его и хранящимъ заповѣди его воздаженіе много. Идущимъ же имъ, рече преподобный: гдѣ есть онъсица братъ, иже преже роуца, рече: плѣснєви хлѣби! и да видитъ нынѣ и да разумѣтъ во истину, тако нѣ суть плѣснєви, но и зело сладцы и мягцы; а не ли помяну пророка,

Псал. 101, 10.

глаголюща: зане пепелъ тако хлѣбъ ядыхъ и питіе мое с плачемъ растворяхъ. Потом же възисканію бывшу, чїи суть хлѣбы, и гдѣ есть принесеныя, и кто есть пославый,

1145. а.

и съзирахуся || промєжю собою, истязующеса и совоспрошающеса мниси; и пиктоже удобъ можаше извѣстно уразумѣти бываемаго, дондєже преподобный вопросы а, глаголя: не рѣхъ ли вамъ: призовите я

и припровадившая намъ хлѣбы оны, то гдѣ суть нынѣ? како не обрѣтошася в начале гдуща с нами? Они же рѣша: мы убо по словеси твоему звахомъ я, и о хлѣбехъ выпросихомъ я, глаголюще: чїи суть хлѣби, гажє сѣмо послашася с вами? Посланіи же рѣша: онъсица христолюбець богатъ зело, живый в далнихъ странахъ, посла на имя Сергіево со иже с нимъ живущими братіями. Паки же мниси, по повелѣнію Сергіеву, на обѣдъ позваша а; они же не рачиша, но тѣхася инамо шествіе сотворити; и тако изидоша отъ очію ихъ. Се же бысть дивно, тако тогда мниси не увѣдѣша, ни разумѣша: кто есть привезый хлѣбы оны, кто ли есть пославый я, токмо пришедше къ игумену, дивляхуся, глаголюще: отче! како пышеничнии хлѣби и с масломъ и со зеліемъ утворени суть, те || ли, а не 1145. б.

отъ близъ привезени суще? На другій же день такоже множество потребныхъ привезено бысть в монастырь и гастіа и питіа. Паки же на третій день отъ иноя страны по тому же образу привезено бысть, такоже преди сказахомъ. Игуменъ же Сергіи сїа видѣвъ и слышавъ, со всѣми братіями прослави Бога, глаголя: видите ли, братіе, како ти промышленникъ всѣхъ Богъ не оставитъ мѣста сего, ниже оставляетъ рабъ своихъ сошочествующихъ, живущихъ на мѣсте семъ, работающихъ ему день и ношь, и тернящихъ с вѣрою и со благодареніемъ?

Помишаше же братіамъ старецъ оно слово, еже отъ Павла апостола реченное: имущє 1 Тим. 6, 8.

пищу и одєжду, сими доволни будемъ; а ничимъ же щєщися не полезными, но паче уповати и взирати къ Богъ, могъщему кормити насъ и одѣвати и о всемъ промышленяти нами, и отъ него ожидати потребныхъ добрыхъ и полезныхъ душамъ и тѣломъ нашимъ; и молимъ Бога, да той промышленлетъ нами, иначе надѣмєся на нь присно: иже || бо древле Израильтєскїа лю- 1145. в.

ди, таковыа жестокіа и непокоривыа, толїкіа тысяща в пустыни, таже и послѣди немало множество препитаемый до сытости, одожди имъ манну гастіи и хлѣбъ небесный дасть имъ, хлѣбъ ангельскій гдѣ челоуѣкъ, просиша и придоша крастєли, и одожди

на ня ꙗко прахъ плоти и ꙗко песокъ морь-
скій и п'тица пер'натая; и ꙗдоша и насы-
тишася зело; самъ нынѣ той нами будетъ
промышляй: ниже бо силою немощѣйши
нынѣ, ниже о еже промышляти лѣнивѣйши
бысть; но ꙗкоже прже древле, тако и
ныне памъ всегда мощенъ есть пицу по-
далти. Оттоле же убо мнися навыкоша
прочес не стужати си въ скор'би, ни втѣс-
нотѣ, слижды аще когда случится кая тѣс-
нота или скудость или недостат'ки потреб-
ныхъ; по все трпяху со усер'діемъ и с вѣ-
рою надѣющася на Господа Бога, залогъ
имуще преподобнаго отца нашего Сергіа.

**О худости пор'тъ Сергіевыхъ и о нѣкоемъ
селянине.**

Глаголаху нѣщїи отъ здѣшнихъ старецъ
1145. г. о преславномъ Сергіи, || ꙗко риза нова ни-
когдаже възыде на тѣло егѡ, ниже отъ
суконъ нѣмецкихъ красовидныхъ, цвѣто-
творныхъ, или отъ синеты, или отъ багря-
нородныхъ, или отъ бурявы, или отъ про-
чихъ многообразныхъ, различныхъ шаро-
видныхъ цвѣтовъ, или бѣлообразно, или

Матѡ. 11, 8. гладостно и мяк'ко, мягкаа бо, рече, по-
сищей в домахъ царевыхъ суть; но токмо
отъ сук'на проста, иже отъ сер'мяги, отъ
власъ и отъ волъны овчая спрядено и со-
ткано, и тоже просто, и нецвѣтно, и не-
свѣтло, и нещанливо, но токмо видну
шерстьюку, иже отъ сукна ризу пошаше,
встошну же и многошвену и не омовену и
уруднену и многа пота исполъшену, иногда
же другоицы ꙗко заплаты имущу. Есть
же егда и сице случашеси: единоу убо
обрѣтеси у нихъ сукно едино зело творно
и неустройно и некош'но, ꙗко и пелѣсо-
вато, егоже и вся братїа негодующе и
гнушахуся егѡ, и отвращахуся; но ово убо
единъ братъ возьмъ сіе и мало подрѣжавъ,
и наки възвращаше и покидаше; такоже и

1146. а. другїй, и третїй, даже и до сед'маго. Пре-
подобный же не отвратися, но со тѣща-
ніемъ в'земъ сіе, благословивъ, и краише
и шїташе, и сътвори рясу, в нюже не
възгнушася обленцїи, и перачи совлещи
ся и пометънутї ю, но паче изволи съ бла-
годаренїемъ на тѣлѣ своемъ износитї ю,

дондеже по лѣте единомъ обет'шавъ и из-
драся и раснадеся, да отъ сса вещи разу-
мѣти, колико и каково рачительство имѣа-
ше смиреномудріа ради, еже проходить в
нищетне образе: бяху бо пор'ты на немъ
обычныя зело худостны, еже по вся дни
ношаше, ꙗко аще бы нѣкто не выдавый
его и отъинудъ не знаа егѡ, таче аще
узритъ егѡ нѣгде в таковой супца одежди,
то не мнитъ егѡ самого того игумена быти
Сергіа, но мнитъ егѡ ꙗко единого отъ чер-
нецъ, ꙗко ница и убога и страп'на, и ꙗко
работника, всяку работающа работу; и
единою просто рещи: толики бѣ худостны
пор'ты пошаше, ꙗко хуже и пуще всеѣхъ
чернѣцевъ своихъ, ꙗко нѣкоимъ отъ сего
омекнутися, не знающимъ егѡ, и о||блзани- 1146. б.
тїи; еже и бысть, еже и мнози подышаша
и пострадаша, отъ нихъже вамъ единого
поселянина ꙗвлена сотворити покушася.
Внегда зело слуху житїа преподобнаго сего
распространяющася, тогда мнози отъ че-
ловѣкъ, иже отъ различныхъ градъ и
странъ посѣщающе егѡ прихожаху, же-
лающе поне токмо видѣти егѡ; и елицы ви-
дѣвшеи егѡ воз'вращахуся въ свояси и
другъ другу повѣдающе ꙗже о немъ, див-
ляхуся. Сїа слышавъ единъ отъ нихъ
нѣкто человекъ христїанинъ, поселянинъ,
чиномъ орачь, земледѣлецъ, живый на селѣ
своемъ, орый плугомъ своимъ и отъ своего
труда питаася, пребываше отдалеча су-
щихъ мѣстъ, иже отъ многа желанїа и
слышанїа восхотѣ видѣти егѡ. Во единъ
убо отъ дней упразднивъся, и прїиде в ма-
настырь егѡ, иже прже николиже выдавъ
егѡ; в тоже время прилучися преподобному,
на лыскарѣ тружающася, во оградѣ ко-
нати землю на устроенїе нѣкоего оград-
наго ради зелїа. Прилѣжне же пришед-
шему земледѣлцу оному, еже ви'дѣти егѡ, 1146. в.
ищущу и глаголющу: кто есть Сер'гїй, и
гдѣ есть чюдный и славный онъ мужъ, о
немъ же азъ слышу таковая, и како хочетъ
ми показанъ быти? и коеюждо отъ братїи
опытжы въпрошаше и моляшсе, да ему ука-
жутъ искомаго. Они же повѣдаша ему: во
оградѣ есть, и единъ усидниася, копаеть
землю; да мало потрѣпи, дондеже изыдетъ.

Онъ же отъ многа желанія не дождавъ, но приникъ скважню, видѣвъ блаженаго в худостѣне портище, зело раздрапѣ и многошвен'не, и в поте лица тружашася, отъинудъ не мнише того быти желасмаго, егоже ищеть, и никакоже не вѣрова того быти, о немъ же слыша; наки прилежаши братіамъ, стужая и глаголя: да что ради не укажете ми его, к нему же издалеча поклонитися приидохъ, и дѣло велико имамъ к нему? Они же рѣша: се покажемъ ти его, егоже и видѣлъ еси скважнью; аще ли не вѣруеши, то узриши его наки. Онъ же единаче не имаше вѣры, но при дверехъ пребываше, аки не откуду ждый его. Егда

1146. г. же || преподобный изыде отъ дѣла дѣланія своего и отъ ограда монастыря обрѣтесе, тогда мниси скоро указаша ему, глаголюще: се тотъ есть, егоже вжелѣлъ еси видѣти. Онъ же земледѣлецъ отврати лице свое отъ блажен'наго, и начатъ смѣятися и гнушати его, глаголя: азъ пророка видѣти приидохъ, вы же ми сироту указасте; издалеча пришествова пользоваться началхся, и в полъзы мѣсто т'щету си прияхъ; аще в' честенъ монастырь приидохъ, но ни ту полъзы обрѣтохъ; вы убо поглумистесе мною, мните мя, яко изъумѣвшася; азъ свята мужа Сергія, якоже слышахъ, тако и надѣяхся видѣти его во мнозе ч'ти и славе и в' величествѣ; нынѣ же сего, иже вами указан'наго ми, ничтоже вижу на немъ чти же и величества и славы, ни пор'тъ красныхъ, ни многоцѣн'ныхъ, ни отрокъ предстоящихъ ему, ни слугъ скоро рещущихъ, ни множества рабъ служащихъ или честь воздающихъ ему, но все худост-

1147. а. но, все нището, все || сиротин'ско; и мно, яко не тотъ есть. Се же глаголаше ко мнихомъ поселянинъ онъ, глаголемый земледѣлецъ, и во правду рещи поселянинъ, аки невѣжа сый и не смотряй внутр'ними очима, но внѣшними, не вѣдый книжнаго писанія, такоже премудрый Сирахъ рече: человекъ смотритъ в лице, и Богъ зритъ въ сердце. Сій же внѣшняя обзираше, а внутр'нія и телеснаго устроенія худость ризную блаженаго видѣвъ, и страду земную работающа, и добродѣтель стар'чу и нищету укаряше, никакоже вѣрова того быти, о немъ же слыша; в помыслѣ же его быше нѣкое невѣрство, помяшляше бо в себѣ, глаголя: немоуцно таковомъ мужу честну и славу в нищете и худости быти, егоже во мнозе величествѣ, во ч'ти же и славе слухомъ прежде услышахъ. Братія же игумену рѣша: не смѣемъ рещи и боим'ся тебѣ, честный отче, а гостя твоего отслали быхомъ отсюду аки бездѣла и безчестна, понеже невѣжда бѣ и поселянинъ, ни тебѣ поклонится, ни ч'ти достой-

1147. 6. ныя воздастъ, а насъ укаряетъ и не слушаетъ, аки лъжунца мнить насъ; хочещи ли убо да изженемъ его? Божій же человекъ Сергій возрѣвъ на братію, видѣвъ ихъ смутившихся, и рече: никакоже, братіе, не сотворите сего, не бо к вамъ, но на мое имя пришелъ есть; и что труды дѣете ему? дѣло бо добро содѣла о мнѣ, и азъ вины не обрѣтаю в немъ; аще ли вы обрѣтаете в немъ вину, слышите Павла апостола глаголюща: аще человекъ впадетъ в нѣкоторое прегрешеніе, вы духовни совершайте такового духомъ кротости; и подобаетъ таковыя смиреніемъ и тихостію исправляти. И то рекъ, не дождавъ отъ него прежде поклоненія, но самъ прежде предваривъ, приступъ на целованіе земледѣльче, со т'щаніемъ же и спѣшаше, и с великимъ смиреніемъ поклонься ему до земли, и со много любовію о Христе целованіе дасть ему, и благословивъ велми похваляше поселянина, тако сице о немъ разсудивша. Отъ сего убо вещи разумѣти есть, || коль велико смиреніе внутрь уду

1147. в. имѣаше в себѣ Сергій, иже такового поселянина, невѣжду суща, иже негодующа и гнушающася его, излише паче возлюбилъ его: якоже бо гордіи честемъ и хваламъ радуются, тако и смиренномудріи о своемъ безчестіи и о осуженіи радуются. И не токмо же се едино; но имъ его за руку преподобный, и посади одесную себе, части же и питія насладитися пудяше и, честію же и любовію учреженіе сотвори ему. Онъ же печал'на быти себе глаголаше Сергія ради, егоже ради и потрудих'ся до здѣ прійти, и того видети, не получихъ жела-

ніа моего. Преподобный же Сергій рече ему: не печалуй; здѣ есть милость Божіа снѣва, да никтоже печалень исходитъ отъ-здѣ; и о немъ же печалуеши и егоже ищеши, в сій часъ дастъ ти Богъ того, егоже желаше. И еще ему глаголющу, и се князь етеръ гряде и в монастырь со мною гордостію и славою, и полку велику быти округъ его, бояромъ же и служамъ и отрокомъ его; предъиду щіи же побиваючи и подвойскіе князи поселянина оного іаша его за плеча его руками своими и далече негдѣ отринуша его отъ лица князя и Сергіева. И еще отдалече сущи, князь поклонися Сергію до земли; и Сергій благослови его, и целовавша сѣдоста два токмо, а всѣмъ предстоящимъ. Поселянинъ же онъ рискаше, обиходя; и егоже преже небрежаше и гнушашеся, и того паки лудяшеся, удуже бы прикоснутися поглядати, не обрѣташе; а може хотяше приникнути, не можаше. И вопросы единого отъ предстоящихъ тѣхъ, глаголя: да кий той есть калугеръ сѣдяше одесную князя, повѣждь ми. Онъ же възрѣвъ на нь, и рече ему: убо пришлецъ ли еси сѣмо? нѣси ли слышалъ преподобнаго отца Сергіа? глаголай со княземъ той есть. Онъ же слышавъ, зазираше в себѣ вкупе и трепеща. Егда же князь из монастыря изыде, тогда онъ поселянинъ поимъ с собою нѣкіа отъ братіа, и сіа молитвеники сподвигну, с ними же и предъ ними кланяшеся

1147. г. || до земля игумену, глаголя: отче! елико нечествовахъ и елико согрѣшихъ, прости мя и помози моему невѣрьствію; нынѣ познахъ по истинѣ о тебѣ, отче, іакоже слышахомъ, тако и видѣхомъ. Преподобный же простивъ его и благословивъ, и побесѣдова с нимъ душепитательными, утѣшительными словесы, и отпусти его в домъ свой; и отголе человекъ той велику вѣру имѣа къ святей Троицы и къ преподобному Сергію до своего живота; и по лѣтехъ нѣколичехъ прииде отъ села въ монастырь къ преподобному, и пострижеся во мнишескій чинъ, и пребысть нѣколько лѣтъ в покаяніи и во исправленіи, преставися къ Богу.

О изведеніи источника.

Хощу же вашей любви бесѣду прости о преславныхъ чудесѣхъ, іаже творитъ Богъ угодникомъ своимъ, іакоже предвоспомянухомъ сего великаго пастыря и доблоразсудную главу, еже в пустыню пришествіе, іако единому тому хотящу на томъ мѣсте безмолствовати, водѣ не сущи 1148. б. близъ обители, братствъ же умножившуся, имѣаху нужу велию, отдалече воду приносяще, и сеа ради вины пѣщии поропташа на святаго: воскую, глаголюще, не разсужаа сѣль еси на семъ мѣсте обителъ здати, водѣ не близъ сущи. И сіа многажды съ досадами глаголаху; к нимъ же святыи отвѣщаваше: азъ убо единъ на семъ мѣсте хотѣхъ безмолствовати, Богъ же восхотѣ толику обитель воздвигнути прославлятися святому его имени; дрѣзайте убо въ молитве своей и не пренегайте: аще бо не покоривымъ людямъ и Еврѣйскимъ отъ камене воду источилъ есть, васъ же работающихъ ему день и ночь, презрѣти ли имать. И тако отпусти ихъ въ своя имѣнія; самъ же изыде из монастыря, нѣкоего брата поимъ с собою; и снѣде в дебрь, іаже подъ монастыремъ, іаже не бѣ ту николиже текущаа вода, іакоже и дровнии челоуѣцы ясно извѣстиша. Обрѣтъ же святыи во единомъ рову мало воды отъ наводненія дождевнаго, и преклонъ колѣне, начатъ молитися, глаголя:

Молитва.

Боже, Отче Господа нашего Іисуса Христа, сътворивый небо и землю и вся видимаа и невидимаа, создавый челоуѣка отъ небытіа и не хотяи смерти грѣшникомъ, по живымъ быти! тѣмъ молимъ ся мы грѣшнии и недостойнии раби твои: услыши насъ в сей часъ и яви славу свою; іакоже в пустыни чудодѣйствоваше Моисѣомъ, крѣпкаа ти десница отъ камени твоимъ повелѣніемъ воду источи, такоже и здѣ яви силу твою, ты бо еси творецъ небу и земли; даруй намъ воду на мѣсте семъ, и да разумѣютъ вси, іако послушаша боящихся тебе и имени твоему славу воздающихъ,

Отцу и Сыну и Святому Духу, и нынѣ и присно и вѣки вѣкомъ, аминь. И се рекъшу святому и мѣсто назнаменовъшу, внезапну источникъ велій явился, иже и до нынѣ всѣмъ видимъ есть, отъ негоже почерпають на всяку потребу монастырьскую, благодаряще Бога и сего угодника Сергія.

1148. г. Многа же исцеленія бывають отъ воды тоя приходящимъ с вѣрою, и различными недуги одръжити исцеленіе присмлютъ; и не токмо же иже на самую тѣ воду приходятъ и исцеленія сподобляются, но и отъ далнихъ странъ присылающе почерпають воду ону, и во своя относятъ, и большихъ своихъ напоюще или кропяще исцеленіе пріемлютъ; не бо единъ или два, но многа и неисчисленно бываетъ даже и до днесь; и оттоле источникъ прозвася Сергіевымъ именоваіемъ до десяти или 15-ти лѣтъ. Разсуднаа же она глава, яко не любя славы, о семъ негодоваше, глаголя: яко да никогдаже слышу отъ васъ моимъ именемъ источникъ онъ зовущъ, не бо азъ дахъ воду сію, но Господь дарова намъ недостойнымъ.

О воскрешеніи отрока молитвами святаго.

Бѣ же нѣкій христілюбѣцъ, живый въ предѣлахъ монастыря оного, имѣа вѣру велію къ святому Сергію. Сынъ же чловѣка оного мало суще отрока, едино чадо 1149. а. ему, || болѣзнію одръжимо; отецъ отрока вѣдый мужа добродѣтель, и несе и в монастырь къ святому, глаголаше бо: аще токмо жива принесу чловѣку Божію, всяко исцелѣсть. Принесъ же его в монастырь, моляше святаго, во еже помолитися. Еще же чловѣку оному на мольбу простирающуся, отрока же отъ зельныа болѣзни одръжимо изнемогъши издъше. Видѣвъ же чловѣкъ онъ смерть сына своего, всю надежу отложивъ, абіе на плачь обьратися, увы, и глаголя: о чловѣче Божій! азъ вѣрою и слезами в безмѣрной печали к тебѣ притекохъ, надѣяся утѣшеніе пріати; нынѣ же вмѣсто утѣшенія множайшую печаль себѣ наведохъ. Унее ми бы, яко да въ моемъ дому отрока мое умерло бы. Увы мнѣ! что сотворю? что сего лютѣйшии или гор-

шее! Шедъ же чловѣкъ приготоваи раку, в немъ же положить умершаго сына, мертвеца же остави в кѣліи святаго. Святый же умилися о чловѣцѣ томъ, преклонъ колѣне, начатъ молитися о умершемъ; и внезапу отрока оживе и душа его възвратися, и пачатъ подвизатися. Приде же отецъ отrotchати, нося погребалнаа; видѣвъ же его святый, рече к нему: воскую, чловѣче, подвижешися, не добре рассмотря; отрока твое не умре, но живо есть. Онъ же не емляше вѣры: видяше бо извѣстно, яко умре; и пришедъ, обрѣте его жива, по словеси святаго; и припадъ к ногама чловѣка Божія, благодареніе ему воздаваше. Святый же к нему глаголаше: прельстился еси, о чловѣче, и не вѣси что глаголеши: отрока бо твое, носящу ти его сѣмо, на пути студенью изнемогъши, тебѣ мнится, яко умре; нынѣ же в теплѣ кѣліи согрѣявъся, мнитъ ти ся, яко оживе; прежде бо обьщаго воскресенія не мощно есть ожити никомуже. Чловѣкъ же крепляшеся, глаголя: яко твоими молитвами оживе. Святый же запрети ему, рекъ: аще пропесени сіе, всяко отщетишися и отрока конечне лишишися. Онъ же обьщася никомуже извѣстити; и приемъ отрока здраво, отъиде в домъ свой; || молчать убо не мо- 1149. в. жаше, проповѣдати же не смѣаше; на тако бѣ в себѣ дивяся, хвалу въздаа Богу, творящему дивная и преславнаа, яже видѣста, рече, очи наши. Увѣдѣно же бысть чудо сіе отъ иже ученика святаго.

О бѣснующемся велможи.

Инъ же бѣ велмужъ, вдале отъ лавры преподобнаго отца нашего на рецѣ Волзе глаголемѣй; бѣ же той предреченный велмужъ бѣсомъ мучимъ лютѣ непрестанно въ дни и в нощи, яко и желѣзныа ему узы сокрушати, и ничимже могущей его удръжати яко десять или множае мужъ крѣпкихъ: овѣхъ бо руками біаше, иныхъ же зубы хапаа, и тако отъ нихъ отбѣгъ в пустая мѣста, тамо пребываше, лютѣ мучимъ отъ беса, дондеже паки обрѣтааху его, и связавше ведяху и въ свой ему домъ. Сердоболіе же его слышавше яже о свя-

темъ, елика творить Богъ чюдеса его ради, и совѣщавшася, ведоша и в' монастырь къ человеку Божію. Бывшимъ же на пути, 1149. г. многы труды подыша водящей его; || той же бѣснущася велимъ гласомъ вопіаше: оле нужда сіа! како мя силою водите, мнѣ же не хотящъ ни слышати, колыми же видѣти Сергіа отнюдъ; возвратите мя наки в домъ мой. Они же, аще тому и не хотищу, нуждею влечаху его; і егда придоша близъ монастыря, бѣснущася отъ юзъ разрѣшися и на вѣхъ устремляшася, глаголя: не хочу тамо, не хочу; возвращуся паки, отнюдуже изыдохъ. Гласъ же таковъ испущаше, іако мнѣти распаднутися ему, тѣмъ и в' монастыри воплю и кричанію слышатися. Возвѣстиша же святому; блаженный же повелѣ в било ударити, и братіи же спешшимся, пачать пѣти молебень о болящемъ; и оттоле бѣснущася пачать по малу кротѣти. Приведену же ему бывшу в монастырь, преподобный изыде из церкви, нося крестъ в руцѣ; егда же знаменаше его, мучимый рыкнувъ велимъ гласомъ, абіе отскочи отъ мѣста того. Бѣ же близъ 1150. а. мѣста того вода отъ наводпеліа собравшися, еіаже видѣвъ бол'ный, в'вержеся в' ню, глаголя: оле нужда пламени сего страшнаго! И оттоле исцелѣ благодатію Христовою и молитвами святаго, и разумъ его паки возвратися, пачать же глаголати смыслено. Воспросиша же его о нихъ же вопіаше; онъ же повѣствуа, глаголаше: іако егда приведоста мя къ преподобному, и егда хотяше мя знаменати крестомъ, тогда видѣхъ пламень велий оттуду исходящъ, іаже и всего мя окружи; тогда в'вергох'ся в воду: мнѣх' бо, іако сгорѣти имамъ отъ пламени оногo. И тако пребысть в монастыри нѣколко дній кротокъ и смысленъ, благодатію Христовою отъиде здравъ в домъ свой, радуся и славя Бога и хвалу воздаа, іако его ради молитвъ приять исцеленіе. Сюдъ убо великъ бѣше общій строитель отъ выпшняа благодати всѣмъ предлагашеся; уже бо множество много стичахуся отъ различныхъ странъ и градъ; паче же и весь постнический ликъ своа жительства оставляющей, к нему приходяху,

|| судивше полезнѣйше еже съжителство-1150. б. вати с нимъ и отъ него наставитися къ добродѣтели; и не токмо ликъ постнический или вел'може, но и до простыхъ іаже на селѣ живущихъ: вси убо имѣяху его іако единого отъ пророкъ.

Нѣкогда же святому во обычномъ своемъ правиле бдящу и о братіи молящуся, іако да Господь поспѣшитъ имъ во обхоженіихъ дневныхъ и преспѣваніихъ, и тако ему молящуся, вечеру сущу глубоко, слыша гласъ глаголющъ: Сергіе! Онъ же удивися о необычномъ в нощи званіи, и сотворивъ молитву, открый келіа оконце, хотя увѣдѣти гласъ бывшій; и абіе зрѣти видѣніе чюдно: свѣтъ бо велий гавися с небесе, іако всеі пощней тмѣ отгналней быти, и толицемъ свѣтомъ пощъ она просвѣщена бѣ, іако дневный свѣтъ превосходити свѣтлостію. Возгласи же второе, глаголя: Сергіе! молишися о своихъ чадѣхъ, и Господь моленіе твое приать; смотри же опасно и виждь множество ипокъ во имя святѣа и Живоначальнаа Троица, с'шедшихся въ твою || паству, тобою наставляеми. Святый 1150. в. же возрѣвъ, и видитъ множество п'тицъ зело красныхъ, прилетѣвшихъ не токмо в монастырь, но и округ монастыря; и гласъ убо слышашеся, глаголющъ: имъже образомъ видѣлъ еси п'тица сіа, тако умножится стадо ученикъ твоихъ и по тебѣ не оскудѣють, аще восхотятъ стомамъ твоимъ послѣдовати. Святый же дивляшеся оному неизреченному видѣнію; сообѣщника же и свѣдѣтеля устроить хотя сему видѣнію, возгласивъ, призывасть предреченнаго Сумона, іако близъ суща. Сумонъ же удивися стар'ца званію и скоро притече; по убо всего видѣніа не сподобися, но часть нѣкую свѣта оногo узрѣ и зело удивися. Исповѣда же ему святый вся по ряду, іаже видѣ и іаже слыша; и бяху убо вкупе радующеся, душею трепещуще отъ неизреченнаго видѣніа.

О составленіи общаго житіа.

По сихъ же во единъ отъ дній придоша Греки отъ Коньстянтина града, отъ патриарха послани къ святому, поклонишася 1150. г.

ему, глаголюще: вселенскій патріархъ Костянѣтина града киръ Филофей благословляетъ тя; такоже отъ патріарха и поминае вѣща ему: крестъ и парамантъ и схиму; посемъ и писаніа посланаа вѣща ему. Святый же рече к нимъ: блюдите, сѣдако иному послани будете; кто бо есмь азъ грѣшный, недостойный таковыхъ даровъ сподобитися отъ святѣйшаго патріарха? Они же рѣша: мы, отче, никакоже соблазнихомся о тебѣ, святый Сергіе, к тебѣ послани есмы. Старець же поклонися до земли; таже представъ предъ ними трапезу, и добре учредивъ ихъ, и повелѣ упокоити во обители; самъ же поиде к митрополиту Алексію, нося принесенное посланіе отъ патріарха, и вѣдасть ему, и пришедшихъ повѣда. Митрополиту же посланіе повелѣвшу прочести, бѣ же написаніе имущее:

Посланіе.

Милостію Божією архієпископъ Костянѣтина града, вселенскій патріархъ киръ Филофей, о Святѣмъ Дусѣ сыну и сѣлужебнику нашего смиренія Сергію.

1151. а. || Благодать и миръ и наше благословеніе да будетъ с вами. Слышахомъ еже по Бозе житіе твое добродѣтельно, зело похваляхомъ и прославихомъ Бога; но едина главизна еще недостаточествуєтъ, іако не общее житіе стяжасте: понеже вѣси, преподобне, и самый Богоотець пророкъ Давидъ, иже вся обєзавый разумомъ, ничтоже ино тако возможе похвалити, точію: се нынѣ коль добро или коль красно, но еже жити братія вкупе. Потому же і азъ совѣтъ благъ даю вамъ, іако да составите общее житіе. И милость Божія и наше благословеніе да естъ с вами.

Старець же вопрошаєтъ митрополита, глаголя: ты, святый владыко, како повелѣваєши? Митрополитъ же отвѣщаєтъ старцу, рече: понеже, преподобне, колика блага сподобился еси, Богу прославляюще славящихъ его, и до коихъ странъ достиже имя жительства твоего, и тако ти и великому и вселенскому патріарху совѣщающе на велику ползу зело; мы же мно-

жас совѣтуємъ ти и зело благодаримъ. И 1151. б. отъ того времени убо составляется во обители святаго общєжитіе; и устроєтъ блаженный и премудрый пастырь братію по службамъ: ового келаря, и прочихъ в поварни и во еже хлѣбы пещи; ового еже немощнымъ служити со всякимъ прилежаніємъ; въ церкви же: первіе еклісарѣ, еже потомъ парасеклісарѣ, пономарѣ и прочаа. Вся убо сіа чюднаа она глава добре устроє; повелѣ же твердо блюсти по заповѣди святыхъ отецъ, ничтоже особъ стяжевати кому, ни своимъ что звати, по вся обща имѣти, и прочаа чины вся в лѣпоту чюдне украси благоразсудный отецъ. Дѣла бо сказанія се естъ, а не житія повѣсть во множество прострѣти изрядно. Но сіе до здѣ да сократимъ; на предреченнаа же да возвратимся. И такоже вся сіа чюдный отецъ добре устави, число ученикъ множащєся; и слико бѣ ихъ множає, толико сокровище благихъ подаваше потребнаа; и слика во || обители приносимаа 1151. в. умножаахуся, толма паче странполюбнаа возрастааху: и никтоже бо отъ неимущихъ во обитель приходя тѣщама рукама отхожааху, николиже блаженный оставляше, и служащимъ во обители заповѣдающихъ и странныхъ доволно упокоєвати и подавати требующимъ, глаголя: аще сію мою заповѣдь сохраните безъ роптанія, мѣздж отъ Господа приимете, и по отхоженіи моемъ отъ житія сего обитель моя сіа зело распространится, и во многи лѣта неразрушима постоитъ благодатію Христовою. И тако бѣ рука его простерта къ требующимъ, іако река многоводна и тиха струями. И аще кому приключашєся в зимнаа времена она мразу зелному палежашу, или паки спѣгу съ зелнымъ вѣтромъ дышающе, иже не могущей вытѣкла изыти, слико время пребывающимъ ту таковыа ради пужа, вся потребнаа отъ обители приимаху. Странніи же и нищии и отъ нихъ в болѣзни сущии на многи || дни препочи- 1151. г. ваху в доволномъ упокоєніи и пищи, еже кто требоваху, неоскудно, по заповѣди святаго старца, и до нынѣ симъ тако бывающимъ: понеже пути отъ многъ странъ

належащу, и того ради княземъ и воеводамъ и воинству безчисленому, вси приимахъ подобающую довольную честную потребу, яко отъ источникъ неизчерпаемыхъ, и въ пѣть грядуще потребную пищю и питіе доволно приимаху; и сіа служащей в обители с радостию всѣмъ подающе изобилно. И тако познавающе явленіе, идѣже потребная пребываетъ въ храмѣхъ, брашна и питія, и идѣже хлѣбы и варенія, сіа вся преумножахуся благодатию Христовою и чуднаго его угодника святаго Сергіа. Мы же на подлежащее возвратимся, настоящее же да глаголется.

О начале монастыря, иже на Кир'жаче.

Не по мнозе же времени паки вѣстаетъ молюща; непавидий же добра врагъ не мо-
1152. а. гий трыпѣти иже || отъ преподобнаго блистающа зарю, зря себе уничижаема отъ преподобнаго, и въ помыслъ вложи, яко не хотѣти Сергіева старѣйшинства. Во единъ же убо отъ днй, днєви сущу суботѣ, и вечерню пояху; игуменъ же Сергіе бѣ во олтари облеченъ въ священническую одежду; Стефанъ же, братъ его, на лѣвомъ стояше клиросе; и вопросы канонарха: кто ти дастъ книжъ сію? Канонархъ же отвѣща: игуменъ дастъ мѣ ю. И рече: кто есть игуменъ на мѣсте семъ; не азъ ли прежде седохъ на мѣсте семъ? и ина нѣкаа изрекъ, иже не лѣпо бѣ; и то слышавъ святыи, во олтарѣ сый, не рече ничтоже; и егда изыдоша изъ церкви, святыи не вниде в кѣлію, но абіе изышедъ изъ монастыря, никому же вѣдущу, и устремися единъ путемъ, ведущимъ на Кинелу; и тако присѣвъ пощъ, и тому на пустыни спящу, заутра же вѣставъ, иде в путь свой, и прииде в монастырь, иже на Махрище, и проси у Стефана, сущу тому того монастыря, нѣкоего брата, могуща
1152. б. сказати ему мѣста пустынная, иже и многа мѣста обѣдше послѣди же приидоста и обрѣтоша мѣсто красно зело, имуще и реку близъ, именемъ Кер'жачъ, идѣже нынѣ монастырь стоитъ честное Благовѣщеніе пречистыа Владычица наша Богородица. Сергіе же, икоже прежде рѣ-

хомъ, изшедъ отъ монастыря и не обрѣтенъ бысть; тогда ужасошася зело, и распустивше повсюду братію искати его: овѣхъ по пустынямъ, овѣхъ же въ градъ; не бо трыяше таковаго пастыря разлучитися. Единъ же отъ братіи шедъ къ Стефану, иже на Махрище, хотя увѣдѣти иже о немъ; и слышавъ, яко тамо в дальнюю пустыню отъиде, хотя монастырь строити, и зело возрадовася, и отъ радости хотѣти къ святому; но абіе паки возвращается в монастырь, яко да и братію угѣшитъ отъ скорби, еже за святаго. Братіа же икоже слышавше о святѣмъ, зело возрадовашася, и начаша приходити къ нему овогда два, овогда три, овогда же и мно-
1152. в. жас. Предреченныи же отецъ нашъ Сергіе преже постави кѣліа, в нихъ покой приимати отъ великаго труда; также послать два ученика своя всесвятѣйшему митрополитъ Алексію о основаніи церковнемъ прося благословенія; и тако получивъ благословеніе, и абіе начать дѣлати церковь, прежде молитву рече сице: Господи Боже силъ, иже древле Израіля многими увѣривый великими чудесы и законодавца своего Моисеа многими и различными извѣстивъ знаменіи, иже Гедсону руномъ образъ побѣды показавый! самъ нынѣ, Владыко вседѣтелю, услыши мене грѣшнаго раба своего, молящагося тебѣ; приими убо молитву мою и благослови мѣсто се, егоже благоизволи создатися въ славу твою, в похвалу же и честь пречистыа ти Матере честнаго еа Благовѣщенія, да и въ томъ всегда славится имя твое, Отца и Сына и Святаго Духа. И кончавъ молитву, и тако дѣло преспеваше благодатию Христовою. И бяхъ убо множество человекъ поспѣшествующе на дѣло, иноцы же и бѣльцы: ови кѣліа съзиждущи, иніи же на потребная монастырю. || Овогда же
1152. г. и князи и бояре приходяаху к нему, серебро довольно подааху на строеніе монастыря. И тако благодатию Божією въскоре церковь поставлена бысть, и множество братіи. Нѣдци же отъ монастыря святаа Троица, не трыяще надолъзе духовнаго сѣ учителя разлученіе и любовію великою

разгорѣвшися, идоша въ градъ к митрополиту, и рѣша: владыко святыи! вѣдасть святое ти владычество духовнаго ны пастыря разлученіе; нынѣ же живемъ яко овца не имущи пастыря; священноинокы же и старцы и святое Богомъ собранное братство не тръпнше отчаго разлученія, отходятъ отъ монастыря; и мы убо не тръпимъ надолзе не насыщаться святаго его зрѣніа; тѣмъ же аще велиши, Богомъ данный намъ строителю, вели ему паки възвратитися во свой ему монастырь, яко да не до конца бѣлѣзнуеми за нь. Слышавше же сіа митрополитъ отъ пришедшихъ братьей, и некое, но абіе вскоре посилаетъ два архимандрита, Герасима 1153. а. и Павла, ꙗко что предлагаа ему отъ божественнаго писанія: той бо яко отецъ учааше, и яко сына наказаше. Пришедше же архимандрити и сътворше обычное цѣлованіе, и рѣша: отецъ твой Алексіе митрополитъ благословляетъ ти: зело, рече, возвеселихся слышавъ твое житіе еже въ далней пустыне, яко и тамо отъ многихъ прославится имя Божіе; но убо довѣсть тобою сотвореннаа церковь и Богомъ собранное братство, да егоже вѣси въ добродѣтели искусна отъ своихъ ученикъ того постави вмѣсто себе строителя святаго монастырю; сам же паки возвратися в монастырь святаго Троица, яко да не надолзе братіа скорбяще о разлученіи святаго ти преподобіа, отъ монастыря разлжчатся; а иже досаду тебѣ творящихъ изведу вопъ изъ монастыря, яко да не бѣдетъ тѣмъ никогоже накость творящаго ти, но токмо не преслушай насть; милость же Божіа и наше благословеніе всегда да естъ с тобою. Сіа же слышавъ святыи, отвѣща 1153. б. имъ: сиче рѣцете господину моему митрополитѣ: вся отъ твоихъ устъ яко отъ Христовыхъ устъ прииму с радостію, и ни въ чемъ же преслушаю ти. Пришедше же архимандрити, возвѣстиша митрополитѣ реченнаа отъ святаго Сергіа. То же слышавъ, зело възвеселихся совершенному его послушанію; и вскоре посилаетъ священники, і абіе освящаютъ церковь во имя Благовѣщенія пречистыа Владычица наша

Богородица, иже и до нынѣ стоить благодатию Христовою. Избра же Сергіи единого отъ ученикъ своихъ, именемъ Романа, и сего посилаетъ митрополитѣ; и тако благословивъ его на священство и строителя повоначальному монастырю, и оттуду паки възвращается святыи в монастырь святаго Троица: вельми бо желаше святыи Сергіе, яко да будетъ Ісакіе молчаликъ игуменъ у святаго Благовѣщенія, той же никакоже хотяше, но якоже рѣхомъ, любя безмольвіе и молчаніе, но зело моляше святаго, яко да конечнее благословитъ его молчати и ничтоже отипудъ не глаголати. Святыи же по прошенію его рече ему: чадо Ісакіе! молчанію желаеши, ꙗко завтра 1153. в. егда совершимъ божественую службу, ты же прииди на сѣвернаа врата, и тако благословлю тя молчати. Той же по словеси святаго, яко видѣ совершившуюся божественую службу, приходитъ к сѣвернымъ вратомъ. Святыи же старецъ прекрестивъ его рукою, рече: Господь да исполнитъ желаніе твое! і абіе егда благословяше его, и видитъ яко нѣкій великъ пламень изшедше отъ руку его, иже и всего того предреченнаго Исаакіа окруживъши; и отъ того дни пребысть молча безъ страсти молитвами святаго Сергіа: аще бо нѣкогда хотяше и с тихостію каково реци, но възбрапимъ бываше молитвами святаго; и тако пребысть мѣлча вся дни живота своего, по реченому: азъ же быхъ яко Псал. 37. 14 глухъ не слыша, и яко нѣмъ не отверзаа устъ своихъ. И тако подвижавъся великимъ воздержаніемъ, тѣло свое удручаа ово постомъ, ово бдѣніемъ, ово же молчаніемъ, конечнее же послушаніемъ до послѣдняго своего издыханія, и тако в томъ предасть душу свою Господеви, егоже и вожделъ отъ юности своеа.

ꙗко слышано же бысть в монастыри святаго приходъ, изыдоша братіа въ срѣтеніе его, егоже и видѣвши мняху, яко второсолнце возсіявши; и бѣ отъ веѣхъ устъ слышати: слава тебѣ, Боже, веѣхъ промыслителю! И бяше чудно зрѣніе и умиленія достойно: ови бо блху рупѣ отцу любяюще, инии же нозе, ови же ризъ касающаа це-

ловаху, инии же предтекуще толико отъ желанія хотяще зрѣти на нь: вси убо купно радовахуся и славяху Бога о возвращеніи своего отца. Что убо отецъ? духовне и той радовашеся, чада своа зря собраніа.

О епископе Стефане.

Ельма же нужда еще другихъ устроений чудесъ и дара прозорливаго воспоминаuti, и в чудесное повѣданіе слово обратимъ; настоящее же да глаголется еже о епископе Стефане, еже бысть мужъ добродѣтеленъ и житіемъ благоговѣишъ, иже издѣтства сердечною чистотою свѣтлѣишся. Сей убо мнози в добродѣтеляхъ возсіавы, Стефанъ да глаголется, имѣа любовь о Христе духомъ премногу къ блаженному

1154. а. отцу нашему святому Сергію; нѣкогда же случися ему шествіе пути отъ своа епископіа, Перѣи глаголемыя, къ господствующему граду Москвѣ; путь же онъ, имѣе идише епископъ, отстоятъ отъ монастыря святаго Сергія іако поприщъ 10 или вище. И помышляющъ ему, скоро в путь грядущу, тогда не быти у святаго обители, по егда возвратится во своя, тогда прійти въ обитель къ преподобному. Бывшу же чудному епископу Стефану противу обители святаго, и ставъ сотвори

Достойно есть и обычную молитву, и поклонися святому Сергію на ону страну, идѣже житіе имѣаше, рекъ сиче: миръ тебѣ, духовный брате! Случи же ся тогда блаженному на трапезе съ братіями исти; разумѣвъ же и той в той часъ духомъ еже сотвори епископъ Стефанъ, и тако на трапезе святыи воставъ, мало же постоявъ, и молитву сотвори и поклонивъся, рекъ: радуйся и ты, пастыше Христова стада, и миръ Божій да пребываетъ с тобою! Братіа же удивившася о необычномъ востаніи святаго прежде уставленаго времени; разжмѣша же нѣцѣи отъ нихъ, іако не тупе воста святыи, по нѣчто видѣніе имѣиша. По скончаніи же трапезы начаша ученицы вопрошати его о бывшемъ. Онъ же вся исповѣдаше имъ, глаголя: іако в сей часъ епископу Стефану грядущу путемъ къ граду Москвѣ, и противу монастыря нашего

поклонися святей Троици, и насъ смиренныхъ благослови. Назнамена же и мѣсто, в немъ же сіа быша. Нѣцѣи же отъ ученикъ его гнаша въ нареченное мѣсто, хотяще извѣстно увѣдати; достигъше же ихъ же со спискомъ, вопрошаху: аще истина есть? извѣстно увѣдаша истину бывшую, реченую святымъ; и тако дивящися о прозорливемъ дару, егоже сподобися святыи, и хвалу възда Богу, іаже творитъ святымъ своимъ угодникомъ.

Начало Андроникова монастыря.

Потреба же есть и се сказати о составленіи монастырей отъ ученикъ блаженнаго, во предводящее слово скажетъ; пресжде начнемъ о ученице его, преподобнемъ Андроникѣ имѣнемъ. Сій бо быше града и

1154. в. отечества святаго Сергія; и убо юнъ сый возрастомъ, приде къ блаженному отцу в монастырь, иноческаго житія сподобляется отъ него, и многа лѣта пребывъ у него в совершеномъ послушаніи и всякими добродѣтелми украшенъ сый; тѣмъ и святыи зело любляше его ради добраго произволенія и цвѣтущихъ в немъ добродѣтелій, и моляше Бога о немъ отецъ, еже совершити ему доброе теченіе. И по многѣхъ лѣтахъ сей убо чудный мужъ Андроникъ желаніемъ побѣждаемъ еже обитель сътворити и общежитіе в ней составить, и сіа помышляа во умѣ своемъ, и на Бога возлагаше, глаголя: аще будетъ угодно Богу се, можетъ и на дѣло произвести. И сіа убо тако помышляющу ему, приде же нѣкогда къ преподобному Сергію Алексіи митрополитъ во обитель посещенія ради: имаше бо всегда любовь къ святому премногу и соузы духовны, о всемъ совѣтъ творяше с нимъ; и тако бесѣдующема има

1154. г. къ себѣ, и приде до сего митрополитъ, рече къ святому: возлюбленіе! едино хочу просити у тебе благодѣтельство, іако да даруетъ ми духовнаа ти любовь. Старецъ же къ архіерѣю отвѣща: святыи владыко! въ руку твою вси есмы, и ничтоже возбранено святыни ти. Архіепископъ же рече: хочу бо, аще ми Богъ поможетъ, начати и устроить монастырь. Случи бо ся нѣкогда,

плывущимъ намъ отъ Коньстянтина града к Рус'кимъ странамъ, къ своей митрополіи, вѣтру же велію бывъшу в мори, іако и кораблю съкрушатися отъ зельнаго вольненія и всѣмъ смертію яростнѣ претящи, и вси иже в корабли начаша молити Бога; с ними же и азъ в нужди зельне такоже начяхъ всесильнаго молити Бога, іако да избавит' ны належащаа скорби, и обѣтъ свой дахъ Богу, в онъ же день доправитъ Господь в пристанище котораго святаго, в то имя создати церковь; и отъ того часа

1155. а. преста море отъ волнѣнія своего, и в тишинѣ велію преложися, и достигохомъ в пристанище мѣсяца Августа 16; и хочу исполнити обѣтъ свой: церковь поставити во имя Нерукотворен'наго Образа Господа нашего Іисуса Христа, и устроить хочу монастырь, и составити благодатію Христовою общежитіе; и прошу отъ твоя любве, да даси ми возлюблен'наго ти ученика и мнѣ желасема Ан'дроника. Святый же прошенія святителя не преслуша, вдасть ему Ан'дроника. Митрополитъ же давъ милостыню довол'ну в монастырь, и отиде, поимъ Ан'дроника с собою, и обрѣте мѣсто благоугодно къ строенію монастырскому на рече Музе. Пръвее создана бысть церкви в лѣпотѣ во имя великаго Господа Спаса нашего Іисуса Христа честнаго его Образа Нерукотворенаго, и тѣ чудне украси, и честную икону образа Христова, юже самъ принесе отъ Коньстянтина града, чудну и златомъ украшену во церкви постави, еже и до нынѣ стоитъ благода-

1155. б. тію Христовою. Вручи же старѣйшинство предречен'ному Ан'дронику, и вся елика на потребу монастырскаго строенія дарова ему; и тако общежитіе составляется. По мале же времени прииде святый Сергіе видѣти строеніе ученика своего на оно мѣсто, и видѣвъ, похвали и благослови, глаголя: Господи! призри с' небесе, и виждь, и посети мѣсто сіе, егоже благоизволи создатися во славу святаго ти имени. И поучивъ о ползе, и паки возвратися во свою лавру. И тако повсюду исходяще слава веліа о чудномъ Андроникѣ строеніи, іако многимъ к нему стидатися. Онъ же вся

добре управляя, и елико стадо множашеся, толико подвигомъ большимъ онъ приимашеся, воздержанію зельному прилежа и всенощному бдѣнію, посту же и молитве. И кто исповѣсть, елика онъ добрый мужъ собою исправи: коегождо бо яко отецъ наказуа и обще соглашеніе творя; запрещаше же и моля, воставляя на невидимыя враги и тяготы всѣхъ нося: бѣше бо обра-

1155. в. зомъ кротокъ, такова бо учителя кротка благоразумный ученикъ. Братству же умножающуся премногѣ, и бысть монастырь великъ и славенъ благодатію Божіею и строеніемъ добродѣтел'на мужа Ан'дроника. И тако благоугодно поживе лѣта доволна и в'ручсое Богомъ стадо ему добре упасъ, разумѣвъ еже къ Господу свое исхоженіе, и вручаетъ паству своему ученику, Савѣ именемъ, в добродѣтеляхъ зело сіающу, и наказавъ о ползе, ко Господу отиде, егоже отъ младенства возлюбилъ, мѣсяца Іюля въ 13. Такоже и сей преподобный отецъ нашъ великій в добродѣтеляхъ Савѣ содръжаше предаую ему паству въ благочестіи и чистотѣ и въ святости мнозе, и отъ великодръжавныхъ князей и въ вся страны всѣми почитаемъ бысть ради великихъ его добродѣтелій и чуднаго и изряднаго его житія. И наипаче умножися стадо его добродѣтельныхъ мужей, великихъ, честныхъ, отъ нихже мнози произведени быша въ честнаа мѣста на игуменьства, ꙗковии же и 1155. г. на епископства. И тако многолѣтне и богоугодно благочестне поживъ, ко Господу отходитъ, еже по смерти и чудеса показавъ. Отъ сихъ едино явлено скажемъ: нѣкій бо отъ ученикъ его, егоже мнози свѣдѣтъ в наша лѣта, священ'ноиннокъ, именемъ Ефрѣмъ, отъ беса блуднаго страстію боримъ бѣ; и вѣрою влскомъ, притече къ гробу преподобнаго Савы, и призываетъ отца, да поможетъ ему злѣ страждущу; и скоро той часъ получи исцеленія. По времени же во онъ обители бывшу игумену Алек'сандру, ученику предпоянутаго игумена Савы, мужу добродѣтел'ну, мудру и изрядну зело, и такоже и другому стар'цу его, именемъ Андрѣю, иконописцу презрядну, всѣхъ превосходящу въ мудрости

зѣл'не, и сѣдины честны имѣа, и прочіи мнози; сима добре строгацѣма обитель, благодатию Христовою и Богу помагающе, созда во обители своей церковь камену зело красну, и подписаніемъ чюднымъ сво-
 1156. а. има ру||кама украсиша, в' память отецъ своихъ, еже и до нынѣ всѣми зрится, въ славу Христу Богу. И сіа тако симъ чюднымъ приснопоминаемымъ мужемъ устроившимъ и богоугодно поживше, къ Господу отъидоша, ко обители отецъ своихъ, и с ними да сподобитъ ихъ и небеснаго царствіа. Сіа же до здѣ.

Начало Симановскаго монастыря.

Преже убо бесѣдовахомъ еже о Стефане, по плоти братъ святаго, иже приведе сына своего Феодора, лѣтомъ суща 12, и вѣдасть его в руцѣ святому Сергію; онъ же и сподоби его иночскому образу. И тако пребывающе ему у святаго во сѣвершеномъ послушаніи, житіе добродѣтельно проходя, тѣло свое изнуряа зелнымъ воздержаніемъ, іако и дивитися мноземъ о немъ. Чюдно же бѣ и о семъ: никогдаже свой помыслъ отъ преподобнаго утаити ему, аще в' нощи, аще во дни. Бывшу же ему в чину совершеноу и священничеству сподобльшуся, прихожаше ему помыслъ, ежебы изобрѣсти мѣсто и составить мо-
 1156. б. на||стырь общежитіе. И пришедъ, исповѣда преподобному помыслъ свой, и се не единою, но и многжды. Святый же іако видѣ належаше на сіе помыслъ его, помыслише нѣчто Божіе быти; и по времени же мнозѣ благоразумный пастырь благословляеть Феодора и отпускаеть; и елицы восхотѣша съ нимъ братіа идоша, да идѣже возлюбить, обрѣтъ мѣсто зѣло красно на строеніе монастырю близъ рѣки Москвы, именемъ Симоново. Сіа слышавъ святый, прииде видѣти мѣста, и видѣ угодну быти мѣсту къ строенію оному, повелѣваеть емъ. Феодоръ же благословеніе отъ архіерѣа получивъ, и созда церковь на томъ мѣсте во имя пречистыа Владычица наша Богородица честнаго ея Рождества; и тако съставляетъ монастырь, вси по чину строине

и зело изрядно, и общежитіе учини, іакоже подобаеть по преданію святыхъ отецъ, въ славу Божію, монастырь чюдентъ, и множество братіа отъ различныхъ странъ събирахуся, понеже слава премнога во вся страны о Феодоре простирашеся, іако || мнози приходяще, велику ползу прием- 1156. в. люще отъ него наставляеми, и бѣ видѣти Феодора изрядна въ добродѣтелехъ, сіающе и в телесномъ возрасте и благолѣпніи мнозе, и в' премудрости и разумѣ много-разсудител'на; и тако многихъ ради добродѣтелей отъ всѣхъ почитаемъ бѣ и день отъ дни прѣвосхожаше слава о немъ, іако нѣкогда и старцу святому Сергію болѣзновати о чести и славе много о немъ, и молитвы непрестанно къ Богу вѣсылаше, во еже совершити ему теченіе безъ прег'ковеніа. Мнози же ученицы Феодорове в добродѣтелехъ зело провосіаша изрядне, іако произведеннымъ быти в' честныа игуменьства, но и на епископства в' великодръжавныа славныа грады. В нѣкое же время прилучися сему чюдному мужу Феодору въ Царѣградѣ быти, и тамо отъ патриарха киръ Нила вселенскаго вельми почтенъ бысть, и во архімандритехъ во всѣхъ Рускихъ старѣйшинству сподобляется, во еже Симановскій честнѣйшій монастырь в Руси Феодоровъ строится || в 1156. г. патриарше имя, и время строеніа на другомъ мѣсте основана бысть церковь камена архімандритомъ Феодоромъ, чюдна зело, во имя пречистыа Богородица честнаго ея Успеніа. И тако сему бывающе, на томъ мѣсте благодатию Христовою устроенъ бысть монастырь славенъ, во еже и до нынѣ отъ всѣхъ зрится и почитается. Мы же на предлежащее возвратимся, о немъ же намъ слово. По времени же Феодоръ архімандритъ честный възведенъ бысть на архіерѣйство града Ростова, и тако пребывъ лѣта доволна честне зело, іакоже свѣтил'нику на свѣщ'нице сіающе; и тако упасъ добре врученную ему паству, ко Господу отъиде в лѣто 6903 мѣсяца Ноября въ 28. Сіа же до здѣ с'кратимъ о Симановской обители; подобающее же да приложится здѣ.

О видѣніи ангела, служаща съ блажен'нымъ Сергіемъ.

Иногда же еще пребывающу Феодору освящен'ному во обители у блажен'наго Сергіа, служащу святому || Сергію божественную литургію с' предречен'нымъ Стефаномъ, братомъ своимъ по плоти, и сему Феодору, сроднику его, с нимъ, предречен'ному же Исакію молчальнику стоящу въ церкви, ꙗкоже прже помянухомъ, мужу добродѣтел'ну емъ сущу зело, и сего ради откровенно бысть ему: зрѣтъ во олтѣрѣ четвертаго служаща с ними мужа чюдна зело, емуже видѣніе стран'но и нескazan'но, во свѣтлости велицей, образомъ сіающа и ризами блистающа. И быв'шъ прьвому входу, и той ангеломъобразный и чюдный мужъ изыде въ слѣдъ святаго, емуже сіающе ꙗко солнце лица его не можаше зрѣти на нь; ризы же его необычны, чюдны, блистающесе, въ нихъ же мечтаніе златостройно зрѣтся. И се вопрошастъ Исакіе близъ стояща отца Макарія: что зрѣніе се чюдное, отче? кто есть зримый и чюдный сей мужъ? Макаріе же сподобленъ бысть сего зрѣнія, мужъ въ велицей свѣтлости дѣланный рече: не вѣдѣ, чадо, ужасно бо видѣніе и неисповѣдимо зрю; но мною сего, чадо, 1157. 6 со княземъ при||шедша: бѣ бо тогда Владимиръ в монастыри. Пристѣплъша же въпросиша ꙗкогого, иже со княземъ, аще есть священ'никъ съ нимъ пришедый; и рѣкоша: ни. И о семъ истин'но увѣдѣша ангела Божіа быти служаща с ними; и нынѣ нѣсть потреба глаголати; и ꙗкоже по скончаніи святаго литургіа получив'ше подобно время, наедине приступив'ше къ святому Сергію они ученицы его, иже быв'ше достойне чюднаго зрѣнія, вопрошають его о семъ. Онъ же утаити хотя, глаголя: что видѣсте чюдно, чада? служив'шъ божественную литургію Стефану, брату моему, и сыну его Феодору, и мнѣ недостойному с ними, иному же никомуже служащему священ'нику с нами. Ученицы же крѣпляхуся, моляще святаго, да извѣститъ имъ, глаголя: о чада любимаа! аще Господь Богъ вамъ откры, азъ ли могу се утаити?

егоже видѣсте, ангелъ Господень есть; и не ток'мо нынѣ днесъ, но и всегда посѣщеніемъ Божіемъ служащу ми недостойному с нимъ; вы же егоже || видѣсте, никомуже повѣдайте, дондѣже есмь в' жизни сей. 1157. в. И тако удивившася зело. Сѣа же сказанія преднимъ послѣдуютъ о составленіи монастырей отъ ученикъ святаго, еже на Дубен'ке; сему же монастырю начало сказаніе сіе.

О побѣде еже на Мамаа и о монастырѣ иже на Дубен'ке.

Бысть убо Богу попускающу за грѣхи наша, слышано бысть, ꙗко Ор'динскій князь Мамай воздвиже силу велику, всю ор'ду без'божныхъ Татаръ, идетъ на Русьскую землю; и бяху вси людѣ въ страсть велице утѣсняеми. Князь же великодръжав'ный, иже тогда съкипстры Русскихъ странъ обдер'жа, достохвал'ный и побѣдонос'ный, великій Дмитрей да глаголется; сей убо прииде къ святому Сергію, ꙗкоже велію вѣру имѣа къ старьцу, вопросити его, аще повелитъ ему противу без'божныхъ изыти: видяше бо мужа добродѣтелна суща и даръ пророчества имуща. Святый же ꙗко услыша сіа отъ великаго князя, благословивъ его, молитвою || вооруживъ, и рекъ: подо- 1157. г. баеъ ти, господине, пещися о вручен'номъ отъ Бога именитомъ ти стаду; поиди противу без'божныхъ, и Богъ помогающу ти, победиши и здравъ въ свое отечество с великими похвалами воз'вратиши. Великий же князь рече: аще ми Богъ поможетъ, отче, поставлю монастырь во имя пречистыа Богоматере. И сіа рекъ, восприемъ благословеніе, отъиде, поиде скоро. И тако собравъ вся воя своя, приспе противу без'божныхъ Татаръ; и увидѣвъ силъ ихъ зело множество, сташа сомнящесе, страхомъ мпози отъ нихъ обыти быв'ша, помышляюще, что сотворити. И се внезапно в той часъ приспѣ бор'зоходець с посланіемъ отъ святаго, глаголюще: безъ всякого сомнѣнія, господине, со дръзновеніемъ поиди противу свирѣпства ихъ, никакоже ужасатися, всяко поможетъ ти Богъ. Іаже князь великій Дмитріе и все войнство его

отъ сего велику дръзость восприем'ше, изы-
 1158. а. доша противу поганыхъ, || сіе слово рекъ:
 Боже великій, сотворивый небо и землю!
 помощникъ ми буди на противники святому
 ти имени. И тако сразив'шеся, многа те-
 леса падаху; и Богу помогъшу великому
 победоносному Дмитрію, и побеждени быша
 поганіи Татарове и конечней пагубе пре-
 дани быша: видѣв'ше бо окааніи на себѣ
 богопустный гнѣвъ, Божіе негодование, вси
 на бежаніе устремшася; крестоносная же
 хоругвь довол'но гнавъ въ слѣдъ против-
 ныхъ, множество безъчислено убиваше:
 овии же извєни отбѣгоша, ипыхъ же жи-
 выхъ рукама гаша. И бяше чудно зрѣніе
 и дивна побѣда: иже преже блистающая
 оружія, тогда же вся окровавлена кровью
 иноплемєнныхъ, и вси образы побѣды но-
 шаху. И здѣ с'бысться пророческое слово:

Второз. 32, 30. единъ гоняше тысящу, а два двигнѣта т'мы.
 Святый же тогда, по предречєн'ному, яко
 прозорливый имѣа даръ, вѣдаше яко близъ

1158. б. вся бываемаа, зряше издалече, бяше || ра-
 стояніа мѣстомъ и многи дни хожденіємъ,
 на молитве съ братією Богу предстоя о
 быв'шей побѣдѣ на поганыхъ. Малу же
 часу мимошедшу, яко до кон'ца побѣдени
 быша без'божнии, вся предсказоваше бра-
 тіамъ быв'шаа святыи: побѣду и храбръ-
 ство великаго князя Дмитрія Ивановича,
 преславно побѣду показав'ша на поганыхъ,
 и отъ нихъ избѣженныхъ сихъ по имени сказа,
 и приношеніе о нихъ всемилостивому Богу
 принесе. Достохвалный же и победоносный
 великій князь Дмитріе славу побѣду на
 с'против'ныа вар'вары вземъ, возвращается
 свѣтло в радости мнозе въ свое отечь-
 ство, и незамедлено прииде къ стар'цу свя-
 тому Сергію, благодать воздаа ему о до-
 бромъ совѣщаніи, и всеял'наго Бога сла-
 вяше, и о молитвахъ благодарше стар'ца
 и братію, в' веселіи сердца быв'шаа вся
 исповѣдаше, како възвеличи Господь ми-
 лость свою на немъ; и милостыню многу
 в монастырь вдасть, и тако воспоминаетъ
 желател'но великодръжавный старцу, о нем'-
 же обѣщася, хочеть скоро на дѣло изве-

1158. в. || сти, пречистой Богоматери монастырь во
 имя ея устроить, гдѣ обрѣтается мѣсто

угодно къ строенію. Старецъ же Сергіе
 шедъ, поискавъ, обрѣте мѣсто угодно на
 рецѣ, зовомой Дубен'ке; и возлюбленіємъ
 великаго князя на томъ мѣстѣ святыи Сер-
 гіе церковь постави во имя пречистыа
 Богоматере Успеніе Владычица нашаа Бо-
 городица. Въ мале времени, помаганіємъ
 потребнымъ великодръжав'наго, бысть мо-
 настырь чуденъ, всѣмъ испол'ненъ. Вручи
 же святыи игуменство отъ ученикъ сво-
 ихъ Саве именемъ, мужу зело добродѣ-
 тельну; состави общежитіе в' дѣлѣхъ зело,
 якоже подобаетъ, въ славу Божию; и мно-
 жеству братству собрав'шуся, потребная
 доволна милостію Пречистыа и до нынѣ
 имуще. Сіа же до здѣ.

О Голутвинскомъ монастыри.

Во ипо же время великодръжав'ный, о
 немъ же намъ слово, князь велики Дмитріе
 умоли святаго стар'ца Сергіа, да на Ко-
 ломнѣ, во отечествѣ его, на мѣстѣ именемъ
 Голутвинѣ, шедъ, благословитъ мѣсто || по- 1158. г.
 ставити монастырь во имя святаго Бого-
 явленія, и самъ мѣсто благословитъ, и цер-
 ковь воздвигнетъ. Преподобный же, яко
 имѣа всегда обычай иѣшь хожаше, и по-
 слуша великаго князя вѣры его ради и
 любве, иде на Коломну, благословляетъ
 мѣсто, сгоже великодръжав'ный возлюбилъ;
 церковь же воздвиге во имя святаго Бого-
 явленія. Умоленъ же бывъ отъ него да
 дастъ отъ ученикъ своихъ единого на строе-
 ніе монастыря, и вдасть ему отъ ученикъ
 своихъ единого, Григоріа священ'ноинока,
 мужа благоговѣйна, во многихъ добродѣ-
 телехъ испол'нена; и тако въскоре множе-
 ство братство собравшеся, и составлено
 бысть общежитіе, Божією благодатію, мо-
 настырь честенъ зело отъ всѣхъ, и вели-
 кому князю возлюбленъ, и до нынѣ испол'-
 ненъ всякого блага. И по времени церковь
 создана бысть камена, сже ссть и до нынѣ.
 О семъ же тако бывшу,

О монастыре о Высокомъ.

Ниже сіе подобаетъ умолчати о Высо-
 комъ монастырѣ, сже предводящее слово 1159. а.
 скажетъ. Во ипо время предречєн'ному

великоименитому князю Владимиру умолив-
шу святаго Сергія, да симъ же образомъ
прійдетъ во отечество его, градъ Серпо-
ховъ, и благословитъ мѣсто на рецѣ Наре,
и воздвигнетъ церковь во имя Зачатія пре-
чистыя Богородица, еже и послуша препо-
добный: вси бо великодеръжавный к нему
велію вѣру отъ вса душа стяжасте, по-
нже велику пользу и утѣшеніе духовно
отъ него приѣмлюще; и исполняетъ желае-
мому желаемое его святой: пришедъ на
реченное мѣсто, благословляетъ, и церковь
воздвиге. И тако же молитъ боголюбивый
князь, да дастъ ему единого отъ ученикъ
своихъ, именемъ Афанасіа. Святой же, аще
и нужно ему бысть дарованіе, но любовію
преклонися на прошеніе: бѣ бо Афонасіе въ
добродѣтеляхъ мужъ чуденъ, и в' божес-
твенныхъ писаніи зело разуменъ, и добро-
списанія много руки его и до нынѣ свидѣ-
тельствуютъ, и сего ради любимъ зело
1159. 6. старцу; и сего оставляетъ святой стро-
ити монастырь и общежитіе составити; еже и
бысть: молитвами святаго устроень мона-
стырь чуденъ и зело красенъ, зовомый на
Высокомъ; и собращася множество брат-
ства в' паству полезну благочестна мужа
и добродѣтелями украшена, сего изряднаго
Афонасіа; той же монастырь благодатію
Божіею и до нынѣ стоитъ, зримъ есть всѣ-
ми. Сіа же до здѣ не во много повѣданіе
простремъ множества ради. И что много
хочемъ писати о наслаженіи плодъ духов-
ныхъ святаго? не невѣдомо есть всѣмъ,
колико самъ Божій человекъ, разсудный
и великій пастырь, монастырей состави;
и сынове его и сынове сыновъ его также
свѣтила зрятся отсюду и сіають во вся
страны свѣтлымъ и чуднымъ житіемъ
всѣмъ на ползу. Но мы сіа преминувъше,
на подлежащее взыдемъ, въ грядущее
житіа святаго пойдемъ. Настоящее да гла-
голется.

О хотящимъ святаго повинути на митрополию.

Блаженный же митрополитъ Алексіе во
1159. а. время старо-сти видѣвъ себе низнемогающа

и к' концу приближающася, призываетъ
святаго Сергія; и сему пришедшу и бесѣ-
дующа има, и повелѣ митрополитъ изнести
крестъ с парамандомъ, златомъ же и ка-
меніемъ многоцѣннымъ украшенъ, и да-
руетъ святому. Онъ же смиреніемъ по-
клонься, глаголя: прости мя, владыко, ꙗко
отъ юности не бысть златопосецъ, въ ста-
рости же наипаче хощу в нищете пребы-
вати. Архіерей же к нему рече: вѣмъ,
возлюбленне, ꙗко сіа исправилъ еси; но
сотвори послушаніе, пріими отъ насъ дан-
ное ти благословеніе. И тако возложивъ
своима рукама на святаго, ꙗко нѣкое объ-
рученіе, и по сихъ хотящихъся ему глаго-
лати, рече къ святому: вѣдый буди, препо-
добне, на что призвахъ ты и что хощу ꙗже
о тебѣ сотворити? Святой же отвѣща:
и како могу, господи, вѣдати? Онъ же рече
к нему: се азъ содержажъ, Богу вручившу
ми, Русскую митрополию, елико Богъ хо-
тящу; нынѣ же вижду себе к' концу при-
ближающася, токмо не вѣмъ дне скончанія
моего; || желаю при животѣ моемъ обрѣсти 1159. г.
мужа, могуща по мнѣ пасти *) стадо Хри-
стово; но отъ всѣхъ недоумѣвся, тебе еди-
ного избрахъ, ꙗко достойна суща диспра-
вити слово истинны: вѣмъ бо извѣстно,
ꙗко отъ великодръжавныхъ господій и до
последнихъ вси тебе требуютъ; и прежде
убо епископства саномъ почтенъ будещи,
по моемъ же отхожденіи мой престолъ вос-
пріимеши. Святой же ꙗко услыша сіа,
зело оскорбися, ꙗко велику тѣщету вмени
себѣ сіе быти, и ко архіерею отвѣща: про-
сти мя, владыко, ꙗко выше меса мѣры **)
еже глаголеши, и сіа ко мнѣ не обрящещи
никогдаже; кто есмь азъ грѣшный и ху-
дѣйши паче всѣхъ человекъ? Архіерей же
много изрекъ старцу словеса отъ божес-
твенныхъ писаній, сими хотя его къ своей
воли привести; смиренію же дѣлатель ни-
какоже преклонися, но рече: владыко свя-
тый! аще не хочещи отгнати мою нищету
и отъ слышанія святыня твоя, прочее не
приложи о семъ глаголати к моему худо-
сти, и ни иному нико||муже попусти, по- 1160. а.

*) Въ подл. слово «пасти» пропущено. Сн. стлб. 1141.

**) Такъ должно быть; въ подл. «вѣры». Сн. тамъ-же.

неже никто сія во мнѣ можетъ обрѣсти. И ѿкоже видѣ архіерѣй святаго на сіе непреклонна, и ничтоже приложи ему о семъ глаголати, убоався, да не како стѣживъ си отъидеть внутренюю пустыню, и такова свѣтилника лишится; и утѣшивъ его словесы духовными, отпусти его въ свой ему монастырь. Не по мнозе же времени Алексіе митрополитъ отъ житія отходитъ, въ лѣто 6885. И паки начинаютъ господіе великодръжавіи князи молити святаго, еже восприати архіерѣйства санъ; по той ѿкоже твердый адамантъ никакоже на се уклонися. Взыде же на престолъ архіерѣйскій нѣкто архимандритъ, Михаилъ именемъ, и дръзнувъ обещися въ одежду святительскую и возложи на ся бѣлый клобукъ; начатъ же и на святаго въоружатися, мнѣвъ, ѿко присѣцаеть дръзновеіе его пресподобный, хотя архіерѣйскій престолъ восприати. Слышавъ же блаженный хвалящася Михаилъ, хваляіся на святую обитель сію, не имать получить жслаемаго, понеже гордостію побжегъ бысть, пи Царьскаго града не имать видѣти; еже и бысть по пророчеству святаго: повнегда бо пловіше къ Царьскому граду, в' тѣлесны недугъ впаде, скончася; вси бо имѣаху святаго Сергіа ѿко единого отъ пророкъ.

О посещеніи Богоматере къ святому.

Нѣкогда убо блаженному отцу молящуся во обычнемъ своемъ правилѣ предъ образомъ Матере Господа нашего Іисуса Христа, и часто взираа на икону, глаголаше: пречистаа Мати Христа моего, ходатаице и заступнице, крѣпкаа помощнице роду чловѣчьскому! буди намъ недостойнымъ ходатаице, присно молящися къ Сыну своему и Богу нашему, ѿко да призритъ на святое мѣсто сіе, еже возложено есть въ похвалу и честь святому имени в' вѣки: тебе бо, Мати сладкаго ми Христа, ходатаицу предлагаемъ и молитвеницу, много дръз-

годарный канонъ Пречистей, еже есть акафисто, совершившу же ему правило и сѣдшу мало почити, рече ученику своему, ему же имя Михѣа: чадо! трезвися и бодрствуй, понеже постѣненіе чюдно хочеть намъ быти и ужасно в сій часъ. И се ему глаголющу, ѿ абіе гласъ слышашеся: се Пречистаа грядеть! Святый же слышавъ, скоро изыде ис келіа в' прустъ, еже есть сѣни; и се свѣтъ велій осѣни святаго, зело паче солнца сіающа, и абіе зрѣтъ Пречистую со двема апостолома, Петромъ же и Иваномъ, въ неизреченней свѣтлости облістающася. И ѿко видѣ святый, паде ницъ, не могій трыѣти нестерпимую ону зарю. Пречистаа же своими руками прикоснуса святаго, глаголя: не ужасайся, избраніице мой, прійдохъ бо посѣтити тебе; се услышана бысть молитва твоя о ученицехъ своихъ, о нихъже молишися, и о обители твоей, и да не скорбиши про||чее: ибо 1160. г. отнынѣ всѣмъ изобильствуешь, и не токмо в' житіи еси, но и по твоємъ еже къ Господу отхоженіи неотстѣпна буду отъ обители твоея, потребнаа подавающи нескудно и снабдящи и покрывающи. И сіа рекъши, невидима бысть. Святый же во иступленіи ума страхомъ и трепетомъ велимъ одръжимъ бяше; и по мале в себе пришедъ, обрѣте ученика своего лежаща отъ страха, ѿко мертва, и въздвиже его. Онъ же начатъ пометати себе на нозе старцу, глаголя: извести ми, отче, Господа ради, что бысть чюдное се видѣніе, понеже духъ мой мале не разлучися отъ плотскаго ми соуза ради блистающагося видѣніа. Святый же бѣ, радуется душою, ѿко и образу его цвѣтящу отъ радости оноа, и ничтоже можаше отвѣщати, токмо се: потерпи, чадо, по неже и во мнѣ духъ мой трепсцеть отъ чюднаго видѣніа. Стояща же дивящася в себѣ; по мале же рече ученику своему: чадо! призови ми Ісаака и Сүмона. || И при- 1161. а. шедшимъ имъ исповѣда вся по рядѣ, како видѣ Пречистую съ апостолы и что изрече святому чюднаа обещаніа. Сіа же ѿко услышаша, радости неизреченныя исполнишася; и тако вси вкълѣ отпѣвъше молебень Богоматере, и прославиша Бога. Пребысть

1160. в. венеіе к нему стѣ||жавше раби твои, ѿко всѣмъ спасительному упокоенію и пристанищу. И тако ему молящуся и поющу бла-

же святой всю ночь безъ сна, в'нимая умомъ о неизреченномъ видѣніи.

О пришедшемъ епископе видѣти святаго.

Времени же нѣкоему минув'шу, прииде нѣкій епископъ отъ Кон'стантина града въ господствующій градъ Москву, и слыша многа яже о святемъ: слухъ бо великъ о немъ пространив'шуся повсюду даже и до самаго Цариграда. Тѣмъ же епископъ невѣріемъ одер'жимъ о святемъ, и глаголаше: како можетъ в сихъ странахъ таковъ свѣтильникъ явитися, паче же въ послѣдняя сіа времена? и помысли поити во обитель и видѣти блаженнаго. Быв'шу ему близъ обители, начатъ страхомъ смущатися; и вшедшу ему во обитель, и тако узрѣ святаго, нападе на нь слепота. Преподобный же смъ его за р'ку, и введе въ кѣлюю 1161. 6. || свою. Тѣмъ же епископъ начатъ со слезами молити святаго, исповѣда ему и неволю свое невѣріе, вкупе же и прозрѣнія прося, окаяна себе глаголя, праваго пути погрѣшив'ша. Нездобивый же смиренія дѣлатель прикоснуся ослепленнымъ его зѣницамъ, и отпадоша тако чешуя отъ очю его, абіе прозрѣ. Преподобный же рече къ епископу: ваше наказаніе, о премудрый учителю, како подобаетъ творити, не высокоумудрити, ни возноситься надъ смиренными; к намъ же не наученымъ и невѣждамъ что принесетъ ползу, ток'мо искусити перазуміе наше прииде, понеже праведный судія вся зритъ. Епископъ же еже прежде невѣріемъ одер'жимъ, правовѣрною вѣрою и велимъ гласомъ всѣмъ проповѣдаше святаго истиннаго Божія человѣка быти: глаголаше бо, тако сподоби мя Богъ видѣти днесь небеснаго человѣка и земнаго ангела. И тако отъиде в путь свой, воспримъ полезнаа отъ преподобнаго и учреженіе подобающее, и славяше Бога и его угодника святаго Сергія.

О исцѣлѣвшемъ мужи молитвами святаго.

Человѣкъ нѣкій, живый во окрестныхъ 1161. в. мѣстехъ близъ обители святаго; случися ему болѣзнь тяжка зело, тако въ 20-тихъ днехъ тр'ждно боляше, ниже пищи, ниже

сижъ причаститися. Братія же его по плоти скор'бію о немъ одер'жими на долъзе времени тако стражуущъ. Прииде же благій помысль въ сердце ихъ: колика, глаголюще, Богъ творить ч'ждеса угодникомъ своимъ святымъ Сергіемъ; еда како и о насъ умилосердится. И тако съвѣщав'шися, не соша болящаго къ святому, и положив'ше предъ ногами его и моляху еже молитися о немъ. Святой же возьметъ священную воду и молитву сътвори, покропи болящаго; і абіе в' той часъ разжмѣ болный, яко облег'чися болѣзнь его; и по мале часѣ в' сонѣ сведенъ бысть многъ, во еже в' болѣзни безсоніе исполнити; и тако здравъ бысть, пищи отъ того часа причащагася, и радуяся отъиде в' домъ свой, многа благодаренія воздаваа Богу, творящему дивнаа и преславнаа чюдеса своимъ угодникомъ.

О провидѣніи еже посланныхъ брашенъ причастив'шуся.

|| И се да не заб'вено будетъ. Нѣкогда бо 1161. г. предпоянутый благовѣрный князь Владимиръ, такоже имѣя велию вѣрж и любовь къ преподобному, бѣ бо обитель святаго во отчествѣ его, и ч'асто прихожаше посѣщенія ради; иногда же яже на потребу посылаше ему. По семъ убо образъ посыласть нѣкогого отъ служащихъ ему къ преподобному с различными брашны и питія въ потѣшеніе стар'цъ съ братіями. Грядущимъ же посланнымъ ко обители святаго, и по дѣйству сатанину прельщенъ бысть человѣкъ онъ: возьметъ отъ брашенъ посланныхъ, и ѣсть; такоже и отъ питія, и пить. И тако пришедъ къ преподобному, возвѣщаетъ посланнаа ему благовѣрнаго князя люб'ве. Прозор'ливый же, в' ч'жде сѣхъ великій онъ мужъ позна прегрешенія одного человѣка и не хотяше пріяти, но случышаася поношаше, глаголя: почто, брате, врага послуша и прельстися вкушеніемъ брашенъ, ихъ же ты не достоинъ прежде благословенія ѣсти, отъ нихъ же калъ сси? Тогда онъ обличенъ бывъ отъ святаго, съгрешеніе свое по'зна и не хоти 1162. а. исповѣда, падъ на нозі святаго плакати

начаять, прощеніа прося о съдѣянныхъ. Святый же наказавъ его ктому таковаа не дерзати, и тако прощенію сподобивъ и отпусти его, приємъ посланнаа, и молитвъ надъ брашны и питіи сътворивъ, и христолюбцѣ князю молитву и благословеніе повѣдати повелѣ. Сіа же до здѣ, предъ ними же и сіа послѣдуютъ.

О лихоим'це.

Нѣкій человекъ живяше близъ обители святаго, имѣя правъ лихоимства, ꙗкоже есть и до нынѣ обычай сильнымъ убогихъ обидѣти. Сей насильство сиротѣ сътвори отъ съсѣдствующихъ ему сицево: отыгътъ вспрѣ, питомый на пищѣ себѣ, и цѣну не вдасть емѣ, тако и заклати повелѣ его; обиденый же притече и припаде къ святому, скорбя и плача, моля его, помощи прося. Милостиваа же она душа, имѣя утѣшеніе въ скорбехъ, заступаа пищихъ, помагаа убогимъ, призываетъ одного насильствующаго и потязавъ запрети ему, глаголя: чадо! аще вѣржеши, есть Богъ судіа 1162. 6. праведнымъ и грѣшнымъ, отецъ же сирымъ и вдовицамъ, готовъ на отищеніе, и страшно есть власти в'рждѣ его; и како не трепещемъ, грабимъ, насильствуемъ, и т'мами злаа творимъ, и недовольни семы дарованными отъ его благодати, на чюжаа желаемъ, не престаемъ, и презираемъ долготерпѣніе сего? и не предъ очима ли нашими зримъ, таковаа творящия обнищаваютъ, и дома ихъ опустѣютъ, и мнози силнии безъпамятны будутъ, и во ономъ вѣцѣ сихъ мученіе бесконечное ждеть? И много наказавъ его, повелѣ цѣну сиротѣ вдати, глаголя: прочее не насилуй сиротамъ. Онъ же съ страхомъ обещася исправитися правомъ на благое житіе и обидимому отдати цѣну; и тако приде в домъ свой. И по малу раслабися помыслъ его о наказаніи святаго стар'ца, во еже не вдати цѣны сиротѣ; и тако ему помышляюще, и вниде по обычаю въ клѣтъ свою, и зрѣтъ вепря одного растесана телеса, червymi всего кипяща, бѣ бо тогда зимно время. 1162. а. || И тако страхъ велій нападе на нь, и трепеташе зело о преслушаніи святаго стар'

ца, како явитися лицу его, иже ничтоже можетъ его утаитися; и в'той часъ вдасть цѣну емѣ не восхотѣ; телеса же одного вепря из'вер'жени быша псомъ и п'тицамъ на снѣдъ, ни тѣмъ же прикоснувшимися на обличеніе лихоим'цемъ, да накажутся не обидѣти. Онъ же не можаше срама ради явитися предъ лицомъ святаго; а егोजе прежде излиха вожделѣ, сего неволею зрѣти гнушашеся.

О видѣніи божественаго огня.

По сихъ же нѣкогда служащу блаженному божественую литургію, баше бо тогда ученикъ преподобнаго Сумонъ еклісар'хъ, егोजе выше помянухомъ, во мнозехъ добродѣтели съвер'шенъ, егोजе и самъ святый старецъ свидѣтельствоваше имуща съвер'шено житіе; сей убо Сумонъ зрѣтъ чудное видѣніе: служащу бо, рече, святому, видѣть огонь, ходящъ по жертovníку, осеняюще олтарь и окрестъ святаа трапезы окржаа; и егда святый хоща причаститися, тогда 1162. г. божественный огонь свѣтъ ꙗкоже нѣкаа плащаница, и вниде во святый потиръ; и тако преподобный причастися. Сумонъ же сіа зря, ужаса и трепета исполнь баше и в себѣ дивяся. Святый же изшедъ отъ жер'товника, разжмѣ Сумона видѣнію чудному сподобльшася, призвавъ его, рече: чадо! почто устрапился духъ твой? И рече: господи! видѣхъ чудное видѣніе: благодать Святаго Духа дѣйствующа с тобою. Святый же запрети ему, рекъ: да никомуже возвѣстиши, ꙗже видѣ, дондеже Господь сътворитъ ꙗже о мнѣ отхоженіа отъ житіа сего. И тако обещу хвалу воздаша Господеву. О сихъ же до здѣ.

О преставленіи святаго.

Живъ же святый лѣта доволна в добромъ воздержаніи, трудѣ, и неисповѣдима и несказанна чудеса отъ дѣлъ показа, и въ старость глубоко пришедъ, ни мала отъ божественныхъ пѣній или служеній оставляа; и елико состареашеся возрастомъ, толико паче крѣплишеся и растяше усердіемъ и божественныхъ подвиговъ мужествене 1163. а. и тепле касаашеся, никакоже старостию

побежаемъ, по нозе его стол'піе бяху день
отъ дне, ꙗкоже степени же приближаю-
щесѧ къ Богѣ. Разжмѣ же и прежде ше-
стихъ мѣсѣхъ свое преставленіе, при-
звавъ убо братію, и врѣчаетъ старѣйшии-
ство своему присномѣ ученику, сѣщу в
добродѣтели совер'шену и во всемъ равно
послѣдѣюще своему учителю, тѣломъ убо
младу *), умомъ же зело сѣдинами цвѣтуща,
иже послѣди ꙗвлена его въ чудесѣхъ по-
казавъ, предводящее слово скажетъ, Ни-
кону же именемъ; сему повелѣ пасти стадо
христоменитое внимателне же и праве,
ꙗко слово въздати хотяща не о собѣ, но
о многихъ. Ссй убо великій подвижникъ,
вѣрою благочестивѣйши, неусышасмое хра-
нило, непресыхаемый источникъ, желан-
ное имя, без'молъствовати начятъ, и мѣ-
сяца Сеп'теврѧ в неджѣ убо в телесный
впадѣ, и видѣ убо конечне свое къ Богу
отхоженіе сѣтства отдати долѣ, духъ же
къ желанному Иисусу предати, призываетъ
1163. 6. священно исполне'ніе и новоизбранное ста-
до, и бесѣдѣ простеръ подобающую, и
ползѣ поучивъ, непредковенно въ право-
славіи пребывати рече, и единомысліе дрѣгъ
къ дрѣгу хранити завѣща, имѣти же чи-
стоту душевную и телесную и любовь не-
лицемѣрну, отъ злыхъ же и скверныхъ по-
хотей отлучитися, пищу же и питіе имѣти
немытежно, наипаче смиреніемъ украша-
тися, страннолюбіа не забивати, спротиво-
словіа удалятися, и ничтоже вѣмнѣти жи-
тіа сего честь же и славу, но в'мѣсто сихъ
еже отъ Бога мѣздовозданіа ожидать, не-
бесныхъ вѣчныхъ благъ наслаженіе; и про-
чее много наказавъ, рече: азъ, Богъ зо-
вущу мя, отхожду отъ васъ; предаю же
васъ всемогущему Господѣ и того пречи-
стей Богоматери, да будѣтъ вамъ прибѣ-
жище и стена отъ сѣти вражнихъ и лая-
нихъ; и в самый убо исходъ, в онъ же хо-
тище телеснаго сѣюза отрѣшитися, Вла-
дычняго тѣла и крови причастися, уче-
никъ руками того немощнаа уды подкреп-
1163. в. ляемы, воздвиже на небо рѣцѣ, || и молитву
сътворивъ, чистую свою и священную душу

съ молитвою Господеву предастъ, въ лѣто
6905, мѣсяца Сеп'теврѧ 25; живѣ же пре-
подобный лѣтъ 70 и 8. Изліа же ся тогда
благоуханіе веліе и неизреченно отъ телесе
свѧтаго. Братіи же всѣмъ собраномъ, пла-
чемъ и рыданіемъ сѣкрѣшахуся, и на одрѣ
честное и трѣдолюбное тѣло положыше
честно, псалъмопѣніемъ и надгробными того
провожаху; ученикъ слезъ источниці про-
ливахуся, кор'мьчѧ отщестив'шесѧ и учителя
отызати бывше и отча разлученіа не тер-
пяще, плакахуся, аще бы имъ мощно
и съумрети имъ тогда с нимъ. Лице же
свѧтаго свѣтляшесѧ ꙗко спѣтъ, а не ꙗко
обычай есть мертвымъ, но ꙗко живу или
ангелу Божію, показѣя душевную его чи-
стоту и еже отъ Бога мѣздовозданіа тру-
домъ его. Положиша же честное его тѣло
въ обители, иже отъ него созданней. Каа
убо ꙗже въ преставленіи и по кончинѣ сего
чюднѧа бывша и бывають, разслабленыхъ
удовъ стягнута и отъ лукавыхъ духъ || че- 1163. г.
ловѣкомъ свобоженіа, слѣпыхъ прозрѣніа,
слукимъ исправленіа, токмо раки его при-
ближеніемъ. Аще не хотяше свѧтый, ꙗко-
же въ животѣ, и по смер'ти славы, по
крѣпкаа сила Божіа сего прослави, еможе
предѣдяху ангели въ преставленіи къ не-
беси, двери предѣотверзающе райскіа и в'
желаемое блаженство в'водяще, в покой
праведныхъ, въ свѣте ангель, и ꙗже присно
желааше зря, и всесвѧтыя Троицы озаре-
ніе приѣмля, ꙗкоже подобаше постнику,
инокомъ украшеніе. Сицевая отча теченіа,
сицева дарованіа, сицева чудесъ пріатіа,
ꙗже не токмо въ животѣ, но и по смер'ти,
иже не мощно есть писанію предати, ема
убо тако ꙗже о немъ и доселе зрится.
Принеси ми убо иже древле просіав'шихъ
сравнимъ сему, иже отъ добродѣтелей жи-
тіа и мудрости, и видимъ, аще во истину
ничимъ же отъ тѣхъ скуденъ бѣ иже прежде
закона онѣмъ божественымъ мужемъ: по
великому Моисію и иже по немъ Иисусу,
собороводецъ бысть и пасты||рь людемъ мно- 1164. а.
гимъ, и ꙗко во истину незлобіе Іаковле
стяжа і Авраамово страннолюбіе; законо-

*) Въ подл. слова: «своему . . . младу» пропущены. Сн. выше, стлб. 1448.

положительный новый и наследник небеснаго царства, и истинный правитель пасомымъ отъ него: не пустыню лю исполни благопопечений многихъ? аще и разсудителенъ быше великій Сава, общему житію правитель, сей же не стяжа ли по оному доброе разсужденіе многи монастыря общежитіе проходящихъ воздвиже? не имяше ли и сей чудесъ дарованія, ꙗкоже прежде того прославленіи, и велми Богъ сего прослави и сътвори именита по всей земли? Мы убо не похвалимъ того ꙗко похвалы требующа, но ꙗко онъ о насъ молится, во всемъ бо страстоположителя Христа подражавъ; не во много же простремъ слово; кто бо возможетъ по достоинію святаго ублажити? *)

675. г. **ВЪ ТОЙ ЖЕ ДЕНЬ, слово похвално преподобному отцю нашему Сергію, сотворено бысть ученикомъ его, священноинокомъ Епифаніемъ.**

Тайну цареву добро есть хранить, а дѣла Божія проповѣдати преславно есть; еже бо не хранить царевы тайны пагубно есть и блажено, а еже молчати дѣла Божія преславная бѣду души наносить. Тѣмъ же и азъ боюся молчати дѣла Божія, въспоминая муку раба оного, пріимшаго Господень талантъ и в земли скрѣвшаго и прикупа имъ не сътворивша: никто же бо достоинъ есть очищену имѣя мысль вѣнчанаго чловека; таковъ сый страстный азъ, пленицами многими грѣховъ моихъ стягнутъ, таковымъ преславнымъ вещемъ нехѣно бѣ мнѣ коснуться, но развѣ точію безаконія моя възвѣщати и нещися о грѣсехъ моихъ. Но понеже желаніе привлечитъ мя и недостойнство молчати запрещаютъ ми, грѣси мои ꙗко бремя тягѣко отяготѣша на мнѣ, и что сотворю? дерзну ли недостойнъ к начинанію? что убо? реку

ли или запрещу в себѣ? окаю ли свое оканство? вѣнчаю ли въсходѣнцію на сердце мое блаженствомъ о преподобнѣмъ? но ты самъ, отче, содѣйствуй мнѣ, да не ꙗко недостойному ми помрачится умъ мой, но самъ ꙗже и не пишущу ми в мысли моеи да възвѣстать отъ твоихъ похвалъ, сия и пишущу ми ты вразуми и настави: множицею бо възспомнѣвъ и слезы о семъ испустихъ моего ради недостойнства, да не како не получю искомаго, о немъ же начахъ, аще не ты руку прострѣши; нѣсмь бо доволенъ по достоинію похвалы тебѣ приносити, но мала нѣкая отъ великихъ провѣщати. Но обаче сподоби мя принести похвалы тебѣ, приносящаго молбы о моеи худости Христу Богу нашему; аще бо и вси достойни, но азъ недостойнъ есмь, вѣкомъ и жадал, да поне крупѣцамъ трапезы избранныхъ причастникъ буду: могутъ бо и множество крупѣцъ насытити алчущихъ душа, ꙗкоже духовныхъ отецъ ученія и душеполезная словеса не токмо телеса, но и самую душу могутъ укрѣпити и окормляти и духовнымъ подвигомъ: понеже свѣтла и сладка и просвѣщенна намъ всесвятыхъ нашихъ отецъ возсія память, пресвѣтлою бо зарею и славою просвѣщающася и насъ осѣвають; свѣтла убо въ истинну и просвѣщенна, всякоя почести отъ Бога и радости достойна, имъ же вашихъ боголюбивыхъ душъ, ꙗко възлюбленныхъ чадъ отецъ къ духовному веселію нынѣ созвавъши и ꙗко любителя отецъ во свѣтлей сей церкви радостно пріемлюще и любовію веселящи, прежде же плотскія духовную вамъ предуготовляющи трапезу, исполнѣнны радости и веселія духовнаго и исполнѣнны сладости божественныхъ словесъ, ангельскія пища: пишу убо ангельскую писаніе духовная словеса нарицають, имъ же душа

*) Далѣе (л. 1164 — 1171) слѣдуютъ тѣ же сказанія, которыя помѣщены выше: о проявленіи мощей святаго; о преставленіи преподобнаго Никона игумена; о видѣніи святаго Сергія съ братією на пѣніи; о видѣніи митрополита Алексія и святаго Сергія с нимъ; о Игнатіи архимандритѣ; о Дмитріи испѣльвѣщемъ; о нѣкоемъ велможе Тверскомъ о Захаріи; чудо 2-е о томъ же; о Симіонѣ Антоновѣ; о воитѣ, избавленомъ отъ поганныхъ; чудо о слепомъ; о слепой отроковици; о бѣснующихся юноши; о юноши сухорукѣмъ, и заключительное слово Пахомія. См. выше, столб. 1450 — 1463. Житіе преподобнаго Сергія Епифаніемъ окончилъ и передалъ другимъ въ назиданіе спустя 26 лѣтъ послѣ кончины преподобнаго (1418 г.), слѣдовательно до открытія мощей его въ 1422 году. Дополненіе Епифаніева описанія житія преподобнаго Сергія сдѣлано іеромонахомъ Пахоміемъ Логоетомъ. См. Филар. Обз. рус. дух. литер. Харьковъ. 1859, стр. 120 и 143.

наслаждаетъ внимающе умомъ, и яко пи-
щею тѣло, тако и словомъ укрѣпляема бы-
ваетъ душа; сладость бо словесную Давидъ
Псал. 118, 103. в'кусивъ, удивляясь къ Богу глаголетъ: коль

104. сладка гор'тани моему словеса твоя, паче
меда устомъ моимъ! отъ заповѣдей твоихъ ра-
зумѣхъ, сего ради възненавидѣхъ всякъ
путь неправды. Также и древніи отцы
наши и прочіи вси, иже в' постѣ просіавша.

676. в. Сихъ же стопамъ послѣдуя || и житію ихъ по-
ревнуя, всякъ путь неправды възненави-
дѣхъ и истину възлюбихъ, егоже и прежде
надписаніемъ слова в'мѣнихомъ и отъ насъ
дпесь нынѣ похваляемъ есть Сергіе бла-
женный, преподобный отецъ нашъ. Сему
убо в' правду подобаетъ дивитися и достой-
но его ублажати: зане и онъ человекъ по-
добострастенъ намъ бывъ, но паче насъ
Бога възлюби, и вся краснаа мира сего яко
уметы в'мени и презри, и усердно Христу
послѣдова, и Богъ възлюби его; и яко уго-
дити ему искренно потѣшася, и удиви и
прослави его: славящаа мя бо, рече, азъ
прослаблю, уничижающаа же мя бес чести
будуть. И егоже Богъ прослави, кто мо-
жетъ похвалу его сокрыти? Лѣпо убо и
намъ того в' правду достойно ублажити и
похвалити: похвала бо еже его отъ насъ не
оного что пол'зуеть, но намъ паче спасеніе
духовное содѣваетъ; сего ради в' наше в
наученіе полезно узаконися иже отъ Бога
почести святыхъ послѣднему роду писаніемъ
предавати, да не глубиною забвенія по-
крыются святаго добродѣтели, но паче
же разумно словеса сказующе, подобно

676. г. симъ открывати, яко не || утайти пол'зы.
Вѣсть бо добродѣтели словомъ многихъ
умилити, якоже жаломъ душу узавити и
къ Богу чистымъ житіемъ подвигнути: та-
коже и сей приведе къ Богу многихъ душа
чистымъ своимъ и непорочнымъ житіемъ,
преподобный игуменъ отецъ нашъ Сергіе
святый, старецъ чюдный и добродѣтел'ми
всякими украшенъ, тихый и кроткій нравъ
имѣа, и смѣренный и добронравный, привѣт-
ливый и благоувѣтливый, утѣшительный,
сладкогласный и благоподатливый, милости-
вый и добросердѣый, смиреномудрый и це-
ломудренный, благоговѣйный и нищелюб-

ный, страпнолюбный и миролюбный и бо-
голюбивый, иже есть отцемъ отецъ и учи-
телемъ учитель, наказатель вождемъ, пас-
тыремъ пастырь, игуменомъ наставникъ,
мнихомъ началникъ, монастыремъ строи-
тель, постникомъ похвала, молчалникомъ
удобреніе, іереомъ красота, священникомъ
благолѣпіе, сущій вождь и неложный учи-
тель, добрый пастырь, правый учитель,
нелестный наставникъ, умный правитель,
всеблагый наказа|телю, истинный кормь- 677. а.
никъ, богоподатный врачъ, изящный пред-
статель, священный чиститель, начал-
ный общежитель, милостынямъ податель,
трудолюбный подвижникъ, молитвеникъ
крѣпокъ, чистотѣ хранитель, цѣломудріа
образъ, столпъ терпѣнія, иже поживе на
земли ангельскимъ житіемъ и възсія въ
земли Русѣй аки звѣзда пресвѣтлая, иже
за премногую его добродѣтель людямъ на
пользу бысть, многымъ на спасеніе, мно-
гымъ на успѣхъ душевный, многымъ на
потребу, многымъ на устрой, иже бысть
христіанскимъ княземъ великимъ Ру-
скимъ учитель православію, вел'можамъ же
и тысущникомъ и прочимъ старѣйшинамъ
и всему син'глицу и христіанскому всему
воинству еже о благочестіи твердый по-
борникъ, архіепископомъ же і епископомъ
и прочимъ святителемъ и архимандритомъ
благоразумный и душеполезныхъ совоз-
гласникъ и совопросникъ, честнымъ же игу-
меномъ и презвитеромъ прибѣжище, ино-
ческому же чину аки лѣствица възводящая
|| на высоту небесную, сиротамъ аки отецъ 677. б.
милосердъ, вдовицамъ яко заступникъ
теплъ, печальнымъ утѣшеніе, скорбѣющимъ
и сетующимъ радостнотворецъ, ратую-
щимъся и гнѣвающимся миротворецъ, ни-
щимъ же и маломощнымъ с'кровище не-
скудное, убогимъ неимущимъ повседневныя
пища великое утѣшеніе, болящимъ во мно-
зѣхъ недузѣхъ посетитель и изнемогаю-
щимъ укрѣпленіе, малодушнымъ утвер-
женіе, безвременнымъ печальникъ, обиди-
мымъ помощникъ, насильствующимъ и
хищникомъ крѣпокъ обличитель, сущимъ
во плененіи отпущеніе, в' работахъ сущимъ
свободеніе, в' темницахъ въ узахъ дер-

жимыхъ избавленіе, дол'жнымъ искупленіе, всѣмъ просящимъ подааніе, пияницамъ истрезвеніе, гор'деливымъ целомудріе, чужая грабящимъ вѣстиягоушеніе, лихоимцемъ возб'ранникъ, грѣшникомъ кающимъ-ся вѣрный поручитель и всѣмъ притекающимъ к' нему аки ко источнику благопотребну. Бяше же видѣти его хоженіемъ

677. в. и подобіемъ || ангелол'бшыми сѣдинами честна, постомъ украшена, въздер'жаніемъ сіая и братол'біемъ цвѣтый, кротокъ в'зоромъ, тихъ хоженіемъ, умиленъ видѣніемъ, смиренъ сердцемъ, высокъ житіемъ добродѣтел'нымъ, почтенъ Божією благодатію: понеже Бога чтяше, и Богъ почте его и честь многу положи на немъ; онъ Богъ прослави, и Богъ на земли прослави его, іакоже рече Господь въ святомъ Матв. 5, 16. Евангеліи: тако да просвѣтитесь свѣтъ вашъ предъ чловѣки, іако да видятъ дѣла ваша добрая и прославятъ Отца вашего, иже ст. 14. 15. есть на небесехъ. И пакы рече: не укрывается градъ вер'ху горы стоя; ни в'жигаютъ свѣтил'ника и поставляютъ его подъ спудомъ, но на свѣщ'ниці, и прочая. Сего же угодника своего, преподобнаго отца нашего Сергіа, тако Богъ почте и, и тако прослави его, іако да молитвами его мнози отъ болѣзней здрави бываху и мнози отъ недугъ исцеленіе пріаша, мнози отъ бѣсовъ избавишася и отъ многоразличныхъ искушеній очистишася; толико бо Богъ прослави угодника своего не ток'мо в'той странѣ, в'нейже святой живяше, но и во иныхъ градахъ и 677. г. в' даль'нихъ странахъ и въ всѣхъ языцехъ отъ моря и дажде до моря; не ток'мо въ пар'ствующемъ градѣ, но и въ Іерусалимѣ; не ток'мо еднии православніи почюдишася добродѣтел'ному житію преподобнаго, но и невѣрніи мнози удивишася благопробывател'ни жизни его: бяше бо Бога възлюби всѣмъ сердцемъ своимъ, и ближняго своего іако и сам' си, равно бо любяше всѣхъ и всѣмъ добро творяше, и вси ему благодотворяху; и ко всѣмъ любовь творяше, и вси к' нему любовь имяху и добрѣ его почитаху; и мнози к' нему приходяху, не ток'мо ближніи, но издалеча и отъ далнихъ градовъ и странъ, хотяща видѣти и, и слышати слово отъ него

и велику пол'зу и душевное спасеніе пріемлюще отъ поученія и дѣлъ его, учаше бо и творяше, іакоже бо в' Дѣяніихъ святыхъ апостолъ речеса: понеже начатъ Іисусъ тво- Дѣян. 1, 1. рити же и учѣти; иже убо словомъ учаше, тоже и самъ дѣломъ творяше; и не ток'мо отъ поученія пол'зовалася, но и многажды нѣкимъ зрящимъ на нь точію отъ зрѣнія его пріямати пол'зу многымъ; многихъ научи душеполезными словесы и на покааніе къ Богу обрати, и многихъ спасе во иночески образъ облекъ, || паче же ангельскій, и чест- 678. а. нья моцѣ ихъ своимъ руками опрятавъ, погребенію предасть; и многихъ душа къ Богу приведе, и мнозѣ поученіемъ его спасошася и до нынѣ спасаются, не точію иноци, но и простіи, поминающе душеполезная его словеса и ученія; и упасе бо порученое ему отъ Бога стадо свое въ преподобіи и в' правдѣ, образъ во всемъ бывъ своимъ ученикомъ; поживе на земли житіе чисто и непорочно и благоугодно Господеву, еже наченъ отъ юности зѣло, тоже и совер'ши въ старости глубоцѣ, не изменивъ правила своего чернеческаго; въ в'ся дни живота своего никогдаже разлѣнися, ни унывъ, не инако нача и инако кон'ча: но елико убо жестоко и свято нача, толико же изрядно и чудно скон'ча; со благоволеніемъ убо нача, со святынею же совер'ши въ страстѣ Божіи: за- Прятч. 1, 7. неже вѣру и упованіе и любовь преизлише приобрѣте, тѣмъже благочестивѣ нача и благочестно поживе и свято сверыши; рав'но теченіе скон'ча, вѣру соблюде, и вѣнецъ праведный получи и мзду вѣрну воспріять трудовъ ради исправленій своихъ, || имиже 678. б. подвижася на земли, подвигъ многъ совер'шивъ, и трудъ великъ подыять, и тяготу вара дневнаго понесъ, и зной полуденный доблественный въспрять, и студень зимную вел'ми пострада, и мразы лютыя и нестер'пимыя претер'пѣ имени ради Божіа; и того ради нынѣ воспріять мзду совер'шену и велию милость. Что же много глаголю и глаголя не престаю, умножая рѣчи, распростирая глаголы, и продол'жаю слово, не могый по достоанію написати житія добраго господина и святаго стар'ца, не могый по

подобію нарещи или похвалити достойно? Но обаче прочая его добродѣтели инде скажемъ и многая его исправленія инде повѣмъ, и похвалу его изложимъ, аще Богъ вразумитъ и силу подастъ молитвами святаго старца; нынѣ же нѣсть вѣремя за оскудѣніе разума и за мѣдленіе ума моего. Сіа же подробну писахъ не къ тѣмъ, иже извѣсто свѣдущимъ и добрѣ знающимъ благочестно житіе его: ти бо не требуютъ сего възвѣщенія; но понудихъся възвѣстити сіа и възпоманути новороженнымъ

678. в. людемъ и младоумнымъ || отрочатемъ и дѣтскій смыслъ имущимъ, да и ти нѣкогда възрастутъ, и възможаютъ, и преуспѣютъ, и достигнуть вѣ мѣру версты исполненія мужества, и достигнуть вѣ разумъ совершенъ, и другъ друга въспросятъ о семъ, и почетше разумѣютъ и инымъ возвѣстятъ, іакоже въ святѣмъ писаніи ре-

Второз 32, 7. чesя: вопросы, рече, отца твоего, и възвѣститъ тебѣ, старца твоя, и рекутъ тебѣ;

Исаа 77, 3—6. елико видѣша и слышаша и разумѣша отци наши, повѣдаша намъ, да не утаится отъ чадъ ихъ в родъ инъ сказати а сыновомъ своимъ, да познаетъ родъ инъ, сынове родящеися, да встанутъ и повѣдаютъ а сыновомъ своимъ, и не забудутъ дѣлъ Божіихъ. Елицы бо ихъ быша великому тому и святому старцю самовидци же и слугы, ученици же и таибици, паче же и послушници, иже своима очима видѣвша его, и уши ихъ слышаша и, и руци ихъ осязаста и, іадоша же и пиша с нимъ, иже ученія его насытися и добродѣтели его насладишася, то ти не требуютъ сего худаго нашего писмянѣ, доволни бо суще и иныхъ научити, паче

678. г. же || и мене самого наказати и извѣстити и наставити на путь правый; а елицихъ еже быти нынѣ начинаютъ, іакоже предиречеса, иже не видѣша ни разумѣша его, и всѣмъ сущимъ, наипаче же новоначальнымъ зило прилична и угодна суть, да незабвено будетъ житіе святаго, тихое и кроткое и незлобивое, да не забвено будетъ житіе его чистое и непорочное и безмятежное, да не забвено будетъ житіе его добродѣтельное и чюдное и пресияющее, да не забвены будутъ добродѣтели его многыя и великая ис-

правленія, да не забвены будутъ благыя обычаи и добронравныя образы, да не будутъ бес памяти сладкая его словеса и любезныя его глаголы, да не останеть бес памяти таковое удивленіе, иже на немъ удивилъ Богъ милость свою и дарова намъ видѣти такова мужа свята, велика старца, иже бысть во дни наша. О възлюбленіи! възсхотѣхъ умолчати многыя его добродѣтели, іакоже предрекохъ, но обаче вѣнутри желаніе нудитъ мя глаголати, а недостойнство мое запрещаетъ ми молчати; помысль болѣзненный предваряетъ, || веля ми глаголати, 679. а.

скудость же ума заграждають ми уста, веляще ми умолкнути. И понеже бо обдержимъ есмь и побѣждаемъ обѣма нуждама, но обаче лучше ми есть глаголати, да прииму поне малу нѣкую ослабу и почію отъ многыхъ помыслъ, смущающихъ мя, възсхотѣвъ нѣчто отъ житія святаго повѣдати, сирѣчь отъ многа мало; и вѣземъ, написахъ и положихъ здѣ в худѣмъ нашемъ гранесловіи, на славу и честь святѣй и Живоначальнѣй Троицы и пречистѣй его Матери, и на похвалу преподобному отцю нашему Сергію, худымъ своимъ разумомъ и растлѣннымъ умомъ; наипаче же усумнихъся дерзая, но надѣяхъся на молитву блаженнаго, понеже житіе его добродѣтельно есть и свершено и отъ Бога прославленъ бысть; азъ же убоихся, іако немощенъ есмь, грубъ же и умовреденъ сый; но обаче подробну глаголю, невѣзможно бо есть постигнути до конечнаго исповѣданія, іакоже бы кто могъ исповѣдати довольно о преподобіемъ семъ и отцы нашемъ и великомъ старци, иже бысть во дни наша и времена и лѣта, и въ странѣ и въ языцѣ || нашемъ поживе 679. б. на земли ангельскимъ житіемъ, стяжа терпѣніе крѣпко и въздержаніе твердо, и въ дѣвствѣ и чистотѣ и целомудріи, свершивъ святыню во страсть Божію, и сподобленъ бысть божественныя благодати: понеже отъ юности очистися церкви быти Святаго Духа и преуготова себѣ сосудъ святъ і избранъ, да вселится Богъ в оны, по апостолу глаголющую: братіе, вы есте церкѣви Бога 2 Кор. 6, 16. живаго, іакоже рече Богъ: вселюся в ѣня и похожу. Сій убо преподобный отецъ нашъ

Сергіе из дѣтска възраста и отъ юны версты и отъ младыхъ ноготь предастся Богу, и отъ самыхъ пелень Богу освятися, и измлада церкви велми предстояше, и часто в'ню ходя, поучаяся въ святыхъ книгахъ, навѣкъ божественая писанія и сладостно ихъ послушая и в нихъ всегда поучашеся,

Исая. 1, 2. 3. ѿкоже пророкъ Давидъ рече: поучится день и нощь, и будетъ ѿко древо саженно пріисходищихъ водъ, иже плодъ свой дастъ во в'ремя свое; измлада бо възлюби мнишескій чинъ и в онъ оболкъся, измлада во всякой добродѣтели прилѣжно постився и всяку добродѣтель иноческаго житія исправи, и

679. в. свѣтъ благодатный || възсія в'сердци его, и просвѣтися помысль его благодатию духовною, еуже предпѣаше в'житіи добродѣтельнемъ, и въздержаніе веліе стяжа в'себѣ, смиренномудріе, целомудріе и ко всѣмъ любовь нелицемѣрну. Слава же и слышаніе пронесся о немъ повсюду, и вси слышащеі издавеча притекааху к нему, и великъ успѣхъ и многу пользу и спасение приимаху отъ него: дастъ бо ему Господь разумъ о всемъ и слово утѣшенія даровася ему, могый утѣшити печальныя. Сице же бѣ тѣшаніе его, да не прилпеть умъ его никакъхъже вещей земныхъ и житійскихъ печалехъ, и ничтоже не стяжа себѣ притяжанія на земли, ни имѣнія отъ тлѣннаго богатства, ни злата, ни сребра, ни с'кровища, ни храмовъ свѣтлыхъ и превысокихъ, ни домовъ, ни селъ красныхъ, ни ризъ многоцѣнныхъ, но сице стяжа себѣ паче всѣхъ истинное нестяжаніе и безымѣнство, и богатство нищету духовную, смиреніе безмѣрное и любовь нелицемѣрную, равну ко всѣмъ человѣкомъ, и всѣхъ в'купѣ равно любляше и равнѣо чтише, не избирая, ни

679. г. судя, ни зря на || лица человѣкомъ и ни на коготоже възносился, ни осужаа, ни клеветша, ни гнѣвомъ, ни яростию, ни жестостию, ни лютостію, ниже злобы дер'жа на кого; но

Колос. 4, 6. бѣше слово его благодати солю растворено, со сладостию и с любовью. К'то бо слыша добрый его и сладкій отвѣтъ, не насладися когда отъ сладости словесъ его? или кто зря на лице его, не веселяшеся? или кто видя святое его житіе, не покася? или кто видя кро-

тость его и незлобіе, и не умилися? или кто сребролюбець бысть, видя его нищету духовную, и не подивися? или к'то похищникъ и гордостію превъзносился, видя его высокое смиреніе, и не почудися? или кто блудникъ бысть, видя чистоту его, и не пременился отъ блуда? или кто гнѣвливъ и напасень бесѣдуя с нимъ на кротость не предложися? Нѣсмь бо азъ видѣлъ во дни сіа и в нынѣшняя времена и в наша лѣта сицева мужа свята и совершена во всяко дѣло благо и украшена всякою добродѣтелію всячески, ѿкоже отъ прочихъ святыхъ, иже кто възлюбленъ есть отъ Бога, ѿкоже сей преподобный Сергіе: сей ми есть и пръвый и послѣдній в'пынешняя || в'реме- 680. а. на; сего Богъ проявилъ есть в'послѣдняя времена на скончаніе вѣка и послѣднему роду нашему; сего Богъ прославилъ есть в'Руской земли на скончаніе седмыя тысяща; сей убо преподобный отецъ нашъ провъсіялъ есть во странѣ Русѣй, ѿко свѣтило пресвѣтлос възсія посреди тмы и мрака, и ѿко цвѣтъ прекрасный посреди тернія и волчещъ, і ѿко звѣзда незаходямая, и ѿко луча тайно сіающа и блистающа, и ѿко кринъ въ юдоли мирскихъ, и ѿко кадило благоуханное, ѿко ѿблоко добровонное, ѿко шипокъ благоуханный, и ѿко злато посреди бернія, и ѿко сребро раждено і искушено и очищено седморицею, и ѿко камень честный, ѿко бисеръ многоцѣнный, ѿко измарагдъ и самфиръ пресвѣтлый, ѿко финикъ процвѣте и ѿко кипарисъ при водахъ, ѿко кедръ иже в Ливанѣ, ѿко маслина плодovitа, ѿко раматы благоуханія, ѿко миро изліанное, ѿко садъ благоцвѣтущъ, и ѿко виноградъ плодоносень, и ѿко гроздъ многоплоденъ, и ѿко оградъ заключень, и ѿко вертоградъ затворень, ѿко сладкій запечатлѣнный источникъ, || ѿко сосудъ избранъ, ѿко алавастръ 680. б. муръ многоцѣннаго, ѿко градъ нерушимъ, и ѿко стѣна неподвижима, и ѿко забрала тверда, и ѿко сынъ крѣпокъ и вѣренъ, и ѿко основаніе церковное, ѿко столпъ непоколебимъ, ѿко вѣнецъ пресвѣтлый, ѿко корабль і исполнь богатства духовнаго, ѿко земный ангель, ѿко небесный чловѣкъ.

Успе же старецъ о Господѣ въ старости
глубоцѣ, добрѣ поживѣ, въ преподобіи и
правдѣ и целомудріи, въ смиренномудріи,
въ всякой чистотѣ и святости, исполнѣ днѣи
духовныхъ; и преставися отъ житія сего
лѣтъъ седмидесять, чернечествова же лѣтъъ
50, съ всякимъ прилежаніемъ и въздер'жаніемъ,
не лѣнностію когда с'дер'жимъ, но с
бодростію и со мнозѣмъ трезвѣніемъ, и
всѣхъ инокъ предуслѣ въ родѣ нашемъ тру-
ды своими и терпѣніемъ, и многихъ превъ-
зыде добродѣтел'ми і исправленіи своими.
Что же наше житіе или что наше пребы-
ваніе противу святаго подвигомъ и прочимъ
добродѣтелямъ? ничтоже есть наше черне-
чество, и наша молитва іако стѣнь есть; и
колько растоаніе имать востокъ отъ западъ,
680. в. сиче намъ есть || неудобъ постигнути житія
блаженнаго и предивнаго мужа. Се ти
есть житіе его и сичевы труды его и ис-
правленія и подвизи и потове и мнози бо-
лѣзни, еже отъ многа нѣчто понудихомъ ся,
аще и не по чину положихомъ, ни по досто-
анію написахомъ. Ігда же прислѣ время
преставленія его, заповѣда ученикомъ сво-
имъ и не повелѣ имъ въ церкви положити-
ся, но въ новѣ церкви тако просто повелѣ
погребѣтися с' прочими братіями. Братія
же слышавъше сіа отъ святаго, зѣло скоръ-
бни быша и о семъ въспросиша пресвятѣй-
шаго архієпископа. Тогда же бѣ въ пре-
славнемъ и преславушемъ гради великомъ
Моск'вѣ украшааи престолъ пресвятыя и
преславныя Владычица наша и Богородица
преосвященный Кипріанъ митрополитъ; по-
разсмотривъ и порас'судивъ въ себѣ, како и
гдѣ погребетъ ся блаженный, и благослові и
повелѣ имъ положити его въ церкви на пра-
вой странѣ, еже и бысть: положено бысть
тѣло преподобнаго въ церкви, юже самъ
созда, и възд'виже, и устрои, и соверши, и
украсі ю всякою подобною красотою; и на-
рече сію быти во имя святаго и Живоначалъ-
680. г. нья и нераздѣл'ныя и единосущныя Трои-
ца, во честнѣмъ его монастыри и пресло-
вущей лав'рѣ и велицей оградѣ и въ слав-
нѣи обители, юже самъ согради, и совокупи
и устрои; идѣже братію собра, словесное
стадо Христово; и спасеную паству упасея

въ незлобіи сердца своего, и вразуми, и на-
стави; идѣже и самъ одѣанъ бысть во ино-
ческий образъ, паче же ангельскій, и мно-
гы т'мами темъ труды положи, и неисчет-
ныя подвигы показа; идѣже непрестан'ныя
молитвы сотвори; идеже повседньев'ныя и
нощныя пѣнія и благодаренія славослов'ля-
ше и Бога воспѣваше; идеже многолѣтное
и многотрадал'ное теченіе свое препроводи
и укрѣпи, не исходя отнудъ отъ мѣста сво-
его въ иныя предѣлы, развѣ нужда нѣкая;
не в'зыска царствующаго града, ни Свѣтыя
горы или Іерусалима, іакоже азъ окаанный
и лишенный разума; у, лютѣ м'нѣ, увы мнѣ!
пользая сѣмо и овамо, и преплываа сюду и
овоюду, и отъ мѣста на мѣсто прехождая; но
не хождаше тако преподобный, но въ мол'-
чаніи добрѣ сѣдяше и себѣ внимаше; ни по
многымъ мѣстомъ, ни по дал'нимъ странамъ
хождааше, но || во единомъ мѣстѣ живяше 681. а.
и Бога воспѣваше: не искаше бо суетныхъ
сиротив'ныхъ вещей, еже не требѣ ему
бысть, но паче всего в'зыска единого истин'-
наго Бога, иже чимъ есть душа спасти.
еже и бысть: ищите бо, рече, и обрящете, Матѣ. 7, 7. 8.
тол'кущему отверзается. Кто бо чинѣ
такъ в'зыска Бога всѣмъ сердцемъ и отъ
всѣя душа възлюби, іакоже сей преподоб-
ный отьць нашъ, іакоже пророкъ рече:
всѣмъ сердцемъ моимъ в'зыска тебе; и Псал. 118, 10.
наки: в'зыскахъ Господа, и услыша мя. Въ 33. 5.
время же преставленія его собрася множе-
ство народа отъ градъ и отъ странъ мно-
гихъ, койждо желаше со многымъ жела-
ніемъ приблизитися и прикоснутися чест-
нѣмъ телесѣ его, или что в'зяти отъ ризъ
его на благословеніе себѣ. Поболѣвъ убо
старецъ нѣсколько в'ремя, и тако преста-
вися ко Господу, к' вѣчнымъ обителемъ,
из'сушивъ тѣло свое постомъ и молитвами,
истон'чивъ тѣло; и умертвивъ уды сущая
на земли, страсти телесныя покори духови,
побѣдивъ в'реды душевныя, поправъ сласти
житейскія, отвергъ зем'наго попеченія,
одолѣвъ страстнымъ стремленіемъ, пре-
зрѣвъ ми||рскую красоту, злато и серебро 681. б.
и прочая имѣнія прелестная свѣта сего
іако худая в'мѣнивъ и презрѣвъ, и лег'цѣ
преплувъ многотутное житейское море и

безъ вреда препроводи душевный корабль, исполнь богатства духовнаго, беспакостно дойде в' тихое пристанище, и достиже, и крилома духов'ныма воск'рился на высоту разумную, и венцемъ бестрастїа украсися, претавися къ Господу и прииде отъ смерти в' животъ, отъ труда в' покой и отъ печали в' радость, отъ подвига въ утѣшеніе, отъ скор'би в' веселіе, отъ суетнаго житїа в' вѣчную жизнь, отъ маловремен'наго вѣка в' вѣки бесконечныя, отъ тля в' нетлѣніе, отъ силы в' силу, отъ славы въ славу. И вси обрѣт'шеися пришедшей ту плакахуся его; князи и бояре и прочїи вел'можи, и честнѣи игумены, попы же и диаконы, и инокъ множество и прочїи народи, со свѣщамы и кандилы проводиша честно священныя его и страсотерп'ческыя мощи, пѣв'ше надъ нимъ обычная пѣнія, и благодарив'ше надгробныя пѣсни, и довол'но положиша и въ гробѣ, ꙗкоже прежде речеся; и на многъ часъ плакав'ше надъ нимъ довол'но, едва разыдошася въ своя, многа плача и печали напол'нишася. Наипаче непрестан'ныхъ слезъ, иже ему бѣша приснїи ученици и любимїи послушники в' паствѣ его живущей зило вси скорб'ни быша и хождяху сѣтующе, и въздыхающе, и рыдающе, стелюще, смиренни, слезни, дряхли, печал'ни, умиленни, поникли, не имуще утѣшенїа; и другъ друга сретающе и въпрашающе и со многими слезами умилено глаголаху: прости, отче, и благослови, възлюблен'ный о Христѣ брате! се добрый и блаженный нашъ старецъ отъ насъ ко Господу отъиде, и насъ сырыхъ оставивъ, изыде тамо, идеже есть мзда велиа и възданіе по дѣломъ его и многымъ трудомъ его; изыде с миромъ ко Господу, егоже възлюби измлада; успе сномъ вѣчнымъ и должнымъ и почи о Господи в'покой вѣчный, ток'мо насъ сырыхъ оставль; тѣмъ нынѣ и мы по немъ жадаемъ и плачемся, ꙗко остахомъ его и обнищали зѣло, ꙗко осирѣхомъ и умалихомъ ся, ꙗко смирѣхомъ ся и уничижихомъ ся, ꙗко оскорб'ихомъ ся и оубожихомъ ся, изумлени быхомъ ꙗко стадо беспастыря и корабль бес кормника, ꙗко ви-

ноградъ многоплодный бес стража и болящїй безъ в'рача; быхомъ смущени и отвер'жени. Сїа таковая и подобная симъ, по немъ скор'бяще и плачуще, глаголаху. Мнози же убо елици к нему вѣру и любовь имуще не ток'мо в' животѣ, но и по смерти, ко гробу его присно приходяще, и со страхомъ притекающе, и вѣрою приступающе, и любовію припадающе, и съ умиленіемъ приничюще, и руками объемлюще, святолѣпно и благоговѣйно осязающе, очима и главами своими прикасающесе, и любезно целующе мощи его, и устнами чистыми лабызающе, и вѣрою теплою и горящимъ желаніемъ и многою любовію бесѣдующе к нему, аки живу, по истинѣ и по успенїи живому, и со слезами глаголюще к нему: о святче Божїй и угодниче Спасовъ! о преподобниче и избран'ниче Христовъ! о священная главо, преблажен'ный ав'ва Сергіе великій! не забуди насъ, твоихъ рабъ убогихъ, не забуди насъ нищихъ || своихъ до конца; но поминай насъ 682. а. всегда во святыхъ своихъ и благопрїятныхъ молитвахъ ко Господу; помини стадо свое, ꙗже самъ паствилъ еси, и не забуди присѣщати чадъ своихъ; моли за ны, отче священ'ный, за дѣти своя духовныя, ꙗко имѣя дерзновение къ небесному Царю, и не премолчи въѣя за ны къ Господу, и не презри вѣрою и любовію чтущихъ тя; помини насъ недостойныхъ у престола Вседер'жителява; не претай моляся о насъ къ Христу Богу, тебѣ бо дана бысть благодать за ны молитися; не мнимъ бо тя мертва суща, аще и тѣломъ претавися отъ насъ, но не отступи отъ насъ духомъ, пастуше нашъ добрый; се бо мощей твоихъ гробъ предъ очима нашими видимъ есть всегда, но святая твоя душа невидимо со ангельскими воинствы, со бесплотными лики, со небесными силами у престола Вседер'жителява и в'лѣпоту достойно веселится; намъ бо суще свѣдущимъ тя, ꙗко живу ти и по смерти сущу, тако бо писано есть пророкомъ: душа праведныхъ в' Прем. 3, 1. 4-6 руцѣ Божїи и не прикоснется ихъ мука; упование ихъ исполнь бесмертїа, ꙗко Богъ искусі а, и обрѣте ихъ достойны себѣ; ꙗко злато искусі а, и ꙗко || всесож'женїа прїать 682. 6. ꙗ; ꙗко благодать и милость во избранныхъ ст. 9.

Прем. 5, 15. его и посѣщеніе на преподобныхъ его. Праведники бо, рече, въ вѣки живутъ, мзда ихъ отъ Господа и строеніе ихъ отъ Вышняго; сего ради пріимуть царствіе красоты
Притч. 10, 7. 6. и вѣнецъ доброты отъ руки Господня. Память праведнаго с похвалами бываетъ и благословеніе Господне надъ главою праведнаго; аще и преставится праведный, в покоемъ будетъ; старость бо честна не многолѣтна, ни в числѣ лѣтъ изочтена суть; сѣдины же суть разумъ челоукомъ, лѣта же старости житіе несквернено. Угоденъ Богу бывъ и възлюбленъ бывъ, живый посреди грѣшниковъ преставленъ бысть, да не злоба измѣнить разума его и лести да не помрачить душу его; скончався в малѣ, исполни лѣта многа: угодна бо бѣ Господеву душа его. Того ради любить Господь праведника, сохранить и, живить и, и ублажить его на земли, и не дастъ въ вѣки смятенія правед-
Псал. 15, 10. нику, ниже дастъ видѣти истлѣнія преподобному своему; яко высокъ Господь на 112, 4. 6. смиренныя призирать, и приемля кроткыя 682. в. Господь, и близъ есть всѣмъ призывающимъ его истинною; волю боищихся его сотворить и молитву ихъ услышитъ и спасетъ. 8. сечь я; хранить. Господь вся любящая его;
Притч. 22, 12. любить Господь преподобныхъ сердца, пріяти же ему вси непорочны в путь; хранить
Псал. 33, 21. Господь вся кости ихъ и ни едина отъ нихъ
Притч. 29, 2. не сокрушится; похваляему убо праведнику
Псал. 127, 5. възвеселятся людие. Се тако благословится 90, 1. челоукъ боится Господа, и иже живый в помощи Вышняго въ кровѣ Бога небеснаго 91, 13. 14. въдворится; насажденъ в домѣ Господни, въ дворѣхъ дому Бога нашего процвѣтетъ и яко кедръ, иже в Ливанѣ, умножится. Си 149, 9. есть слава церковная, слава си есть всѣмъ 32, 1. преподобнымъ его. Радуйтесь праведны о Господѣ, праведнымъ подобаетъ похвала. 111, 6. 2. В память вѣчную будетъ праведникъ и родъ 138, 17. праведнымъ благословится. Мнѣ же зѣло честна быша друзи твои Боже, зило утвердишася владычествія ихъ, такоже рече Псал. 4, 4. вель апостолъ: братіе, радуйтесь о Господѣ, и паки, рече, радуйтесь. И рече прам. 114, 5-8. ведникъ: понеже убо смирихся и спасе мя Господь; сего ради обратися душа моя в покой твой, яко добро створи тебѣ Господь,

яко изыть душу мою отъ смерти, очи мои || отъ слезъ, нозѣ мои отъ възсползнове- 682. г. нія; угодихъ предъ Господемъ въ странѣ живущихъ. Се покой мой въ вѣкъ вѣка, Псал. 131, 14. зде вселюся; изволихъ преметатися в домѣ 83, 11. Бога моего паче, неже жити ми в селехъ грѣшниковъ. Когда пріиду и явлюся лицу 41, 3. 5. Божію, въ гласѣ радованія и исповѣданія шума празнующаго? Тѣмъ же не умру, но 117, 17—19. живъ буду и исповѣмъ дѣла Господня; показуя наказа мя Господь, смерти же не предасть мене: Отверзете мнѣ врата правды, и вшедъ в нѣ исповѣмся Господеву, глаголю: Господи Боже силъ! коль възлюбленъ 83, 1. 2. селя твоя, Господи; желаетъ душа моя скончати въ дворы твоя, яко лучши есть день ст. 11. единый въ дворѣхъ, паче тысящъ; и яко тысяща лѣтъ предъ очима твоима, Господи, 89, 5. яко день вчерашній, иже мимоидеть; и яко желаетъ елень на источники водныя, тако 41, 2. въжада душа моя къ тебѣ, Боже; яко веѣмъ есть веселящимся жилище у тебе и источникъ 87, 7. 35, 10. животоу. Блаженъ живущій в домѣ 83, 5. твоємъ, въ вѣкъ вѣка възхвалятъ ти. Бла- Матт. 5, 5. жени кротцы, яко тѣи наслѣдять землю и 683. а. обладаютъ ею. Иавѣ, яко праведники и кротцы и смиренны сердцемъ, тѣ наслѣдять землю тиху и безмолвну, веселящую всегда и наслажающую не токмо телеса, но и самую душу неизреченнаго веселія непрестанно исполняюще, и на ней веселятся въ вѣкъ вѣка. Тако и сей преподобный отецъ нашъ Сергіе того ради вся красная мира сего презри и сіа възжелѣ и сию прилѣжно възыска, землю кротку и безмолвну, землю тиху и безмятежну, землю красну и всякого исполнь утѣшенія, такоже сама истинна рече въ святомъ евангеліи: толцай отверзетъ себѣ, и ищай обрѣте безцѣнный бисеръ, рекше Господа нашего Іисуса Христа и царство небесное отъ него възпріять, егоже буди всѣмъ намъ получитьи благодатию Господа нашего Іисуса Христа, емуже подобаетъ всяка слава, честь и поклоніе съ безначальнымъ его Отцемъ и пресвятымъ и благымъ и животворящимъ его Духомъ, нынѣ и присно и в вѣки вѣкомъ. Аминь.